



12/87

Mr. D. S. C. III

Medicine

Med. D. C. P. M.

10805/B/1



10 B 14


2,222

Martin.

N. 12.

N. 5.

157
4/11/05



Digitized by the Internet Archive
in 2018 with funding from
Wellcome Library

https://archive.org/details/b30524143_0002

PROSPERI ALPINI,
MAROSTICENSIS,
PHILOSOPHI, MEDICI,

In celeberrimo Lyceo Patavino Pharmaciae Professoris
Ordinarii, Hortique Medici Præfecti,

RERUM ÆGYPTIARUM

LIBRI QUATUOR.

OPUS POSTUMUM

nunc primum

Ex auctoris Autographo, diligentissime recognito, editum; at-
que ex eodem Tabellis Æneis XXV. illustratum
& uberrimo Indice auctum.



LUGDUNI BATAVORUM,
Apud GERARDUM POTVLIIET,
MDCCLXXXV.

21222





JOANNI EMO,

Patritio Veneto, Ædis Divi Marci

Procuratori, Bartholomæus

Sellari

S. D.



*um sæpe cogitarem, Senator Præ-
stantissime, qua ratione quod ex-
optabam votis omnibus possem effice-
re, ut publica aliqua significatione
meam in Te summam observantiam
& Tibi, & omnibus notam facerem,
videremque non eam esse in me fa-
cultatem, ut aliquid ipse proferre possem, quod
Nomi-*

DEDICATIO.

Nomini Tuo dicatum testatam faceret hanc meam in Te voluntatem, præsertim cum mea me vitæ ratio ab ineunte prope ætate suscepta alio avocasset; dolebam acriter vicem meam, quærebamque assidue qui mihi facem præferret, & viam aliquam commonstraret, qua ad id, quod tantopere cupiebam, aliquando pervenirem. Ecce autem dum persto propositi tenax, occasio oblata mihi benignitate Viri inter Patavinos non solum genere, sed etiam litteratura nobilis, Ludovici Campolongi, qui cum plurima præstiterit mihi, & adhuc præstet singularis humanitatis officia, etiam illud addidit, ut copiam faceret Bibliothecæ suæ; in qua magna cum voluptate frequenter versatus; inter alios egregios Codices, Opus Manuscriptum animadverti de rebus Ægyptiis a Prospero Alpino compactum, Philosopho ac Medico magni nominis, in Gymnasio Patavino olim Pharmaciæ Professore, Hortique Medici Præfecto; quod cum semel iterum ac sæpius libentissime perlegissem, dignissimum visum est quod e tenebris erutum lucem aspiceret; propterea quod & utilissima multa contineat & jucundissima.

Agit enim de victus ratione Ægyptiorum, eorumque balneis, exercitationibus, cibo, potu, temperamento atque habitu, morbis quibus conflantur, medicamentis quibus utuntur: Salem exhibet Ægypti-

DEDICATIO.

ptiacum, atque nitrum, chalcanthum, alumen, lapides, plantas, radices, frutices, arbores; de quadrupedibus, piscibus, insectis Ægypti sermonem instituit: Ægyptum insuper describit doctissimorum virorum monumentis adeo celebrem, urbesque præcipuas regionis illius, quas ipse obivit, pyramides ejus, sepulchra, regimen, opes, ludos, populorum mores, ac religionem: Nili præterea fluminis incrementum, dimensionem, incisionem ad agros irrigandos ob oculos ponit, aliaque pertractat, quæ mirum quantum prodesse possint, & inquirentibus eruditionem, & Medicinam facientibus.

Hæc itaque mente reputans enixe rogavi, perpulque Virum cætera comem, deque litterarum gloria apprime sollicitum, ut, quando posset litterariam Rempublicam locupletare, quæ tanto bono careret, hanc mihi veniam daret, ut Codicem Alpini publici juris facerem. Cum impetrassem, nullam moram interposui quin statim opus eximium typis committerem. Id autem eo feci libentius quod mearum partium semper esse duxi, qui Cancellarii munere jam diu fungor in Lyceo Patavino, ea omnia diligenter curare, atque colligere, quæ ad ejus splendorem, famam, existimationemque quocumque modo pertinerent. Quod & feci antea pro virili, cum in moribus legibusque ejusdem colligendis, ac recensendis diu multumque desudavi, cum Profes-

* 2

so-

DEDICATIO.

forum seriem indagavi, ac monumenta perlustravi, & faciam in posterum quanta maxima potero sedulitate, dum vivam, dum ætas valetudo viresque permittent. Quæ me causæ impulerint, ut librum viri Clarissimi ante hac nunquam editum evulgarem, exposui: quæ vero moverint ut Te Auspicem appellarem, multæ sunt, magnique momenti; quas persequi singulas necesse non est, ut pote minime obscuras. Movit inprimis longe lateque diffusa Nominis Tui amplitudo, quæ exterarum quoque barbararumque gentes implevit; quas cum adiisses lectus ab immortalis Republica, ut Venetam Majestatem pro dignitate sustineres, tanta prudentia & maturitate, tanta fide & integritate, tanta eloquentia & dicendi vi sustinuisti, ut non solum cumulate satisfeceris Patribus Sapientissimis, quibus nihil probatur nisi singulare, sed etiam nationes illas nihil alioqui præter se suaque extollentes, in admirationem pertraxeris. Non ignota loquor, sed omnibus manifesta, & consilii orbis terrarum sapientissimi judicio gravissimo comprobata, a quo virtutis tuæ præmium consecutus es, in Amplissimum Aedis Divi Marci Procuratorum Collegium honorificentissimo decreto cooptatus. Movit etiam incredibilis illa bonitas naturæ tuæ, qua in alto licet Fastigio collocatus, neminem soles à te rejicere, omnibus præsto es, omnibus benefacis. Qua factum est, ut cum Te potissimum Patronum habere cupe-

rem,

D E D I C A T I O.

rem, cujus se præsidio, & auctoritate tueretur Auctor jam inde ab initio præteriti seculi fato functus, quantum mihi timoris incutiebat Magnitudo tua, ne ad Te accedere auderem, tantum mihi adderet animorum perspecta palam incomparabilis humanitas tua, ne hastas abjicerem, deque bono exitu desperarem: præsertim cum universorum testimonio scirem, Te & litteris probe excultum esse, omnigenaque eruditione instructum, qua emines inter Reipublicæ Proceres, & non modo litteras admare, sed etiam earum cultores impense fovere, atque, omni ope juvare: quem si boni superi studiorum Moderatorem Gymnasio Patavino aliquando dabunt, præclare secum actum judicabunt, reque ipsa sentient qui se litteris abdiderunt, honestissimæque huic palestræ operam navant. Ita enim mihi persuadebam, fieri nullo modo posse, ut qui optimis disciplinis à prima ætate imbutus fuisses, qui flagrares immensa cupiditate discendi, qui longe a Patria maria terrasque emensus multa notasses, Prosperum Alpinum non benignissime exciperes, natum educatumque in sinu felicissimæ Venetorum Reipublicæ, a Principibus expetitur, Medicinam profectum tanta cum laude in ipsa Alma Urbe Venetiarum, mox datum ab Augusto Senatu Gymnasio atque Horto Patavino ejusdem Scientiæ Præceptorem, illum inquam Alpinum, qui eorum quæ scripta reliquit ad memoriam sui nominis sempiternam,

DEDICATIO.

nam, ad utilitatem Reipublicæ litterariæ, ad fructum uberrimum studiosorum, pleraque non ab aliis tradita accepit, sed præsens ipse vidit, præsens observavit, præsens scrutatus est; quæ autem præsens non vidit, a viris hausit peritissimis, ac fide dignis, qui longo temporis tractu iis in locis versati, atque in hoc unum intenti ea detexerunt. Quod si rem altius repetere velimus, & tempora jam pridem elapsa percurrere, alia occurret peculiaris ratio, eaque gravissima, cur opus hoc Tibi præcipue debeat, tuumque proinde sit; quodque necessario consequitur, non modo Auctorem, sed etiam Editorem in tuam tutelam recipias. Cum enim ex ea Familia ortum habueris habita inter Nobilissimas, ex qua cumplures exiere qui Venetum Nomen rebus præclare gestis domi, forisque illustrarunt, inter quos (ut de aliis taceam, quos nimis longum esset enumerare) is, qui Tibi in eadem Dignitate raro exemplo successit, Angelus, Frater tuus, Byzantium missus turbulentissimis, quæ adhuc durant, illius Imperii temporibus, eadem qua Tu gessisti, sapientia, & dexteritate traditam Sibi difficillimam Provinciam administrat: tum ille prodiit perenni memoria dignus Georgius E-mus, qui, cum centum & quinquaginta ab hinc annis in Ægyptum profectus esset, functurus ibi pro Veneta Republica Consulis munere, hunc ipsum Alpinum quem nunc Tibi sisto tanti fecit,
ut

DEDICATIO.

ut eum comitem sibi sumpserit; quocum toto illo tempore splendidissimæ Procurationis suæ conjunctissime vixit, quem deinceps protexit semper validissimo Patrocinio suo. De quo Viro illud hoc loco nequaquam silentio præterire possum, quod idem Alpinus hoc eodem in Opere de illo narrat, tantum illius sapientiæ famam, tantum auctoritatem apud Ægypti Dynastas valuisse, ut cum Hebraimus Bassa, qui tum Ægyptum cum Pro-regis potestate gubernabat, maximam, speciosissimamque Pyramidem evertere avaritiæ causa statuisset, quod ibi ingentem auri vim defossam latere arbitraretur, sententiam mutavit mirifica Georgii facundia permotus, qui, quantum periculi Cairo, urbi propinquæ, totius Ægypti facile principi, imineret, si ea moles indito atque accenso tormentario pulvere disjiceretur, apertissime ostendit. Sed quoniam omnem instituti mei rationem Tibi aperui, reliquum nunc est, ut Te etiam atque etiam obtester: primum quidem ut consilium hoc meum æqui bonique facias; deinde, quandoquidem Auctorem satis Tibi commendat Opus ipsum, respectusque insuper Georgii tui, me, qui etsi nihil habeo quo me commendem, studio tamen, & obsequio erga Te nemini concedo, ne ea spe frustrari patiaris quam cepi, Te mihi propitium futurum vel propter hoc ipsum, quod Majorum tuorum beneficentiam in suos imitari consuevisti. Fac ergo excelsa ista indole

DEDICATIO.

dole tua, & fave clienti addictissimo, votique compotem redde. Ita & beabis cupientem vivere in Tutela, & sub Auspiciis tuis, & ad alia conanda addes stimulos prosecuturo beneficia tua memoria sempiterna.

Patavii VIII. Calend. Maji MDCCXXXV.



PROSPER ALPINUS

BENEVOLO LECTORI.

Cum ego olim magna cupiditate in Ægyptum profectus medicinæ causa, scilicet ad Venetæ Nationis Illustrissimæ valetudinem, publico stipendio per aliquot annos ibi moratus, amplissimam maximeque percelebrem urbem ab Ægyptiis Masvè, & a nostris Cairum vocatam assidue habitaverim, per illud tempus perlustratis sæpius illius Provinciæ urbibus, oppidis, villis, fluminibus, lacubus, agrisque; illud unum mihi evenisse gaudeo; quod ingenue dicam, & fatebor: eam moram plurimis de causis mihi acceptissimam, maximæque voluptati semper extitisse, quod ea occasione facile Ægyptium Regnum, ab omnibus gentibus olim tam miris laudibus haud immerito concelebratum, & videre & cognoscere potuerim;
* *
nec

P R Æ F A T I O.

nec minus etiam urbes ipsius celebres, templa, ædes, obeliscos, pyramides, sphinges, antiqua sepulcra, quæ mumias vocant; hominumque mores varios, leges, disciplinas, artes, Nilum flumen, ejusque famosum incrementum, quasi miraculo quotannis, soli magnam omnium rerum opulentiam, aëris salubritatem, medicinam Ægyptiis consuetam, morbos inibi familiares, medicamenta illis gentibus cognita, nec non magnas illius Regni divitias, merces familiares, atque aromata ex finitimis provinciis adducta, Turcas Ægypti præfides, militiam, animalia inibi viventia, plantas, atque ea etiam quæ in terræ abditis metallica vocant. De quibus id unum dicam, postquam ex ea regione abii, patriæ restitutus, usque adeo earum rerum, quæ in Ægypto observavi, recordatione me fuisse oblectatum, atque eximia voluptate adfectum, ut me continere haud potuerim, quin de iis omnibus historiam contexerem. Horum verò quædam, & multorum testimonio confirmavimus, quædam relatione & Ægyptiorum, & aliorum Exterorum, qui in ea regione longam moram traxerunt, fideliter accepimus. A multis enim nos fatemur in multis fuisse in hac re non parum adjutos, præsertimque ab uno clarissimo Paulo Mariano, cive Veneto, pro Rege Galliarum inibi Consulatum gerente, quem tunc temporis supra triginta annos in Ægypto mercaturæ causa constat fuisse moratum: à Reverendo etiam D. Antonio Palmerio Anconitano altero presbytero, qui à secretis cum multis Venetis Consulibus triginta & ipse fere annos in ea provincia vixit. Sed longe majori plus mihi fuit adjumento Joannes Jacobus Mannus
Me-

Medicus Salodiensis, qui ante me annos septem apud Venetam nationem, & apud proceres tum Turcas, tum Ægyptios, & Arabes medicinam magna cum laude fecerat, potissimumque de multis ad artis medicæ cognitionem facientibus, deque usitatis nonnullis medendi modis apud medicos Ægyptios annotarat. Hunc ipsum celebrem medicum anno 1580. in Cairi civitate inveni, qui post multos menses in Syriam ad Petrum Michaelem Venetum, consulem Illustrissimum pro Veneta Natione in urbe Alepo commorantem, ad medicinam faciendam evocatus est. Quo tempore in ea provincia medicinæ causa Joan. Thomam Minadour Rhodiginum medicum perillustrem, nunc in Gymnasio Patavino maximo cum studiosorum medicinæ applausu & concursu è prima sede practicæ medicinæ professorem, reperit. Per id temporis quo Cairi mansit, mihi fuit is maxime familiaris, atque adeo, ut medendo ambo una ubique locorum semper fuerimus. Vir fuit doctissimus, in Arabica locutione maxime versatus, qui paulo post ex Alepo Byantium iter faciens, à Turca milite prætoriano custode suo in itinere occisus est. Dolenda sane amici mors fuit, sed præsertim ab Arabicæ medicinæ studiosis, quod una perierint commentaria ab eo doctissime composita in librum secundum Avicennæ, in quo egit de simplicibus medicamentis. Pollicitus quoque fuerat se totum opus Avicennæ correcturum ab innumeris erroribus quibus semper scatuit, quod sane immatura morte præreptus perficere non potuit. Dominicus etiam à Rege, qui in Ægypto plures annos moratus, pharmacopola Venetæ nationis, & Chi-

P R Æ F A T I O.

rurgiam exercens, non parum mihi auxilio in multis fuit. Tandem Matthæus Carbonus, qui septennio Cairi magna cum laude & Venetis, & Turcis, atque Ægyptiis medicinam fecit, meam hanc historiam in aliquibus plantis rarioribus, & serpentibus itidem in ea regione familiaribus ad me missis, non parum adauxit. Accipe igitur candide Lector meam rerum in Ægypto observarum Historiam, nunc studiosis evulgatam. Quod si tibi grata fuisse aliquando intellexero, longe plura polliceor me studiosis evulgaturum, nimirum libros de plantis exoticis nuperrime cognitiss, de usu partium in plantis, atque fortasse de Horto nostro Patavino Medicam Historiam. Vale.

INDEX CAPITUM

LIBRI PRIMI

C A P.

- I. **D**E iis, quæ Ægyptum celebrem, atque valde admirabilem reddere videntur.
- II. De Nili Fluminis incremento, dimensione, atque incisione ad agros irrigandos.
- III. De aquæ Nili Fluminis bonitate, atque præstantia.
- IV. De Insula Delta, atque de Urbe Alexandria.
- V. De magna Civitate Cairi, deque rarioribus in ea observatis.
- VI. De Ægypti Pyramidibus, atque de magno Colosso Sphinge.
- VII. De conditis Ægyptiorum corporibus quæ vulgus Mumias appellat, deque ipsorum Sepulchris.
- VIII. De Raifit, & Damiata, Ægypti nunc Urbibus.
- IX. De Calice in Templis Domibusque Ægyptiorum, atque de ipsius Historia.
- X. De Ægypti gubernatione, atque de Turcis, qui præficiuntur Ægyptio regno.
- XI. De Ægypti opibus, scilicet de redditibus, de equis, de equitibus, atque de ipsorum ludis.
- XII. De Ægyptiorum servis.
- XIII. De Nubis.
- XIV. De Stragulis Ægyptiorum, deque ipsorum accubandi modo, deque vasis quæ apud eos in usu sunt.
- XV. De itinere ad Mecham, quod quotannis mense Septembri devotionis & mercaturæ causa fit.
- XVI. De Comediis quæ in Nili Fluminis incisione fiunt: de Circulatoribus, atque de rusticis mulieribus saltatricibus, & alia ludi genera facientibus.
- XVII. De cibis quibus Ægyptii utuntur, deque potu.
- XVIII. De Ægyptiorum temperamento atque habitu.

LIBRI QUARTI

C A P.

- I. *De animalibus, quæ in Ægypto vivunt, & primum de volatilibus ibi degentibus.*
- II. *De Piscibus qui in Nilo Flumine, & in lacubus Ægypti, atque in mari capiuntur.*
- III. *De Insectis animalibus, quæ in Ægypto vivunt.*
- IV. *De Serpentibus Ægyptiis Familiaribus.*
- V. *De Animalibus lacertosis in Ægypto viventibus.*
- VI. *De Animalibus quadrupedibus domesticis, quæ Ægyptiis sunt familiaria, & primum de Equis, Asinis, & Mulis.*
- VII. *De Camelis, & Dromadibus, qui in Ægypto aluntur.*
- VIII. *De quibusdam aliis quadrupedibus apud Ægyptios viventibus, scilicet de Bobus, Bubalis, Capris, Suibus, Canibus, & Felibus.*
- IX. *De quadrupedibus Sylvestribus in ea regione viventibus, quippe de Urfis, Lupis, Vulpibus, Leporibus, Cuniculis, Gazelis, Juvencis Sylvestribus, Apris, Cervis, Gliribus, Muribus, Mustelis, atque de Ichneumone.*
- X. *De Elephante, Camelo-Pardali, Leone-Pardali, Tigri, atque Zibetho.*
- XI. *De variis Simiarum generibus, quæ in Ægypto observantur.*
- XII. *De Cheropotamo, & Hippopotamo, feris in Nilo Flumine viventibus.*



PROSPERI ALPINI
MAROSTICENSIS
RERUM ÆGYPTIARUM
LIBER PRIMUS.

CAPUT I.

*De iis quæ Ægyptum celebrem, plurimumque
admirabilem efficere creduntur.*



Ex complurium rerum maxime admirabilium in Ægypto observatarum grata memoria obsolescat, merito hic scriptis illa omnia consignanda duximus. Neque singula, in ea regione observata, narrare instituimus, præsertimque à multis veterum scriptorum posteritatis memoriæ consignata, sed ea dumtaxat, quæ nos eo tempore quo ibi moram traximus, & ab aliis observata, & nobismetipsis cognita, scitu digna existimavimus. Pri-

A

imum

mum autem considerabimus quæ Ægyptum celebrem, maxi-
 meque admirabilem efficere videntur, scilicet cælum iis gen-
 tibus & jucundum, & salubre, Nilum flumen, urbes, ædes,
 templa, lacus, viridaria, opes, merces, quæ in ea provincia
 ex conterminis regionibus convehuntur, Pyramides, columnas,
 obeliscos, balnea, antiquorum sepulcra, bibliothecas, disci-
 plinas, religionem, plantas inibi familiares, terras, lapides,
 cæteraque fossilia iis nota, atque demum & animalia huic
 provinciæ & domestica, & familiaria. Quæ profecto illis,
 qui & regionum variarum, & diversorum hominum morum
 cognitione delectantur, haud injucunda fore credidimus.
 Namque etsi tot sæculis Ægyptus apud omnes nationes maxi-
 me celebris extiterit, quippè ob cæli salubritatem, antiquita-
 tem, urbium numerum, regni amplitudinem, situsque pul-
 chritudinem, superba ædificia, Nilum flumen regionem hanc
 totam opibus ditans, maximèque ob varias disciplinas, &
 præsertim ob rerum cælestium cognitionem, quibus Ægyptios
 cæteros alios nationum homines longe antecelluisse constat: non
 minus tamen & hoc tempore eam regionem plurimi æstiman-
 dam nobis fuit persuasum, tum ob illa quæ diximus, tum etiam
 quod nova quædam scitu digna, & usus complures apud eos
 populos postea innotuerint: Quæque animos legentium neque
 parum delectare possunt. Jam ad Ægyptum venimus, quæ
 ideo ab omnibus concelebratur, quia cælo subjacet ad gradum
 sexagesimum primum suæ latitudinis, usque ad sexagesimum
 tertium: Ad altitudinis verò gradum vigesimum nonum ad tri-
 gesimum usque fere primum. Salubri autem cælo quamvis
 calido, neque multum intemperato tota hæc regio gaudet,
 exceptis diebus fere quinquaginta à Paschate resurrectionis
 Domini, quos Ægyptii Champsim vocant, in quibus venti
 australes vehementer calidi spirant, quique una cum magno
 caloris æstu arenas veluti à calore inflammatas in aërem le-
 vantes plerisque Ophthalmiās inducunt. At de iis posterius.
 Ab hoc tempore postea nova æstas esse videtur. Ea gens
 prole abundat, quæ non solum corpore est pulcherrima, sed
 quæ acutissimo etiam & ingenio & judicio valet. Quo illud
 ubique

ubique in adagio fertur, cum promptus quis ad responsa invenitur, ipsum Ægyptium esse. Optima ferè semper valetudine gaudent, ni aliquis externus accidat error, tamque longam vitam vivunt, ut complures nonagenarios robustissimos, vel etiam ad generationem viros potentes inibi ubique locorum invenias. Ægyptii adversus peregrinos valde humani sunt, falsoque illis imponitur, exteros homines scilicet hospitio non libenter suscipere, cum in nulla provincia homines vivere credam, qui libentius ipsis, honorificentiusque advenas amplexentur, suo quemque more, & vivere, & vestimento uti permittentes. In iisdem quoque pietas insignis maximis laudibus videtur concelebranda, qualem vel etiam Hippocratem, ut in libro de aëre, locis, & aquis legitur, non latuisse, constat, cum inibi dixerit, regionem Ægypti Græcia esse mansuetiorem, illiusque gentis mores & benigniores, & cultiores observari. Est & situs Ægypti pulcherrimus à multis non immeritò maxime laudatus. Etenim ex una parte Erythræum mare habet, & sinum Arabicum; atque ex altera Ægyptio mari alluitur, per mediamque regionem à meridie ad septentrionem excurrit Nilus, totamque Ægyptum irrigat. Quo fit ut facillime quotannis ex India omnium aromatum genera, aliæque merces magni pretii convehantur. Nili fluminis navigatio quantum delectet, dictu est incredibile; cum ad ipsius ripas innumera sint pomaria miro ordine consita, quæ Nili aqua perpulchris artificiis irrigua fiunt. Extant & segetes suo tempore adprime pulchro prospectu delectantes, tum & florum varietas, quæ in iis fluminis superciliis copiosa, & quasi luxurians spectatur. Hæc omnia excedunt aucupium, & venatio, & varia piscationis genera quibus Ægyptii inibi maxime delectantur. Quod si hæc in toto Nilo navigantibus grata sunt, ad Cairum vero Deltamque vocatam Insulam tantopere ab antiquis concelebratam, in qua procerae & complures arbores miro ordine consitæ cernuntur, itidem navigantibus erunt longè gratissima; talisque, ac tantus ex variis arborum, aliarumque plantarum floribus odor exspirat, exhalatque; ut non injuria Nilum è Paradisi fluminibus originem habere Ægyptiis fuerit

persuafum. Pro quo cum tantæ illis fit utilitati, & voluptati, grates infinitas quotidie Deo optimo maximo agunt. At de hoc flumine à nobis fermo accuratior futurus est, cum de istius regionis temperie præsertim agemus. De qua nunc dicimus, eam calidam, ficcamque effe, minus vero ficcam observari in locis mari adjacentibus. Siccior vero aer istiusce regionis est, quo à mare per ipsam remotius itur, atque serenior. Ex quo olim Ægyptii merito ob aeris puritatem, claritatemque omnia astra in cælo vel etiam minima (quanquam ocularia specillo crySTALLINA hac ætate solummodo inventa, non habuerint, quibus à Galileo, Florentino Mathematico, in Patavino Gymnasio perillustri, quatuor sydera errantia nova observata, atque cognita sunt) magna facilitate videre, ac observare potuerunt. Nunquam sane vel hyeme, vel æstate, vel in aliis anni temporibus, per totum illud tempus, quo in Ægypto viximus, cælum ita obscurum visum est, ut Sol, Luna, reliquaque alia astra, vel etiam ex minimis, orientia, aut occasum petentia, commode conspici non potuerint. Cælum itaque in locis à mari remotis, & siccius, & calidius est, unde mirum non videatur, si in iis locis nunquam, vel rarissime modicum pluat, namque pluvia quam semel omnibus annis quibus inibi moram traximus, solummodo videre potuimus mense Novembri, haud major visa est, quam apud nos soleat ros æstivus observari. In locis autem mari proxime positis, veluti in Alexandria, Rassist, & Damiata, mensibus Martio, & Aprili largissimas pluvias è cælo cadentes vidimus, atque multo plures in hyeme. Quibus mirum non est si isthic aer sit longe humidior atque minus calidus. Vereque dictum est in Civitate Cairi aërem esse & sicciorem, & calidiorem, qui (exceptis diebus iis circiter quinquaginta ob ventos Champsinos vocatos à meridie in septentrionem per zonam torridam dictam magno cum caloris æstu, ut nuperrimè etiam meminimus, transeuntes, scilicet mensibus Martio, Aprili, Majo, cum Junii medietate, nimirum quoad sol pervenit ad tropicum Cancræ, in quibus aer inæqualis maximè sentitur) fere per totum annum æqualis, & non immoderatè calidus percipitur,

inco-

incolisque satis temperatus, atque salubris existit. Verum tamen, ut quicquam peculiare de illiusce aëris inæquali intemperie dicamus, in Ægypto mense Martio circa vernum æquinoctium ubique locorum aër incipit fieri admodum inæqualis ex ventis Champsinis, à Cambyfis exercitu arenis iis ventis subactis suffocato ita vocatis, quasi venti Cambyfis dicantur, à Cambyfis nomine corrupto, Camsi appellati. Hi tunc temporis flare incipiunt perseverantque quoad Sol ad Tropicum æstivum pervenerit. Aliquibus annis brevius, & aliquibus prolixius durantes, finientesve, nunquam tamen ii venti ultra tropicum cancri, æstivumve permanent. Etenim hoc tempore perpetuo flare incipiunt venti contrarii, scilicet à septentrione, & ab occasu aërem refrigerantes, Etesiae vocati. Hi per totam æstatem jucundissimè, placidissimeque spirantes, continenter diu, noctuque cæli calorem immodicum temperando, aërem maxime temperatum, & salubrem efficiunt. Quo tempore rectè valere solent. O summam Dei Optimi Maximi Providentiam in Ægyptiorum commodum: namque nisi ii venti, scilicet Etesiae vocati, summè placidi, post Champsinos spirare inciperent, & continenter aërem refrigerarent, non absque maximo Ægyptiorum damno, & fortasse non sine multorum interitu aër ille summè æstuosus, maximeque inæqualis, & maleficus adhuc in longius protraheretur, permaneretque. Itaque hic ver ita æstuosus, & inæqualis ab iis ventis calorem immodicum spirantibus plerumque solet incipere circa vernum æquinoctium, & usque ad tropicum æstivum perseverat. Perflant fane hi venti æstuosi continenter diu, noctuque, nonnunquam trium dierum intervallo, aliquando quinque integris diebus, & nonnunquam septem, quandoque etiam novem; quod si fiat, aër redditur veluti pestilentissimus, quippe qui innumeros ferè in tota civitate Cairi exitiali eo morbo epidemico quem Demelmari appellant (opthalmiis exceptis quæ ubique locorum pessimè grassari solent) vel etiam unius tantum horæ spatio, jugulet. His vero ventis Champsinis finitis, postea per aliquot dies, quippe tribus, aut quinque, aut septem, aut denique novem, quoad denuo Champ-

fini æstuosi redeant, septentrionales frigidi valenter spirant, ex quo ibi maximæ temporum mutationes fiunt, quare mirum non est si morbi innumeri, exitialesque hoc tempore grassentur. De similibus aëris mutationibus & Aristotelem, & Hippocratem locutos fuisse, nobis haud injuria visum est, cum dixerint, *Maxime aëris mutationes morbos pariunt*. Hicque aëris morbosus status, ut etiam diximus, permanet usque ad solstitium æstivum, scilicet quod die nunc vigesima prima Junii mensis fit. Mox, sublati Champsinis ventis, Etesiae ex septentrione, atque occasu placidissime spirare incipiunt, quæ die noctuque spirantes aërem adeousque contemperant, atque æqualem efficiunt, ut per totam æstatem in qua hæc placida aëris constitutio continuat, cuique jucundissimus, & saluberrimus evadat. Accedit etiam ad augendam eam aëris benignam, salubremque constitutionem, Nili fluminis augmentum, quod septima die mensis Junii incipit, atque ad finem ferè mensis Septembris perseverat. Hisque Etesiiis ventis placidissime spirantibus eo profecto tempore in quo auctio fluminis fit, cum Ægyptii optima valetudine utentes maxime gaudeant, vitam in ludis, deliciis, & voluptatibus ducentes, ab omnibus solitis laboribus abstinent, ipsosque solatii loco intermittunt. Ab aqua fluminis aucta, ferè Ægypti planities utrinque ad flumen posita usque ad mensem Novembrem exundata, ac veluti obruta jacet. Hocque mense solummodo, aqua ex toto absorpta, terra conspici solet. Tanto enim tempore aqua Nili aucti terræ Ægypti supernatat, atque ipsam inundat. Qua ex tota absorpta plerumque in locis multis, nulla ejusce terræ, quæ veluti limus apparet, præmissa cultura, agricolæ triticum, linum, trifolium, atque legumina ferunt. Quæ semina terræ sic commissa in aqua nasci, & crescere sæpius vidimus. Segetes verò omnes usque adeo cito crescunt, atque ad maturitatem perveniunt, ut ad finem mensis Novembris seges adeo aucta esse videatur, quod linum ubique flores produxerit, trifoliumque ita auctum est, ut & equis pro pabulo tunc temporis & metent atque viride exhibeant pro tuenda equorum valetudine. Metunt inquam, atque in manuales fasciculos siccatum

tum colligunt, atque ad animalium usum fervant. Quo pabulo equi Ægyptii non continuo vescuntur, sed aliquibus diebus, ipsorum enim hordeum perpetuum illis est cum paleis tritis nutrimentum. Triticum verò perpetuo ad Nativitatem Domini ex toto spicas profert, quod initio mensis Martii maturum colligitur. Aër mensibus Novembri, Decembri, atque Januario frigidior est, ita ut Itali, & Turcæ etiam in ea regione pellibus utantur, quod nimirum aër per id temporis, etsi vere haud multa in ipso sit frigiditas (quando inibi nunquam pruina, nunquam nix, nunquam gelu, nunquamque vel etiam grando ab Ægyptiis fuerit visa) veruntamen aër essentiæ subtilitate corporum meatibus die ob aliquem calorem apparentem laxatis; plus frigoris quam habeat partibus corporis penitioribus, calidioribusque profundius penetrando, inducere videtur. Sed de iis nos diligentius scripsimus in libris de Medicina Ægyptiorum præteritis annis editis. Est præterea Ægyptus maxime amæna, oculisque gratissima, cum perpetuo inibi arbores complures vireant, ut palma, sycomorus, paliurus Athenei, Acacia, Cassia fistula, Tamariscus, Lablab, Limonium, malum Aurantium, malum Medicum, Musæ, atque similiter aliæ arbores, frutices, atque herbæ, præsertim oleraceæ, cujusmodi est Collocassia, quæ usque adeo foliorum amplitudine, atque jucunda viriditate in vastissimis planiciebus luxuriat, ut amenissimo ejus aspectu oculi summè delectentur, recreenturque. Non minus quam faciat Saccharinarum cannarum viriditas. Exceptis vite, persico, malo punico, ficuque, & aliis non multis, reliquæ aliæ stirpes in Ægypto nunquam solent folia abjicere. Ficum verò quæ in horto ædis illustrissimi consulis Venetijam annos multos vixit, per illud tempus quo inibi vivimus, scilicet quadriennio ferè, observavimus sine foliis in hyeme manere spatio dierum vigintiquinque, initioque Februarii hæc nova folia semper producebat.

CAPUT II.

*De Nili fluminis incremento, dimensione, atque
incisione ad agros irrigandos.*

Sed ad Nilum flumen venimus, cujus præsentia tota illa regio saccolitur, fæcundatur, atque ditissima redditur, sine quo non foret Ægyptus habitabilis, cum primis illis temporibus tota ea regio veluti lacuna, palustrisque fuerit, ut rectè etiam Herodotus, atque alii tradiderunt. Nilus vero quotannis limum continue secum multum longa annorum serie in illiusce regionis solum adducendo, paludes, lacusque limo replendo, ficcandoque terram illam siccam habitabilem effecit. Quæ veritas eo argumento præsertim videtur confirmari, quod Herodoto, atque aliis referentibus flumen olim octo vel parum plus cubitis auctum fatis fuerit ad totam Ægypti planitem aquandam: Quoniam tunc temporis solum Ægypti longe humilior, quam nunc sit, exstiterit. Hac autem ætate Nilus cum ad irrigandum solum Ægyptiacum non nisi decem, & octo cubitibus auctus sufficiat, nobis indicio est, quod istiusce regionis à limo quotannis ex ipso Nilo adducto plurimum terra aucta sit. De quo quidem flumine tria à nobis considerabuntur, scilicet augmentum, ejusdem aquæ dimensio, atque denique incisio, ad agros irrigandos; etenim Nilus flumen æstate accedit hyeme autem recedit, pinguiissimo limo ad ferendum relicto, in quo sane & Dei donum, & naturæ miraculum valdè mirari licet. Nam cum hyeme ubique locorum flumina augeantur, æstate autem ferè exsiccentur: contra Nilus maximè dum in aëre calores vigent, tum ipse augetur, imbrium autem diebus decrescit. Levat etiam Ægyptios à stercore labori, arandi, atque oblimandi agros. Sæpe vidimus mensis Novembris principio nondum aqua à terra ex toto absorpta, projectis in aqua seminibus segetes nasci. Antiqua in Ægypto consuetudo est, ut dum Nilus crescit, summa lætitia tota Ægyptus afficiatur, & quod maximè naturæ sapientes admirantur, ex terræ Ægyptiæ gle-
bæ

hæ pondere, etiam ubilibet sumpta fuerit, quam nunquam Nilus madefecerit, annonæ caritatem copiamve prævideant. De qua sane observatione nos aliàs abundè scripsimus in primo libro de Medicina Ægyptiorum. Principium istiusce fluminis incrementi semper ab antiquitate usque ad hanc ætatem incipere die xvii. Junii (non observata hic anni Gregoriani correctione) consuevisse narrant, nunquam ante, & nunquam postea à quocumque hoc principium fuisse observatum. Patrio more, quoad crescit flumen, aquæ auctiorem quotidie dimetiuntur, ad quod munus domus ad ripas Nili fuit constructa quam Beit el Chazar nuncupant, quæ à Cairo quingentos passus distat, quæque tot gradus ex marmore habet, ut Nili fundum ferè tangat, super quos quotidie mane aquæ incrementum transverso pollice dimetiuntur. Auctione vero cognita varii præcones, civitatem, nobiliumque domos percurrunt, tot digitis Nilum ea die auctum fuisse nuntiantes, omnique accuratione quotidie id faciunt, quoad sexdecim, aut decem & septem cubitis quotidianam aquæ altitudinem superasse offendant. Cum vero aquæ altitudo decem & octo cubitos superaverit, Nilum incidunt, illamque diem, in qua incisio fit, Jacum el Chazar, idest incisionis diem, vocant, qui quidem adeo ab Ægyptiis colitur, adeoque ipsis Augustus est, ut in eo vel homicidium fiat impune. Fit autem hodie incisio hæc eo modo quo apud antiquos Ægyptios fieri fuerat consuetum. Foderant Ægypti Reges magnum alveum, quo Nili aquam in urbem ducerent. Hic hyeme siccatur, & clauditur, clausumque in hunc usque incisionis diem servant, quoad incisionis tempore refecetur; ex quo Nili incisio nil aliud quam alvei hujus apertio est: quæ triplici de causa fit, tum ut Reges ostendant sese Nili præstantissimi fluminis potestatem habere, tum ne quis ante hunc diem Nilo suos campos irriget: quod si quis facere ausus fuerit, capite punitur: tum postremo ut hac aqua adducta totam urbem delectent: ex qua per mediam urbem excurrente magnam voluptatem capiunt Ægyptii, utpote qui aqua cælesti ut plurimum carent. Ita per urbem magna omnium lætitia Nili aqua primo delabente, incolarum complures

insignem illam voluptatem intus cohibere nequeunt, variis ludis oblectantur, unde illorum quosdam videas inibi se lavantes, natantes alios, naviculis quosdam flumen transfretantes, canentes alios, aliosque & viros, & fœminas continuo in aquam vestitos se projicientes, atque alios cujusque generis flores aspergendo, quasi flumen ipsum tanquam numen divinum colere, & adorare videantur. Tota urbs hac die ad alveum istum (quem Chalez vocant) spectandum transfertur; unde domus, quæ prope sunt, citius, cariusque multis locantur. Ad locum vero ubi Nilus inciditur Ægypti Proreges, Ducesque pulcherrima in triremi veniunt, per totam noctem incisioni præcedentem se ipsos variis modis oblectantes, quos alii fere omnes milites cum innumeris fere naviculis magno applausu concomitantur. Dictu fere incredibile videtur, quanta illiusce gentis turba die noctuque Nili fluminis ripas illuc impleat, ibique, & fœminæ multæ cum viris pernoctent, gaudeant, atque ut ludis variis, qui per noctem supra flumen in variis, fereque innumeris cymbis ab Ægyptiis nullam aliam ob causam fiunt, quam ut intuitu aucti fluminis oblectentur. Equestres milites eo se conferunt, & aqua denuo dimetita Deo Optimo Maximo datori primum omnes gratias agunt. Tum Prorex, Bassa vocatus, gladio apprehenso, ut incidant, illis imperat. Mandatumque tam citò peragitur, ut factum dicto præisse putes. Prorex cum suis, & ante, & post incisionem, placentas, pepones, nummos, aliaque similia in aquam projicit, perinde ac flumen quasi adorare videatur. Quæ omnia Arabes innumeri, nautæ, piscatores, ac peritiores in arte natandi, intercipiunt, quorum non parva in Ægypto copia est. Adeoque sunt in hac arte periti, ut vestibis in veru impositis, ipsoque capiti adligato, equorum ephippia deferentes, ac equos secum ducentes, in flumen se conjiciant, ipsumque nullo labore tranent, qua arte sæpius Turcas deceptos, præda pleni, relinquunt, qui cum natare haud sciant, eos insequi minimè audent. Multis ante, & post incisionem diebus, scaphæ, cymbæ, omniumque navicularum genus in flumine visitur, quibus huc illucque discurrentibus ignes arte factos, (in
qui-

quibus parandis omnes alias nationes Mauri antecedunt) excitant, componuntque, ut spectatores maximè oblectent. Ad incisionis locum, neque Hebræis, neque Christianis accedere licet, nulli denique admittuntur, qui ipsorum sectæ minimè addicti, tanquam profani, aquarumque fascinatores, quorum præsentia minime bonis, felicibusque auspiciis incisionem fieri autumant, adeo ut ego, qui incisioni interesse maxime desiderabam, habitum mutare, sectamque mentiri adactus fuerim. Longus nimis sim, si quæ hisce diebus lætitiæ signa eduntur enumerare vellem, quibus suos unusquisque agros irrigare, felicissimumque annum, ut ita dicam, sibi comparare licet. Atque hæc de iis, quæ & ante, & post incisionem Nili fluminis fiunt, à nobis dicta sufficiant. Nunc de istius fluminis aquæ summa præstantia atque bonitate agamus.

CAPUT III.

*De aquæ Nili fluminis bonitate,
atque præstantia.*

Nili aqua merito omnibus aliis præfertur, quod ipsa alvum subducat, menses pellat, ut propterea rarò mensium suppressio in Ægyptiis mulieribus reperiatur. Potui suavis est, & dulcis: sitim promptissimè extinguit: frigida tutò bibitur, concoctionem juvat, ac distributioni auxilio est, minime hypochondriis gravis, corpus firmum, & coloratum reddit. Theophrastus (ut auctor est Athenæus) in libro de Aquis inquit, Nili fecundissimam, & dulcissimam esse aquam, & ventrem solvere cum bibitur, ob admixtam quandam vim nitrosam; ob fecundissimam vero utriusque aquæ naturam, & usum salubrem Ptolemæum Philadelphum Ægypti Regem Berenicæ filiæ, Antiocho Syriæ Regi nuptæ, usque in Syriam aquam Nili ut ea sola ad potum uteretur, misisse. Athenæus idem in 2^o. libro Deipnosophistarum tradidit. Nonnulli auctore Avicenna Nili aquam laudarunt, tum ob emanationis longitudinem, tum ob locorum, per quæ fluit, bonitatem: Tertio ob ejus copiam;

atque demum quod flumen à meridie ad septentrionem tendat. Neque ii injuria in hæc causas bonitatem aquæ Nili fluminis retulerunt: Namque longissimo in eo itinere, quod hoc flumen à meridie incipiens in septentrionem ad mare mediterraneum usque perveniens facit, aqua plurimum extenuatur tenuiorque redditur. A multis aquæ non solent commendari bonitate, quæ currunt a meridie in septentrionem. Oribasius tamen de iis ita habet: „Quanquam autem aquas, quæ ad meridiem fluunt
 „ non laudem; Nilum tamen ita commendo, ut aquæ bonitate,
 „ paucis fluminibus comparari posse videatur, & quia ipsius iter
 „ fit per loca calidissima mirum quoque non est si etiam ab eo
 „ calore plurimum alteratur, & quasi ex toto excoquitur.” Habet & Nilus (cum & terra sit rotunda, atque ejus iter sit ad minus milliarium Italicorum quatuormillium, si verum est à tropico Capricorni ortum suum nancisci, & ultra alterum tropicum per gradus septem in mare terminari, atque sic longitudinem illius itineris recta via habere gradus quinquaginta quinque ad minus; sed iter ejus longius est cum non rectam semper, at obliquam, tortuosamque viam habeat) complures ex præruptis locis altissimis descensus (cataraclas Plinius vocat) in eo longo itinere habet, proximiorque Ægypto cataracla est, quæ inter Lybiæ, atque Æthiopiæ montium angustias fit. Quare aqua Nili ex iis causis mirum non est si tenuissima, & maxime excocta reddatur. Unde medici Ægyptii eam crudam, at diligenter tamen claresactam, ægrotis exhibent ad potum, atque ex ea etiam dissolvunt potiones purgatorias, à quibus etiam eam ad libras magna cum utilitate superbibunt. Ex locorum quoque, per quæ defluit, qualitate bonitas deprehenditur, quando fundum Nilus habeat maxime concoctum, & pingue, nihil cruditatis recipiens. Quo etiam cum istiusce terræ substantiæ pinguiissimæ particeps sit; mirum haud est si Ægyptiis fuerit persuasum ipsam aquam corpora nutrire. Quod autem ejus usu corpora nutriantur, cuique ibi degenti est plane notum, corpora siquidem macra, extenuata, ejus usu bonum habitum nanciscantur, atque multum pinguescant. Mihi vero, cum Ægyptum attingerem gracilissimo corpore constanti, ex illiusce
 largo

largo aquæ potu quem semper toto illo tempore quo ibi moram traxi, continuavi, bonum habitum, & pinguem fieri contigit; Quod si aliquandiu moram longiorem in ea regione fecissem, obesitatem in corpore nactus profecto fuisset. Quare ab illius aquæ usu corpora ali non est dubitandum. Unde Ægyptii pro certo habent aquam eam sanguinem in corporibus gignere, similemque vim gignendi sanguinem obtinuisse posteaquam miraculo à Mose, sanctissimo Propheta, olim in sanguinem fuerunt mutatæ. At corpora præsertim calida, & sicca ob ejus aquæ usum bonum habitum nancisci sanè posse & nos quoque affirmamus, sed non in eo quod sanguinem hæc aqua gignere apta nata sit (tamen si fortasse haud omnino negandum eam aquam aliqualis substantiæ alimentalis esse participem) sed in eo quod hepar sanguinis officinam maximè contemperat ac proinde in biliosis corporibus jecoris calore contemperato plus sanguinis gignatur, ex quo plus nutriuntur, & in carne augentur. Nili itaque aqua in frigiditate est temperata, & in humiditate essentiæ tenuissimæ, haud omnino expers alimentalis substantiæ, unde ipsa, ut cæteræ aquæ, non insipida, sed subdulcis gustui apparet: alvum lubricam servat, urinam, atque menses movet, in quam causam medici Ægyptii referunt, quod raræ mulieres in Ægypto sint, quæ laborent mensium suppressione. Quam suavis, & jucunda ad potum sit, dici satis non potest, eoque argumento etiam intelligitur, quod homines, vino quoque assueti, ipsum spernant, aquamque libentius complectantur. Nec mirum est si Pescennius Niger in Ægypto exercitui tumultuariè vinum petenti, dixerit. *Nilum habetis, & vinum quæritis?* Hoc scripsit Flavius Vopiscus in ejus vita. Parum quoque nutrit, corporaque ad calidum distemperata contemperat, alimenti distributionem optimam facit, atque nutritionem. Renum calorem ita contemperat, ut probè claresactæ usus calculorum productionem prohibeat, atque etiam genitos calculos per urinam expellat. Quod nobis calculo renum vexatis contigit, qui ex largo istiusce aquæ potu calculum magnum per urinam rejecimus. Addimus, hanc aquam Ptolemæum Philadelphum tanti

fecisse ad potum, ut Berenicæ, Antiocho nuptæ, ejus filiæ, ex Ægypto perpetuo in Syriam ad ejus usum miserit, suppedita-
vetitque aquam Nili fluminis.

CAPUT IV.

De Insula Delta, atque de Alexandria.

Producit Nilus flumen insulas multas, & sinus efficit, atque, ut omittam, quæ supra Cairum cingit, tacendum minime duxi illam nunquam satis encomiis concelebratam Insulam Del-
tam vocatam, quod sua forma literam Δ imitetur, quam non longe à Cairo duo rami Nili nunquam versus mare se con-
jungentes constituunt. Alter quidem ramus versus Pelusium dela-
bens, alter vero Canopum, quæ hodie Ruffit vocatur. Intra hos
duos ramos, atque mare Mediterraneum Delta insula constituta
est. Quæ insula est adeo fæcunda, ut in ea naturam maxime
luxuriasse dicas. Hanc Arabes Gizirdaabi, hoc est Insulam au-
ream, appellant. Saccharum in magna copia singulis annis pro-
ducit, eoque semper abundat. Orizæ summa copia in ejus
solo, & selectissimæ quidem gignitur, quam profecto per mare
Turcæ Byfantium convehunt, atque ad omnes Turcarum pro-
vincias, cum sit in omnibus iis communis, & gratissimus ci-
bus. Hanc Turcarum Imperator Uxori Reginæ dono dat. In
ea quoque prope mare salis albissimi copia foditur, quod præ
copia non venditur, sed unicuique colligere quantum libet fas
est. Istius Insulæ urbs præcipua est Fuè. Quæ usque adeo
omnibus ad victum attinentibus perpetuo abundat, ut nulla
alia sit in ea provincia abundantior, omitto panis tritici opti-
mi abundantiam, orizam, legumina, animalia pro carnum
usu cujuscumque generis terrestrium, & volatilium. Ovis
usque adeo abundat gallinaceis, ut pro sextertio argenteo num-
mo, sexaginta, & plura quandoque coëmantur. Piscibus iti-
dem scatet optimis. At quid de fructibus? Musas optimas
copiosè illud solum producit, uvas, melones, angurias el Ma-
vi vocatas, cucumeres Cathi dictos, quorum usus iis populis est
salu-

saluberrimus, nunquam illis noxius, Persica mala, citria, limonia, aurantia, paliuros, palmas omnium generum, & mala Punica incredibilis magnitudinis, quæ habent acinos ceraforum communium magnitudine, dulcissimos, ex quorum succo paratur ab Ægyptiis syrupus ille solutivus de granatis, qui inter leniter solventia præstantissimus est, gustuique acceptissimus. De aliis vero urbibus quæ in Ægypto sunt, deque ipsarum vetustate, atque antiquorum vestigiis, quæ in iis supersunt, etsi omnibus nota videantur, pauca tamen perstringenda duxi, in gratiam præsertim illorum qui hæc non viderunt. Apud Babilonem, Thebasque apparent vestigia antiquitatis pulcherrima derelicta, colossi, obelisci, qui hucusque tam hic quam alibi reperiuntur, qui à Cambisæ ruinis fuere superstites. Extant vetusta Regum sepulcra in specubus insculpta, pulchris incisionibus exarata. Nec non antiquitatem testantur, quæ hucusque in Heracleotica provincia, vel etiamnum spectantur, pulcherrimus scilicet Labyrinthus, ac domus illa insignis ad omnes nationes excipiendas ædificata: pulcherrimum quidem est visere domos illius civitatis ex integro lapide contentas. Heliopolis magnæ sacerdotum domus, ubi Platonem, Eudoxum, eo eruditionis causa profectos, quatuordecim annos mansisse ferunt. Id confirmat & locus in quo Eudoxus res cælestes contemplabatur. Philonis villa, Osiris Asylum, ubi multis in locis sepulcrum esse finxerunt, ut Typhoni ipsum quærenti, absconderetur. Idem ostendunt Templi Herculis vestigia, quæ in Heraclea sunt in campo Serapidis. In Taposiri vero Veneris item Templi ruinæ: apud Alexandriam Neptuni. Ægyptus rursus olim maximè celebris reddebatur Musæo quod Alexandriæ fuit, quodque semisepultum jacet. Tum non minus ibidem monumentum, in quo Alexandri cineres reconditæ fuerunt. Non minoris ornamenti fuit magna illa quondam Bibliotheca quæ Alexandriæ extitit, miris laudibus ab antiquitate concelebrata. Ad hæc Ægyptum illustrant vestigia item templi Minervæ, Lucinæ, Apollinisque, & Jovis delubra, Latonæque, quæ Lacopoli extant. At nunc ex illustrioribus Ægypti urbibus ad Alexandriam venio, quam Galenus Per-

Pergamenus, medicorum post unum Hippocratem omnium facile princeps, Magnam Alexandriam vocare solet. Hæc etsi hac ætate majori ex parte semidiruta jaceat, atque ferè semisepulta, tamen ruinæ quæ extant, & vestigia, ipsius amplitudinem, & majestatem declarant, ædificiaque potissimum, quæ tam superba extructa fuere, ut tam alte defossa, quàm supra terram superstent, appareant. Tota Civitas nunc etiam columnis marmoreis sustentatur, altèque defossa loca omnia vacua habet aqua Nili fluminis plena, quæ per ramum (Caliz vocatum) singulis annis cum flumen in suo est augmento, in ea loca subterranea defluit. Extant in ea Civitate vestigia, ut putant, palatii Regalis olim Cleopatrar. Nos vidimus juxta ea vestigia fuisse effossa duo capita marmorea, nihilo ab antiquitate vitiata, sed integra, & omnino perfectæ, quorum alterum Cleopatrar effigiem affabrè referebat, alterumque Marci Antonii. Extat & columna, quam Pompei vocant, insignis profecto longitudinis, atque latitudinis; & pulcherrimus obeliscus litteris Ægyptiis insculptis (Hieroglyphica vocant) exaratus. Ex latere habet lacum Mareotim vocatum, qui ex dulci aqua à Nilo excurrente marinæ permixta efficitur. Et enim ipse plurimum auctus mari ita miscetur ut id ipsum mare esse videatur. Antiqua civitas aliud ferè quam ruinæ, & vestigia urbis antiquissimæ non est, paucissimosque habitatores habet. Unde aër longè insalubrior quam antea redditus est, præsertimque mense Augusto, cum ob aquam, quæ stagnans, atque semiputris est (propterea quod cænosa & putrida ferè omnino propter ipsius paucitatem effecta est, neque prava ejus qualitas prius corrigitur, quoad mense Septembri ex Nilo aucto renovatur, multa quippe aqua optima ex flumine de novo affluente, succedenteque) tum ob ventos semiputridos ex lacu Mareoti, itidem tunc & stagnante, & ob corruptam aquam semiputri, perflantes, in quam causam eo tempore febres pestilentes ferè Epidemicæ in ea civitate grassantes ab indigenis referuntur. Cœperunt abhinc plures annos multi à civitate fugientes terræ partem mari adiacentem frequentius habitare, propè scilicet Arcem Alexandriæ, in qua parte om-

nes

nes Hæbrei nunc habitant, unde altera civitas, & ab ipsis, & ab aliis nunc ibi quasi facta est. Viridaria hæc civitas pulcherrima habet, & quædam juxta littus maris in solo arenoso extra mænia civitatis, ut mirum sit quo modo hortensia olera, atque fructus itidem hortenses in sola arena vivant, perfectique reddantur, ut anguriæ, melones, cucumeres, bausia, melochia, lactuca, ficus, mala persica, armeniaca, musæ, & similes alii: Terra capparibus sponte nascentibus non spinosis ita abundat, ut magna ipsorum copia sale conditorum in varias regiones, & provincias quotannis mittatur. Sylvæ dactylorum sunt, Cassiæ catharticæ complures, sycomori, paliuri Habac ab Ægyptiis vocati, cujus poma jucundissimi gustus sunt, magnitudine, & figura plane similia fructibus mespili Aroniæ, at non sunt ita adstringentes. Uvæ crescunt ibi copiosius, pulcherrimæ, atque optimæ, quæ ad cibum in usu sunt, non tamen ad vinum, cum neque Alexandrini eas ita copiosas habeant, ut & ad cibum, & ad vinum sat sint. Hæ mense Majo maturæ fiunt: nos enim die decima quarta Maji in quodam horto ibi, & albas, & nigras uvas probè maturas vidisse meminimus. Hæc pauca obiter de Alexandria dicta sint, quando longè plura ab aliis scriptoribus fuisse posteritati tradita, nos non lateat.

CAPUT V.

De magna Cairi civitate, deque varioribus in ea observatis.

An Cairum (quam urbem Ægyptii Masvè vocant) sit illa celeberrima totius Ægypti civitas, quam Memphin à veteribus nominatam olim fuisse constât, à nonnullis dubitatum est, & uno præsertim argumento, quòd Ptolemæus Memphim meridionaliore quam sit nunc Masvè, vel Cairum, quòd gradibus XXVIII. ab æquatore distat, & Memphim habuisse altitudinis ab æquatore gradus ferè triginta constat. Verum neque Babilonem antiquam civitatem esse, quam Ægyptii nunc

Masvè astie, idest Cairum antiquum, Babilon dictum, nominant, dubitatur, cum & illa antiqua Babilon distaret, Ptolemæo auctore, ab æquatore, gradibus itidem XXX. Utcumque res se habeat, plerique Ægyptiorum non dubitant affirmare Cairum esse antiquam Memphim. De qua civitate illud nunc erit animadvertendum, quippe olim Ægyptios aliam partem soli Ægyptiaci habitasse, scilicet versus Topanà, in pulcherrima planitie, quæ in prospectu erat eam ad montis apertionem, latitudinis fere XXV. Italicorum miliariorum, qua via est ad Sues, & ad montem Sinai, atque ad Mare Rubrum. Ibi enim maximæ civitatis vestigia, atque ruinæ conspiciuntur. Situs enim hic longè amænior, ferenior, & liberior aërem habebat. Nunc vero sub monte omnes habitant, qui est terminus Arabiæ Petreæ ad Nilum flumen tendentes. Civitas hæc excurrit per longum ab Oriente in Occidentem, à Nilo flumine incipiens usque ad montem terminata. Nunc duplex cernitur, antiqua mæniis, tamen non ex toto cincta, quæ incipit à porta Babzuele vocata, quæ ad alteram Portam Babnascir nuncupatam (idest portam fortunatam, nimirum ita vocatam, quia Selim Turca per eam portam ad Cairi civitatem primum fuit ingressus) recta via terminatur. Istius civitatis mænibus cinctæ magnitudo non minor est quam Patavium esse videatur. Altera vero extra mænia antiquæ urbis cernitur longè amplior, mihi que visa est veluti complurium suburbium, villarumque, seu pagorum magna congeries. Hæc per montis radices, procedit ad Nilum flumen fere desinens, mediaque ipsius via latissima, longissimaque longe procedit, cujus longitudo sex miliarium esse creditur, in qua & altera Civitate, seu Civitatis parte, innumeræ plateæ, in quibus à Cadis vocatis causæ litigantium audiuntur, atque merces omnis generis venales habentur, quæ plateæ non nominibus, sed numeris vocantur. Creditum est numero fere ducentas. In hac civitate est arx pulcherrima, & ampla supra montem lapideum posita, in qua olim Reges Ægyptii habitare consueverunt, nunc Prorex, sive Ægypti Præfectus quem Bassa vocant à Turcarum Imperatore pro tempore missus,

sus, ipsam itidem inhabitat. Hæc vero in tres partes divisa est, in quarum prima, ut dictum est, Bassa Domicilium habet, aulamque auditoriam insigni latitudine, ea autem longitudine, ut à principio ad finem usque hominem cognoscere vix facile possis. In hac totius Ægypti Prorex audit litigantes, controversiasque judicat, atque de rebus secretis pertinentibus ad istius Regni gubernationem cum Turcis proceribus agit; quippe cum Cadi Lascher, & aliis Cadis, Tefterdaris, Sangiachis, Beis, & Chiaus itidem multis, qui omnes ibi bis in septimana ea de causa conveniunt. Altera pars arcis undique clausa muris est, unamque solummodo portam qua ingressus patet, habet. In ipsa olim Regum mulieres cum mancipiis, quæ ferè numero quadrigentæ fuerunt, commorabantur. Nunc Prorex ea ad eundem usum utitur. Ultima pars militum est, quæ adeo est magna, ut parva civitas videatur, duas vero portas ferreas habet, estque ad istius radices viridarium pulcherrimum in quo variæ arbores aluntur, scilicet mala citria, aurantia, limonia, poma Adami vocata, mala Armeniaca, persica, paliurus, musa, & similes aliæ arbores, aspectu semper virentes. Adfunt & fontes ex aqua limpidissima ex marmoreo lapide confecti, quorum aliqui veluti è specu descendunt, alii in altum aquam emittunt. Adest ibi & pulchra quoque Domus ostiis eburneis, fenestrisque permaximis ferro interclusis. Ad viridarium est & stadium maximum muris cinctum. Stadium autem Midam Ægyptii vocant, atque ad ipsum adest & permaxima platea, quam Romele nuncupant, in qua quotidie plurima animalia venduntur; & quamvis arx altissima sit, ascensumque habeat difficilem, tamen aqua ex Nilo flumine spacio quinque milliarum quibusdam artificijs per murum copiosius deducitur. Mirumque maximè videtur quo pacto possit aqua ex imo Nili alveo ita eo rotarum artificio in altum extolli, ut arcis altitudinem superare queat. Hoc illius arcis fortitudini plurimum est detrimento, etenim belli occasione, facile potest, & rupto artificio quo in altum elevatur, & disrupto itidem muro per quem in arcem defluit, aquâ arx ipsa destitui. In medio quoque Arcis in loco eminenti extat

prope magnam plateam magnus porticus, five deambulatorium quadratum, mira altitudine extructum, cujus tectum columnis marmoreis sustentabatur, singulis simul quaternis positis, quæ numero bis sexdecim existunt, quarum quatuor simul junctæ angulum tecti sustentant, & aliæ quatuor alium angulum, & sic de aliis duobus angulis. Aliæ verò medium porticum eodem ordine quaternæ simul sustinent. Templà complura Cairum ornant, quorum illud maximum est, in urbis medio positum, quod Giemalazar appellant, in quo tota civitas convenit, & quotidie Mahometana lex legitur, atque interpretatur, maximeque in die Veneris, in qua die multi illorum ab omni opere cessant. Ibi etiam libri complures cujusque materiæ venduntur. Hic quotidie prædicatur itidem lex ipsorum, & conveniunt legis periti, quos Talismam nuncupant, atque isti legem scriptam semper in manibus gestant. Hocque templum est ubi mortuis iusta persolvuntur, maxime autem procerum, consuetudo enim est apud Ægyptios, ut cadavera antiquorum more extra urbem sepeliant: quod antequam faciant, ea ad fani portas ferunt, ibique exequias concelebrant, dein ipsa ad sepulchra efferunt, quæ præcedunt canendo magnis vocibus dicentes Deum magnum esse unum, ejusque Prophetam esse Mahametem, sed ut in antiquo more etiam fuit, parentes mortuorum conducunt mercede Arabas mulieres, quæ & domi mortuos deplorent, & ipsos ad sepulchra flebilibus clamoribus concomitentur. Proceres mortuos ad sepulchra deducunt equites, ducesque equitantes. In hoc etiam templo est disciplinarum omnium Gymnasium celebre in quod singulis annis tercentum millia aureorum impendi fama est, victusque & vestitus omnibus Doctoribus in Gymnasio disciplinas profitentibus, tum juvenibus ibi studentibus publico ære suppeditatur. Est & alterum longè majus templum, Arzuele vocatum, juxta arcis radicem orientem versus positum. Circuitus est ferè miliaris, cujus muri usque adeo sublimes, ut vix quæ in fastigio sunt, oculis comprehendi queant: cui marmoreæ cornices circumstant mirandæ magnitudinis, habentque summitatem nullo tegumento munitam, adeo ut medium templi sub dio jaceat; quod

quod ceteris aliis omnibus templis est commune. Hujus pavimentum miro artificio ex lapillis marmoreis variorum colorum confectum visitur. Ab hoc templo paululum versus occidentem adfunt ædium quarundam regiarum vestigia, quas plures existimant fuisse domicilium Josephi quondam totius Ægypti præfecti. Maximum apparet Palatium circuitus fere milliaris Italici, muris ex lapidibus magna ex parte marmoreis atque lateritiis ex calce confectis, ita præaltis, ut vix acies oculorum ad fastigia attingat, superstant circum fastigia marmoreæ cornices altitudine quatuor fere cubitorum, nudo perpolitoque lapide. Intra muros vero externos omnia ruinis plena sunt. Haud procul hinc cernitur Ægypti Horreum Sonè ab iis nuncupatum. Planities est muris præaltissimis cincta, duorum ferè milliarium circuitu, sub dio posita, nullo scilicet tegumento cooperta, aërique idcirco tota exposita. Quem locum singulo septennio tritico replent, ex eoque intra eos muros acervi montium instar tritici fiunt; qui eminus supra muros conspiciuntur: paucos post dies quam ibi triticum fuerit repositum, eoque totus ille locus fuerit repletus, tritici ex rore copioso cælo noctu cadente superficies corrupta, atque à nimio solis calore plurimum siccata, & indurata, crustas durissimas contrahit palmi ferè crassitie, intra quam triticum (quod ad aëre nihilo tangatur, altereturque) septennio incorruptum conservatur, quo tempore finito Proregis mandato continuo depromitur, populoque dispensatur, ac denuo ex recenti locus impletur. Ægyptiorum non paucis persuasum est, hujusmodi Horreum fuisse olim à Josepho totius Ægypti præfecto ad evitandam annonæ caritatem exædificatum. Mirum profecto non est, si tantæ frumenti quantitatis in magna Cairi civitate fiat provisio, ne si forte aliquando ex Nili fluminis aquæ nimis paucæ, aut immoderato incremento, annonæ caritas succedat, ut iis omnibus ea provisione prospiciatur. Etenim in hac civitate hominum vivere ad minus bisdecem centena millia & plures etiam eo argumento, sive conjectura affecti sumus, quod anno 1580. peste Cairi interiisse deprehensum fuerit quingenta millia hominum, qua sublata continuo cum hanc urbem septimo scilicet men-

sis Julii ingrederemur, vix paucis hominibus civitatem defecisse nobis visum fuerit, ita illam gentibus innumeris repletam vidimus, ut propter hominum multitudinem non absque magna difficultate per vias regias ire hominibus concederetur. Accedit etiam, Turcas è peste interemptis in libro mortuorum neque pueros, neque mulieres, neque mancipia adnotare: unde eo anno ex peste, quæ quinque mensibus urbem fuit depopulata, forte interiisse ad minimum decies centena millia hominum, facile conjici queat. Sunt in hac urbe ædes complures magnificentissimæ, atque augustissimæ, quarum pulchritudo, & magnificentia minime foris conspicua apparet, namque muri solummodo quibus ædium loca cinguntur, foris spectantur, intus vero præclara illarum & pulchritudo, & præstantia conspicua fit. Palatia hæc profecto sunt augustissima, in quibus pro mulieribus sunt ædes separatae, quarum pavimenta ex selectissimis lapillis porphyriticis variorum colorum undique splendentibus miro artificio extructa sunt, tecta ædium omnium aurata mirificè splendent. Habent Balnea ibidem pulcherrima quibus mulieres, & ad valetudinem conservandam, & ad ornatum corporis, frequentius utuntur. Habent & fontes marmoreos continue frigidam aquam fistulis plumbeis in aërem die noctuque ejaculantes, circum quos æstate prope dormiunt. Habent & viridaria separata ab iis, quæ in virorum ædibus sunt, amænissima, & lacus magnos, in quibus omnis generis volatilia, aquatilia, atque pisces nutriuntur; unde illis non desunt piscationes, & in viridariis aucupia. Ædes vero pro viris pulchritudine, atque magnificentia illis mulierum minime cedunt, in quibus loca etiam habent pro viris mancipiis, & stabula equorum, mulorum, & asinorum, pulchritudine, & munditia nullis aliarum nationum postponenda, usque adeo ea elegantia, & munda sunt, ut cameris hominum elegantibus comparare queas. Unum addo: quamlibet domum circa medium ipsius habere latissimam fistulam ligneam, aut ex alia materia confectam, ex toto cavam, & perviam, quæ fere ab imo ædium pavimento incipiens ad summum fastigium, instar campænæ latissimi oris expanditur; cujus pars suprema versus septen-
tri-

trionem est aperta, perque eam apertionem ventus septentrionalis frigidus exinde respirans excipitur, atque deorsum fertur, ad universam domum refrigerandam. Quemadmodum in frigidis regionibus propter insignem aëris frigiditatem, ut homines à frigore se tueantur calida hypocausta in usum veniunt, ita in locis magno calore æstuantibus * hujusmodi fistulæ ad defensionem a calore usum ibidem habent.

Itaque ex prædictis domibus magnifice constructis Cairi complures cernuntur, quas solummodo Turcæ primates, atque Ægyptii habitant, scilicet Sangiachi, Beï, Cadi, Tefterdari, Chiausi, atque Chielebi, idest nobiles Ægyptii. At de ædibus nobilium in hac civitate ita observatis, mirum non est si eas laudes dixerimus: sed quid de plebeorum domibus? Tanta est in ea urbe habitantium superbia, ut nullus non sit vel etiam artifex, qui ædem non habitet magnificè extructam, quæ aulam præsertim non habeat amplam, cujus tectum sit undique auro cælatum, atque pavimentum ex lapillis marmoreis selectissimis variorum colorum splendentibus miro artificio confectum, cum fonte marmoreo frigidam aquam plumbeis fistulis continuo ejaculante. Balnea in hac civitate multa, magnificentissimè extructa visuntur, miræ pulchritudinis, atque amplitudinis, quæ innumeras ferè cameras habent, in quibus homines lavantur, sudant, refrigerantur, fricantur, atque ea faciunt, quæ ad conservandam sanitatem Ægyptii facere solent, atque ad corporis ornatum. Singula habent pavimenta marmorea ex lapillis parvis variorum colorum artificiose strata, & tecta omnia vitreata ipsis incumbunt. Innumera in hac civitate Balnea publica extant, ad quæ conveniunt, & viri, & mulieres. Ex mulieribus vero hæc balnea frequentant plebeæ & pauperculæ, quæ quid in ipsis agant nos in libris de Medicina Ægyptiorum tradidimus. Nobilibus vero mulieribus, & Turcarum, & Ægyptiorum, & Arabum, non licet ea ingredi, cum domi habeant quibus uti solent pulcherrima. At quandoque ad ea & nobiles voluptatis gratia venire solent, cum suis mancipiis eunuchis custoditæ. Hæc civitas habet innu-

me

* Vid. Tab. I. Num. 1.

meras vias, quæ noctu magnis portis ligneis clauduntur ad habitantium securitatem. Unde ipsis tota civitas in tuto redditur. Quo obstaculo ferunt Selimum, Turcarum Regem, quo tempore Ægypto bello potitus est, per tres continuos dies coactum fuisse pugnare antequam ipsam civitatem subigere potuerit. Extra hanc urbem occidentem versus extat adhuc in loco quem Matarea vocant, domuncula, sive Camera quadrata parva, & juxta ipsam fons aquæ dulcis ex quo perpetuo copiosa aqua nascitur, scaturitque, qua proxima viridaria irrigantur, præfertimque ea quæ Balsami plantas alere solent, de quibus nos satis superque scripsimus in dialogo de Balsami planta, & in libro de plantis Ægypti. In hac cella istius domunculæ Beatissimam Virginem Mariam cum Christo Domino nostro infantulo septem annos habitasse constat, quippe, quo tempore Herodis iram fugiens in Ægyptum se receperat. Pro certo habent omnes Ægyptii hic occulte septennio permansisse. Quo tempore illa aqua fontis, & ad victum, & ad pannos eluendos ipsa usa est. Est intra eam cellam in muro ex calce, & lapidibus lateritiis cavitas cubito longior, & semicubito lata, in porphyrite lapide excavata, in qua primum Virginem Beatissimam Jesum Christum Dominum Nostrum infantulum occultasse ferunt. Ex hoc specu respirat odor perquam suavis haud notæ qualitatis, & nos testamur, non semel, sed pluries hujusmodi qualitatem odoris ibi olfecisse, atque cum multis una observasse. Quod miraculum (cum nullo artificio ibi esse queat) cum Christiani omnes, tum Mahometani, pro certo esse prædicant. Hic locus non minus a Turcis, Mauris, Ægyptiis Mahemetes affeclis, quam a Christianis, in magna est veneratione habitus; quod omnes Mahometani omnia de Virgine sanctissima, quæ Christiani credant. Meisir Bassa, Prorex Ægypti, Turca honestissimis moribus præditus, ita eum locum est veneratus toto illo tempore quo Ægypto præfuit, ut bis in hebdomada ad eum locum semper oratum iverit, nullaque alia aqua ad potum toto eo tempore, quam illa quæ ex eo fonte (quod ea Virgo Maria suo tempore usa) scaturiebat, uti voluit. In tanta sane veneratione, & honore maximo eam cellam a

Bea-

Beatissima Virgine olim habitatam, semper habuit. Quid: an-
 non innumeri sunt etiam ex Mauris Mahometanis, qui ex lon-
 ginq̃uis Provinciis, itinere multorum dierum illum locum ado-
 raturi veniunt, quem reverenter colunt, & venerantur, & de
 aqua illiusce fontis quantum possunt secum deferunt, quod apud
 multas Nationes, & Gentes ad morbos persanandos maximis
 laudibus concelebretr, devotèque ad memoriam Virginis san-
 ctissimæ ab iis Gentibus colatur. Est insuper versus Austrum
 Campus duorum milliarium longitudine, & unius latitudine, fi-
 guræ rotundæ ovalis, quem locum olim Theatrum fuisse di-
 cunt à Sbech Rege Ægypti factum, unde & vel etiam ad hanc
 usque diem Sbechie vocatus est. Olim in Nili auctione totus
 ille locus aqua replebatur, obruebaturque, supraque ipsam
 aquam varia & cimbis, & naviculis & aliis modis ludorum ge-
 nera Rege, atque Principibus Ægypti præsentibus, ac omni
 turba Cairi urbis, exercebantur. Hoc tempore terra exinde
 plurimum aucta campus amænus redditus est, qui nunc aqua
 in Nili augmento haud multum inundatur, quaque absorpta
 mense quippe Octobri, in eo feritur triticum, linum, trifolium,
 leguminaque, quæ planicies Decembri mense tota virescit,
 variisque floribus amænissima redditur. Istic post Nili inundatio-
 nem in ea terra pinguißimo limo à flumine relicto obruta,
 Cichoreum ita vegetum luxuriare vidimus, ut foliorum am-
 plitudine majori lappæ similis cerneretur, & ipsius radices
 magnitudine magnum napum æmulerentur, quas Turcæ fac-
 charo ad usum ægrotantium condiunt. Est etiam locus non
 tacendus extra Cairi Civitatem ad Orientem in solo are-
 noso aliquantulum eminente, ubi planities est, ut diximus,
 arenosa, omnino sterilis, & nuda, in qua neque stirps ali-
 qua, neque domus, vel alicujus habitationis vestigium us-
 piam apparet, neque domus aliqua per milliaria visitur.
 Hac via est & ad Pyramides, & ad Mumias: de quibus
 sequenti capite historiam texemus. In hac planicie areno-
 sa, sterili, & omnino nuda, quadam die constituta, scilicet
 à meridie diei Jovis septimanæ sanctæ ad meridiem usque Ve-
 neris sanctæ qui istuc iverunt, & per totam hanc diem, quip-
 D pe

pe à meridie diei Jovis septimanæ sanctæ usque ad Veneris sanctæ meridiem pernoctarunt, referunt vidisse, modo in hac parte illius planicie repente caput inhumati Cadaveris siccati, aut brachium, aut femur, aut totum Cadaver supra terram efferri, & postea etiam in alio ejusdem planicie in qua antea nihil viderunt quippiam supra terram miraculose exivisse. Johannes Emus, Patricius Venetus, qui Caira mercaturæ causa tunc agebat, ea communi curiositate, quæ apud omnes est, suassus, illuc, ea die cum aliis profectus est, ut hoc miraculum observaret, qui cum nihil supra eam planiciem antea offendisset, paulo post repente supra terram Caput mulieris siccatum capillis vel etiam longis, & multis, non destitutum, emicuisse vidit, quod caput domum tulit, mihiq; dono dedit, & non pauci etiam illorum qui una fuerunt, viderunt & ipsi quasdam alias corporis partes supra terram elatas. Cophti Christiani inibi viventes hoc miraculum esse prædicant, hocque singulis annis ea die à multis verè observari. Dicunt etiam inibi corpora multa sanctorum, qui pro Christi Fide vitam martyrio finierunt, fuisse sepulta; in ipsorumque sanctitatem hoc miraculum referunt. Anno MDLXXXIV. Hebraimus Bassa, Prorex Ægypti, istius admirandæ apparitionis fama & ipse persuasus, cum multis aliis Turcis, ut hæc videret, noctem Veneris sanctæ in ea planicie pernoctavit, qui an ipse vel alii quidquam viderint certo scire tunc haud potui. Caira innumera viridaria amplissima, atque amænissima extant, quorum terram aqua irrigant quodam Rotarum artificio, ut etiam alias dictum est, quod feschiè appellant, è cisternaeducta. In his hortis ex arboribus virescunt mala citria, aurantia, limonia sylvestria, & domestica, poma Adami vocata, musa itidem quæ foliorum viriditate amænissima jucundissimum aspectum oculis obiectant. Hanc arborem in libro de plantis Ægypti accuratè descripsimus, deque ipsis posterius etiam quædam dicemus: Est & Tamariscus domesticus, paliurus Athenei (napea vocant) vitis, malum Persicum, Armeniacum, ficus, sycomorus, Cassia Cathartica, Ligustrum Ægyptium, prunus Sebestena, palma, acacia, & ex aliis stirpibus est faba Ægyptia, culcas appellata,

flata, Cucumeres Cathè dicti, melones abdellavi, anguriæ el-
maoui vocatæ, faba Ægyptia leguminosa: Ocymus arborescens
cariophyllatus, piper longum, juncus, gelsiminus Arabicus,
rosa cujuscumque generis, soffera, sabdariffa, lablab, phasio-
lus arboreus niger, rubeus, perennis, bis in anno flores at-
que filiquas ferens. Hæc magna Cairi urbs & tempore, quo
in ipsa Medicinæ causa moram traxi, erat totius ferè Orientis
locorum Emporium celeberrimum, ad quod trium dierum spa-
tio ex Sues, & Tor aromata, aliæque magni pretii merces ex
India per mare rubrum Navibus allatæ Camelis convehebantur;
quæ per Nilum flumen Alexandriam, parvis naviculis iti-
dem conducebantur, quæ & ipsa magnum etiam Mundi Empo-
rium fuit vocata, quo Italia, Gallia, Hispania, Anglia, Ger-
mania, & cæteræ aliæ Provinciæ Europæ gemmas, nec non
eorum, quæ ad rem medicam faciunt, magnam partem acci-
piunt. At ad Cairum redeo, ad quam urbem omnium aroma-
tum genera ex India, Arabia, & Æthiopia convehuntur. Ex
Æthiopia ferunt arenam auream purissimam quam mercato-
res commutant in coralia, succina, vitra, hydrargyrum, at-
que in pannos lineos. Ex Italia vero, Gallia, Anglia panni
lanei, sericei, stamnum, hydrargyrum, succina, coralia, at-
que arsenicum, quod Ægyptii una cum tritico ferunt, nè à
muribus, quibus omnes agri Ægyptii abundant, triticum absum-
atur. Abundat quoque hæc Civitas omnibus ad victum atti-
nentibus, carnibus omnium animalium, & sylvestrium, & do-
mesticorum: ex quadrupedibus habent bufalos, boves, ca-
pras, hædos, agnos, verveces, quorum caro ibi majori in
pretio est quam sit vitulina, hædinaque, neque id injuria,
cum ipsa sit odoratior cæteris, atque suavior, unde medici li-
bentius quam cæteræ alius carnis vervecinæ esum ægrotis conce-
dere solent. Habent ex volatilibus columbas, gallinasque va-
riorum generum communes nostratibus, proprias quasdam ma-
gnitudine anserum, quas Maliffas appellant, quasdam pereгри-
nas ex Abissia convectas (vulgus Gallinas Pharaonis appellat)
quæ carnem habent suavissimam, & optimam; videntur Gal-
linæ Numidicæ, cognitæ Martiali: ex volatilibus sylvestribus illis

non deest copia ingens turturum, passerum, coturnicum, palumbarum, perdicum, & aliarum avium: Ex aquatilibus sylvestribus, dici satis non potest, cujusque generis quanta copia flumina, & lacus abundant, ut ideò vilissimo pretio multa ibi ex iis habeantur.

C A P U T VI.

De Pyramidibus, atque de magno Colosso Sphinge vocato.

DE Pyramidibus etsi à veteribus multis, & à recentioribus sufficienter scriptum fuerit, tamen & nos quoque quæ de ipsis vidimus, atque observavimus paucis hic restringenda duximus. Extra Civitatem Cairi quinque milliaribus Italicis ad orientem extant famosissimæ Pyramides, tantopere à veteribus inter res maximè admirandas concelebratæ, præsertimque tres, duæ majores fundo lapideo in solo arenoso superstant, atque altera minor ab ipsis fere milliare distat. Ex iis altera quæ grandior est primum in itinere offenditur, magnis quidem ex marmorei lapidis glebis quadratis confecta, cujus profecto tanta spectantibus moles objicitur, ut ad eam comparandam lapides montium totius ferè Europæ vix sufficere potuisse non pauci existimarunt: unde meritò inter rerum admirandarum maxime admiranda ea à multis comprehensa est, maximum nimirum Ægypti Regum superbix, clarissimumque argumentum, qui hasce ingentes moles pro sepulchris sibi ipsis condiderint. Hæc inquam Pyramis mole ampliori, habet altitudinem, ut nos diligenter simul cum aliis multis dimensi sumus, centum viginti quinque passuum, in cujus fastigio terminat ipsam lapis quadratus latitudinis decem passuum, ad quem cum nos per gradus Pyramidis exterius positos ascendendo pervenissemus, animadvertimus complurium hominum qui quodam tempore illuc venerant nomina ad ipsorum perennem memoriam insculpta, inter quæ legimus nomen Melchioris Guilandini tempore quo ad eam

eam Pyramidem visendam venerat, sculptura rudi notatum. Totius verò Pyramidis quadraturæ basis circuitum extitisse quingentorum passuumprehendimus, etenim unumquodque latus longitudine erat centum, & quinquaginta passuum. Ab ima base ad summum fastigium ascenditur per gradus ex quibus universa est composita: primum gradum unius passus altitudinis, & latitudinis animadvertimus, & ita reliquorum graduum magnitudo respondet, sed quo altius itur, eo aliquantisper gradus altitudine, & latitudine diminui videntur. At in tam longo sæculorum tractu in quibusdam Pyramidis partibus, gradus, & superficies quoquo pacto vitium contraxerunt, maximeque in parte ad Austrum posita. Namque in Ægypto muri ædium ab austro ita patiuntur, & vitiantur, ut in Italia à septentrione; quod nos non tantum in Pyramidibus verum esse animadvertimus, sed in universa hac Civitate; quæ Bellonius, contrarium scribens (quippe Pyramidas in parte septentrioni exposita aliquid passas fuisse) construendo illis ex cælo situm fortasse deceptus est. Sed jam ea quæ intro hanc Pyramidem vidimus, dicamus. Namque nulli visi fuerunt probè descripsisse ea, quæ intus sunt. Unum solummodo ostium hæc per quod pateret ingressus ad annum usque MDLXXXIV. habuit. Quo vero anno Hebraimi Bassæ, Proregis Ægypti, quadam curiositate persuasi, aut potius à quodam viro Afro psychomante, nimirum quod intra hanc Pyramidem ditissimus Thesaurus contineretur, mandato ostium ipsius Pyramidis, quod fuerat angustissimum, & ingressum reddebat difficillimum, usque adeo Pyramidem lacerando, & frangendo ampliatus fuit, ut nunc homo rectus incedens commodè ingredi queat. Decreverat etiam ante, quodam puteo intra Pyramidem posito, pulvere ignifero oppleto, eam ex toto Pyramidem delere. Sed ille à Georgio Emo, hoc tempore pro Serenissimo Dominio Veneto Consule Illustrissimo, dissuasus (quod inquam si id fecisset tota Civitas maximo periculo exponeretur) sententiam mutavit. At de Pyramidis istius ingressu jam jam sermonem instituo. Dixi unum quidem solummodo Pyramidem juxta basim in medio lateris ostium pro ingressu habuisse, per quod cuique ingressus

pateret. Itaque in muro Pyramidis lapideo ad imam basim penes lateris medium foramen extitit quinque fere passibus longum trumbæ quadrilateræ simile, foris ore ampliori, latiorivè, & intus angustiori rotundo. Ex latitudine ampla sensim, ac sensim ita in magnam & declivem angustiam hoc ostium definiebat, atque ita os internum istiusce foramins parvum, angustumque reddebatur, per quod homo humi in ventrem procumbens serpentis modo perreptando vix ingredi poterat, ingressusque intus, quendam locum spaciosum offendit, in quo ad dextram puteus est satis angustus ferè semper arena, lapidibusque obturatus, cujus profecto putei ex veteribus vel etiam Plinius meminit; At postquam in hunc locum venimus, paululum supra ascendimus, veluti in quendam alium planum locum, à quo incipit scala lata ex lapidibus maxime perpolitis, splendentibusque, tecto alto rotundo ex iisdem lapidibus itidem splendentibus magno artificio elaborato, atque ita, ut lapidum commissuræ vix appareant: pavementum quoque lapideum perpolitum apparet absque gradibus, unde ascendendo coacti fuimus ad quædam podia instar cornicum parvarum lapidearum utrinque posita ex intervallis quosdam meatus habentia manu eos meatus apprehendo altius ascendere. Hæc scala rectissimè ascendit, longiorque erat quam quæ in Venetis Palatiis observantur. Quem ascensum postquam absolvimus, viam quadratam marmoream humilem longissimamque, scilicet quindecim, aut viginti passibus per quam curvato corpore ire cogebamur, qua finita, alteram scalam priori omnino similem ascendere fuit opus, & post ipsam, alia via quadrata priori omnino simili, transivimus, & in quandam cellulam quadratam ostium apertum habentem pervenimus, cujus tectum ex quinque integris lapidibus constabat, supradicto modo, & perpolitis, & mira arte conjunctis, in ea cubiculi, seu cameræ parte illius quæ juxta parietem erat qui nobis ostium ingredientibus objiciebatur, extabat veluti arca longa ex marmore ophyti nigrescente confecta, sine operculo longitudine pedum xii., & altitudine, & latitudine itidem pedum v. Parietes istius Arcæ marmoreæ erant usque adeo tenues sive subtiles, ut exinde aliqui
ex

ex nostris dubitaverint an essent marmorei, vel potius illud sepulchrum fuerit non ex lapide, at potius ex quadam massa, seu materia qua marmorei lapides nobilissimi adulterari solent. A nostris ea percussa, sonum instar Campanæ edidit. Addo ad hoc cubiculum luminis quoddam spiraculum pervenire. Nos vero omnes illas partes internas Pyramidis accensis luminibus perlustravimus. Contigit tamen quendam juvenem Gallum, qui una nobiscum ad visendam Pyramidem venerat, cum ultimam scalam descendendo, & manus podiorum ad meatum quendam adhibendo serpentem offendisset, ejus timore cum podium relinqueret, per pavimentum ex tota scala decidisse, non absque multo timore, & sui corporis damno. Hæcque fuerunt intus hanc majorem Pyramidem à nobis observata. At unum ad majorem quoque istiusce Pyramidis præstantiam, atque admirationem habendam haud tacendum duximus, scilicet de Puteo, quem statim Pyramidem ingressi offendimus, quem passus LXX. descendere certo deprehendimus, quemque nihil aquæ habere itidem comperimus; dicamque quomodo illud cognovisse nobis contigerit. Venerat tum temporis in Ægyptum ex monte Libano vocato Reverendus frater Ordinis Prædicatorum Paulus Bigi (ut audio Janensis) vir sane in omni disciplinarum genere eruditissimus, præsertimque in Mathematicis, & in rebus Mechanicis: ex horologiis æneis spheram ipse confecerat, in qua omnes cæli spherarum omnium motus, præsertimque errantium syderum rectissimè observabantur. Quo etiam artificio Cairi ad Assan Ægypti Proregem naviculam parvam auream fecerat, quæ horologiorum, ut dixi, opera, omnes motus cujuslibet navis spontè obibat, nobisque primum, cum fuisset absoluta, eam ostendit, ipsa enim spontè ante, retroque, & in girum movebatur, in ipsa vela expandebantur, atque claudebantur, anchoræ extrahebantur, ænea tormenta spontè explodebantur, tubicinarum soni audiebantur, & reliqua singula faciebat, quæ in navibus fieri solent. Erat itaque hic vir eo ingenio præditus, ut omnia diligentius cæteris rimaretur, qui cum forte nobiscum unâ ad Pyramides observandas quadam die venerat, singulaque intra Pyramidem posita

posita eam ingressus diligentius considerasset, in eam venit sententiam, ut Pyramis tam profunda esset, quàm supra terram extare videbatur, suspicatusque est, illum puteum, non ad aquam excipiendam, at ut esset via potius ad infernas partes Pyramidis adeundas factum fuisse, cujus rei veritatem, ut cognosceret, à rusticis putei foramen, seu meatus, terra, lapidibusque obturatus, ut mundaretur, cavitasque pervia, ac libera redderetur, omnino nullis sumptibus parcendo, curavit, & postea per funem longissimum intro inditum, & ipse, & alii, & ego unà descendimus passus usque septuaginta, & magna etiam commoditate, cum utrinque putei meatus haberet quosdam lapides eminentes veluti podia, quibus facilis etiam, & tutus descensus reddebatur: postquam descendimus passus (ut diximus) LXX. duas vias quadratas iis, quæ in Pyramidis supernis partibus offendimus, invenimus simul conjunctas in loco vacuo ad quem puteus pervenit, quarum altera ad Sphingem lapideam, atque altera ad alteram Pyramidem, ad quam nullus patet ingressus, ducebat, ad quas inquam profecti essemus, ni vias à lapidibus qui deciderant obturatas offendissemus, similesque futuræ ruinæ nobis timorem magnum etiam iniecissent. Quare hic puteus non ob aquam olim operi suppeditandam, ut falsò Bellonius credidit, fuit extructus, at ut esset via ad visendam & Sphingem illam magnam lapideam, non longe ab hac Pyramide positam, atque alteram Pyramidem, quam Reginæ sepulturam vocant, ad quam introeundam exterius nullus patet aditus. Tam longum illiusce putei descensum vel etiam Plinius meminit, quem expressit esse LXXXVI. cubitorum, cujus testimonio filius Paulus Bigi ipsius totum descensum rimari voluit. Jacobus Manus Salodiensis, Medicus eruditus, ex quo nos multa de rebus Ægypti audivimus & accepimus, aliquando de Pyramidibus inquit. „ Cum multi anno „ MDLXXVII. tam Veneti quam alii aliarum Nationum ad Py- „ ramides venissent, ostiumque, quo ad majorem Pyramidem pa- „ tet ingressus, ab arenosa terra, qua fere semper clausum est, „ rusticorum (quos Bedovi vocant) opera minus probè mundas- „ sent, atque complures ingressi essent, redeuntesque denuo „ ostium

ostium arena fere obstructum cum offendissent omnes egredi nequisse, sed duos ex iis ibi pernoctare coactos fuisse, quorum alter Venetus, & alter Sículus erat, neque istac die ostium aperiri potuit, nocte enim adventante, cum longè ab urbe abessent, Arabum metu in urbem redire, sociosque ibi noctu relinquere fuit necesse, quos tamen non citra laborem sequenti die sanos eduxerunt, qui se à noctuis, aliisque volucris, vespertilionibusque tota ea nocte valde laborasse retulerunt. Sequitur altera Pyramis quæ priori paulo minor visa est, jactu lapidis dissita, de qua nihil aliud dicemus, quam ipsam exterius gradus per quos fiat ascensus nullos habere; quinimo latera singula marmorea plana, perpolitaeque in ea observari, nullumque ostium exterius hucusque in ea fuisse cognitum per quod aliquis ingressus pateret. Unde cum sepulchrum vel Regis alicujus, vel, ut multi existimant, Reginae cujuspiam extiterit, quod sane ab omnibus Ægyptiis verè creditum est, credibile itidem videtur, ut per majorem Pyramidem intra ipsam fuerit ingressus, quippe, ut à Reverendo Bigi primum suspicatum, cognitumque fuisse nuper nar ravimus, per puteum, atque per vias quadratas à profundo putei incipientes, quarum alteram ad Sphingem proximam, alteramque ad hanc Pyramidem pervenire ex pyxide navigatoria certo deprehendimus. Tertia, longe minor, itidem deprehensa est undique clausa, nullisque gradibus exterius exornata. Longe plures, & in hac eadem planicie, aliæ Pyramides parvæ, & in aliis Ægypti locis extant, de quibus, cum illas non viderimus, nihil dicemus, uno excepto, quod omnes sint mortuorum sepulturæ. Sed tandem ad magnum illum Colossum, Sphingem vocatum, prope primam Pyramidem, ex maximo, integroque lapide extructum, venimus. Hoc quidem maximum saxum est marmoreum, in quo ingens quædam facies, latissimaque, Cairum spectans, maximo sane artificio in omnibus partibus sculpta visitur, namque ipsius mentum, os, nasus, oculi, frons, auresque ex artis sculpturâ magno judicio exsculpta videntur: nullum in ipso lapide apparet ostium per quod ingredi intus queas, at credibile est, ut & à nobis dictum







etum etiam fuit, ipsum Colossum per majorem Pyramidem proximam habuisse ingressum: credibile quoque est ipsam Sphingem, cum olim responsa daret, intus loca vacua habuisse, ad quæ sacerdotes ingrederentur, ut responsa Sphingis vice supplere possent.

C A P U T VII.

De conditis Ægyptiorum corporibus, quæ Mumias vulgus appellat, deque ipsorum sepulchris.

Credunt Ægyptii, & meritò quidem, Pyramidum usum ad sepelienda, vel conservanda condita cadavera, sepulchris vulgo vocatis multo antiquiorem esse. Unde & aliud (quod Ægyptiis multis creditum est) haud injuria itidem credi poterit, quippe totam illam planiciem in qua & Pyramides, & sepulturæ intus in lapides excavatæ cernuntur, fuisse montes marmoreos, ex quorum lapidibus (etsi hi soli lapides ad illas ingentes Pyramidum moles extruendas minimè suffecerint) ex parte Pyramides illas extructas fuisse, quæ veritas hac una conjectura facile confirmabitur, scilicet quod tota illa planicies decem, & plurium etiam milliarium spacio contenta, quæ videtur arenosa, sit lapidea, non spontè à natura, sed ab arte, sculptura scilicet, elaborata, atque etiam, quod lapideis montibus sit contermina. Itaque post usum Pyramidum pro sepulchris, qui fuit olim Regum, Principum, & Magnatum, invaluisse postea usum conservandi condita cadavera in quibusdam cubiculis intra hanc saxeam planiciem excavatis, seu in parvis quibusdam cellulis lapideis exsculptis. Itaque sepulchra illa innumera fere in ea planicie ad hanc usque diem integra servata offenduntur, atque, ut fuit veterum Ægyptiorum erga parentes, & amicos amor, atque humanitas benevola, ita curarunt, operamque dederunt, ut quemadmodum dum viverent, simul esse gaudebant, ita post mortem non minus usque ad resurrectionem mortuorum simul, unde





parentes ad sepelienda ipsorum cadavera cellulas in lapide marmoreo excavatas fieri curabant, quæ amicorum itidem sepulchris conjunctæ essent, & ostium etiam habebant, per quod ex una in aliam ingressus pateret. Curabant fanè ut in ipsis ad latera in loco eminenti reponerentur cadavera patrum familiæ, scilicet mariti, uxoris, filiorum: & mancipia, servi-que conditi humi strati procumbebant, unus supra alium, adeo ut in ipsis parvis cubiculis in lapide excavatis fere omnibus quæ vidimus circa ipsarum parietes nobilium cadavera condita in loco eminenti spectentur, compluriumque etiam nobilium & pictæ figuræ ex ligno parietibus affixæ pendebant, atque etiam ex gypso quorundam imagines confectæ, præsertimque mulierum ex pictura coloratæ, habentes ficas parvas auratas, Ægyptiis quibusdam antiquis characteribus insignitæ. Dominicus à Rege, qui triginta, & plures quoque annos pro Veneta natione Pharmacopæam, & Chirurgiam Cairi fecerat, ex Ægypto proximis annis Venetias reversus, complura & virorum, & mulierum defunctorum simulacra & ex ligno, & ex gypso cum suis coloribus accuratè configurata, & picturis variis, pulcherrimisque ornata, Venetias tulit, quas cuidam antiquario cum multis aliis antiquitatis monumentis vendidit. Innumera intra eam lapideam planiciem cubacula concamerata extant, alia rotundæ, alia quadratæ figuræ, cadaveribus medicatis plena. Ingrediebamur intra sepulchrum unum per meatum rotundum descendentes, atque ex uno cubiculo per internum itidem foramen rotundum in alterum transivimus, & ex his in alia numero ferè infinita. Non satis certè hætenus veterum Ægyptiorum sapientiam in suis cadaveribus in hisce sepulchris perpetuò conservandis video ab aliquo, ut res ipsa exposceret, fuisse debitis laudibus concelebratam. Eam gentem apud quam olim ille sepeliendi mortuos modus fuit familiaris, Idololatram extitisse, facili, certa-que conjectura assequimur, quod singula cadavera medicata, Mumia vulgo vocata, intus contineant aliquod Idolum, aut vitreum, aut lapideum, aut æneum, quæ* Idola in ipsis va-

* Vide TAB. I. Num. 2. & 3.

riorum generum esse deprehendimus ; nos ex communibus plura habemus intra illorum corpora inventa , hæcque quadantenus in facie , & capite humanam , muliebremque figuram representant , quædam figuras ignotas , quæ bruta animalia ex infectis quæpiam esse constat. Nos intra quoddam medicatum cadaver invenimus scarabæum magnum ex lapide marmoreo efformatum , quod intra pectus cum libanotidis coronarii ramis colligatum , fuerat repositum. Incredibile dictu , rami rorismarini , qui una cum idolo inventi fuerunt , folia usque adeo viridia , & recentia visa fuerunt , ut ea die à planta decerpti , & positi apparuerint. Quæ cadavera spacio ad minus duorum millium annorum incorrupta , integraque fuerunt in hisce sepulcris conservata , & duratura quoque in perpetuum sunt. Sed unum non est omittendum , scilicet quibus hæc corpora perpetuò duratura olim Ægyptii condire consueverint : de qua re opinionem vulgarem fuisse constat , ut compositum medicamentum quo condiebantur cadavera , ex myrrha , aloë , croco , opobalsamoque esset , quam fortè sententiam secutus est Serapio , qui inquit. Mumiam sepulchrorum esse myrrham , aloëmque cum eo quod admiscetur iis de humiditate corporis humani. Strabo inquit , bitumen Judaicum olim usum habuisse ad tuenda hominum cadavera. Dioscorides vero , Galenus , Diodorusque Siculus , atque alii ex veteribus cedriam fuisse aptissimam ad cadavera conservanda tradiderunt. Petrus Bellonius credidit biffasphalto omnia Ægyptiorum condita corpora fuisse , à qua opinione non judico esse discedendum , cum Mumia , quæ extrahitur ex conditis , seu medicatis illis cadaveribus , nihil aliud esse videatur ex colore nigro splendente , odore , & quadantenus etiam sapore quam biffasphaltum. Non tamen negandum in quibusdam nobilium cadaveribus præter biffasphaltum , fortasse fuisse additam myrrham , aloëm , crocum ad odorem , & in aliquibus opobalsamum. Sed ut ingenuè fatear veritatem , nos in Mumia nobilium cadaverum quæ ex locis eminentibus concameratorum illorum sepulchrorum , aliis humi stratis superstantia , & sublimius posita dignoscuntur , & in illa plebeorum , & pauperum humi stratorum , nullam manifestam

nifestam differentiam, tametsi id diligentius fuerimus perscrutati, ex colore, sapore, & odore observare potuimus. Cedria vero ea corpora non fuisse condita, color, atque odor satis testari videntur, cum cedria non sit coloris bituminis, neque odoris, neque vel etiam saporis. Ignoramus etiam unde tanta cedriæ copia, quæ suffecerit ad omnia Ægyptiorum cadavera condienda, fuerit illis suppeditata. Sed de hac re, aliorum quoque esto iudicium, hæc enim obiter dixisse volumus, demum unum aliud quoque duximus animadvertendum, scilicet, Mumias antiquorum non fuisse corpora Ægyptiorum, Arabumque quovis modo siccata; maximeque quæ in deserto ab arena suffocata interierunt, siquidem complura in arena quod sit nitrosæ facultatis quotidie ita exsiccata observantur, ut perpetuo, si in loco idoneo conservarentur, duratura, perinde atque illa quæ medicamentis condita in sepulcris conservantur, forent. Multis in locis in Ægypto propter solum nitrosum, & arenosum, corpora quæ in eo solo sepeliuntur in Mumias siccantur, ex quibus omnes illos qui istorum corporum siccatorum carnem siccata accipiunt pro Mumia, satis errare liquidò constabit. Hic addo ex Diodoro Siculo, Ægyptiorum usum ad sepelienda cadavera; quippe ea domi plures dies servata, postea à Memphi per lacum naviculis ad sepulcra, quæ X. miliarium spacio distant, deducere fuisse solitum: Ex quo Græci finxerunt animas mortuorum à Charonte per naviculam paludem Stygiam transvehi, ut ad campos Elisios deducerentur. Quod si verum esset, nos quoque lacum Stygium pertransiisse ad Mumias sæpe profectos haud dubitandum erit.

CAPUT VIII.

De Rassit, atque Damiata Ægypti nunc Urbibus.

Rassit est oppidum ad ostium Nili Canopicum, ab antiquis Canopus dictum, ab ostio per quod Nilus in mare Ægyptium exoneratur quinque miliaribus distans. Alexandria per

diem terrestri itinere ad hanc urbem itur, quæ omnium rerum ad victum attinentium est opulentissima: ab hac trium dierum spacio per Nilum flumen navigant: Locus est viridariis multis adprimè amænus. Ex Civitate Cairi in Damiatam, olim Pelusium vocatam, quatuor diebus per alterum ramum Nili cum illo qui ducit Rassit, atque cum mare Ægyptio, Deltam insulam constituyente, parva navicula pervenimus, atque eundo supra flumen coacti fuimus cum latronibus pugnare, quam ob causam itinera in Ægypto solent esse periculosissima. Dum per Nilum navigaremus vidimus planiciem fertilissimam, atque amænissimam utrinque à natura factam, & quo proprius Damiatæ appropinquaremus, multo amænior visa est, quoniam plus ea pars Ægypti, quod sit aliis humilior, à flumine, & commodius irrigetur. Parva Civitas est, intus satis indecora, quæ villam potius æmuletur, opaca, immundaque est: portum in ostio Pelusiaco haud multum distantem habet opportunissimum, ad quem naves multæ è Hierosolyma, Syria, Cypro, Creta, & ex aliis locis navigant, quæ piscibus salitis onerantur. Juxta hanc urbem in Nilo ranas, quæ paucissimæ sunt, luteique ferè coloris, offendimus, quas nusquam in alio Nili loco nos audiveramus. Loca extra urbem posita nobis amæniora visa sunt quàm alia in Ægypto videre potuerimus; neque alia ratione id evenire putamus, quam quod habeat solum demissius, majori fluminis aquæ, quæ ibi copiosior abundat, inrigatione foveatur. Nusquam viridaria neque numerosiora, neque pulchriora, sæcundioraque in Ægypto visuntur, quæ effossis ab canalibus circumdantur (perinde ac agri in Italia) Nili aqua plenis, in quorum superciliis Cassiæ arbores, instar nucum juglandium in agro Patavino virentium, pro vitium sustentatione habent; unde cassiarum racemosi flores multi aurei coloris in vitium foliorum amænissimo colore expansi, mistique aspectum reddunt jucundissimum. Hæc viridaria abundantius copiosioribus, iisdemque vegetioribus pulchrioribus, & enbd arborum altitudinem, & caudicis crassitiem accedentibus quam alibi viderimus; malis itidem citriis, aurantiis, limonibus, ligustris Ægyptiis, paliuris, atque aliis stirpibus, quæ

quæ singula simul mixta aspectum in ipsis viridariis reddunt jucundissimum, atque amænissimum. Via est lata ab hac Civitate juxta Nilum flumen quo Damiatatur ad Villam Menzelavi vocatam, fossis latis aqua plenis, agris, viridariisque interstincta, quod est ita in Ægypto rarum, ut nullibi alias inveniri queat, quando in hac regione vel campi sint, vel arena, vel flumen, ita ut nullæ viæ in tota Ægypto existant, cumque in ea via ambulem, videbar mihi esse juxta Patavium, in via qua itur ad Reverendos Capucinos per locum Vantium nuncupatum.

CAPUT IX.

*De Calice in Templis, domibusque Ægypti picto,
atque de ejus historia.*

Nullum Templum, nullaque domus ferè in Ægypto reperitur, maxime vero in Caire civitate, quæ multis in locis pictum vel insculptum † calicem cum hostia, & duabus tedibus utrinque non habeat. In Syria quoque iidem calices picti in multis locis reperiuntur, qui cum Syria sub Ægypto esset, etiam isthic observari cæperunt, quod in Federici Imperatoris ab Rege Ægypti capti memoriam fieri asserunt. Inquiunt enim illum Imperatorem, Hierosolymam ex Mahometanorum dominio liberare cupientem, per se ipsum primum eam Ægypti regionem explorare voluisse, ut vires tanti Regis Ægyptii, cujus imperio tota Hierosolyma stabat, ejusque potentiam oculatius cognoscere posset: de qua re Alexandrum Tertium Pontificem maximum consuluisse, eique soli ipsius desiderium, institutumque aperuisse: illud Pontifice annuente, laudanteque, iter aggressum fuisse. Quæ tamen omnia quidam à secretis Pontificis, Imperatoris odio, e mentibus ipsius Pontificis manu, & sigillo ipsius, Ægyptio Regi scripsit, eoque Christianorum Imperatorem iturum significavit, ut Ægypti opes, & statum personatim cognoscat, quod Hierosolymam expugnare

† Vide TAB. I. Num. 4.

gnaturus esset, signaque præcipua quibus Imperatorem recognosceret addidit; Quæ omnia Rex Ægyptius libentissimè audivit, continuoque custodes posuit in locis omnibus maritimis ad quæ Naves feruntur; ipsisque imperavit, ut omnes qui ad ea loca pervenerint, ad se ducerent. Nec multo post Imperator cum sacerdote appulit ad Ægypti portum, qui ad Ægyptium Regem adductus, probeque ex signis recognitus, accuratissimeque inrerrogatus quis esset, quamobrem Ægyptum adiisset. Ad quem Imperator cum respondisset, se esse hominem Germanum, qui cuperet sanctissima loca in Hierosolyma, & videre & adorare. Ægyptius Rex tunc dixit: Non me latet te Imperatorem Romanum Christianorum esse, teque huc venisse, ut hæc regna mea videres, atque deinde ipsa bello invaderes: quod cum firmiter negasset, ei literas, quas falso à Pontifice acceptas credebat, ostendit: quibus lectis, dum annulum Piscatoris; ementitamque Pontificis subscriptionem intueretur Imperator, obmutuit, & quid amplius responderet, ut iterum in negatione constanter perseveraret, non habebat, eaque literarum visione victus, persuasusque, suum secretum institutum Ægyptio Regi à Pontifice proditum fuisse, apertè Imperatorem se esse, fassus est; illuc verò minime venisse exploratorem affirmavit; sed ut sanctissimum Christi sepulcrum inviseret, ac adoraret: at per Ægyptum viam, iterve ea præsertim causa tenuisse, ut oculis usurparet, quæ de illius Regni potentia, atque Regis optima moderatione audierat, miraque quæ in eo Regno esse fama erat, conspiceret, cognosceretque. Verum multis inter ipsos dictis, adductisque, in eam sententiam Ægyptius Rex adductus est, ut tantum Imperatorem honorificentissime exciperet, atque ut totum Ægypti Regnum liberè inviseret, si vellet, concessit. Neque enim, inquit, vestra arma timeo, licet aliis Regibus istud non placeret, quippè hostilem Regem sua Regna, potentiamque explorare. Imperator per multos dies in Ægypto moram traxit, perpetuò magno honore ab Ægyptio Rege affectus, cumque vidisset tanti Regni, Regisque opes, magnificentiamque, à Rege facultatem petiit Hierosolymam versus proficiscendi, ad suos.

suosque redeundi, quod ut facilius obtineret, se illi eam auri summam daturum promisit; qua capti Imperatores redimuntur. Quam rem ut libentius (subdidit) mihi concedas, tibi pignus relinquam, quo mihi nihil carius, neque in terra, neque in cælo est. Ægyptius conditionem accepit, cui Imperator Calicem, sacrosanctam synaxim in arcula clausam cum duabus accensis tedis una cum sacerdote custode reliquit. Verum enim vero post multum tempus Ægyptius Rex, quid Imperator pro pignore sibi reliquerit sciendi avidus, arculam aperiri iussit, in ipsaque invenit Calicem cum hostia & duabus parvis tedis accensis, tot diebus minimè consumptis. Quæ res omnibus fuit plurimum & admirata, & concelebrata: atque exinde cæperunt omnes Ægyptii Calicem cum hostia, & duabus tedis accensis foris in parietibus atque in Templis, ac ædibus depingere, vel sculpere, deincepsque nostros sacerdotes summè venerari. Imperator locis sanctis Hierosolymæ visitatis, eaque summe veneratus, domum reversus, insignem auri copiam, atque longè maiorem quam ei promiserat, muneraque tanto Imperatore digna ad Regem misit, arculamque cum custode recepit. Posteaque eò ipsius ira odiumque adversus Pontificem venit, ut ipsi bellum inferret, quem sui proditorem crederet; quod magnis collectis copiis fecit, ipsumque Roma fugere coëgit. Cumque Pontifex Venetiis (ubi diu in Cœnobio latuerat) recognitus esset, à Senatu summis honoribus susceptus, affectusque fuit. Quod cum Imperatori innotuisset, classem contra Venetos misit, Othone filio duce, qui quamvis viribus Venetis longè superior esset, tamen ejus providentia, quæ innocentiores semper defendit, à Venetis superatus, Venetique Senatus opera proditore cognito, Pontifex innocens in suum locum magno honore restituitur. Hæc est historia Calicis, qui cum duabus tedis accensis multis in locis pictus, sculptusve, etiam hac nostra ætate spectatur. De qua historia illud unum Ægyptiis credendum duco, quippe Regem quempiam, fortasse Ludovicum V. non Imperatorem sed (Galliarum Regem) in Ægyptum profectum ab Ægyptio Rege captum fuisse, illique pro pignore relictam Arculam ha-

bentem calicem cum hostia, & duabus tedis. Quod vèro Federicus primus Imperator, Barbarossa vocatus, fuerit ille, qui in Ægyptum fuerit profectus, & captus, & reliquerit pro pignore eam arculam, plane ab omni historiarum veritate abhorere videtur, cum nusquam legatur ipsum ivisse in Ægyptum. Neque verum est ipsum, Alexandrum Pontificem de ea in Ægyptum profectioe consuluisse, etenim omnium historiographorum firmissimo testimonio constat, Federicum odio habere cæpisse Alexandrum summum Pontificem, quam primum ipse fuerit in Pontificatu electus, qua de causa duos Antipapas Imperator contra ipsum substituit, eosque defendit: nunquam verò constat Pontificem hunc fuisse allocutum, nisi posteaquam Pontifici Venetiis fuit reconciliatus, & Pontifex in locum restitutus. Credo equidem aliquibus dicentibus in Ægypto ab Ægyptio Rege eo modo quo de Federico Imperatore dictum est, captum fuisse quendam Galliarum Regem in quem historia Calicis, & non in Imperatorem consultius erit referenda.

C A P U T X.

*De Ægypti gubernatione, atque de Turcis qui
præsumt Ægyptio Regno.*

Quemadmodum olim Ægyptus optimè regebatur, triplexque gentis genus antiquitus hanc Provinciam habitabat, ita nunc fere itidem observatur, quippe ut una pars istiusce gentis milites sint, altera sacerdotes, tertia agricolæ, atque coloni. Etenim Turcarum Reges provinciam quam bello ceperint, populumque quem subegerint, suoque imperio adjunxerint, propriis legibus, ut vivant permittunt, nisi aliquam defectionem, aut tumultuationem ipsum fecisse præsenferint. Quod quidem, & in omnibus locis, maximeque in Ægypto observatur, ubi adhuc horrea servantur, quæ sanctus Joseph instituit, legesque quas publicavit in agrorum divisione (quos fame ingruente ab Ægyptiis suo Regi emit) posteaquam
illis

illis illos reddidit, ea tamen lege ut quintam frugum partem quotannis Regi darent, quatuor partibus pro se ipsis reservatis, & pro femine, & pro familiarum nutrimento. Quæ consuetudo inviolabiliter ab Ægyptiis Regibus fuit observata, quoad in Turcarum ditionem redacti sunt, sub quibus non minus eadem ferè aliquantisper mutata servari constat. Horreis quidam præficitur, qui decem aureorum millia in annum quæstum facit; servans etiamnum legem quam Amasim Regem (auctore Herodoto) tulisse ferunt, quippe ut singuli quotannis apud Nomarchen, hoc est Præsidem, ostenderent unde viverent, & qui hoc non faceret, aut genus vitæ Præsidi approbare non posset, huic pœna extremum supplicium esset. At verò qui hac ætate vitæ genus probare nequeunt, inter fures recensentur, sicque morte puniuntur. Hanc legem ab Ægyptiis Solon, Græcorum sapientissimus, ad Athenienses, ut creditur, detulit: hanc & Areopagitæ, ut Athenæus refert, sua in ditione exercuere. Eandem propemodum administrandi rationem nunc in Ægypto Mauri servare videntur, quæ sub Augusto, & Tiberio Imperatoribus servabatur, quippe ut Prorex esset qui totius Ægypti curam haberet, hunc Bassa nuncupant, cui annum stipendium à Turcarum Imperatore constitutum est ad centum, & viginti millia aureorum. Deinde est qui Græcis Dicæodotes, Ægyptiis Cadi nominatus, in cuius potestate est hominum lites atque controversias judicare, ac dirimere: Sunt & alii duo, unus Baitelmal, qui à Romanis Rationalis dicitur, earum inquam rerum indagator, qui assertorem non habent, atque eorum non minus quæ in Regem recidunt, quæ fisco scilicet obveniunt, non ærario. Alter est Quæstor, quem Desterdar vocant. Quo facile crediderim hos omnes ordines ex Romanis ad Mauros defluxisse. Sunt & in Ægypto viginti quatuor militum duces, quorum quisque stipendium habet quatuor ad minus aureorum millia in annum. Hos Sangiach nuncupant, sunt & quatuor his inferiores, quorum duo militibus equestribus præsunt, duo vero pedestribus, hos Aga dicunt, & equestres milites Spahi appellant. At pedestres duplici nomine di-

cuntur, quippe Giannizari, & Asap. Hi stipendium minus habent, illi vero majus, iique Giannizari sunt, qui domi, & foris Regem custodiunt, ut plurimum ex Græcis oriundi, ex quorum filiis singulis annis partem decimam Turca accipit. Horum quatuor ducum unusquisque ad duorum millia aureorum in annum habet. Sunt & Cairi sexcenti milites ab iis Chiavus nuncupati, qui gradus militiæ sicuti ducibus illis quatuor, est dignitate inferior, atque stipendio, sic milites equestres, & pedestres idem antecedit. His Rex utitur in legationibus; ii sunt cursores, & tabellarii. At cum tabellarios meminimus, non possum non recensere antiquissimam & memoratone dignam Ægyptiorum consuetudinem, quam & adhuc servant, nimirum de Columba, qua utuntur tabellarii loco. Etenim & Cairi in Arcis quadam turri Columbas alunt, & in loco ad quem trium dierum spatio tabellarii perveniunt, non minori diligentia, separantque has quæ se mutuo diligunt, quippè mares à fæminis, ita ut mas ad unum locum portetur, & in alterum fæmina, quæque ita assuefiunt, ut si relinquatur fæmina, statim volet ad turrim in qua est mas, quem diligit; si vero in altera turri ab ipsa dilectus mas relinquatur, sive foris è turri excludatur, continuo ad locum in quo adest dilecta ejus uxor citissimè convolat. Hoc modo Columbis multis assuefactis, tabellarii loco utuntur. Siquidem cum ad locum à Cairo distans trium dierum spacio, in quo Columbæ intus clausæ, & separatæ à suis maribus conservantur, aliquis Tabellarius pervenerit, statim qui loco præest schedulam parvam sub ala unius Columbæ colligat, venisseque tabellarium Proregi in ea nunciat, columbaque dimissa, illicò ad Turrim alteram, ubi est quem amat, evolat, sicque Tabellarii adventus semper prænunciatur, raroque Proreges imparati offenduntur. Sunt etiam in ea civitate quatuorcentum alii milites superiores proximè enumeratis, quos Mutafarracha nuncupant, gradusque ipsorum est honestissimus, hique sunt ab omni onere immunes, neque ad bellum, neque alio proficisci tenentur, nisi eò & Rex simul se conferat. Nec solummodo ad bellum Regem euntem concomitantur, sed & quocumque Rex se contulerit

lerit eò & ipsi concedant. Sunt in Ægypto & alii militum, ducumque gradus, quos nunc recensere non est hujus loci, quos omnes Ægyptus brevissimo tempore locupletat. Unde non parvum fit certamen inter Turcarum Imperatoris Servos, utiis Cairus contingat, multique ideo sunt, qui ut Cairo præficiantur, Imperatori centum mille aureos persolvant, duoque loca præcipuè ambiunt Turcæ, Ægyptum, & Græciæ præfecturam; nec Ægyptum immeritò: Etenim is, qui ejus Provinciæ Præfectus designatur, antequam Cairi urbem ingrediatur, munera, & honoraria ad centum aureorum millia recipit, quæ habet & ab eo qui Alexandria Diarchiæ præest, & ab iis qui præsunt Ægypti Provinciis, quas Nilus utrimque, scilicet dextrorsum, & sinistrorsum efficit. Et quamvis Prorex, sive Præfectus, quadringentos homines suo sumptu alat, eisque ex suo stipendia tribuat, prætermiſſis aliis sumptibus, qui maximi sunt, tribus tantum annis ordinariè quatuorcentum millia aureorum quæstum facit. At quid dixi ordinariè quatuorcentum millia aureos lucrari? Cum Assan Bassa Eunuchus, quem familiariter Medicinæ causa novi, extraordinarie præter redditum quem in annum singulum ad Turcarum Imperatorem miserat, ex Columba commonitus ipsum esse Batal factum, idest Præfectura à Rege privatum, Hebraimumque Bassa ejus loco Proregem declaratum venire, ut caput ei obtruncet, ex Ægypto abiens, Byfantium ad Regem Turcarum iturus, in via abscondidit bis viginti centum millia aureorum, quorum duobus annis quæstum in Ægypto fecerat, præter decem centum millia cum aliis ducentis millibus aureis, quos pro Casnà, id est pro redditu illiusce anni secum ad Turcarum Regem tulit. Et Hebraimus quidem Bassa, post ipsum Ægypti Prorex, duobus itidem annis quibus præfecturam habuit, decies bis centum mille aureorum quæstum fecit; quæ, cum Byfantium finita Præfectura ad Turcarum Imperatorem perveniret, prudentissimè quidem (quod ipsum non latuerit sæpe auri copiam non paucis apud avarum Regem exitium attulisse) ipsi Regi quæstum in Ægypto coactum totum dono dedit, affirmans, tantam auri copiam ipsum, qui Regis mancipium sit, habere fas non esse.

Rex vero, facile ut eam reciperet inductus, respondit: libenter abs te hoc munus accipio, certus tuum erga me amorem istac pecunia longè maiorem esse. Itaque Præfecti in Ægypto magnum auri lucrum in sua Præfectura faciunt, quod Turcarum Imperatores scientes, libentius summa avaritia ducti plerumque huic provinciæ Eunuchum Præsidem creant, ex iis præsertim, quos secum ad mulierum custodiam habent, ut tandem moriente Eunucho res familiaris tota in Regem recidat, namque apud Turcas lex hæc est, ut qui absque filiis decesserint, bona ipsorum, non in suos, sed in Imperatorem recidant.

CAPUT XI.

De Ægypti Opibus, scilicet de redditibus; de pullitie, de equis, equitibus, atque ipsorum ludis.

Nullam opulentiores Ægypto regionem esse certò affirmari potest, quæ regio haud injuria rerum parens à multis vocata est, quippe quæ regio fertilissima, ac ita optima sit, ut ab antiquis posteritatis memoriæ traditum sit regnante Aulete, Cleopatrarum parente, quem pessimum virum fuisse ex historiis constat, ejus redditum fuisse duodecim mille aureorum. Hoc vero tempore septingenta millia aureorum ex consueto proventu Byzantium singulis annis ad Turcarum Imperatorem Octobri mense mittuntur, & nonnunquam decies centena millia, aucto ab extraordinariis ordinario redditu ab Ægypti Prorege. Ipse enim, ut sibi Turcarum Regem benevolentior reddat, plerumque augere studet Casnà, idest Regis ordinarium proventum, nedum ex surreptis, expilatisque ab Ægyptiis, sed vel etiam ex suis propriis pecuniis, aliquando ducenta, aliquando trecenta millia, & sæpe etiam longè plura aureorum addendo. Quinquaginta millia ministri in suos sumptus consumunt: Quinquaginta millia ipsius Regis mandato

to Meccham, Felicis Arabiæ urbem, asportantur, ut & pauperibus, qui Mahometis eorum Pseudoprophetæ templo maximo, in quo sepultum esse dicunt, inserviunt, distribuuntur, atque ad peregrinos, qui pauperes sunt, ibi alendos. Reliquum vero redditum, cum in militum stipendia in Ægypto impenduntur, tum in nonnullas naves, & triremes, quæ Guës quotidie extruuntur, nec minus etiam in stipendia militum, qui quotannis ad Felicem Arabiam mittuntur, ut omittam quod extorquent, expilantque Duces, milites, atque Præfecti, qui illico cum istuc venerint, ditescunt. Ægyptus eam hordei, tritici, fabarum, atque quorundam leguminum copiam producit, ut ad tres provincias nutriendas sat esset, unde fit, ut eorum insignis copia Meccham, & in Indiam deferatur, hæcque fere semper viliori pretio hic venduntur, ut per annum ibi hominem quatuor aureis tritico abundè alas, equum vero totidem hordeo nutriunt. Ex hoc loco Turcarum Rex classis commeatum petit, & igniferum pulverem pro bellicis tormentis, non minus, & funes, & sportas. Pulli in Ægypto, non Gallinæ, sed fimi equini calore generantur, & in ea quidem copia, ut ipsos, non numero, sed mensura vendant, ovaque sexaginta sextertio, id est numo argenteo maidino vocato emas. Sed de pullorum generatione posteriùs accuratiorem sermonem habebimus. Equos pulcherrimos, omnibusque numeris absolutos hæc regio producit, velocissimos, audaces, disciplinabilesque, ut velociores, & qui freno magis obediunt, nullum alium alibi reperiri ferant. Horum aliqui duobus mille aureis stant, & multo pluris. Inter equos autem deliguntur spadices aurei coloris, non minus, & ruffi, quos ascar vocant. Quemadmodum vero optimos equos Ægyptus habet, sic & strenuos habet equites, armis, viribus, dexteritateque præstantissimos, ut in Mauritanorum Regno nullum superiorem, & parem neminem habeant: equum equitantes omnia quidem ea Ægyptii præstant, quæ non modo ab homine fieri, sed ne animo quidem concipi queant. Arcus, quos pulcherrimos, & varii generis habent, currentes tendunt, & remittunt, atque in velocissimo cursu ab equo descendere, &

ipsum

ipsum conscendere magna dexteritate valent, hosteque adventante, cuius ictum effugere nequeunt, se sub equi ventre abscondunt, ac eo prætereunte, in ephippium redeunt; hocque stratagemate vincere didicerunt, atque adeo, ut eorum nonnulli sint qui hac vafra arte multos occidant. Quidam currentes clavam in altum ejiciunt, eamque capiunt. Alii hastam è manu emittunt, eamque currendo præveniunt, & capiunt. Alii equo currente ephippium solvere, & vincere solent: alii super equum recti stant currentem, alii super duos, multaque alia præclara facinora faciunt, quæ ad evitandum tædium prætereo. Ad hos ludos videndos semel in annum egreditur Prorex cum omnibus militibus, chlamidemque sericeam, auream, nec non iis stipendium dat, qui in ludis præstantiores se gerunt. Inter quos is ludus præcipuus est. Erigitur extra Cairum in quadam planicie juxta locum Topana dictum pertica longissima, in cujus fastigio est pila ænea, quam qui currendo emissa sagitta attingit, præmium habet, & chlamidem; nihilque pulchrius videtur, quam equites Ægyptios simul conspiciere, qui præterquam quod ubique locorum in Turcarum imperio plurimi fiunt, Persæ quoque equiti, qui summis laudibus concelebratur, Ægyptium equitem resistere inquirunt: quo fit, ut, qui ad Persarum bellum mittuntur duces, ab Imperatore legionem Ægyptiorum petant, saltem pro ipsorum propria custodia. Pulcherrimi equitandi modi Ægyptii auctores primi fuerunt, ephippiis utentes, & parvis, & levibus, quæ equo haud oneri existunt, auro, argentoque fulgentibus, nec non frenis, ac stapedibus gemmis ornatis. Unumquodque ephippium septingentas ad minimum argenti drachmas habet, sæpeque ex iis ephippiis Regi Turcæ quædam aliquando dono mittunt, auro, margaritisque ornata, quæ centum millibus aureorum æstimantur. Equorum pulchritudini, equitum strenuitati respondet & induendi ratio; siquidem, ut plurimum purpura vestiuntur, & serico, nec non bysso, auroque. Enses magni pretii gemmis ornatos, & auratos gestant: illum vero ex iis equitibus maximo honore habent, qui arcu antecellit, tanti pharetram faciunt, ut cum aliquis alterius sectæ

ad

ad Mauritanam deficit, ipsum equitando sagittam manu tenentem per urbem magna lætitia ducunt, & ut propemodum innumeri magistri reperiuntur, qui sagittam emittere docent, sic nullus reperitur Ægyptius dives, qui unum ex iis magistris domi non alat.

CAPUT XII.

De Ægyptiorum Servis.

Inter Ægyptiorum opes servi connumerantur, quibus Ægyptii, & Turcæ maximè delectantur: namque servi ferè innumeri Cairi ex variis provinciis convehuntur, sed omnium maximè ex Nubia, & Abissia, cum pueri, tum puellæ. In multis Africæ provinciis, præsertimque in provincia Nubum Decrur vocata, usque adeo miserrimam vitam homines ob soli sterilitatem ducunt, ut patres, matresque libenter proprios filios venditent mercatoribus, qui eos in Ægyptum ducunt, & tam vili pretio habentur, ut puer, puellavè non plus aureo argenteo apud eos æstimetur: sui que parentes vendunt ipsos, ut in alias provincias profecti, commodius, feliciusque vivant, cum in natali solo maximè sterili ii miserrime vivant. Unum ex Ægyptio Mercatore, ac ex aliis quoque auditum, confirmatumque est, puellas virgines octo, decemque annorum Mercatores, ut in tam longo itinere quod ab ipsis in Ægyptum fit expeditius gradientur, deflorare omnes, quòd iis virginitas sit ad iter longum expeditè faciendum impedimento. Servæ mulieres triplici colore distinguuntur: quædam albæ sunt, quæ vel ex Italia, vel ex Græcia, vel ex aliis locis captivæ convehuntur, quarum ex pulchrioribus unam centum usque aureis vendunt: quædam oleaginei coloris in nigrum dilutum rubescentis, cujusmodi quæ ex Abes, id est ex Abissia convehuntur, existunt. Hæque cæteris omnibus pulchriores, gratioresque ab omnibus æstimantur, plurimique venduntur. Una Abes fæmina, quandoque mille aureis propter ejus, & pulchritudi-

tudinem eximiam, & venustam gratiam, vendita ibi est. Neque immerito, cum hæ sint cæteris omnibus, præter corporis elegantiam qua præditæ sunt, venustiores, gratiosioresque, atque ita disciplinabiles, ut ingenio cæteris præstent. Ipsarum corpus, boni est habitus, succique plenum, præsertimque si sint in urbe enutritæ: staturæ magis proceræ, quam brevis visuntur: faciem longam habent, oculos nigros, inclinantem, oblongum, venustumque nasum, frontem verò magnam, & ut summatim faciem illarum dicam, elegantissima est. Vafre sunt, hilares, venustæ, unde viris cariores existunt, plurimumque expetitæ. Turcæ idcirco longè pluris Abissinam fæminam quàm cæterarum nationum fæminas æstimant. Demum sunt quæ ex Nubia omnium maxime indecora forma cernuntur, quæque minima summa emuntur, emuntque ipsas ad viliora domus munia obeunda, ipsisque pro vestitu tunicam ex linea tela cerulea concedunt, & pro victu nihil aliud quam panem triticeum (omnes ibi panem triticeum indiscriminatim comedunt) cepas, atque aquam pro potu. Usque adeo fideles, servi Abissini esse observantur, ut in Domini sui commodum potius mille mortes patiantur, quam quicquam adversus ipsum vel agant, vel loquantur. Remonim, Arabum Princeps, vir quamvis Turca, & nobilissimus, & spectatæ probitatis, quem ego sæpe ægrotum curavi, quod ditissimus esset, ab Assan Bassa, Ægypti præfecto, insidiis aliquando captus fuit simul cum servo Abissino, cujus curæ fuerant Domini opes pretiosiores. Hic à Prorege interrogatus an sciret locum in quo Remonini thesaurus sepultus esset, cum tormentis cum ipso ageretur, ut veritatem fateretur, respondit: si me nescire ubi sit aurum, argentum, atque gemmæ Domini mei dicerem, falsum affirmassem, sed etsi sciam ubi hæc omnia sint, tamen millies mori potius quam tibi, vel aliis hoc dicam, patiar, ageque ut vis mecum tormentis usque ad mortem, nunquam de me quicquam de iis audies. Longe plures alios id egisse observati sunt. Servis itaque Turcæ maximè delectantur, præsertimque iis, qui militari arte, equestrique disciplina perdocti sunt, quos ita plurimi faciunt, ut eos manumittant, aut ipsis uxores domi concedant,
ad

ad gradumque & dignitatem eos evehant; quod faciunt omnes, maxime vero divites, duces Sangiachi vocati, Desterdares, Cadi, atque Ægypti Proreges, qui semper centum, & plures etiam pueros habent, quibus præficiuntur Eunuchi; hos equitare, ludere, inque armis exercere Ægyptii student. Ex his duodecim selectissimos juvenes equestris militiæ peritos, elegantissimos equos equitantes, anno à Virginis beatissimæ Partu MDLXXX. Prorex Ægypti Turcarum Imperatori Byzantium dono misit, qui ipsi fuerunt acceptissimi, cum ipsisque plurimum delectatus, quotidie currere, ludereque oblectabatur. Eundem ferè modum in fervorum cura servant Turcæ, cujus in Crasso Plutarchus ita meminit. „ Servos præterea circiter „ quingentos artis fabrilis, & architecturæ peritos emit, nec „ iis tantum ad propriæ domus extructionem usus est, sed ci- „ vibus ædificare volentibus eorum operas mercede locabat, „ ac simul areæ spacium cuicumque pro arbitrio suo ad ædi- „ ficandum vendebat. Cumque argenti signati maximam co- „ piam, & agros mirificè cultos, in iisque cultorum ingentem „ numerum possideret, minimi tamen hæc omnia facienda vi- „ debantur, præ maxima turba fervorum, quos variis artibus „ instructos habebat, lectores, scribas, pictores, argen- „ tarios, procuratores, mensarios, quos ipsemet summa „ diligentia curare, discentibus assistere, plerosque etiam do- „ cere consueverat. Aiebat enim præcipuam Domini curam „ circa servos esse oportere, cum sint rei familiaris tanquam „ animata instrumenta. „ Hæc ad hoc transferri possunt, mul- „ tos siquidem, ut dixi, servos emunt, iis, ut eorum sectam sequan- „ tur, suadent, vestimentis, & donis alliciunt, voluptatumque, & „ divitiarum, atque libidinum illecebris eos ad se trahunt: sin re- „ fragentur, minis, inedia, verberibus, convitiis cogunt, qui- „ bus adhuc repugnantibus, eorum operas mercede locant, ut „ sit Byzantii. Qui vero eorum dogmata lubentes suscipiunt, „ manumittuntur, stipendium iis decernitur, atque ut varias ar- „ tes ediscant, operam assidue dant. Maximè autem Scribæ, „ futores, calcearii, tonsores, ephippiarii, & id genus alii, „ adeo ut multi reperiantur qui omnes artes domi alant. Omnes

verò illos duo præcipuè docent, literas, & equitandi modum, hunc quidem, quando nullus apud hos magni fiat, nisi ille sit & miles, illud vero, quod cum legere norint, impossibile, quin eorum sectæ omnino addicentur, tum quia nullum alium iis librum legendum permittunt, quam eorum legem, quam memoriæ mandaverint, tum quod liber ille quem Alchoran nominant, multis in locis habet, hæc dixit Deus, & præcipuè in eo in quo à nobis dissident: fitque ut eorum sectam mordicus teneant, qui eam à pueritia imbibunt, cum eas difficultates submoveat in quibus hæret animus, concedatque quidquid libido expetit, ut earum lex in vulgi gratiam videatur conscripta. Ex servis, qui eorum sectam sequuntur, gubernatores creant per Turcarum regna, quos adeo diligunt, ut citò illos ad summum honorem evehant, iisque imperium committitur, non autem Æthiopi, non Indo, neque Nubi, non denique ulli homini nigro cujuscumque nationis, aut gentis sit, sed solummodo albis, inter quos summopere diligunt Illyricos, Liburnicos, quod eos nunquam perfugas, nunquam proditores, nunquamque à Turca defecisse tradant. Epirotas vero armis multum præstare putant, nec non Macedonas, atque qui è Servia, Mysia, Thracia, Iberiaque ortum habent.

C A P U T XIII.

De Nubibus.

Nubes sub Ægypto esse constitutos, aliàs quoque dictum est, qui ab Arabibus incauti capiuntur, atque inde in Ægyptum inferiorem à mercatoribus ea copia adducuntur ut pecudum gregem videas, cujuscumque sexus, & ætatis, qui nudi & vili venduntur, nec minus qui illos emunt sedulò inspicunt, observant, ac experiuntur, quam facere soleant ementes boves, aut equos, aut alia similia animalia. Horum Cairi proprium, peculiareque emporium est, & proprium vectigal. Ex Nubibus itaque quotannis Cairum multi proficiscuntur, telas

las empturi, secum ferentes præstantissimas auri glebas, ipsiusque venam ponderosam, colore vigentem, quæ pluribus auri guttis scintillat, in qua vel plures aureæ lineæ intercurfant, ærarioque publico eas vendunt, ut telas, ac vestes emant, ex lana, sericove confectas. In ea regione nudi incedunt præ ingenti caloris æstu ex calidissimo cælo in quo vivunt. Mahometes sectæ vestigia insequuntur, atque in contractibus ita se gerunt, ut merces, quæ illuc ab Ægyptiis deferuntur, nullo custode ibi relinquantur. Ita severâ Iustitiâ ea regio à suis Regibus gubernatur, ut nullus vel etiam noctu audeat aurum, vel argentum, vel aliud quod suum non est, si in via offenderit, accipere. In istiusce gentis emporiis mos est, nihil quicquam nummis ut ematur, aut vendatur, sed omnia simul commutentur in alias merces, & quod admirabilius est, nullis verbis fiunt contractus, sed si quis eorum quæ sunt in emporio, emere vult, quod pro illo dare statuit ad illud admoveat, quod si venditori commutatio placeat, non loquens emptor rem accipit, sin minus eam non tangit, sicque apud hos emptiones, atque venditiones fiunt, & ut ingenuè fatear, si alicubi fides locum habet, in hac gente est, eaque talis observatur, ut à decem annis ad Ægyptios Nubes quæ sua non esse putant, detulisse constat. Anno MDLXXXI. Nubum Rex, ab quatuorcentum hominibus deductus, Meccham proficiscens, per Cairi Civitatem iter habuit, Assan Bassæ Proregi glebam venæ aureæ decem mille aureos nummos æstimatam, dono obtulit: At Prorex ipsum benignè excepit, eique extra Civitatem cum toto Ægypti exercitu obviam venit, & quamplurimis muneribus ipsum donavit. Hæc enim consuetudo est, cum aliquem Regem, vel Principem excipiunt, ut ipsi, milites, equites, & equorum copiam ostendant, atque per medios armatos transeat curent, quod quidem visu pulcherrimum est.

CAPUT XIV.

De Stragulis, & accubandi Ægyptiorum usu, deque vasis, quæ apud eos in usu sunt.

Ægyptii habent stragula pulcherrima, tapetesque, & peripetasmata quibus ubique domos sternant, ibique etiam magno artificio contexuntur, modo auro intertexto, modo argento, modo serico, unde mirum non est quod antiqui posteriorum memoriæ tradiderunt, stragula Babylonica octingentis millibus ab homine privato parata esse. Siquidem, & hoc tempore triclinia sunt in Ægypto maximè superba, magnique pretii, eorum maximè qui à Turcis non sunt expilati, super stragulaque regia comedunt, scribunt, & legunt, quod & antiquitus eos fecisse patet tum ex multis aliis, tum ex Cleopatrar, ultimæ Ægypti Reginae, cœna, qua Marcum Antonium excepit, à quo stupri mercede acceperat Phœniciam, Syriam, Cyprum, Ciliciæ magnam partem, Judæam, & Nabatheorum Arabiam, in qua ducenta & quinquaginta aureorum millia uno ferculo secundæ mensæ consumpta sunt, uti Rhodius Socrates auctore Athenæo scripsit. „ Cum autem Cleopatra obviam processisset Antonio in Ciliciam, ibi Convivium Regium, opiparumque instruxit, in quo aulicum omne instrumentum aureum erat, gemmis etiam confertum, singulari vasculariorum artificio. Erant etiam parietes purpureis, aureis peripetasmatis obtenti. Duodecim igitur ad hunc modum tricliniis constrictis, & instructis, Antonium ad convivium Cleopatra, quosdamque primorum vocavit, quos ei visum fuit. Ibi Antonio apparatus magnificentiam cum stupore admirante; omnia se illi dono dare respondit, & subindè in diem posterum cœnam ei condixit; ad quam cum venisset ille postridie comitatus amicis, & proceribus, eo splendore Cleopatra, atque ea opulentia convivium instruxit, ut hesternus apparatus despicabilis præ eo videretur. Ac nihilo secius parato convivio, omnia itidem donavit, visenda fane mu-

„ nisi-

„ nificentia , cum unicuique convivarum permetteretur ,
 „ & lectum in quo accubisset , & vasa aurea præterea au-
 „ ferre , ita ut cuique lectisternio cesserint. His peractis sub
 „ ingressum Antonii comites , prout dignitate aliqua præcelle-
 „ bant , ita partim lecticas gestatorias cum servis lecticariis ,
 „ partim equos instratos argenteis ephippiis referebant , qui-
 „ bus omnibus Regina ea , & face prælucentes affeclas , digredien-
 „ tibus repræsentavit. „ Sumptuosè adhuc vivunt in Ægypto ,
 epulasque lautissimas habent , optimè instructas , & cupedias.
 Odoratis summopere delectantur , ut & pauperes indusia ligno
 aloë suffitent. Mosco , & ambaro , nec non Zibeto , & Bel-
 zuino abundant. Ut omittam reliqua odoratorum genera , quæ
 sunt styrax , blæta Byzantia , idest unguis odoratus , multaque
 alia , quæ apud eos nullius sunt pretii. Janci odorati pulvere
 modo solo , modo cum aliis semper manus lavant , quem è
 Meccha deferunt. Anacinteria habent ex holoserico villosa ,
 & lodices sericeas , atque ea quibus eorum cubilia circumte-
 guntur manu docta ex serico , & auro sunt confecta , variis
 floribus , & animalibus intertextis , in quo quidem opere ob-
 eundo mulieres Ægyptiæ omnes alias mulieres antecellere di-
 cuntur. Usus vasorum aureorum , & argenteorum Ægyptii reje-
 cerunt , ubi murrhina vasa adinvenere ; quæ ex India afferuntur ,
 & ex ea regione quam Sini vocant , ubi conficiuntur ex variis
 lapidibus , præcipueque ex Jaspide. Meritoque hæc vasa omni-
 bus aureis , & argenteis præferuntur vasis , tum quod mundis-
 sima sunt , nec unquam inquinantur , tum quod vim quan-
 dam obtineant , & cordis roborandi , & venenis resistendi ,
 cum ex materia constent , quæ antidotus est ad venena om-
 nia , à qualitate , ut ajunt , occulta. Varii coloris , & ge-
 neris sunt hujusmodi vasa , quædamque præstantissima repe-
 riuntur , quibus utuntur Reges , atque Primates , adeoque à
 Mauris magni fiunt , ut periti multi inveniantur , qui & fracta
 refarciant , hique nulla alia arte vivunt. His vasis , varia ficti-
 lia , quorum apud eos usus est ad potum aquæ addimus. Pri-
 mum Ægyptii ea ad aquam refrigerandam ex terra alba , ni-
 troque aqua subactis parant. In Syria autem ex terra itidem
 alba ,

alba, & fale per quatuor menses à sole relictis. Nitrum, & sol ad aquæ refrigerationem facere dicunt, nimirum quia vasa rara reddit, sicque aëri frigido ingressum præbeant. Mecchæ ad virium robur fictilia conficiunt ex spodio Græcorum, atque antispodio. Multi Byzantii ex terra Lemnia ea moliuntur, maxime qui Lemno insulæ præsunt, quæ deinde Regi Turcarum, & Proceribus dono dant, atque hoc modo à peste, quorum Aulæ nunquam ea carere solent, Reges præservantur. In Mesopotamia, & Armenia, ferè omnia fictilia ex bolo Armeno conflantur. Multi & in iis vasis lapis Bezahar indunt, cum iis non careant, adeo ut ex solis Bezahar nonnulla vasa conflata viderim, maximè apud eos qui à venenis sibi cavere student. Heliopoli diei unius itinere distat Villa, quam Chasagbut vocant, in qua foditur terra rubore pallido adeo odorifera ut pro conficiendis fictilibus ad multas regiones deferatur. Hæc mirificè bibentes delectat, vires recreat. Atqui ut vires suas promat fictilia per annum reponi debent, quoad scilicet, & duritiam comparent, & aquæ qua sunt subacta vis evanescat, nisi aqua rosacea, aut consimili sint commista, veluti aliqui facere solent. Apud Reges reperiuntur vascula ex animalis, quod nobis unicornu, Mauris Chartit dicitur, parata; atque multi ex Rhinocerotis cornu ea parant, quod easdem vires obtinere credunt. Anno elapso quidam Princeps Arabum, ut quædam à Rege Turcarum obtineret, ei Paropsides quatuor ex unicornu gemmis magni pretii ornatas, vasculumque dono misit; quibus quidem adeo gratiam apud ipsum iniit, ut multa in eum largissimè contulerit, ipsumque ornaverit, atque ejus votis plene satisfecerit, artificii vero ea extruenti, ne quid furto surriperet, assistebat Arabs, quem cum ægrotantem inviserem, ea mihi ostendit, nonnullaque ramenta mihi donavit. In fictilia quibus aquam bibunt, omnes ferè lignum aloë indunt, eaque serico artificiose parato tegunt, atque variæ notæ aquæ occurrunt, nam multa in vini locum substituunt, ut cinnamomi aquam, & consimile.

CAPUT XV.

De itinere ad Meccham, quod quotannis mense Septembri devotionis, & mercaturæ causa fit.

Singulis annis è Cairo quindecim, & viginti etiam Ægyptiorum, Arabum, atque Turcarum millia cujusque sexus, & dignitatis, Meccham per Arabiam Desertam orientem versus se conferunt, ut orent, & Mahemetes eorum pseudo-prophetæ sepulcrum videant, atque eorum non pauci, ut mercaturam exerceant, quibus præficitur qui cum quingentis militibus eos tutò adducat, & reducat. Quadam igitur die Septembris constituta, tota hæc gentis multitudo ordinatim per medium Civitatis transeundo, discedit: quem illius multitudinis discessum ut spectent, eò omnes ferè Cairini conveniunt. In hac processione ordinatim progrediuntur quini singuli procedentes: primo Dux venit, quem milites sequuntur: post milites, quidam Religiosorum, quos Siech Arabes, & nostri Santoni vocant, solo indusio vestiti gradiuntur, Hi æqualibus intervallis quinque simul, aut plures in orbem manibus complexi, continue in eo processu cum clamore vociferantur, Alla Mahemet Reful Alla, id est Deum, atque Mahemetem Dei prophetam, in quo clamore, & vociferatione perseverant quoad spumam ex ore excutiant: Mahemetem se æmulari credentes, qui cum Angelum adloqueretur (hoc enim stultæ uxori Mahemetes aliquando persuaferat) spumam in terram prostratus ex ore emittebat. Innumeri fanè ex iis peregrinationis gratia viri eum comitatum sequuntur Meccham profecturi, non minus & innumeræ mulieres cujusque ætatis illud iter eadem causa conficiunt; quarum si fortè aliqua in eo itinere conceperit, is, quem postea pepererit, ex Mahemetes prole declaratur, qui in capite gestat obvolutum, quod Turpant ii appellant, viridi coloris, quod illiusce coloris aliis qui non sint ex Mahemetes prole gestari lege prohibitum est. Itaque omnis hæc gentis multitudo Meccham proficiscitur, ut se-

H

pul.

pulcrum Mahemetes pseudoprophetae ipsorum videant, venerenturque, non minus ut ipsum in suo templo adorent, & orent. Hoc verò sepulcrum est in Civitate, quæ ab illis per antonomasiam Medina dicitur, cum Medina ad omnes Civitates nomen genericum sit, sed eo nomine ea Civitas vocata est, quod habeat corpus prophetæ illiusce gentis. Neque ipsius monumentum (ut perperam alii dixerunt) ex arca ferrea constat, aut magnetis lapidis vi in aëre est sublatum, sed est in terra, ut nos à multis notæ fidei accepimus, humili loco positum. Quanquam autem Medina è Cairo venientibus primum occurrat, Mecchaque longius distet octo dierum spatio, inter quam, & Cairum quadraginta dierum iter interest, tamen Meccham primum recta via simul proficiscuntur, deinde redeuntes separatim Medinam. Quòd si omnes una Medinam venirent, cum aqua careat, unusque tantum sit puteus, qui aquam suppeditet, tanta multitudo hominum, & animalium siti periret, quod ut vitent, non omnes simul eò se conferunt. Accedit etiam, quod monumenti locus tantam turbam non caperet. Mecchæ est delubrum maximum, Regiis, & superbis tapetibus ornatum, in quo lumen quoddam cælitus demissum se videre sibi ea gens falso persuadet. Mecchæ, & Arabiæ Felicis parti quidam, Seriph nomine, dominatur. Hoc autem nomine (ut dixi) omnes à Mahemete oriundos nominant, qui linteis coloris viridis sua capita obvolvunt. Seriph, ubi peregrinos, & duces, qui tres existunt, unus ex alia Felicis Arabiæ parte profectus, alter ex Syria, tertius ex Masvè, sive Cairo, Meccham prope accedere intelligit, quindecim millibus equitum, totidemque peditum se accingit, Meccham relinquit, ad montesque fugam arripit, filios duos obviam Ducibus mittens, sibi que cavet ne à Turcarum Imperatore dolo capiatur, quod idem alias frustra tentavit. Aquæductu lapideo aqua Meccham è montibus ducitur, atque in hortum quendam Seriph colligitur, quam quatuorcentum mancipia Æthiopica utribus gerunt, & peregrinis venditant; qui si diutius quam mos est ibi commorentur, eos discedere cogit, aquas aliò avertendo, canalesque claudendo. Mecchæ vero peregrinos viginti dies morari consuetum est, adeoque hoc iter

cen-

centum diebus absolvunt, eundo, commorando, atque redeundo. Ultra Meccham unius diei itinere mons offenditur, quem Arabes Arafat vocant, ubi Abraham Isach filium sacrificare Deo voluisse, credunt. Inibi unusquisque agnum occidit, carnem pauperibus distribuens. Inter Turcarum autem Imperatorem, & Seriph hæc antiqua fuit consuetudo, ut Seriph, & ejus filii, atque iis qui ab ejus secretis sunt, chlamides sericeas, auro, argentoque contextas, equos, arcus, pharetras, ephippia gemmis ornata, Rex Turcarum mittat. Contra Seriph ad Regem dat Agallochum, fantalorum genera, cinnamomum quod ab Indiæ regulis habet, margaritas, moschum, ambarum, vasa murrhina, ducenta carbasa tenuissima, quibus Turcæ ipsorum capita involvunt, quorum quodlibet quindecim, & viginti etiam aureis stat. Dat & opobalsamum, cujus planta juxta Medinam Civitatem spontè provenit, & inter Medinam, atque Meccham, & copiosius ultra Meccham nascitur. Quædam rursus plantæ balsami in itinere à Cairo Medinam tribus diebus à Medina offenduntur; ex quo loco, atque è Meccha, ut ex multis audivi, anno a Virginis partu Ægypti Prorex Eunuchus Messir nomine, jussit ut peregrinorum Meccham eo anno euntium Præfectus Halibei vocatus, viginti balsami plantas afferret, quæ eo in loco Cairi insertæ fuerunt, ubi antea balsamum satum fuerat, scilicet in horto Mattarez, quæ postmodum aëris vel injuria, vel foli, aut topiariorum negligentia interierunt. Itaque quotannis Meccham, & Medinam multitudo peregrinorum proficiscitur terrestri itinere, quæ redit centum dierum itinere. Quo tempore innumeræ naves etiam è Sues, & Tor ad Maris Rubri litus Giden appellant, qui locus à Meccha duorum dierum itinere distat, & præterquam quod multæ naves merces varias habentes eò ex Ægypto navigant, duæ præsertim singulis annis, & tres Liburnicæ regiæ illuc mittuntur, quæ fabam, oryzam, butyrum, caseum, panem, triticum, farinam, mel, & alia hujusmodi in peregrinorum usum deducunt. Quidam illis & equos, & alia animalia vehunt: itineri vero se committunt mensibus Augusti, atque Septembris, cum reliquo tempore id minimè liceat, aut non sine discrimine fiat.

CAPUT XVI.

*De Comædiis, quæ in Nili fluminis incisione fiunt;
de Circulatoribus: de rusticis mulieribus, quæ
ꝙ saltant, ꝙ alia ludorum genera coram
hominibus exercent.*

Solent Ægyptii inter varia ludorum genera, & lætitiæ signa, quæ post Nili fluminis incisionem variis modis facere consueverunt, etiam Comædias recitare, scenam supra ramum fluminis, per mediam Civitatem Cairi excurrentem, Caliz vocatum, parantes, atque etiam nonnulli in privatis locis easdem recitant. Institutum eorum recitantium est, ut quam maximè delectent, & cum sciant eam gentem libidinosis præsertim historiis delectari, hinc est, quod suæ Comædiæ non in nuptias, ut apud nos fieri solet, desinant, sed in venereos cujusque generis libidinis actus obscenos: unde ad hunc finem variis personis in Comædiis, historias, atque hujusmodi in re venerea exitus sibi acceptissimos representant. Sunt tamen aliqui qui privatim in Comædiis vel etiam varias historias de rebus honestis recitare soleant, fere Plautinas comædias imitantes. Ex iis sunt aliqui qui intra scenam ex tenuissimis linteis paratam latitantes, quadam mirabili arte ex umbris in scena productis, faciunt apparere personas varias recitantes, cujusque sexus, & ætatis, atque animalia itidem cujusque generis prout ad historiæ repræsentationem est opus. Memini me Cairi apud Consulem pro Rege Galliarum non sine magna admiratione vidisse repræsentari hujusmodi Comædias per umbras, varias personas repræsentantes, quæ umbræ ita invicem loquebantur, ut omnibus appareret, voces, & orationes ipsasmet proferre. Si nostri Comici hanc artem callerent, ut quæ volunt, per umbras repræsentare possent, quam admirabiliores Comædias facerent, admirabiliaque in suarum Comædiarum intersceniis quam minimo sumptu repræsentare possent, nimirum per umbras fingentes

tes homines quoscunque voluerint, & animalia cujuscunque generis, domos, arbores, locus, flumina, fontes, agros, lucos, & quaecunque illis placuerint. Siquidem, ut mihi relatum à multis fuit (licet Ægyptii ii nunquam ullo vel etiam magno pretio hanc artem docere voluerint) varias illas umbras Comœdiæ personas repræsentantes, ex variis quidem flammarum, vel è lampadibus luminum coloribus fieri, accedente etiam simulacro, sive figura illiusce personæ, vel illius rei quam in scena repræsentare student. Fateor hanc esse mirabilem artem, sed fateor quoque me nunquam quomodo hoc vere ab ipsis fiat intelligere potuisse. Jam ad Circulatores descendimus, quibus & viris, & fæminis Ægyptus non minus quam aliæ Nationes abundat, ii etenim sunt usque adeo hilares, scenici, faceti, atque risum moventes, ut nulli ex nostris, ipsis in hoc præferri queant. Abundant semper jucundissimis facetiis, apprimeque ridiculis, ut circumstantes voluptate eximia afficiant tam ex iis quæ dicunt, quam quæ faciunt. Ita docti sunt, & prudentes, ut bestias feras nedum cicures reddant, at quinimo eas non minus disciplinabiles: illas enim usque adeo probè perdoctas, ac bene instructas reddunt, ut facile credas lupum, ursum, vulpem, asinum, capram, simiam, canem, omnia, ut homo, intelligere, & ratione uti. Hæc animalia simul vivunt, & pacificè quidem ita, ut nullum ipsorum alterum unquam offenderit. Quid dicemus de artibus, quibus ipsa perdocta, varia, & admirabilia faciunt? fingunt se ebria ex vino epoto dormire, exultant, tripudiantque, variis modis ambulant, equitant, currunt, fingunt se loqui, & respondere ex proposito circuitori. Particularia omitto brevitati studens, atque etiam quod ab aliis hæc fuerint diligentius in historiis Africæ narrata. Sed quid istuc? cum vel etiam serpentes cicures ita reddant, & perdoctos ut mira facere cum iis videantur. Sæpe mihi evenit, cum iis qui serpentes ostentant, & cum ipsis fabulas ridiculas agunt, interfuerim, ut serpens ad me veniret, magno fane meo cum timore, etenim Circulator qui serpentum ridiculis, simulque admirandis gestis homines delectabat, cum inter alios haberet magnum serpen-

tem decem pedibus longum, brachiali hominis crassitie, capite magno, oblongo, atque lato, ore magno, dentibus longis multis acubus similibus, oculis non parvis splendentibus, colore totius corporis ad anguis vulgaris colorem accedente, qui id proprii habet, ut colli partem capiti subjacentem cum ventris portione, dum incedit in veli rotundi modum expandat, figura, & cavitate vulgaris Gatini, atque eo modo ita celeris est cursus, ut eo velo volare videatur, eo modo quo velis naves à ventis moveri solent: de quo posterius suo loco agam accuratius. Itaque hic serpens ita perdoctus esse à Circuitore videtur, ut intra hominum coronam, quæ à multis spectatoribus fit, in terra liberè expatians, serpensque, ad eos specialim moveatur ad quos vir circumforaneus ei jusserit, pluriesque ad me ibi ad hosce ludos videndos adstantem, cum dixerit ei, Rha el Achim frangi, idest, i ad medicum Italum, continuo veniebat, quod si locum sæpe mutaverim, tamen si circuitor ei jubebat ad Medicum Italum venire, statim gressus ad me movebat, qui, cum ille vir cognosceret me ab ipso et timere, & fugere, serpentis cauda comprehensa à me ipsum retrahebat. Idem faciebat si ei indicaverat circuitor, mercatorem Italum, vel alterius nationis virum, ut conveniret. Sed jam ad fæminas saltatrices, & circuitores nunc venimus. Hæ sunt rusticæ, quas Bedovi appellant, planè similes vulgo Cingaris. In Ægypto haud licitum est mulieres agere de se ipsis, quæ volunt, ad libitum, quinimo, quæ absque Proregis licentia rem veneream cum aliquo egisse deprehenduntur, capitali pæna puniuntur, unde innumeræ sunt mulieres, quæ à Præfecto impetrata facultate, quicquid de se ipsis volunt, liberè agere, atque deliberare possunt; in quodam eæ libro scribuntur, solvuntque quotannis Regi modicum vectigal pro istac recognitione. Hæque possunt, ad libitum vivere, artemque meretriciam agere, per urbemque quicquid volunt impunè facere. Scriptæ mulieres quandam civitatis partem habitant, quam Babeluc vocant, quo in loco artem meretriciam liberè cum Mauris exercent. Ex scriptarum numero sunt etiam rusticæ Bedovi vocatæ, quæ circulatorum modo per urbem saltus

us varios faciunt, exultant, tripudiant, ut populum delectent, atque exinde mercedem, ut vivant, lucrantur. Hæ, tametsi pleræque castè vivant, nihilominus in suis tripudiis id propriè agunt, ut corporis omnes inhonestissimos motus, atque actus venereos, in terram procumbentes repræsentent, quibus Turcæ ad movendam libidinem apprimè delectantur, & hæc tripudia palam in via exercent, coram & nuptis mulieribus, & virginibus, ex fenestris hæc omnia videntibus, absque ullo pudicitiae, & honestatis rubore, & pudore. Ita apud eas gentes venereæ libidinis delectatio invaluit, ut id quod maximum dedecus est, virtus iis esse videatur, adeo ut plures illorum inhonestius, quam bestiae effrenes vivant. Sed cesso de iis amplius præ pudore loqui.

CAPUT XVII.

De cibis quibus Ægyptii utuntur, atque de potibus.

Posteaquam multa de Ægyptiis hætenus in nostra Historia scripsimus, restat, ut priusquam ulterius in ipsa progrediamur, de cibis, & potibus quibus Ægyptii familiariter utuntur, sermonem faciamus. Sed tamen plura in iis tractandis omittemus, quæ in Libris de Medicina Ægyptiorum consideravimus. Itaque Ægyptiorum cibi, ut plurimum frigidi, & humidi sunt; namque ut ex oleribus, quæ ad victum illis sunt familiaria, cum potissimum ab ipsis præcipuus eorum cibus depromatur, exordiamur, variis, crudis, atque in magna copia ii vescuntur, atque se ingurgitant. Lactucam ex iis maximè expetunt, quam ficuti & olim tota orientis regio, plurimum, & laudabilem sanguinem gignere sibi persuasit, ita & nunc illiusce opinionis omnes indigenæ existunt, putantque omnes, lactucam esse probi alimenti. Mirum certè est, Galenum, tantum Medicum, in Libro tertio de Temperamentis dixisse, lactucam deleteriam habere frigiditatem, perinde atque cicutam, unde si ejus succus penetraret, ut cicutam, refrigerando interimeret. Quod sane visum

sum nobis semper fuit ab omni veritate alienum, neque enim tantam inesse lactucæ frigiditatem eo colligimus, quod, & ipso Galeno non negante, ipsa copiosius esitata calidam corporis substantiam augeat, atque exindè calorem quoque innatum. Sunt qui in Ægypto decem, & plures etiam dies vixerint solis lactucis copiosius assumptis, nullam differentiam in calore ipsorum corporum ab eo tempore quo aliis cibis aliàs usi fuerunt observantes: Quibus quidem conjicitur lactucam esse naturæ humanæ amicissimam, & corporum substantiæ quam simillimam, cujus & amicitiae, & similitudinis clarum argumentum esse existimari debet, quod gustui hominum lactuca sit acceptissima, atque esui jucundissima: cum ea quæ facultatem habent deleteriam, uti cicuta videtur, maxime humana natura abhorreat, ita ut stomachus illa semper cum abhorrentia, & quandoque cum tremore, atque nausea quadam, si coactus recipiat, admittat. Quibus deprehenditur lactucam ex tota (ut ajunt) substantia humanæ naturæ esse amicam, proptereaque merito Ægypti eam esse temperati nutrimenti atque probi sanguinis effectricem sibi persuaferunt, sed de ea re, Deo favente, etiam in libro quarto accuratius scribemus. Sed redeo ad id à quo diverteram. Inter lactucas, quoddam genus est Ægyptiis proprium, præsertim iis qui Cairum habitant, quod supra omnes bonitate laudant, & præferunt, hasque nullo alio in loco inveniri tradunt; longa est, ei simillima quam Patavini Romanam appellant: Cairi magna diligentia feritur, cæteris aliis bonitate præstat. Multæ urbes reperiuntur in quibus fere omnes per quindecim dies lactucam crudam comedunt: deinde per venam sibi sanguinem mitti jubent absque Medici consilio, ea opinione decepti, quod ex esu illiusc oleris plurimum sanguinis genitum sit, hocque faciunt mulieres precipuè, virgines, viduæ, aliive viri multi qui à negotiis non sunt impediti, vitamque in otio degunt, quo quidem modo se diu inculpata valetudinem servasse affirmant. Sed de his lactucis posterius accuratius quoque, scilicet cum de plantis Ægypti ex proposito agemus. Sic & in victu concedunt endiviam, portulacam, melochiam, bammiam, colocassiam, atriplicem, spinachiam

chiam, betam, blitum, vitis folia, quibus ubique coctis, & crudis vescuntur, Devalique vocantur, Brassicam item, canabith, lapathum, solanum, apicem, sium, smyrnium, erucam, urticam, gingidium, ocimum, fœniculum, asparagos, bulbos, tubera, fungos, cæpas, allium, porrum, ampeloprasum, rapum, cichoreum, palmæ verticem, quem cephalonem, sive caput nominant, qui quidem esui gratissimus est, & à nostris avidè comeditur, magnoque pretio venditur, clamque ipsum vendunt Arabes pœnæ metu illis adjunctæ, quod cephalone exciso, arbor sterilis redatur. Trifolium quoque virens comedunt Arabes, mentham Judæi crudam, maximè die septima: mala insana, staphilinum, pastinacam, cucumerem Chettam vocatum, quo nomine Arabes significant quoddam cucumeris genus, quod quidem est autumnale, de quo nos in libro de plantis Ægypti scripsimus, & aliàs etiam Deo volente, quædam de ipso dicemus. Malva quoque maximè delectantur, eamque quotannis ferunt. Fructibus tam horariis, & fugacibus, quam Autumnalibus, quibus Ægyptus abundat, se replent, ut ex iis folis sæpe cœnam, vel prandium perficiant, cujusmodi sunt præcocia, cucurbitæ, pepones, melopepones: quorum quidem nomen genericum est Batech, istoque nomine simpliciter prolato comprehenduntur anguriæ communes, quæ alio nomine Gibes dicuntur. Peponem autem nostrum, qui est ejus species, Batech de Homeri vocant, at anguriæ quædam est aquea, optima, ab iis in pretio adeo habita, ut singulæ aliquando aureo emantur. Hujus aquam ægrotis tribuunt, quæ Batech Indi, & Batech etiam Maovi vulgo dicitur. Hanc sæpe memorat Avicenna. Hæc non facilè putrescit, imo ejus aqua vel etiam ad hyemem incorrupta servatur, atque in deliciis habetur: indigenæ enim cum aliquem domi excipiunt, maximè autem Proceres, in eam per medio sectam, vel in ipsa foramine facto, saccharum unà conjiciunt, atque ut pretiosum quid nectaris propinant, vulgo Batech el Maovi, & à scriptoribus Medicis Batech Indi, vel anguria Indica dicitur. Habent & aliud peponis genus nostris ignotum, quod vocant Abdellavi, ipsumque utilitate Batech de Homeri præferunt, ejusque semina ægrotis, maximè morbis calidis vexa-

tis plurimum prodesse experientia comprobatum est, ita ut Medici praxim facientes cum semina melonis præscribunt, semper Abdellavi addant: Quod si quis nostratium Medicorum, cui hic fructus est ignotus, nostri communis peponis semina præscribat, statim imperitus, vel & mulieribus etiam, artis medicæ judicatur. Innumera præcocia producit Ægyptus, atque aliunde deferuntur quoque alia genera, scilicet, Amavi, Armenum. Azami duo sunt genera præstantissima, quæ in aqua macerantur, ipsaque aqua tutò, & jucundè ægrotis conceditur: persica vero, pira, poma, mala Punica, quæ in Ægypto multa sunt, atque maximè in Insula Delta, in qua ad eam molem crescunt, ut singula ad sex libras pendeant. Quibusdam in locis quisque mensis suos proprios fructus habet, atque ita ut grossis ficisque succedant dactyli, dactylos excipiant mora, mora sycomorus, sycomorum musæ, musas uvæ, uvas sebesten, sebesten pruna, pruna napeha, napehis ruborum fructus, cui succedit capparis, à quo amygdalæ, à quibus Zazur; quos omnes excipiunt sacchari arundines, quæ cum palato summam ineunt gratiam, atque eadem sub cineribus calefactæ iis qui tussi vexantur, plurimum adjumenti afferunt. Horum fructuum plurimi publicè venduntur in aqua macerati: consueverunt enim Arabes fructus omnes, quos possunt, reponere siccos, quos postea toto anno aqua præmollitos assument, eamque aquam bibunt. In quo quidem non parum mihi videntur laudandi, cum hujusmodi fructus hoc modo parati non parum, & fanis & ægrotis sint utiles, atque etiam esui jucundissimi existant. Publicè etiam venduntur & iidem fructus aceto conditi, & olivæ, & mala medica, staphylina, mentha, fæniculum, apium, raphanus, rapa, betaque, quæ duplicis est generis, altera ut nostratis radice longa, atque altera radicem habens, ut rapa rotundam, insignemque: sic & capparis non modo fructus, idest flores, sed vel etiam ejus germina tenera, vel cauliculi, quibus magis delectantur, quam floribus conditis: cucubæ itidem, aurantia, limones, passulæ, cydonia, aliave mala, & pira. At inter omnia summopere arrident loti, Ægyptii crediti, radices, quas per tres menses per urbem venditores circum-

cumferunt, easque coctas perinde atque colocassiam comedunt. Vocant hanc Rais el Nil, de qua posterius nos accuratius. Cerealibus quoque seminibus affluit Ægyptus, & iis ex quibus panis conficitur, præterea milio, panico, olyra, typha, avena, & alica, & aliis, ut puta, fabis, pis, ciceribus, lentibus, lupinis, phaseolis, aphace, crobo, atque aliis similibus, quibus quatuor modis utuntur, quippe coctis ferè omnibus, multis crudis, quibusdam igne torrefactis, aliquibus in panes coniectis, nonnullis & saccharo tectis, ut bellariis, præcipuè autem simul venduntur ciceres, avellanæ, amygdalæ, sesami semina, & alia torrefacta, quæ vulgus avidè comedit: Tragemata Græci vocant: Galenusque eorum plurima, quæ in libris de Alimentorum Facultatibus scripsit, ab Ægyptiis desumpsisse visus est, probe omnia scribens inibi quæ faciunt Ægyptii circa esculenta, ut, qui eos tres libros diligenter perlegerit, Ægyptiorum victus rationem non secus animadvertat, ac si ipsum sensibus ipsis conspiceret. Quanquam autem tragemata nunquam non comedant, attamen minimè iis accidit quod de juvene illo qui medicinæ operam navabat, refert Galenus, * cui huiusmodi tragemata quatuor annis sat fuerunt, tenuique victu, & frugali delectabatur, quod ignem per totum illud tempus non accendere sibi proposuerit. Galeni verba hæc sunt: „ Atque in Alexandria juvenem quendam no-

„ vi arti medicæ deditum, qui per annos quatuor singu-

„ lis diebus solis his pro obsonio utebatur, phaseolos dico,

„ fænugræcum, erviliam, & lupinos, attigit autem interdum

„ & olivas ex Memphide, & olera, & paucos fructus eos,

„ qui citra coctionem manduntur: propositum enim ei erat

„ ignem nunquam accendere: omnibus certè illis annis sanus

„ fuit, nec ulla in re habitu corporis fuit deteriore, quam ab

„ initio: mandebat autem fructus huiusmodi cum garo, scili-

„ cet oleum aliquando solum ei adjiciens, nonnunquam etiam

„ vinum, alias acetum, interdum vero salem tantum, sicut

„ & lupinos. „ Verum non accidit dico iis illud, quoniam

* In primo de Aliment. Facult. cap. 25.

etſi plurimi minime ignem accendant, tamen fercula cocta cujusque generis illis comedere licet, cum ubique fere locorum in quavis urbis parte veneant, nec multo vendantur, cum nullius rei penuria fere unquam affligat *Ægyptum*, lignis exceptis, quod tamen non facit, ut majori pretio vendantur, ea namque igne ex bubulo ſtercore arido, quod per urbem ubique locorum ad eum ignis uſum vendunt, accenſo decoquunt. *Papaver album* ubique per domos circumfertur, ejusque ſemina communiter comedunt, innoxie, maximè autem æſtate, à quo quidem ſe refrigerari, ſibi que ſomnum promoveri dicunt, neque ipſum timent in regionibus calidis, neque cætera opiata, neque ab iis ullum periculum impendet, ſicut apud nos, *Chafchas*, & *Abunum Mauri* vocant. In panem multa ſemina conjiciunt, ſcilicet lini, ſeſami, atque alia multa, & etiam aromata, ut piper, ſed inter omnia *melanthii* feminibus libenter eo modo utuntur: hæc enim unusquisque in panes addit, multi per ſe torrefacta comedunt, tineas pellit, alii ex eo oleum conficiunt ad multa utiliſſimum, quod *Hapelbarache*, hoc eſt ſemen fortunatum, alio nomine *Suniz* nuncupant. *Lens*, & *oryza* duo ſunt præcipui *Turcarum* cibi, quibus absque diſpendio multos alant, maxime autem *oryza*, quam adeo in delitiis ubique, præſertimque *Byzantii*, habent, ut in eorum conviviiſ, quæ opiparè parant, paſſim adhibeatur; modo vero ei *petroſelinum* addunt, modo *apium*, modo *crocum*, modo piper, interdum *ciceres*, ut varia videantur eduliorum genera, cum tamen reiſſa ſint unum. At modus ejus parandæ, quo in cibis nihil magis delicatum habent, eſt, ut *oryza* à jure in quo incocta ſit, auferatur, eique piper, & *cinnamomum*, aliave aromata miſceantur. Hujusmodi cibo pingueſcunt, roburque nanciſcuntur. Leguminibus omnibus præfertur *Mas*, quod tanti faciunt, ut eo non tantum utantur ſani, ſed & febricitantibus, aliisque morbis detentis Medici tribuant, illisque maximo auxilio eſſe certum eſt: atque apud eas gentes, panis madeſacti loco eſt in uſu ex *Avicennæ* ſententia, qui in paſſivis qualitatibus ipſum temperatum eſſe tradidit, maximeque qui eſt extra corticem, neque ipſum ut fabas eſſe flatulentum, frigidita-

ditateque à lente relinqui, fucci præterea laudabilis, facilisque descensus. Semen hoc Arabibus omnibus Mas dicitur. Quod num sint pisa, mihi haud notum est, cum Galenus suis pisib. segnius quam fabas per alvum secedere tribuat: Avicenna autem suo Mas contrarias penè facultates inesse dicat. Atqui Mas Avicennæ fuisse notissimum credendum videtur, cum in illius regione magnus ipsius sit proventus, ibique sit in frequentissimo usu. Ejus radicem, in Giemen Artam vocari prodidit Serapio: per Giemen autem Nicolaus Muttonus Syriam intelligit. At Giemen Arabibus est Arabia Felix sexaginta dies à Syria distans: optarem igitur, ut & Medici Itali hujusmodi cibo jucundissimo uterentur, quem tota Arabum schola summis laudibus extulit: nuncque adeo est in usu, ut proximis his mensibus, cum eorum qui à secretis Turcarum Imperatoris sunt primus Byzantii ægrotaret, reliquaque ciborum genera fastidiret, Masque optaret, nuntium Æliopolim usque, quæ Byzantio triginta dierum itinere distat, accipiendi Mas gratia miserit, qui cum urbem currens ingrederetur, magnusque hominum concursus esset, omnesque spe incerta alicujus novi penderent, eorum expectationem decepit, in emporioque equo descendit, atque ubi Mas modicum emit, statim discessit, & Byzantium commutatis equis octo dierum spatio rediens Mas secum ferens quasi pervolavit. Habent quoddam cibi genus Seratie ab ipsis vocatum, & aliud quod ex amylo dulci, amygdalis, & saccharo; aliud ex fructibus quibusdam, & hoc modo ipsum parant, præcipuè æstate: accipiunt etenim pisa sicca, præcocia armeniaca, persica, quæ in aqua decoquunt, ac deinde saccharum addunt, atque hos fructus refrigeratos comedunt, qui cibus gratissimus est, refrigerat, vires recreat, corroborat, sitim extinguit, bilem reprimat, halitum commendat, dignusque est ut à nostris in usum revocetur, Cussaf ipsum vocant. Cibus etiam quam communissimus illis est triticum aqua elixum, quod Chamaie nuncupant. Ex pane vero lacte subactò, & exsiccatò aliud cibi genus parant, Chisch vocatum, non quidem verum Chisch, de quo postea: quod cum multum nutriat, & facile concoquatur, non modo domi ipsis utilissimum est, sed

& iter agentibus. Quin qui pro obsonio habeat domi, & in itinere, absque origano, & fatureia, nemo reperitur. His enim cum sale avidè pro obsonio utuntur. Polenta ex hordeo recenti veterum modo administrata communissimus est multorum cibus: Alexandriae etiamnum victu utuntur, quem Galenus Alexandrinorum vocare fuit solitus, falsis scilicet porris, & zytho, sed nunc zythum non fit in Ægypto, sed hujus loco ex dactylis vinum parant, quod Subia appellant, multo quidem quam zythum præstantius. Verum etsi Ægyptii hos potus habeant, nihilominus omnes libentius aqua Nili fluminis optima ad potum utuntur, & quandoque ex ea cum acido limonum, & saccharo potum jucundissimum parant, quem Sarbet vocant. Divites eadem utuntur aqua, sed in qua varia syruporum, & conservarum dissoluta sint genera, ut violaceum, rosaceum, & alia, de quibus nos satis in libris de Medicina Ægyptiorum scripsimus. Caseum ferè semper cum oleo comedunt, vel oleum cum melle, aut mel cum sapa, aut sapa quam Dips vocant cum sesamini olei amurca, quam Thaine appellant, quæ iis est suavis cibus. Mane ut plurimum à cibo abstinent, & ut quisque maximè dives est, ita maxime mane frugali cibo utitur, paucique sunt quamvis potentes, qui mane domi comedant, sed per servos aliquid parant ex Emporiis, in quibus omnia reperiuntur, placentæ, Joviorum genera, Rhyemata, & lagana, quæ Sairie, & Riste vocantur: caro bubula, hædina, caprina, hircina assæ, & elixæ, ovilla itidem: nullus hodie asininam carnem comedit, sicut Galenus scripsit illos suo tempore comedere solitos fuisse. Multi camelinam esitant: à bubula abstinent, & hædina, siquidem vitulos in spem segetum alunt: ovilla magnopere delectantur, aut omnium maxime, ut & superius diximus, vervecina, quam omnibus præferunt, ipsamque tritico inter grana comparantes temperatè calidam, atque humidam faciunt: quo fit (inquiunt) ut ipsa nunquam saturentur, nunquam ipsam fastidiant. Ex morbis convalescentes, quamvis aviculis, pullis, & aliis delicatioribus carnibus nutriantur, nunquam tamen carnem comedere fatentur, nisi ovilla caro vervecina illis concedatur. Unum hac occasione de esu carnium apud Ægyptios iterum repetimus, illud-

illudque est, quod Ægyptii sunt parcissimi, paucosque eorum esse qui esui carnum indulgeant, de qua parsimonia superius accuratius locuti fuimus. Omitto varia lactis genera ex quibus varia edulia parant, atque lac ipsum acidum, quod illorum gustui est acceptissimum. Quid de piscibus? An non & ipsi variis & ex Nilo flumine, & ex mari captis vescuntur, sed omnium libentissimè iisdem fumo siccatis utuntur. Serpentes etiam quosdam comedunt, quod eos antiquitus quoque fecisse in historiis traditum est. Testacea animalia, setacea, crustata, echinos, ranas, turtures, & ea quæ suffocantur, illos edere lex vetat. In primis autem à carne suilla abstinent, quam eorum pseudopropheta interdixit, verumtamen sues alunt, quos equis usui ita esse putant, ut non sit eques, qui cum suis equis unum vel duos sues non alat: Hi pane ferè omnes vescuntur, tam apud pauperes, quam divites triticeo: etsi ibi cujuscumque generis conficiatur, quippe Siligineus, Secundarius, Typhaceus, Antopyrus; Dulciarius, Focarius, Setanius, aliusque quem Chac appellant, optimum sanè panis genus, quod coquunt in fornace ad ejus parietes rubentes, esse affirmant.

CAPUT XVIII.

De Ægyptiorum temperamento atque habitu.

Quamquam in libris de Medicina Ægyptiorum de indigenum Ægypti temperamento, deque habitu illorum corporum atque de morbis quibus ea regio ferè continuo confictari solet, abundè scripserimus, nihilominus de iisdem & in hac nostra historia, ne in ipsa hac etiam desiderentur, agere instituimus. Verumtamen hæc brevi tractabimus, quædam addendo, quæ faciunt magis ad historiam, quam ad medicinam, de qua quidem in libris de Medicina Ægyptiorum agere nostrum præcipuum fuit institutum. Ægypti vero indigenarum triplex genus esse diximus, urbanum unum, Arabum alterum, atque tertium rusticorum. Urbanorum corpora vel fanguinea sunt, vel pituitosa, quæ ita, etsi ex cælo calida, & sicca esse debe-

deberent, evasere adscititium temperamentum frigidum, & humidum, ex vento frigido, ex augmento Nili fluminis, atque ex continuo aquæ refrigerantis, humectantisque potu, & ciborum frigidorum usu, illud naëta. In Arabibus melius & temperamentum, & habitus respondet calido, siccoque cælo sub quo vivunt, cum ipsorum corpora gracilia sint, macra, atque calida, & sicca, omniumque maximè rusticorum corpora solis caliditate eximia maximè, & siccata, & ferè uëta. Verum enim vero nos addimus, Ægyptum dividi in duas partes, scilicet in inferiorem, quæ mari proxima est, atque in superiorem à mare maximè remotam: In hac parte habitantes descripsit Galenus deque iis * animadvertisse visus est cum dixerit, „Intelligere nos enim oportet, omnes, de quibus scripsit Hippocrates constitutiones in locis terræ habitabilis temperatos fuisse: exceptis ab hoc sermone Thraciæ locis, quæ à mari distant. Hæc enim in frigiditate, & humiditate modum excefferunt, sicuti & quæ ad Ægyptum, & Lybiam attinent, loca calida sunt, atque sicca, exceptis & hic illis quæ mari adjacent locis, quoniam æstate à ventis ab Arcto flantibus refrigerantur, idcirco minus sunt calida iis, quæ ad mediterranea recesserunt. „Itaque corpora Ægyptum superiorem habitantium, calida sunt, & sicca, macra, squalida, duræ, nigræque carnis, quæ vero Ægyptum inferiorem ad Mediterranea versus positam incolunt, sunt temperatiora, etsi cælum & ipsi summè calidum, & siccum habitent, tamen, uti diximus, ex ventis etesiis æstate frigidum spirantibus, ex augmento Nili fluminis, ex potu aquæ assiduo, atque ex esu frigidorum ciborum adscititium hæc corpora naëta temperamentum ad temperatum inclinant, & proinde pleraque multo sanguine abundant: Nonnulla vero, & ad frigidum, & ad pituitosum: Hincque esse, in libris de medicina Ægyptiorum diximus, quod vel etiam in hac parte Ægypti complura corpora valdè pingua, & carnosæ cernuntur. Nos vero speciatim de temperamento corporum illorum egimus, qui habitant Mem-
phim,

phim, & cætera loca inferioris Ægypti ad mediteraneum haud ita longe posita. Unde ipsorum temperamenta tripliciter distinximus, quippe in urbanorum temperamenta, quorum esse temperata, atque ad pituitosum etiam in multis inclinare, esseque propterea boni habitus complura, quædam vero nimis carnosæ, & pinguiæ ex causis nuperrimè dictis fieri. De Arabum ea loca habitantium temperamento, & habitu, diximus illos ad biliosum temperamentum inclinare, proindeque ipsorum corpora esse macra, & urbanis ficciora, & calidiora. Rusticorum vero maxime omnium ficca, dura, nigra, squalida, ac veluti usta observari. Regio igitur Ægypti calida est, & ficca, frigida tamen, atque humida frigiditate, humiditateque adscititia ex causis sæpius dictis, ut plurimumque ipsius constitutio est stabilis, eo tempore excepto in quo venti austrini summè calidi respirant, qui fere diebus quinquaginta continuè perflare solent, quo tempore aëris constitutio redditur maxime inæqualis, ac proinde non immerito plurimum morbosa, ut in Libris de Medicina Ægyptiorum exacte ostendimus.

CAPUT XIX.

De morbis quibus Ægypti regio affligitur.

Cum morborum alii sint communes, alii diversi, quos Sporades Græci appellant, & communium alii regionem unam aut plures eodem tempore vexent, qui vulgares, & populares dicuntur, aliique aliquam regionem, vel provinciam, vel urbem perpetuo affligant, patrii, vernaculique nuncupati, vulgariumque quidam itidem perniciosi existant, & lethales, hosque epidemicos, seu vulgares pestilentes medici vocant, utpote quando lethales morbi epidemice, seu vulgariter grassantur, ita ut complures eodem tempore & invadant cujuscunque conditionis homines, ætatis, & sexus, & interimant: pestilentes enim ii dicuntur à quibus spes vitæ in ægrotis tollitur:

K

ma-

maligni vero sunt à quibus, ut Galenus * docuit, ægroti, et si omnia opportunè agantur, ægerrimè sanantur, vel qui periculum mortis minantur, spem tamen salutis non adimittentes. Omnia vero hæc morborum genera in Ægypto observantur. Epidemici scilicet primo vulgares dicti, quorum variæ constitutiones sæpius fiunt: modo enim innumerabiles angina detentos invenias, modo dysenteria, quandoque tussi, synocho, interdum febre tertiana, quandoque ardente, & aliquando ephemera. Sæpe etiam Ægyptum pestis invadit, quæ paucis omnino horis, ne dicam diebus, plerosque homines cujusque sexus, ætatis atque temperamenti interficiat, adeo ut anno MDLXXXI. Memphi, Cairive à Novembri ad Julium mensem usque circiter quingenta hominum millia dira hac strage obiisse constet, inter quos fuere octoginta millia virgines, omissis servis, pueris, Christianis, Hæbreis, omnibusque illis, qui patresfamilias non sunt, qui à Mauris minimè dinumerantur, sed tantum qui alicujus auctoritatis sunt, & virgines. Numerum vero exquisitum cadaverum scire possunt Ægyptii, tum ex custodibus qui portis præfunt, tum etiam ex eo quod patrum familiarum mortuorum bona in Regem Turcarum recidant. Qui plura de peste loca Ægyptia invadente scire desiderant, legant nostros libros de Medicina Ægyptiorum, in quibus de ipsa longe plura, & curiosius quidem disputavimus. Morbi autem Ægypti patrii, sunt herniæ, & ramices cujusque generis: semper enim umbilici deligationis multiplex solutio vagatur, quem affectum omphacocelen Græci dicunt, & in inguinibus ramex, bubonocèle dictus, maximeque in mulieribus, cum laxatur foramen illud per quod ligamentum uteri ad internam inguinis partem descendit, aut disrumpitur peritoneum propter fætus magnitudinem, aut multitudinem. Nec non ramex intestinalis dictus, scilicet cum intestinum in scrotum devolvitur, anterocelen vocant; perpetuo vero vagatur omenti ramex epiplocele nuncupatus, atque hernia aquosa, quam hydrocele itidem vocant, & flatulenta, & carnosa sarcocèle dicta, varicosaque. Quandoque vero hic af-
fec-

* In primo Prorret. com. 14.

fectus est complicatus ex multis, ita ut in aliquibus descendat cum aqua flatus, aut simul cum omento intestinum, modoque aqua continetur inter membranam erythroidem & arthroidem, modo extra membranam. Herniæ vero carnosæ adeo in Ægypto sunt frequentes, ut magna illorum pars ipsis detineatur, ad eamque magnitudinem, & incrementum deveniunt, ut vitulum magnitudine æquent: quidam reperiuntur, qui ob id se erigere nequeant, qui si erigantur, & stent, ramices tamen ea sunt longitudine, ut ii non erigantur, neque à terra attollantur, perpetuo augmentur, nullisque medicamentis cedunt. Hujusmodi tres magnitudine insignes mihi videndæ occurrerunt; qui his laborabant tres fuerunt, unus Turca, alter Judæus, atque tertius Ægyptius natione, qui quidem eas in faccis, & culcitris abscondebant, ut primum pueros juxta illos dormientes esse existimaverim, easque esse hernias non facile crediderim, herniæ tamen erant, & qui iis laborabant optima valetudine fruebantur, reliquoque corpore bene se habebant, ut nihil in ipsis cacochimi appareret, cum excrementa omnia superfluentia eo delaberentur. Duos illorum herniis correptos ob hæmorroidum suppressionem referebant, unum vero ob errores in victu commissos. Mille aureos eorum unusquisque se daturum illi affirmabat, qui ipsos à ramice, tantoque pondere liberasset, quo semper cubare, nunquamque se erigere, aut incedere cogerentur. Nunquam tamen Medicus qui eas sanaret, & non modo has, sed ne minores quidem præsto fuit. Ex quo minime mirum est, Campsonem Gaurum Zuelem, ultimum Ægypti Regem, non longe ab Heliopoli cum Turcarum Imperatore commisso prælio ob ramicem carnosam ex equo cecidisse, sicque uno, eodemque tempore vitam, & tam pulcherrimum Imperium amisisse. Ægypti rursus morbi patrii itidem sunt, qui oculos infestant, ut ipsorum oculorum dolor, pterygium, quod Arabes Ditrè vocant, non autem Zeber, ut Rondeletius asserit: phlyctena, oculorum ulcera, cicatrices, albugines, suffusio, midriasis, visus obscuritas, nyctalope, oculi procidentia, lachrymæ ægiops. Nec non ventriculi imbecillitas, intemperies frigida, ejusdem inflatio, dolor, nausea, vomitus, sitis immensa, ap-

petentia canina, cibi fastidium, pica, singultus, cholera, morbus, morbique à flava bile ortum ducentes; quippe causus, phrenitis, dolores intestinorum, erysipelata, facer ignis, herpes, cutis defædationes, atque ulcera, duplexque synocha. Ægri ut plurimum sunt insomnes, sitibundi, eaque siti instantur, ut nisi continuo aqua iis offeratur, in animi deliquium incidant. Quin & ex fanis multi, maxime vero mulieres ex iis quæ sunt calidiori temperamento in eam affectionem incurunt, ni aquam, & eam frigidam ad manus habeant, qua quidem, ut plurimum absque alio præsidio recreantur. Quod scientes Ægyptii, semper eorum ægris ut assistant curant, qui aquam paratam habeant, expertumque est apud eos, quosdam obiisse bilis vi os ventriculi, & præcordia petente, quibus aqua non fuerat in promptu. Alios vero tardius à lipothymia liberatos, & alios in febrem hæcticam incidisse. Hæc omnia evenisse in hac civitate multos annos medicinam faciendo potuimus observare; juvenemque aliquando vidimus illustri familia natum calidiori præditum temperamento, febre biliosa continua laborantem, ab Ægyptiis medicis inique tractatum variis profecto medicamentis, cum internis, tum externis refrigeratoriis, quippe decoctis, aquis cordialibus, ac variis epithematibus, quæ cum ad magnum illiusce caloris incendium nihil profuisse viderim, cum Arabe alio medico ego jussi ut ter quaterque hora singula Nili aqua probè clarescens copiosius etiam exhiberetur, quo potu ille, & ab eo calore febrili, & à sævis aliis accidentibus fuit liberatus: unde fit, ut qui ægris temperamento biliosis ejusmodi morbo laborantibus aquæ potum interdicit, eos proculdubio interficiat: sitim enim in calida regione, & sicca, uti est Ægyptus, nedum fani, sed quin etiam multo plus ægroti absque magna noxa ferre non possunt, sicuti in nostris regionibus ferunt. In ægris apparent horribilia symptomata, veluti sunt ferina deliramenta, dementiæ, sopores vigiles, inquietudines, anxietates, æstus caloris intolerabiles. Morbi etiam, præter hæcenus enarratos, patrii sunt, elephas, qui & Galeni tempore vigeat, dico Græcorum, sed non minus quoque elephantiasis Arabum apud eam gentem grassatur.

Isti

Isti habent pedes usque adeo magnos, duros, inæquali crassitie, ut cogantur non pauci, iisdem capsulis ligneis impositis, magna cum difficultate ambulare, similesque pedes magnitudine, crassitie, & quadantenns figura pedibus magnorum Elephantum, unde hoc malum nomen invenit, apparent. Leprosi itidem ibi magno numero perpetuo in ea regione observantur. Adde albam vitiliginem, & nigram, quæ cutim seu nummi figura, & magnitudine occupat. Vitiliginem Arabes vocant Bach, eam inquam quam Græci Alphos dixerunt, unde sicuti apud Græcos est Alphos albus, & niger, sic Arabes vocant Bach Abiad, & Bach Afued. Neque Morphea nomen Arabicum est, sicuti viri non pauci existimaverunt, sed ut dixi Bach, quem quidem distinguunt à Baras albo, quod Bach sit in cute, & Baras in carne. Leuce eodem modo ibi in multis grassatur, Alopesia, Ptilosis, Mirmeciaque. Unum non omittendum duxi, plerosque laborare stomachi cruditate, & dolore, mulieresque dorsi dolore, quod cum sciant Medici Ægyptii, licet ignari sint medicinæ dogmatum, tamen cum vel domi, vel in via, ut mos est, petantur à multis an rectè valeant, tangunt pulsum in carpis manuum, & postea dicunt eos habere stomachum male affectum, & mulieres quæ præsertim carnosiores, & pinguiore sunt, dorsum atque uterum ægrum habere. Quod ideo illis vaticinium videtur, proptereaque illis medicis quicquid de medicamentis ad eos dolores dicunt, magna fide credunt. Totque affectus patrii sparsi per urbem observantur; pestilentes vero epidemici sunt febres pestilentes, variolæ pestilentes, Dem el muia, id est phrenitis exitialissima duabus, vel tribus horis interimens, quæ quotannis ferè grassatur epidemicè, licet quodam tempore plus, & aliquando minus. Est denique pestis quæ sæpe eam regionem, maximèque Cairum depopulatur. Qui horum affectuum causas cognoscere cupiunt, atque alia etiam de iis curiosiora, dignentur legere nostros Libros de Medicina Ægyptiorum olim in lucem editos.

CAPUT XX.

De Arabibus Ægyptum habitantibus.

Priusquam de Ægyptiorum scientiis scribamus, atque de religione eorundem (de qua quædam non injucunda dicturi sumus) priori loco de Arabibus quoque sermo haud injuria habendus est, cum hæc gens unà in Ægypto sub tentoriis habitet loca, & plana, & montosa, sibi que Ægyptiam arroget nobilitatem, ingenio, & armis longè Ægyptiis præstet: sunt homines agrestes, feri, loca, ut dictum est, campestria, & deserta, montesque habitantes, sub tentoriisque degentes, qui propriè Arabes sunt, à quibus Mahemetes ortus est, cum tamen Arabum nomen ita latius sit, ut de omnibus Mauris quandoque intelligatur: iis præsunt Principes, quos campestrium locorum Reges appellant, qui quandoque in urbes fide publica veniunt. Dixi fide publica, quoniam Arabes, & Turcæ mutuo capitali odio se prosequuntur. Victum armis quæritant Arabes, mortem potius oppetunt, quam inhonestè vivant, dedecus summum æstimantes Turcis sese addicere, in quorum potestatem si qui veniunt, in ipso vitæ extremo ne vocem quidem emittunt, nedum à morte liberari petunt. Domi eos mori turpe esse existimant. Illum prædicant, qui armis, aut alia vi multos occidit. Eorum lege sancitum est, ut si quis eorum dum cum hostibus congrediuntur, terga dederit, à suis interficiatur. Iidem mulieres, quæ non minus pulchræ, quam honestissimæ sunt, prælium inituri, secum camelis ducunt, ut coram ipsis, qui audaces sunt; audaciores fiant: timidi vero, animum ex earum præsentia recipiant: multique à mulieribus discedentes, inquiunt: Hodie aut Turcam ad vos captum adducam aut emoriar. Mulieres camelis conscendentes in itinere lapidè molari farinam molunt, atque ex ea quotidie panem recentem focarium, quem Fitir appellant, conficiunt. Arabes vero se ipsos solos nobiles esse existimant, nullumque magni faciunt, nisi illum, quem ab antiquissimis, & nobilissimis oriundum esse cer-

certo sciunt. Nulla arte, aut exercitii genere delectantur, præterquam armis. Ad Turcarum villas se conferunt, ut quicquid illis opus est, ab eorum agricolis extorqueant, qui eos adeo formidant, ut, quamprimum illos adventare sentiant, hordeum pro equis, quibus & meliores, & majoris pretii nemo habet, atque cætera omnia ipsis necessaria parent, & quemadmodum ipsi sibimet nobiles videntur, sic nullum equum conscendunt, aut emunt, nisi quem à nobilibus originem duxisse intelligunt. Equas maribus præferunt, tum ob futuram sobolem, tum etiam quia eas ad labores magis aptas esse putant. Arabes ut plurimum sunt corpore pulcherrimi, macri, graciles, agiles, leves, qui indiscriminatim connubio non junguntur, sed pulcherrimas uxores seligunt: Quod si quæ puella agrestium illis placeat, eam à patre petunt, quam nisi det, vi abripiunt. Equitandi peritia omnes & Turcas, & alios antecellunt. Hastam teretem, longam equitando gerunt, cum qua mira arte cum hostibus præliantur, cum unus plures invadere, & ab iis se recipere consuecat. Impetum vero Turcarum aliquando ob ignifera tormenta sustinere nequeunt, ad montes, & desertum loca confugiunt, ubi aqua minimè reperitur: unde Turcis ad aquam redire necesse est, alioquin ipsi, & eorum equi siti perirent: quod incommodi equi Arabum non patiuntur, tum quia laboribus, & triduo aquam non bibere sunt assueti, & quod etiam si à triduo aqua deficiat, camelarum lac bibunt, ipsumque equis potui tribuunt. Camelæ vero quinque dies ab aqua abstinere, quod in locis desertis apprimè est necessarium. Nullum profecto animal illius magnitudinis invenitur, quod minus quam camelus comedat, & bibat, parum enim, & semel in die comedit, quatuor, aut quinque fabarum libræ ejus cibus sunt, aut paleæ, aut herbæ virentes. Sexcentas, & octingentas libras ferunt, dumque onerantur, proni in terram oneri se submitunt. Sed ad Arabes redeo, qui elegantissimi sunt, summaque in illis ingenii suavitas deprehenditur, & quam in simili hominum genere vix credi queas: eorum vero humanitas quanta sit, dici satis non potest. Hi venatione nimio-pere delectantur, unde & canes optimos habent, accipitres, atque

atque animalia rapacia quibus capiunt multos lepores, gazelas, cervos, onagros, juvencos sylvestres, agros, glires, muftelas, volucres cujusque generis, & alia animalia, maxime autem animal quoddam pumile, cuniculo non dissimile, quod Agnum filiorum Israël nuncupant. Quamvis autem ipsi sylvestribus animalibus abundant, ex quibus multa cicura educant, tamen eorum carnibus camelarum lac anteponunt, tum quod hoc animal quasi venerentur, cum falso credant Mecchæ camelam eorum prophetam Mahemetum allocutam, & quod male à suo Domino tractaretur cum ipso conquestam fuisse, idque evenisse inquiunt, ut ex Brutorum animalium quoque testimonio ipsum prophetam esse constaret, tum vel etiam quod præter alia emolumenta, quæ ex camelis capiunt, vestes quoque, & tentoria sub quibus degunt, ex iisdem habeant: ex eorum pilis multa fiunt, maximè vero pannus à quo ne vel etiam Principes abhorrent, nec minus quam sericeum æstimatur. Quod autem Arabes, & ingenio valeant, ex eo deprehendi potest, quod de ipsis dici possit, quod profecto veteres non pauci de Romanis posteritati tradiderunt, quippe alias Nationes servitutem pati posse, populi vero Romani propriam fuisse libertatem, siquidem Arabes, magis quam Romani libertatem retinuerunt, quam quidem omnibus divitiis, omnibusque commodis ipsi prætulerunt. Hos per tot secula nullus unquam subegit, ne Romanus quidem populus, neque vel etiam Turcarum Imperatores, qui ipsos ipsorum imperio subigere tentantes, sæpe Arabum vires frustra, & magna suorum clade experti sunt, atque non sine dedecore cum iis bello infelicitè gesto domum redierunt, neque eorum quenquam cepere, nisi dolo, & fraude. At contra Arabum extant multa facinora, & præclara, ut si idoneum scriptorem nacti fuissent nullis fortè rebus præclare gestis judicarentur secundi. Inter multa, illud quod nuper accidit, dignum maximè memoria videtur. Agris Syriæ, Phœniciæ usque ad Babylonem in Asia, per multa profecto secula Arabum Princeps viribus, & consilio insignis, antiquissimus, nobilissimus dominatur, qui centum millia Arabum sub se habet, inter quos multi sunt equites strenuissi-

mi;

mi: decem vero millia pro ejus custodia selectissimi. Hic equas habet, quarum quælibet duobus millibus aureorum æstimatur; illasque quas bello idoneas fore judicat, camelarum lacte tantum, quarum quæque quotidie ad libras quindecim præbet, per unum, & alterum mensem nutrit, nihil aliud pro cibo, & potu iis exhibens, non hordeum, non herbam, non aquam: quo victu eæ adeo agiles, & promptæ ad omnia fiunt, ut non modo currant, sed perinde ac volucres volent. Ab eo omnia loca circa Euphratem, & Tigrim flumina occupantur. Hyeme versus Babylonem, utpotè loca calida castramentatur. Vere autem, & æstate inter Damascum, & Heliopolim. Omnes per ea loca transeuntes vectigalia persolvunt, omniaque aromata, atque aliæ merces, quæ ex India in Syriam, Persiam, Mediam, & Armeniam convehuntur, ei tributum dant, non minus quam faciant villæ omnes, atque vici: quod ni faciant, eorum filios Princeps furripit, eosdemque obsides tenet, quoad, quod vult, ii persolvant. Ut hunc per insidias Turcarum Imperator, quando vi non posset, caperet, Heliopolim venit in Syriam, atque ei fide data, muneribusque ad eum missis simulata amicitia, ita per Legatos cum eo egit, ut ad ipsum una cum filio robustissimo, in armis exercitatissimo, atque matre veniret. Cumque ii tres ad urbem accessissent, filius, & ejus mater ingredi recusarunt (sic aliquo numine inspirante) dicentes neutiquam convenire Turcæ, natura infidi, fidei sese omnes committere. Pater igitur solus urbem ingressus honorificè fuit exceptus, chlamyde aurea ab Imperatore donatus, aliquibusque præfecturis datis, deinde discedens, ab aliquot in insidiis positis occisus est. Quo factò, cum se nihil fecisse Imperator sciret, nisi & juvenis filius, atque mater occiderentur, tria hominum millia extra urbem per varias portas misit, ut utrumque occiderent. Quos conspictus juvenis, id suspicans quod patri acciderat, matrem equo imposuit, atque & ipse equam conscendens adeo strenuè se gessit, modo matrem ut festinans fugam arriperet compellendo, modo hostes repellendo, modo huc, modo illuc in matris, & nonnullorum suorum qui sex numero non excedebant

subsidium occurrendo, ut illæsus triginta Turcas occiderit, matremque servaverit. Duæ equæ sub eo ea die præ labore corruere, in quarum locum & tertia ei ad manus fuit ex ipsius fervis: consueſcunt enim in his regionibus omnes, non modo ad bellum ſed & alio proficiſcentes, plures equos ſecum ducere, quos aut pueri conſcendunt, aut alii manu ducunt. Tandemque Turcæ quoniam ipſum ad multum itineris fuerant ſecuti, eo deducti ſunt, ut metu multi in aquam ſe conjecerint: quod præclarum facinus hunc juvenem apud Turcas formidabilem reddidit: Turca autem ne continuè ejus loca ab Arabibus devaſtarentur, ipſi juveni ultro ſtipendia detulit, multorumque locorum præfecturam ei conceſſit. Hodie vero hujus gentis conſuetudo eſt, ut ad juſjurandum omnes eorum filios adigant, ne unquam locum muris cinctum ingrediantur, neque Turcarum fidei, aut juramento credant, cum revera omnium gentium, quarum memoria ad nos pervenit, ſint maxime perjuri, omniaque dicta inſidiis & perjuriis conturbent, & quemadmodum nullum vinculum ad ſtringendam fidem jure jurando majores arctius eſſe voluerunt, ſic hi nihil juramento majus ad decipiendum invenere, idque non modo publicè, ſed privatim. Hujus contrarium ſervant Arabes, ut nullus unquam fuerit inventus qui fidem violavit, quod noſtratum multi, qui ad Arabes ære alieno, aut alia de cauſa fugiunt, experti fuerunt. Adde hic aliud Arabum fortitudinis exemplum, quo illorum & fortitudo, & contra hoſtes pugnandi peritia, & ſtrenuitas melius intelligitur. Anno MDXXXI. quo tempore ego Cairum veneram, Arabum princeps alter (caput Arabum vulgus vocat) qui ei Ægypti provinciæ quam Sait vocant, cum aliis multis, dominabatur; huic Turca in ea provincia aliquot præfecturas locabat centum mille aureis in annum. Cui tamen aut parum, aut nihil ſolvebat, neque Rex Turcarum tota ſua potentia ipſum ſubigere potuit, neque à præfecturis, & dominio illorum locorum depellere: ſi enim maximis viribus ipſum quandoque oppugnare tentaret, ille ad deſerta, & montana fugiebat, ubi vero aliquando cum Turcis congregiebatur, magnam inter ipſos cædem faciebat. Hinc Turcarum Rex ipſum magno odio

odio habuit, attamen cum impossibile ei videretur ut in potestatem habere posset, ad Turcarum proprium divertit, scilicet ad insidias, quibus per aliquot annos ministris Proregibus Ægypti uti cæperat. Quisque Prorex statim cum in Ægyptum venisset, omni arte, atque studio conabatur, blanditiis, & muneribus illi persuadere, ipsum Turcarum Imperatori esse carissimum, eundem plurimum suis virtutibus tribuere, & venerari, & cupere esse illi amicissimum: quod cum per multos annos dissimulato odio à multis suis Proregibus magna dexteritate fuerit actum, tandem Eunuchus Assan Bassa Pro-Rex Ægypti, quod Proreges egerant, ipse absolvit, persuasit enim tandem Arabum Principi Turcarum Imperatorem ipsum plurimi facere, & amare, ejusque amicitiam maximè expetere, atque ita Pro-Rex cum ejus Legato, qui ipsum nomine Arabum Principis visitatum venerat muneribus, & simulata amicitia ita amicè egerat, ut suus Legatus Chiagia vocatus non amplius suspicatus dolum, suo Domino persuaserit, ut Proregem Ægypti securus Cairum visitatum veniret: qui credens suo Legato, venit, & cum Bulach suburbium Cairi pervenisset, in Nilo flumine offendit multos Chiaufos in ornatissima navicula sedentes, qui simul comedere fingeant, invitatusque ut secum accumberet (summum enim est dedecus in Ægypto à prudentibus, vel cænantibus quendam invitatum saltem non simul ad mensam sedere) equo illico descendit, solusque multis ex suis in litore relictis cymbam ingressus, ac cum ipsis simul sedens, ab iis, & ab aliis qui in insidiis stabant (erant enim qui in insidiis locati fuerant ad duo millia sparsim in variis locis latentes) subito comprehenditur, qui cum ad suos qui erant ad triginta in litore fluminis exclamasset, statim illi equis suis Nilum ingressi ita strenuè in sui Domini auxilium se pugnando gesserunt, modo cum illis qui in cymba suam principem ligatum tenebant, modo alios Turcas illuc contra ipsos venientes repellendo, ut è manu illorum Arabem vi magna, multis in cymba occisis eriperent, qui cum illis equam suam conscendens ita viriliter hastis adversus Turcas strenuissimè pugnavit, ut quinquaginta occisis, illæsus cum suis in desertum proximum

fuga se receperit. Hic postea iusta ira contra Turcas inflammatus, quoscumque Turcas habere exinde potuit, omnes trucidabat: vixque Prorex dissimulans hæc non ejus jussu Turcas fecisse, concessis illi antiquis præfecturis, atque novis etiam tributis sibi denuo ipsum reconciliare potuit: qui tamen, & alii Arabum Principes posthac nunquam infidæ Turcarum fidei se committere amplius voluerunt. Prorex Aegypti loca campestria omnia Arabibus quibusdam quodam pretio locat: Turcæ enim non audent Arabum timore præfecturas illarum villarum, & vicorum à Prorege locatione accipere: quos Turca cogitur Arabibus locare, quorum pauci sunt qui illi debitas pecunias persolvant, neque tamen ii ad solvendum, nisi sponte velint, à Turca cogi possunt, neque minus Prorex ab ipsis eas præfecturas auferre potest: sunt tamen aliqui qui sponte, etsi non totam debitam pecuniam, saltem partem persolvant. Turcarum vero Imperator non potest vel totis suis viribus eos subigere, quoniam ipsi si suas vires simul conjungant, plusquam centum millia equitum armatorum habebunt qui in armorum studio sunt exercitatissimi. Qui, si Turcæ potentia Arabibus major visa sit, ad solitudines, & montes fugiunt, ad quæ loca Turcæ eos persequi nequeunt, quod, uti etiam dictum est, ea loca aquam non habeant. Et hæc obiter de Arabibus à nobis dicta sint.

LIBER SECUNDUS.

CAPUT I.

De scientiis quibus Ægyptii delectantur.

Ægyptii disciplinarum studiis, ut nos etiam in libris de Medicina Ægyptiorum tradidimus, maximè delectantur. Primum enim Linguae Arabicæ, Persicæ, atque Turcicæ operam dant. Nec non variarum disciplinarum studiis, quippè Logicæ, quam Mantich vocant, Philosophiæ, Metaphysicæ, Rhetoricæ, Theologiæ, Mathematicæ, Magicisque etiam scientiis generis cujusque. Arabicæ verò eloquentiæ plurimum studii adhibent, pro quo studio complures libros conscriptos habent (ibi libri omnes sunt manuscripti, nondum enim Ægyptii libros imprimere noverunt, aut voluerunt, quod illorum innumeri vivant libros transcribendo, proinde Imperatoris jussu libri in Ægypto typis non mandantur) qui tamen magno labore inibi inveniuntur, præsertimque de eloquentia compositi. Duos (ut nos observare potuimus) ad tyrones vulgatos habet, quorum alter Agiromia dicitur, qui regulas eloquentiæ continet, & alter verborum declinationes persequitur, hunc Jesrif appellant. Duo vero alii habentur pro eruditioribus, quorum unum Caphie, atque alterum Mogni appellant. Dictionaria quoque complura vidimus, quorum unum maximum est, absolutissimumque Chamus vocatum, quod sexaginta aureis venditur. Alterum Sahael Giauhari nuncupatur, aliud Mocreb, aliud Giemat el-Logha, hoc est verborum collectio, vocatur. Jacobus Manus Salodienfis, qui ante me septennio magna cum laude Medicinam apud Nationem Venetam fecerat, vir in lingua Arabica etiam doctissimus, quem ego Cairi offendi, retulit aliquando mihi se habuisse Arabicum Dictionarium omnium nominum quæ usui medicinæ facerent, ipsumque Latinitate donavisse, additis

ab ipso nonnullis observationibus, ut studiosorum animos ad majora excitaret, tum ut nomina Arabica quæ in Serapionis, & Avicennæ indice ex Bellonenſe depravata leguntur, emendarentur, quando illorum ne verbum quidem à noſtris prolatum Arabes intelligant. His addo, ut de Arabum litteris aliquid in ſtudioſorum gratiam proferam, ipſos habere litteras principales tantum numero ſeptendecim, ex quibus deinde additis modo ſuperius, modo inferius punctis, tot alias conſtituunt, ut omnes ſint viginti novem, quas ex ſeptendecim locis educi volunt, at illis ommiſſis in quibus nobiſcum conveniunt, in ſex remanet difficultas, quas gutturales vocant, quæ niſi à gutture proferantur, & ex earum parte propria, minimè intelligas quod dicitur, ſenſumque, & ſignificationes evariant. G. igitur habent, & gutturale, & non gutturale, quod ut noſtrum ſcribitur. Gutturale vero hoc modo ſcribitur Gha. H. triplex habent, omnes gutturales, quæ in hoc differunt, quod unum à pectore educitur, quodque ſic ſcribunt He: alterum paulo à gutturis medio inferius, quod hoc modo ſcribam HA: Tertium vero à gutturis medio, quod ſic invenies HH. Adde etiam hoc modo ſcribi CH. quæ littera & ipſa è gutturis medio educitur. Sexta itidem eſt pectoralis, quæ à principio quidem pectoris effertur, quam ſuo charactere ſic ſcribam C. omitto, quod ipſi habent triplex T, triplex D. atque triplex S. Hoc ſolum addam quod thita græcum hoc modo ſcribam TH, cum & illud habeant. Atque hæc pauca de Arabum litteris obiter in ſtudioſorum gratiam dixiſſe voluimus. Redeo nunc ad id à quo paululum diverteram, quippè ad ſcientias quibus Ægyptii maxime delectantur. Dixi aliàs cum de templo Cairi celebri ſermonem inſtituerem, quod vocant Gemelazar, in eo univerſalem fere omnium diſciplinarum Academiæ magnis ſumptibus ali, in qua Profeſſores, atque ſtudioſi, victum, veſtitum, & ad libros etiam, gratis nutriuntur. In hoc inquam celebri Gymnaſio omnes diſciplinæ docentur, quippe logica, naturalis, & ſupranaturalis philoſophia, Rhetorica, Mathematica, Medicina, & Magia tum naturalis, tum ſupranaturalis: ſed omnium maximè aſtrologiæ judiciariæ dant

dant operam, atque artibus omnibus divinatoriis, cujuscumque
 est physionomia etiam eodem modo, quo philosophi ex faciei
 præsertim lineis, & aliis accidentibus ipsam tractare solent,
 & Chiromantia ex manuum lineis, quæ divinandi occasionem
 præbet. Omnibus vero præferunt Geomantiam, quæ ars su-
 pra punctorum varios, quæ ab ipsis formantur figurarum aspe-
 ctus, suum habet judicium, quam eo certiore per eas pun-
 ctorum configurationes fieri existimant, si cælesti schemati
 (vulgus genesium vocat) Astrologica arte supputato illius de
 quo, sive in cujus gratiam Geomantica figura facta est, fue-
 rit conformata. Sed quid de Necromantia arte dicemus?
 omnem illius speciem in Ægypto abunde, neque clam exer-
 ceri, qua, mira quidem, & ab Ægyptiis, & ab aliis fie-
 ri deprehendimus. Habent ad eam artem docendam varios
 libros, sed præsertim, quem vulgariter Solomonis Claviculam
 appellant. Plurimum admiranda ea arte à quibusdam præ-
 monstrata fuisse ex quodam Reverendo viro (cujus alias me-
 minimus) sæpe audivimus. Hic vir in omnium disciplina-
 rum studiis doctissimus, maxime delectatus fuerat istiusce va-
 nissimæ, & Diabolicæ artis cognitione: aliquandoque fassus est
 amore istius artis se in monte Libano cum aliis moram tra-
 xisse, ad eamque artem perdiscendam, & tractandam bien-
 nium consumpsisse: quo tempore cum ab uno sociorum, qui
 toto illo tempore inibi cum ipso fuerunt, & liber, & mul-
 ta ad id parata instrumenta fuerint sublata, qui una cum iis
 in Indiæ loca fuga arrepta quasi pervolavit; inde fuit coactus
 illinc discedere, à quo cum in Ægyptum secessisset, & fortè eum
 ego medicinæ causa, quod in morbum ibi incurreret, cogno-
 verim, & tandem mihi admodum familiaris evaserit, plura,
 non absque tamen magna admiratione ab eo de hac arte ac-
 cepi. Hic vero postquam & in Ægypto, & alibi magnos la-
 bores, atque ingentia pericula passus fuit, tandem prorsus ea
 arte derelicta, eamque maximè detestatus, ubi plurimum pæni-
 tentiæ ob id agendo de illiusce peccato apud Deum ingemue-
 rit, in Æthiopiam ad Abissinæ Regem profectus est, qui an incolu-
 mis illuc pervenerit, an in itinere perierit, nondum certè cogni-
 tum

tum fuit. Dubitandum potius, ut à quibusdam relatum fuit, fame, & siti, in sitientibus iis locis desertis miserè ipsum interiisse. Sed ad Ægyptios redeo, qui plurimum istius artis vanitate delectantur: ita enim quibusdam imaginibus etiam astronomica arte confectis, atque characteribus fidunt, ut innumeri ferè sint qui in ea urbe vivant solis sigillis, quæ illa arte faciunt, quæque ad varia deliramenta Ægypti indigenæ coëmunt, præsertimque ad morbos tollendos, quando credant ferè omnes morbos ea arte hominibus induci, unde & ad se ipsos à morbis præservandos, atque non minus etiam ut ab iisdem divexati liberentur, varia sigilla ea arte comparata gestant, atque ipsis variis modis utuntur. Sunt qui vendunt Veneris sigillum ad amorem alicujus acquirendum. Alii Martis gestant, ut in bello evadant fortunati. Alii Jovis ad divitias acquirendas, & ad honores: alii Saturni: alii Mercurii: alii Lunæ ad similia deliramenta. Quid amplius? An non faciunt sigilla ad mures, ad cimices, ad pulices culicesque, scorpiones, phalangia, atque ad serpentes non minus fugandos. Plerisque Ægyptiorum creditum est, ob Crocodilum ea arte cum variis characteribus olim ab aliquibus Magis confectum, atque supra Memphim meridiem versus unius diei itinere in Nilo flumine sepultum, Crocodilos non amplius potuisse ultra eum locum in quo Crocodilum Magicum sepelierunt transire, atque hinc esse quod Crocodili, ultra eum locum in Nilo flumine versus Cairum, & exinde Damiatam, atque Rassitum versus non visuntur, neque familiariter conversantur, sicut supra Cairi locum (in quo dicunt illum Crocodilum Magicum sepultum olim fuisse meridiem versus in Regno Sajetico, atque Thebaico) facere solent, ita enim in iis locis copiosi vivunt, & familiares ii sunt, ut necesse sit & in flumine, & in lacubus, & in terra homines, animaliaque sibi multam curam habere, ne ab ipsis interimantur, atque esitentur. Sed de Crocodilis posterius longè accuratius scribemus.

CAPUT II.

De Mahemetana Religione, atque de Lege in qua plerique Maurorum vivunt.

Jam certè in Ægypto, ut veteres tradiderunt, Bos capite albo non adoratur, non Apis, non pecus, ut Sahit olim consuevit, neque latus piscis, ut Jacopoliti populi faciebant, neque Lupus, ut Licopolis, nec Canis, ut Cynopolis, non Capra, ut Mendesii, non Arena, ut Atribiti, non Crocodilus, ut Arsinoe, non Ichneumenes, ut in Herculis urbe, non Oxirinchus, non Pan, non Minerva, non Lucina, non denique alii antiquorum Dii. Hos enim gens Ægyptia minimè esse Deos existimat, antiquorumque Ægyptiorum, qui similia animalia, & alia pro suis Diis quodam tempore coluerunt, maximè nunc reprehensione dignos putant. Hujusmodi vero Deos quondam habuisse, & à multis veteribus traditum nobis est, atque argumento ex conditis corporibus vulgo Mumiis vocatis, de quibus in primo libro scripsimus, hoc idem confirmatur, quod scilicet singula ea condita, seu medicata corpora, intra pectus figuratum animal, quod pro Deo olim habuerunt, contineant. Non igitur hæc Ægyptus hæc ætate pro Diis colit, sed unum Deum adorant, Sacrosanctæ Trinitatis individuas personas negantes Ægyptii: Christianos vero tres Deos colere censent, & quanquam Evangeliiis aliquam fidem adhibeant, Christumque Prophetam, atque Dei Spiritum esse fateantur, tamen Dei filium, verumque Deum impiè negant, Mahemetemque verum Dei Prophetam, omniumque maximum, ac ultimum, falsò asserunt, cujus nomen ex Evangelio nos delevisse credunt; Bibliorumque libros, quos Thorat nuncupant, credunt, nec non David Psalmos, quos vocant Zabur. Qui tamen Servatorem nostrum Jesum Christum, aut Beatissimam Virginem ejus Matrem, aliosque Sanctos blasphemare ausus

fus fuerit, severè plectitur. Eorum etiam lege sancitum est
 ut nullum Hebræum in fide recipiant, nisi prius Christi fi-
 dem receperit. Quinquies in die adeo devotè orant, ut ve-
 nienti Pro Regi non assurgant orantes: Deum semper lau-
 dant; nulla in ore illorum unquam blasphemia audita est. Sum-
 ma inter ipsos concordia est, qua profecto res suæ cre-
 scunt, nullumque inter eos homicidium nisi à latronibus
 committitur. Qui vero hæc verba digito indice elevato pro-
 tulerit, Quippè non est Deus nisi Deus, Mahemetes est
 propheta ejus, Maurum esse vi compellunt. Ex eorum le-
 ge ter in die alterius legis homines, admonere, rogareque
 ut in eorum pseudopropheta credant, tenentur: quod
 sane mordicus servant. Apud hos, quatuor uxores legiti-
 mas accipere licet, licetque & servas innumeras pro uxo-
 ribus habere, ex quibus ubi filios susceperint, neque eos,
 neque matres amplius vendere possunt, sed manumittere co-
 guntur. Filios vero tam ex servis, quam ex uxoribus le-
 gitimos ex lege habent. Conjuges uxoribus, non uxores
 maritis dotes dant. Summum jusjurandum existimant cum
 dicunt: Remittere, uxori mihi contingat, si ita est, si hoc
 faciam, adeoque apud eos solemne est, ut qui id non ser-
 vat, ut perjurus separatione ab uxore puniatur. Quod si
 quis à separatione mulierem rursus accipere voluerit, id non
 conceditur, nisi prius cum alio ea cubuerit, quam infamiæ
 notam, ut effugiant, ut cum puero coeat, efficiunt. Trigin-
 ta dies in annum (de quo jejuniò postea) jejunant, nihil to-
 ta die, neque bibentes, neque comedentes, sed noctu
 omni eduliorum genere se ingurgitant. Principio dum Ma-
 hemetes leges instituit suas, quatuor ejus asseclas prohibuit,
 quippe animalium primum cujusque generis sponte occisorum,
 ne sanguinem comederent: omnia animalia aquatilia, quæ
 in terra spiritum, & vitam ducere valent, scilicet amphibi-
 a à Græcis dicta, sicut cancri, testudines, & hujusmo-
 di alia. Omnia itidem à quibus natura humana abhorret.
 Deinde cum inter ejus domesticos ob vini temulentiam ho-
 micidium fuisset perpetratum, eisdem & vinum interdixit
 hæ

hac conditione, ut eo cocto uti liceat, aut solo, aut cum aromatibus. Idcirco omnes aquam ex lege bibunt, aut vinum ex dactylis, aut ex passis, aut quid simile. Habent, & leges quibus populum gubernant, quæ quatuor sunt generis, Saffei, Malachi, Hhnefi, & Chanefi. His quatuor tot legum periti in quacumque urbe, vel oppido præficiuntur, quorum consilio utriusque juris lites dijudicantur, nec rem in dies trahunt, sed tribus diebus vel damnant, vel absolvunt, nullis tamen intercedentibus Causidicis, Advocatisve: lites enim ibi non ab Advocatis tractantur, sed ab iisdemmet ad quos lites pertinent coram iudicibus res tractantur. Unde non est, ut Causidici Ægyptum lucri causa petant, quando ibi ipsorum eloquentia nihil possit, cum aliis, quam illis ad ad quos res attinent, causas tractare coram iudicibus non concedatur. Qui vero alteri diem dicit, atque in jus vocat, quod petit, hoc triduo testibus, aut scriptis probare debet: sin minus, causæ iacturam facit. Insuper eorum lege cautum est, ne scorta admittantur, quæ si comprobata fuerint, mulieres lapide ad collum appenso in aquam immergentes interimunt: eas enim quando si cum aliquo cubuisse, remque habuisse compertum habeant, nulli misericordiæ locus apud iudices est, quin eæ aqua suffocatae moriantur: Christianis vero, atque Hebræis, si cum Turca, five cum Maura de scorto convincantur, igne supposito exitium pro pæna stat; neque mortem effugere ullo pacto queunt, ni fidem renuerint, & Mahemetes Legem acceperint. Testes falsos vel minimo pretio ibi invenias: quo fit, ut nostrates in Ægypto aut mercaturæ, aut peregrinationis causa moram facientes, à Turcarum Imperatore petant, ut sibi per eum liceat in ejus regno manere, non tamen à quolibet iudice lites quas cum Mauris habent dijudicari, sed tantum in urbe Metropoli coram Rege, sicque cum Mauri litem nostris inferre volunt, è converso Actorem Byzantium vocant, quo adire cum unicuique haud facile ob sumptus immodicos sit, litem illi relinquunt, atque ita nostri ab omni fastidio libe-

rantur. Insuper à Rege id quoque obtinuerunt, ne contra nostros Mauri, neque Christiani, neque Hebræi illiusce regionis examinati quicquam valeant: Quo fit ut Nostri nunc quietius in Ægypto vivant, quam antea, quo tempore cum has leges à Turcarum Rege nondum obtinuissent, undique illis insidiæ paratæ erant. Mulieres templa ne ingrediantur, lex vetat, nimirum propter ipsarum immunditiem id fieri inquit, quamobrem neque ipsas dignas fieri, ut post mortem Paradisum ingrediantur, ipsoque fruantur: sed earum animas extra Paradisum in quibusdam locis amœnioribus esse mansuras, juxta quæ loca & Christianos, qui propter infidelitatem haud digni Paradiso facti sunt, unâ mansuros credunt. Quo ego aliquando à quadam nobili muliere Turca persuasus, ut Mahemetis fidem reciperem, Maurusque fieri vellem, sic respondi; Cur vis me tuam sectam recipere? cui respondenti: ut post mortem Paradisum ingrediaris? dixi: melius erit me extra Paradisum cum mulieribus unâ mansurum, quam cum viris Paradisum ingredi, quando sic jucundius fore mihi sperarem cum Mauris mulieribus pulcherrimis extra Paradisum manere, vivere, atque cum ipsis eximiam voluptatem percipere. Quibus auditis, Turca rem in risum solvit, & nunquam amplius ausa est mihi suam legem commendare.

CAPUT III.

*De orandi modo quem Mauri observant,
atque de Viris Mauris Religiosis.*

Quinques in die, ut diximus, Mauri devote orant, omnique maximè die Veneris, quem diem veluti festivum plurimi venerantur. Mirum certè est quod Alexandrini ea die faciunt, namque, quod illis fuerit quondam à quodam viro (ut ajunt) sancto prædictum, eam urbem rursus Christianos externos die Veneris capturos, eo timore compulsi

pulsi eo tempore quo in Templis ea die orantes morantur, claudunt omnes Italos, Gallos, Anglos, & alios omnes Christianos externos intra suas ædes mercatorias, secumque claves retinent, neque ante orationem finitam sinunt ipsarum aedium portas aperiri, eosque domum egredi, idque faciunt quod ab ipsis timeant ne eo tempore quo ad orandum sunt occupati, urbs capiatur, è Turcarumque Imperio adimatur. Habent & Mauri complures religiosorum ab ipsis cætu comprehensos. Primum, ex iis quidam sunt, qui sacra administrant, Mahemetis Legem interpretantes, psalmos canentes, & aliis modis in Templis servientes, qui uti & nostri Presbyteri magnos redditus habent quibus commodè vivant. Hi uxores, ut alii homines ducunt, atque etiam servas pro uxoribus multas habent. Habent & Monachos habitantes in Cænobiis longius ab hominum commercio positos (Dervis hos vocant) qui vitam cœlibem ducere profitentur: omnesque litterarum studiis operam dant, præsertimque Philosophiæ, atque Theologiæ. Habent viridaria amænissima, in quibus tota die morantur, varios libros legendo. Unum cænobium extat extra urbem paulò infra locum, qui Sbechie nuncupatur, in quo habitant monachi ferè quadraginta, viri sanè perhumani, præliberales, atque nostris Christianis perquam familiares, qui inter omnes doctissimi ab omnibus æstimantur. Illi vero & Dominico à Rege Nationis Venetæ Chirurgo, & Pharmacopeo, atque mihi Medicinæ causa fuerunt, dum inibi viximus, admodum familiares: libentissimè disputant, atque etiam de Mahemetes vita, & lege, atque liberè cum iis sæpius de multis disputare potuimus. Mirum certè videtur, illos (etsi Mahemetanam sectam sequantur, ut ipsorum aliqui mordicus eam ipsam teneant, ac defendant) esse variarum opinionum: nonnulli Atheistæ videntur: alii disputant de mortalitate animæ insistentes Epicureorum dogmatis: alii piè immortalitatem defendunt: complures spontè Christi fidem Mahemetis sectæ præferunt, vitamque & mores obscenos Mahemetis maximè detestantur, adeo ut non pauci fateantur ipsum neutiquam Deum Optimum

mum Maximum sibi amicum habere potuisse, quinimò potius Deo suis pravis moribus, atque vita execrabili maxime invisum esse oportere. Hi cum egrediuntur Cœnobium singuli bini simul semper ambulant, raro per urbem, sed loca ferè semper solitaria frequentant; semper secum gestant librum legis ipsorum, quem Alcoran nuncupant. Tertio plures sunt, quos Mauri Siech vocant: Nostri, Santoni. Siech nomen Arabicum hominem quasi ex sanctitate, atque ex infania mixtum exprimit. Hi per urbes, oppida, & villas solummodo uno indusio ex panno lineo vestiti diversantur, tanta vivendi libertate, ut quæcumque facere ad libitum, vel injusta, vel inhonesta illis permittatur, nullumque improbitatis genus reperitur, quod si libet non faciant. Ubicumque panem, carnem assatam, eduliaque in foro offendunt, liberè iis vescuntur absque impendio; ad libitumque omnia quæ volunt, gratis comedunt: quin imo tantum abest, ut qui vendunt, hæc ad victum de iis sua comedentibus conquerantur, ut potius Deum summè laudent, quod Vir sanctus dignetur apud ipsos ali. Isti etiam Sanctones mulierem quamlibet, quam in via offendunt, si placet, aliquò manu ducunt, & coram hominibus cum ipsa omni pudore posito, ut bestię, coeunt. Quæ mulieres, vel etiam ipsarum consanguinei, minimè de eo actu illicito conqueruntur, satis illis est dixisse, illi parcendum esse, quod vir sanctus semiinsanus sit. Unum ex iis à prima die in qua urbem Cairi ingressus sum usque ad meum discessum semper habui infestissimum, ut ferè semper in ea maxima urbe ubique locorum ipsum offenderem, a quo semper aliquid molestiarum, & contumeliarum accipiebam, atque ita aliquando, ut mihi insidiæ illius causa à Maratris facilè paratæ fuissent, nisi Prætorianum militem securitatis causa mecum habuissem, cujus bactria ipse timebat: Nonumquam miracula coram multis me vidente facere instituit, quod ut faceret, frustum terræ manu altera accipiebat, populoque ipsum ostendens petebat quid id esse ipsis videretur, qui cum statim terram esse singuli respondissent, continuo oculis suspectans cœlum, quædam ore susurrando astantibus inquit: Verum

rum

rum quidem respondistis istud terram esse, sed qui nostro Prophetæ Mahometi fidem habuerit, me orante, in saccharum mutabit, atque ita eo modo quo circulatorum decipere solent, loco terræ quam ostenderat, sacchari frustulum illis tandem ostendit. Quod miraculum cum omnes magno clamore laudassent, ad me conversus ait, quid tibi videtur? cui cum respondissem optime factum, & magnum meritò videri miraculum, & intellexisset me ejus deceptionem rectè perspectam habere, ut me ignominia aliqua afficeret, detracto indusio, pudenda mihi detexit, magnasque hernias, quæ ex cole turpiter pendebant. Ego vero tandem antequam Cairo discederem, fortè cum quadam die ipsum in Hebræorum via solum offenderem, usque adeo pugnis deverberavi, pedibusque proculcavi, ut talem memoriam sic de me ex Ægypto abeunte illi reliquerim. Demum non pauci in deserto proximo sunt ex Mahemetis asseclis, qui Eremum religionis ergo incolunt, ibi vitam asperrimam ducentes, perinde atque ex Christianis multi ita vivunt Deo toto spiritu fervientes. Miseri quidem, & iterum miseri, qui cum in hoc mundo vitam miserrimam ducant, post mortem quoque luent pœnas suæ infidelitatis: quod eo miseriùs videtur, cum vitam innocentissimam vivant, semper admirantes mirabilia quæ fecit Deus, & ipsum collaudantes, laudesque perpetuò canentes, & assiduè orantes, jejunantes: Quam erga etiam Christianos benigni, humanique sint, seque nobis præbeant, dici fatis non potest, atque ego ipsorum eximiam benevolentiam sæpe cum iis versatus expertus sum. Deus illorum ignorantiae misereatur. Habent Mauri omnes quovis anno jejunium triginta dierum, quod vocant Rhamadam, in quo nihil in die, scilicet ab ortu solis, usque ad occasum, comedunt, nihilque bibunt: Nocte vero tota edulia varia ingurgitant plebei. Non pauci vero nobilium etiam noctu severius jejunium quam alii multi faciant exequentes, modicè & comedunt, & bibunt. Assiduè noctu orant, collaudantes Deum magnum, & suum Prophetam Mahemetem. Singulis ferè duabus horis turres ascendunt Sacerdotes, mirum in modum Deum,

Deum, ut dixi, collaudantes. Alius vero ex Sacerdotibus singulis ferè horis noctis in vicis singulis urbis cum multis instrumentis musicis mutum, surdumve, atque ingratum sonum edentibus, & clamoribus populum excitant, ut audiat suas clamorosas orationes ad Deum magnum, quem vocant Allacubar, & ad Mahemetem, quem itidem vocant Resul Alla, & Abibi Alla, id est Dei prophetam, & Dei amicum: postea hortantur Mauros audientes cavere à peccatis, & rectè secundum sanctam Legem Mahemetis ut vivant, & quæ præcipuè debeant in ea servari ab ipsis particulatim exprimunt, inter quæ præcipuum illud est, ut viri suis Uxoribus satisficiant: quod mulieres audientes si tunc ipsarum mariti dormiant, illicò eos expergefaciunt, dicentes, Com, Com; id est, surge, surge, & audi præcepta legis. In Templis singula unaquaque nocte publicè Sacerdotes Theologi concionantur, quam fane concionem plerique Maurorum, maximeque Nobilium, quos vocant Chiclebi, assiduè frequentant, habentque Concionatores doctissimos, qui instituunt dissertationes elegantissimas, & utilissimas pro illorum secta, & comprobanda, & confirmanda. Mirabile dictu est quot, quantæque Lampades in tota Urbe noctibus iis accenduntur: usque adeò enim iis luminaribus, quæ non habent numerum, nox clara redditur, ut non minus quam die homines noctu Tempia adire queant. Habent, & inter dies præcipuè festivos quosdam in quibus faciunt commemorationem Sacrificii Abrahami. Vocant hos dies Baieram; unusquisque qui potest occidit illa die arietem, vel agnum, vel vervecem in illius sacrificii memoriam, unde innumera in parietibus domorum, atque in ostiis manuum hominum ex sanguine occisorum animalium conspurcatarum vestigia à multis relicta. Hæc sufficiant obiter dicta de iis, quæ ad Mahemetanam sectam faciunt. Nunc de vera in Deum religione, quam ibi Christiani servant, sermonem instituamus.

CAPUT IV.

*De Christianis qui Ægyptum habitant,
& primo de Græcis.*

EX Christianis Ægyptum habitantibus, primo loco dicemus Græcos, qui habent pro suis Sacerdotibus Caloyeros, quique & Alexandriae, & Cairi, & in Monte Synai nunc vivunt, separati à Romana Ecclesia, quod schismatici sint. Illorum Patriarcha olim Alexandriae residebat, nunc Cairi manet. Vivunt vitam innocentissimam, asperrimamque, fere semper jejunantes, magnaque devotione, sanctitateque cultum divinum exercentes. Ex iis Sergius & ipse unus fuit, qui cum non, ut in ejus fuerat optatis, in Patriarcham Alexandriae à suis Caloyeribus eligeretur, iratus, Mahometanæ sectæ auctor præcipuus creditus est. Ipse enim fuit qui Mahometem perdocuit, & adjuvit: Mahemetes enim ne vel etiam legere, aut scribere noverat; sua quidem placita confirmabat subscriptionis loco manu atramento denigrata chartæ adhibita, ac sua manu sigillando. Legem, quam Mahemetes promulgavit, Sergium scripsisse affirmant. Dicunt plures, cum Mahemetes esset prope Sues, civitatem penès Mare Rubrum positam, cum magna hominum turba ipsum insequentium, in loco à Sues semidiei itinere distante, ubi puteus erat profundus sine aqua, ut videretur veluti Moses à Deo in monte Synai legem accepisse, eamque suis postea publicasse, eundem, Sergio Monacho, librum, in quo Mahometana lex ab ipso fuerat perscripta, secum habente, clam demisso in fundum putei, coram turba exclamavisse. Videte librum in quo à Deo scriptam legem habebitis, & statim illis ostendisse librum ex toto similem ei, quem Sergius in fundo putei stans habebat, hoc excepto, quod in ejus chartis nihil prorsus scriptum erat, quem funiculo parvo ad Sergium demisit, qui eo a funiculo detractò, alterum eidem funi adligavit, in quo lex scripta legebatur, quem è

puteo postea extractum, Mahemetes populo publicavit, juravitque coram illis hanc legem à Deo in eo libro scriptam fuisse, foreque propterea ab ipsis religiosius observandam: quumque vidisset illud turbæ placere, inquit: quicumque meus frater dicere cupit, in mei memoriam lapidem in hunc puteum projiciat, quo dicto, statim singuli lapidem projecerunt in puteum, quibus puteus momento temporis oppletus est, intusque in fundo putei Sergius lapidibus obrutus vitam finivit. Nunc etiam omnes qui illuc transeunt, lapides in puteum projiciunt in Mahemetis memoriam: Unde sæpe in anno coguntur vicini populi lapides è puteo extrahere, ipsumque pervium facere, ut peregrini possint ad libitum lapides more solito in ipsum projicere. Non me latet alios alio modo hæc de Mahemete scripsisse, nihilominus Ægyptios ferè omnes Christianos hoc modo Mahemetis historiam constantissime retulisse, non semel ab ipsorum primoribus, sed sæpe audivi. Illis vero Monachis Calojeribus è quibus fuit Sergius, Mahemetes immunitatem de singulis, & ad victum, & ad vestitum attinentibus, concessit, quam ipsi in charta pergamena scriptam usque ad illud tempus habuerunt in quo ego Cairi fui, quamque & manu propria scriptorio atramento infecta instar sigilli impresserat, atque subscripserat. Hanc anno MDLXXXIII. Hebraimo Bassæ tunc Ægypti Pro-Regi coacti fuerunt ostendere, cum Alexandriæ Malem quidam, id est publicanus, qui mercium inibi introeuntium, atque exeuntium vectigalia exigit, illos Reverendos Monachos coegisset de quadam vini quantitate ex Creta insula ad ipsos navi convecta vectigal solvere, nunquamque illi amplius vectigal ob eam immunitatem sibi olim à Mahemete concessam solvissent, Pro-Regem adierunt supplicantes supplicantes ei, ne cogeret illos solvere, cum semper immunes fuerint à quacumque solutione propter illis concessam à Mahemete immunitatem, quam cum Hebraimus coram aliis multis in auditorio publico legisset, & recognovisset impressam manum Mahemetis sui prophetæ, Hebraimus illicò ipsius capiti eam, ut Turcarum moris est, honoris causa superposuit ac dixit: Dedecus est, & magnum sanè, hæc sanctas nostri

nostri prophetæ reliquias in manibus infidelium relinquere : ex quo Pro-Rex eam retinuit immunitatem , alteramque ejus loco ei suffecit , omniaque quæ petierunt libentissime in Mahe- metis memoriam concessit. Illorum multi habitant in Cœnobio, quod habent in monte Synai, quodque muris altissimis, fortissi- misque metu Arabum undique cingitur. Ab hoc Cœnobio ad milliare Italicum distat locus in quo fuit inventum corpus Bea- tæ Catharinæ, Alexandriae martyrio ob Christi amorem inter- emptæ, cujus quidem corpus, ea mortua, Alexandriae num- quam amplius conspectum est: quod postea per somnium qui- dam Sanctus ex Caloyeribus, monasterium montis Synai co- habitantibus, commonitus, sub quodam lapide invenit, atque in illiusce monasterii templum reposuit, quod profecto à nullis quam ab Angelis miraculosè illuc in altissimum illum montem, ab Alexandria mille milliarium spacio distantem, de- ferri potuisse nemo inficias ibit. Omnes quidem eos Mona- chos sanctissimè semper inibi vixisse apud omnes Ægyptios constat; illosque, Sultanorum Ægypto imperantium ætate, maximè in religione Christiana floruisse, ipsorumque quen- dam olim Patriarcham, ajebant, & vita innocentissima, re- ligiosissimaque, & miraculis in ea urbe celebrem fuisse: de quo inter alia miracula hoc cuidam Regi Sultanorum olim illuxisse affirmabant: quippè cum a Rege Hebræi cujus- dam illis Monachis inimici suasionem persuaso, ille Patriarcha interrogatus, an verum sit, Christum in Evangeliiis dixisse; Quicumque Christianus sit, non debere timere, etiamsi quid mortiferum biberit: cui statim cum respondisset, verissimum esse, tunc inquit Rex, te ut tali die coram me cum te volue- ro, venenum bibas, parato; ille, cum annuisset se, quod vo- luerit, lubenter facturum, dimissus est. Qui postea cum assiduè ad Deum orasset simul cum omnibus suis Monachis, ne Do- minus pateretur quicquam adversus veritatem Evangelicam dedecoris ab inimicis fidei Christianæ fieri; quadam postea die ad Regem evocatus, coram Rege Hebræoque, qui ipsum ad id, ut experiretur Christianam veritatem, Regem permov- erat, cum oblatum sibi calicem crystallinum exitiali veneno

plenum Regis jussu bibendum, accepisset, atque ea etiam conditione, uti Hebræus Regem prius instruxerat, ne Crucis signum super calicem bibendo venenum, facere Patriarchæ liceret, Sanctus Patriarcha fidei Christi planè confidens, accepto calice, ad Regem versus, manu signum Crucis super venenum faciens, inquit: non vis etiam ut hoc crucis signo me muniam? & continuò venenum bibit. Postea Rex post multum tempus videns Patriarcham à veneno nequidem mortuum, sed neque ullam ab eo sensisse molestiam, plurimum admiratus est, præsertimque cum sciret illud fuisse ex summè mortiferis. Interim Patriarcha petiit à Rege, ut illud vitrum diligenter abstersum plenum optima aqua ipsi Hebræo concederetur, quod acceptum Rex Hebræo obtulit, ut ejus aquam biberet: Hebræo vero renuente eam aquam bibere, Rex summo opere ob id iratus ei dixit: ille bibit in hoc vitro venenum, & tu times puram, optimamque aquam in vitro diligenter deterfo, & abluto bibere? qui, cum Rege jubente aquam bibisset, paulo post quasi veneno jugulatus coram Rege interiit, non absque magna, & Regis, & aliorum, qui interfuerunt admiratione; sicque veritas Evangelica in Reverendo Patriarcha coram Rege magno miraculo confirmata, atque aucta est: Et hæc de Græcis Christianis.

CAPUT. V.

De Christianis Cophtis, & de Reverendis Jesuitis qui in Ægyptum missi fuerunt à Pontifice Maximo Gregorio XIII., ut Natio Cophta Ecclesiæ Romanæ conciliaretur.

IN Ægypto Christiani partim sunt exteri, partim patrii. Exteri sunt, qui ex variis mundi regionibus in Ægyptum mercaturæ causa veniunt, cujusmodi præcipui Veneti sunt, Galli, Angli, Rhagusini, Florentini, & Siculi. Ad hos vero quo-

quotannis duos Fratres Franciscani è Hierusalem veniunt in Ægyptum, ut ipforum curam spiritualem habeant, quorum unus Confessor est, alter Prædicator. Patrii vero Christiani Cophti dicuntur, qui propter hæresim Eutychis, quam secuti sunt, negantes in Christo duas naturas, scilicet humanam, & divinam, ab hinc mille fortè, & ducentos annos ab Ecclesia Romana Orthodoxa separati, & in Ægypto, & in Æthiopia vixerunt sub disciplina Christiana unius Patriarchæ, quem Abuna nuncupant. Huic vero Cophtorum Patriarchæ Æthiopiæ Rex (Regem Abassîæ vocant) unoquoque anno duodecim millia aureorum, atque munera mittit, Cophti autem in Ægypto habitant ad quinquaginta millia, qui si Romano Pontifici obedientiam præstarent, nostris Christianis in omnibus antecellerent, cum fidem nostram adeo acriter defendant, ut probra quæque pro Christi nomine sustinere parati sint, qui quamvis sub infidelium imperio vivant, & ab eis quotidie injuriis, contumeliis, verberibus, atque magna ignominia divexentur, bonisque sæpius spoliuntur, nihilominus Christi fidem neutiquam mutare velint in turpem Mahemetis sectam: quod si facerent, ab iis molestiis liberi evaderent, quietamque, & tranquillam vitam sibi pararent. Sed ipsi mundi divitias præ fide contemptui habent, maluntque Christiani in maxima servitute esse, quam ea derelicta imperare. Sæpe ipforum aliqui pro fide martyrio extincti sunt, cujusmodi fuit ex ipsis quidam qui propter scortum comprobatum morti damnatus, fidem nostram in Mahemetis sectam fragilitate vitæ una die mutaverat, atque altera cum illud fecisse plurimum & pœnituisset, & ad Deum ingemuisset, adiit Pro-regem in publico auditorio, eique cum dixisset, heri ebrius, & fatuus renui Christi fidem, nunc solutus ebrietate, atque fatuitate, Mahemetis falsi Prophetæ sectam itidem renuo, illicoque magno clamore, ut ab omnibus Mauris in aula aditorta audiretur, cœpit Christi fidem supra omnes magnis laudibus concelebrare, qui cum alia multa ad confirmandam Christianam fidem viva voce intrepidè dixisset, continuo ferreis uncis ad portam Babzuelis appen-

sus est, ut moreretur; qui tribus diebus ibi appensus vixit, semper vel etiam moriens Christi fidem laudando. Cophti primum quod ipsorum filios docent, atque ut eorum infideat mentibus student, hoc est: veram scilicet, solamque in toto orbe terrarum esse Christi fidem, quem Mesiha appellant, adeo ut, si à puero bimulo cujas sit quæras: Mendil el Mesiha, idest ex lege Christi, responsum habeas. Nos meritò derident, atque maximè redargnunt, quod ex nostris nonnullos tam facile fidem relinquere, atque falsam illam Mauro- rum amplexari, videant, nec multo post ei sese adeo deditos ostendere, ac tyrannidem in eos exercere observent. Turcæ, ut plurimum Christianis, qui fidem renuerunt, quod suis fideliores sint, custodibus utuntur. Quàm omnes Cophti Sanctos singulos colant, ipsorumque festos dies, atque asperis jejuniis utantur, crebrioribusque, satis quidem dici non potest: quinimo si Cophtorum jejunia nostris comparentur, nostra lautissima convivia absque dubio videbuntur. In Patriarcham illum solummodo eligunt quem verè cælibem esse norunt. Hic cum decem millia aureorum censum in annum habeat, eos omnes, ut notum est, pauperibus, & cænobiis distribuit, sibi neque necessaria servat, sed quotidie è mendicatis vivit. Duo monasteria Cairi habet, alterum virorum, atque alterum mulierum. Sunt & illic quatuor alia Monasteria, Divi Antonii unum, alia Divi Macarii, de quibus postea: quæ omnia alit ex iis redditibus, quos ex Christianis colligit. Assiduè per totam provinciam Christianos visitat, Asinum conscendens, baculumque manu gerens, nec non & Crucem argenteam pulcherrimam, quam Æthiopum Rex ei dono misit: multos Episcopos, & Archiepiscopos sub se habet. Sese libentissimè Romanæ Ecclesiæ conjungeret, ni plebem timeret, quæ tot annis in antiquorum erroribus vixit. Multis enim novum est cum audiunt esse Pontificem eorum Patriarchæ superiorem. Sperabatur tamen nostra ætate omnes illos Romanæ Ecclesiæ obedientes futuros, opèra præsertim Reverendi Patris Johannis Baptistæ Æliani, Sacerdotis religiosi è Societate Jesu, viri innocentissimi, & omni

omni sanctitate spectandi, à Gregorio XIII. Pontifice Maximo ad Cophtorum cum Romana Ecclesia reconciliationem in Ægyptum primo missi, qui toties sese, vitamque propriam periculis, mortique pro fide Catholica committere non dubitavit, atque cum ipse Linguae Arabicæ peritissimus esset, meritò hoc illi onus impositum fuit, cui postea Socius Reverendus Franciscus Saxus, theologus è Jesuitarum itidem societate doctissimus, adjunctus est. Primum namque Ælianus una cum Johanne Bruno, Theologo spectatissimo, Maronitas, montes Libani in Syria habitantes, Sacrarum Litterarum in historiarum cognitione celeberrimi, cum à multis quidem in fide antiquis erroribus primum expurgasset, atque ad Romanæ Ecclesiæ gremium reduxisset: impiè enim ii credebant Spiritum Sanctum ab uno Patre procedere, humanasque animas, ubi è corporibus evolassent, certis in sedibus ad extremum usque judicii diem detineri, licere nuncium uxori remittere, infantesque ante quadragesimum diem baptis-
mate lustrari non debere: in Ægyptum venit Anno MDLXXXII: atque in Cauri urbe perpetuo quoad discessit, mansit in domo Pauli Mariani civis Veneti, atque pro Rege Galliarum Consulatum agentis: viri sane non minori in Ægypto auctoritate quam liberalitate spectatissimi, qua omnes peregrinos domi libentissimè recipiebat, atque præter modum honorabat, summam illis ostendens benevolentiam. Tunc enim Cophtorum Nationis speciatim protector erat, virque ingenio maximè versatili, Linguae Arabicæ, Turcæ, Græcæ, & Gallicæ peritissimus. Apud ipsum Marianum Ælianus semper hæsit cum suo socio Mario Romano, qui postea Alexandria, febre tertiana pestilente interiit. Paulo post venit ei in auxilium Franciscus Saxus Neapolitanus cum suo Socio Francisco Bona Mediolanensi, qui omnes in ædibus Mariani fuere benignissimè suscepti: quin imo illis partem suæ domus cessit, & pro illorum habitatione, & pro templo etiam constituendo. Itaque cum Johannes Baptista Aelianus primum Mariano summi Pontificis desiderium aperuisset, rogassetque ut illis protector esse vellet, & in tam utili, & honorabili
Rei-

Reipublicæ Christianæ opere obeundo ipsis suum auxilium (quod maximum quidem auctoritate sua apud Cophtos sibi dum vellet pollicerentur) non denegaret, tantumque beneficium suffragationem à summo Pontifice perpetuo plurimi æstimatum iri, & non absque digno etiam præmio ab eodem Pontifice fore compensandum: Marianus promptissimè conditionem accepit, & omnem favorem ad eam rem, quoad vires ipsius extendi possent, pollicitus est. Quod & fecit; antea enim duo Sacerdotes, à Pio III. summo Pontifice in Ægyptum ad Cophtorum Nationem Ecclesiæ Catholicæ reconciliandam olim missi, vix cum Patriarcha Cophtorum loqui potuerunt; nam sæpe audiui à Reverendo Presbytero Antonio Palmerio Anconitano, qui & Capellanus multorum Consulum & à secretis illorum triginta, & plures annos Cairi vixit: Cophtorum Patriarcham iis Sacerdotibus impiè respondisse: Non posse, qui Sacerdos esset pauperrimus, & è mendicatis viveret, cum Pontifice Maximo, tot Civitates, & Provincias, divitiasque in mundo possidente, conciliari, cum esset inter utrumque proportionis nulla convenientia: Quo responso eos Sacerdotes remissos fuisse, & non absque magno vitæ periculo ex Ægypto abiisse: Itaque Mariani favore factum est, ut cum Cophtorum Patriarchâ complures Episcopi, & alii Sacerdotes Cairi in domo ipsius sæpius ad tractandum de eorum hæresi fuerint convocati: qua occasione innumeri ferè semper ex Cophtorum Religiosis apud Marianum, atque apud Jesuitas familiariter versabantur. Ego enim huic negotio semper interfui, atque quoad potui, ipsum, quando medicinæ faciendæ occasione sæpissimè cum ipsis, ægrotos eos visitando, de præcipua illorum hæresi egerim. Quod negotii, etsi primo cum coëptum est, suas habuerit ex multorum Cophtorum ignorantia difficultates, qui dicebant in hæresi de duabus naturis in Christo, licere *bieltamis*, idest eas mente contemplari posse, illas vero duas naturas, humanam quippe, atque divinam esse, affirmare, blasphemum esse. Verum tamen ut Reverendi ii Patres, qui omni studio, & dili-

diligentia studebant illorum mentes ab antiquis his erroribus expurgare, scripserunt de eorum hæresi libellos quosdam Arabica lingua exaratos, in quibus quoque Sancti Cyrilli (cujus doctrinæ omnes, cum ex suis is fuerit, acquiescunt) auctoritate declarare, & illustrare veritatem hanc, sedulò studuerunt. Quos posteaquam compluribus Cophtorum, iisque maximè qui in Theologia eruditiores æstimabantur, Reverendi Patres communicarunt, atque publicarunt, res tam facile fuit reddita, ut ex eorum libellorum lectione veritatem fuerint ita affecuti, ut præcipui apud eos faterentur, omnia Romanæ Ecclesiæ modo intelligere, nihilque aliud obstabat ne illi se submitterent omnes Romano Pontifici, quam ipforum Patriarcha, qui nondum veritatem Catholicam probè intellexerat, qui orabat Deum, & orare suos Sacerdotes assiduè curabat, ut de hac ipsa veritate illuminaretur, ut crederet ea, quæ in rem Christianæ Ecclesiæ essent. Unde ipsius mors (ille enim supra annos octoginta natus erat) pro tanti negotii expeditione, scilicet pro agnitione Catholicæ veritatis à nobis, & pluribus Cophtis expectabatur: interimque plures illorum, qui Romano modo fidem Christi intelligere à Reverendis Jesuitis fuerant instructi, ad Romanum Pontificem proficisci tunc parabant, & præsertim Patriarchæ Vicarius, qui nondum omnia secundum Romanam veritatem intelligebat, sed cæteros alios eo modo erudire assiduè operam dabat, isque, post mortem Patriarchæ, omnium destinatione successor sperabatur. Quæ omnia cum munus reconciliationis Cophtorum ad Romanam Ecclesiam finem exoptatum attingere nobis modo promitterent, eoque certius, quod Patriarcha ipforum, cujus solummodo incredulitas exitum retardavit, tunc mortem obiit, à quo cum certè ejus Vicarium in futurum Patriarcham eligendum (qui in omnibus cum Romana Ecclesia sentiebat) omnes affirmarent, ipsumque futurum Patriarcham pro certo haberent, tunc ex Cacodæmone magna oborta procella, conjunctio hæc planè impedita est, atque à nulla alia causa, quam ab ea, quam nos modo dicemus illud evenit. Paulus Marianus,

abhinc multos annos emerat Consulatam Gallorum à quodam, ut ajunt, viro Gallo, qui Gallus solus in causa extitit, quod tam amplissima Christianorum Natio, quæ jam à Reverendis Jesuitis perdocta Romano Pontifici se submissura erat, ad Ecclesiæ Romanæ gremium non reduceretur. Is inquam, cum Consulatam quem olim Mariano venderat, redimere sibi denuò, Marianusque emptione receptum Consulatam nunquam relinquere vellet, per multos annos ipsum eo Consulatu spoliare frustra tentavit, cum profecto Marianum & honestatis, & justitiæ jura maximè tuerentur, atque etiam unà cum his magna ipsius apud Turcas proceres, ac Mauros esset auctoritas, plurimi enim semper magna sua liberalitate in Turcas, & in Ægyptios fuit æstimatus ab Ægyptiis. Cum igitur is contra Marianum in lite diu ab eo agitata nihil se profecisse videret, nactus occasionem opportunissimam ex negotio quod in domo ejusdem Mariani de reconciliandis Cophtis cum Ecclesia Catholica quotidie tractabatur (cujus occasione semper domus Mariani Cophtis hominibus, & religiosis, & secularibus compluribus referta erat, à quibus de hæresibus ipsorum cum Sacerdotibus Jesuitis disputabatur, & consultabatur) cœpit Byzantii apud Turcas eo auctore diffeminari, quod Cairi apud Marianum in ejus domum omnes Ægyptii Episcopi cum Patriarcha quotidie consultationis gratia simul cum Arabibus multis convenirent, non ad tractandum de Christiana fide solummodo, ut fingeant, sed forte, ut Arabes Cairi urbem à Turcarum imperio eripiant: Marianusque de iis per litteras Byzantio certior factus, bonam occasionem nactus, Pro-Regem Ægypti, qui fuit Hebraimus Bassa, visitando, illum certum reddidit de iis, quæ in ipsius æde quotidie à Jesuitis cum Cophtis tractarentur, & quæ Byzantii contra ipsum evulgari cœperint: ad quæ Hebraimus, qui Marianum plurimi faciebat, subridens, ait: Nunquam ex te quicquam mali in me fieri credam: Marianusque dimissus est, atque abiit. Ipsius vero adversarius ab inceptis haud desistens, non cessavit Turcarum menti imprimere, fore opera Mariani Consulis in Ægypto,

gypto, ut ab Arabibus urbs magna Cairi citò obsidetur, & eriperetur è manu Turcarum, ni citò provideretur. Quod Calumniatoris illius opera, etiam ad Imperatoris aures pervenerat. Unde cum Hebraimus Byzantio à Turcarum ipso-
met Imperatore jussus esset, ut huic rumori occurreret, quod fortè, etsi nihil ab Arabibus videretur timendum, non minus futuram in fide Christi Cophtorum cum Romano Pontificè unionem suspectam haberet. Cum fortè ea die qua Pro-Rex Litteras de hoc rumore Byzantio acceperat, in ædes Mariani plures Cophtorum Religiosi quam ante consueverat, atque alii eadem de causa simul convenissent, nocteque subsecuta ante auroram Judæus larvatus in Arcem ad Pro-Regem admis-
sus, dixisset: Prorex, quid dormis? quid stas? Heri apud Paulum Marianum innumeri Arabes cum Christianis simul conven-
runt, &, ut ego verè exploravi, ab ipsis de nulla alia re actum, consultumve est, quàm de introducendis Arabibus ad hanc urbem occupandam: quibus dictis, Judæus dimissus est, & paulò post aurora luceſcente Pro-Rex contra Marianum valdè iratus, jussit Subbassi, idest urbis præfecto, ut Sacerdotes quoscumque Christianos apud Marianum offendisset, ipsos cum Mariano vinctos ad se duceret: qui cum multis Chiaussis, at-
que aliis Turcis ad domum Mariani profectus, tres Jesuitas cum uno Fratre Franciscano Sacerdotè, qui cum ipsis in-
ventus est, qui proximis, paucisque ante diebus Hierosolymis in Ægyptum venerat,prehendit, quos omnes vinctos ad Hebraimum, qui se in insulam Mechias nuncupatam recrea-
tionis gratia contulerat, duxit. Marianus vero, quod pluri-
mum à Turcis sua liberalitate æstimaretur, etiam atque etiam, ut vidit Turcas, Sacerdotes Christianos vincientes, illis clara voce dixit: quicquid de his religiosis erit deliberatum, volo ut de me quoque fiat, continuoque cum duobus Gia-
nizzaris Prætorianis militibus, suis custodibus equitandò secu-
tus est eos eminus. Cum itaque Subbassi ad Pro-Regem eos vinctos deduxisset, dixit ad ipsum: tibi sacerdotes quos in æde Mariani offendimus, vincti adfunt: proinde quid tibi de iis videtur faciendum imperato. Qui respondit, quid de

Mariano Consule ? an & ipsum vinctum cum ipsis habetis ? Responderunt : ipsum , statim ut nos ad comprehendentes Christianos religiosos adcurrere vidit , dicere audivimus ; quicquid deliberatum erit de Christianis religiosis , de me quoque futurum volo , itaque minimè prehendimus , præsertim cum eos secutus ipse hic adsit ; proinde imperato quid de eo fieri vis , placet ne ut & ipsum una vinciamus ? Pro-rex obstupuit , quod illos Marianus esset persecutus , & postea iussit , ut Jesuitæ in Carcerem Arcanà dictum conjicerentur , & Marianum abire sinerent , neque ipsum tunc audire voluit. Die subsecuta ipsum Marianum in aula auditoria declaravit Mazul , id est omnibus Consulatibus spoliatum. Ex captivitate Jesuitarum , omnes Cophti & seculares , & religiosi , maximèque Episcopi magno terrore perterriti extra urbem ad sua loca illicò abierunt. Propter hunc casum timoremque vereor ut per multa secula Romanis Pontificibus amplius aditus detur denuo tractandi cum ipsis de ipsorum ad Romanam Ecclesiam reconciliatione. Hæcque causa extitit quamobrem tam utile ad rempublicam Christianam negotium , ferè ex toto confectum , fuerit dissolutum. Mirum est , cur Johannes Boterus , historiographus nostra ætate nunquam satis laudatus , in suis Relationibus anno MDLVII. Ferrariæ impressis , hanc veram causam , quæ Cophthorum negotium dissolutum fuit scripserit ; & postea in iisdem Relationibus , quæ Venetiis impressæ fuerunt anno MDXCVI. mutata sententia in aliam causam illud referre voluerit , scilicet in Patriarchæ Vicarium , qui dubitaverit ex facta unione Ecclesiæ Cophtorum cum Romana & Pontifice Romano , ii cum subditi evaserint , Patriarchæ electionem , non à Cophtis amplius Episcopis , sed à solo Pontifice Maximo futuram. Hoc unum certè scio , ipsum Vicarium ex iis , qui omnia à Jesuitis perdocti secundum Romanam Ecclesiam intelligebant , fuisse præcipuum , atque non minus auctorem , ut aliis Cophtis veritas Romanæ doctrinæ persuaderetur , atque aperiretur. Accedit , quod etiam non me latuit , interim scilicet quoad tempus Patriarcham eligendi esset (quando ante annum integrum à mortuo Pa-

Patriarcha eligi non soleat) se ipsum, una cum nonnullis aliis Cophtis eruditioribus Romam iturus, ad iter parabat, ut pedes summi Pontificis oscularetur: nulloque modo dubitare poterat, quod ea unione facta Pontifex alium in Patriarcham electurus esset, cum is cæteris aliis in Catholica doctrina & eruditior esset, & auctor, ut dixi, quod Natio Cophta secundum Romanum ritum erudiretur, præcipuus, & maximus. Addo, omnes uno ore futurum illum Patriarcham tunc pro certo habuisse. Sed quid amplius. Cum Patriarcha nunquam veritatem edoctus, hæresim de duabus naturis rectè non cognoverit, Jesuitarum desiderio ad imponendum huic negotio finem nihil æquè obstitit atque Patriarchæ pertinacia, spes enim erat, eo mortuo, Vicarium successurum, qui perceptis doctrinæ Catholicæ dogmatis, flagrabat desiderio, ut Cophti ad summum, maximumque Pontificem Romanum redirent. Quod vero Mariani adversarius, ut eo modo Marianum, quem aliter vincere nequiverat, Consulatu deturbaret, solus moræ causa fuerit, ut tam utilis Cophtorum unio cum Romano Pontifice penè affecta dissolveretur, eo argumento certum est, quod à publico Cancellario Veneti Consulis Antonio Palmerio Presbytero requisiti plures id fassi, quò istius opera tam utile negotium dissolutum fuisse Romæ postea, atque alibi liquidò constaret, & etiam nunc memoria probè teneo rogatos, omnes tunc affirmasse, hoc tam grave Christianæ Reipublicæ damnum in illum, ad capiendam de Mariano vindictam, retulisse.

CAPUT VI.

*De Paulo Mariano Consulatu à Pro-rege Ægypti spoliato : deque Rev. Jesuitis carcera-
tis , quid fuerit deliberatum.*

Die altera postquam Reverendi Jesuitæ fuerunt carcerati, Paulus Marianus Gallorum, Ragusinorum, Tuscorum atque aliorum Consul à Pro-rege Mazul factus, dignitate spoliatus, nec unquam ad Pro-regem admissus est; sperabat enim si ad Hebraimi colloquium veniret, ipsum fortè sententiam mutaturum, seque eum benigniorem experturum. Hebraimus vero Bassa verebatur, ne, si ipsum audivisset, sua eloquentia, & de se ipso, & de Reverendis Jesuitis omnia ex voto impetraret, sibi persuasum iri. Unde Marianus domum reversus per multos dies privatus Mercator vixit. Interim de carceratis Jesuitis Georgius Emus, ibi pro Serenissima Veneta Republica Consul Illustrissimus, vir quidem omni laude dignus, sæpius Pro-regem adiit, ut carceratos Jesuitas liberaret. Frustra vero illud ab eo tentatum est, unde necesse fuit eos in carcere, ad meliorem eventum relinquere. Interim cum ab omnibus Consulatibus Marianus vacaret, Johannes Wrotus Anglus, vir nobilis, & scientiarum studiis eruditus, qui cum in Syria Elisabethæ, Angliæ Reginae, mandato primùm Consulem pro Anglis creasset, in Ægyptum itidem venit, ut Paulum Marianum, si posset, (quando ejus famæ, virtutumque celebritas ad Elisabethæ Angliæ Reginae aures pervenisset, ipsaque tantum virum sibi Consulem habere, desiderasset) in Consulem suæ Nationis Angliæ eligeret. Qui cum Alexandriam nave appulisset, & à quibusdam Marianum omni Consulatu exutum intellexisset, desiderio summo contendebat, ut pro sua Regina ipsum Con-

Consulem haberet, ratus illud si obtinuisset, se rem gratissimam suæ Reginæ facturum. Itaque Mariano, omni Consulatu tunc vacuo, opportunissimam hanc occasionem nactus, Cairum evolavit, & cum omnes ferè peregrini in domum Mariani non minori liberalitate, quam benevolentia exciperentur, ipse quoque Wrotus ab eo invitatus est, planè inscio, quod fortuna, sibi reconciliata, aliunde non minoris nobilitatis, atque utilitatis quam antea, Consulatum ei parasset. Eadem die Wrotus Anglus Mariano indicavit se ipsius alloquium exposcere: benignè à Mariano exceptus aperuit suæ Reginæ desiderium, scilicet ut conditionem Anglici Consulatus sibi à Regina Angliæ oblatis reciperet. Is vero, hætenus adversâ fortunâ divexatus, cum dubitaret id ne opera sui adversarii ad ipsius etiam contemptum fieret, Reginæ voluntatem literis firmatam produci petiit, unaque mandatum Turcarum Imperatoris de ipso eligendo pro Angliæ Regina Consule. Quibus omnibus perspectis, hilari animo oblatam sibi conditionem Consulatus recepit, ac postridie ab Hebraimo Pro-rege Turcarum Regis mandato obediente, Gallis mercatoribus coram Pro-Rege mordicus contententibus cum Anglis, Angliæ Consulatum sub Galliarum Consulatu comprehendendi, animis sic utrinque concitatis, ut fere ad arma inter ipsos deventum esset, Paulus Marianus Angliæ Consul creatus est. Consul denuò pronuntiatus, paucos post dies Jesuitas, termille aureis Pro-regi solutis, è carcere eduxit, nec Hebraimo Mariani olim amantissimo displicuit ipsum rursus Consulem evasisse. Unde in publico Divan, idest in Aula regia auditoria, à Pro-rege examinatis diligenter scripturis, libris, & aliis omnibus quæ una cum ipsis Jesuitis deprehenderat Subbassi, tandem Reverendi Patres liberati sunt. Unum non omittam ex quo propensio Hebraimi in Christianos quædam observata est, quippe cum in Auditorio omnia Jesuitarum ab Hebraimo Pro-rege, Cadi Lascar, Patriarchis Turcis, atque aliis pervestigarentur, si forte quicquam esset ex quo Turcæ Imperatoris inimici cognoscerentur, cum Hebraimus Capsulam Jesuitarum ligneam aperiret, atque in ea

Cru-

Cruces parvas, habentes reliquias Sanctorum locorum, Hierosolimis receptas, coronas, atque alia Christianæ religionis ornamenta, offendisset, surgens quidam ex suis Patriarchis Siec Ramole vocatus, visis iis crucibus ad Pro-regem inquit: Vides ne Pro rex quam adversarii ex iis appareant Mauris religiosi Christiani, cum hæc secum teneant à nostra lege damnata? Cui Hebraïmus subridens respondit: nunquid quæ in hac capsula lignea habentur, sunt gladii, enses, vel militaria tormenta, quibus nobis bellum inferre queant? Quid mirum eos hæc habere, scilicet tenere ea quæ suæ fidei congrua sunt. Ad quæ Siec Ramole tacuit. Priusquam autem ego ex Ægypto discederem Anno MDLXXXIII. Cairi in carcere Arcanà vocato Reverendos Jesuitas nondum liberatos visitavi. Carcerem Arcanà vocant, quod cæteris carceribus aliis, qui in Urbe Cairi sunt gravior habeatur, quia in eo innumeri ferè sunt carcerati. Est vero locus is figura, & amplitudine mediocris Cameræ, terreno solo, quod tamen non humidum est, optimaque sanè videtur habitatio, portam unam ligneam habens, quæ & clavi lignea munitur. Carcerati inibi vivunt nulla parte vincti, etiamsi ipsa illa die supplicium subituri sint. Quid multa? ipsis ad libitum carcere egredi conceditur, atque foris in larga planicie etiam liberè spatium, unusque solus custos illorum à me observatus fuit, gerens manu baculum subtilem ex palmæ ramis: vide ut hic carcer cæteris atrocior æstimetur. Ego vero ut eos Patres visitarem, custodem Carceris conveni, & rogavi ut me ad Reverendos Patres in Arcanà admitteret cum aliis, qui mecum unà fuerunt: qui libens ostium carceris aperuit, & apertum ipsum reliquit, quoad cum illis hæsimus: nos multum in carcere unà cum illis loquentes præsentem custodem illo fuimus, sed postea in longum sermones producebamus, namque custos permisit eos carcere egredi, & nobiscum in area ampla proxima diu spatium, nosque solos ita relinquens, diu absuit. Neque credendum eo modo custodiri solummodo eos, qui ob leviora facinora accusati comprehenduntur, sed etiam qui pœna capitali puniri debent. Reverendus Johannes

nes Baptista Ælianus vitam hilarem ducebat, quod aliàs hujusmodi carceres fuerat expertus, mihiq̃ue subridens ostendit quendam Maurum, qui nobiscum una egressus carcere affiduè in genua procumbens orabat, quòd intra paucas horas ipso illo die vitam laqueo finiturus esset; qui nihilominus liber, nullis vinculis adstrictus, etiam extra carcerem custode permittente exspatiabatur, imo etiam neutiquam fugeret. Tanti faciunt Mauri suo Regi, suisque legibus obedire. Putant enim continuò ad Mahemetem eo modo vitam finientes in Paradisum evoluturos. Cessent igitur aliqui, carcerem Arcanà vocatum amplius culpāre. Patres, post meum ex Ægypto decessum, liberati, Romam postea profecti sunt.

CAPUT VII.

De Cophtis Christianis, qui in deserto divi Macarii asperrimam vitam ducunt.

Inter Cairum, & Alexandriam haud longe à lacu nitroso (de quo suo loco) in Deserto sunt quatuor Cœnobia Divi Macarii vocata, in quibus Reverendi Monachi Cophti reperiuntur, antiquorum patrum more vitam sanctam, & cœlibem ducentes. Primum Deir el Seide nuncupant, in quo quadraginta Reverendos Monachos inveni una cum eorum Episcopo. Secundum Deir el Siriam vocatum, quod Syrii patres habitant. Tertium verò Beatæ Virginis cœnobium est, & quartum divi Macarii, in quo sanctissimus ille vir olim habitavit. Hi Patres corpora quædam quorundam Sanctorum habent, quæ Babisoi appellant, adhuc integra, colore vivido, perinde ac si in vivis essent, coriis quibusdam involuta, quæque incorruptibilia servata dicunt, quod Domini nostri, quem benignè hospitio susceperant, pedes laverint. Inter mira autem quæ de his dicunt corporibus, hujusmodi est. Quendam Patriarcham eâ integra esse minimè credentem,

P

illa

illa cum detexisset, morbo correptum statim mortem obiisse: unde qui ipsius loco substitutus est, foras coriis inscripsit. Quicumque corpora hæc integra esse non crediderit, anathema sit. Isti omnes Reverendi Patres, quos dixi, in victu semper abstinent à carnibus, & ovis: jejunii vero tempore ne oleum quidem, aut piscem comedunt, sed pane, & leguminum quodam genere sunt contenti, atque modico mellis. Reliquis autem diebus eorum cibus est, mel, oleum, legumina, & cerealium feminum quædam. Quotidie psalmos David canentes altare circumeunt, lignum ligno pulsantes. Cænobia vero muris præaltis sunt cincta, portas ferreas habentia, humiles tamen, ut illis Arabum impetus sustineant. Qui cum sæpe in solitudine & ipsi, & ipsorum equi fame pereant, ad Monachos confugiunt, ut hi illis succurrant. Atque cum nonnulli pro equis hordeum petant, alii pro eorum uxoribus puerperis farinam, alii oleum: aut huiusmodi aliud, Patres quicquid petunt, deorsum fune demittunt, neminem eo frustra venisse permittentes. Camelos quibus necessaria ducuntur ad monasteria, ne furto furripiantur, prostratos in cænobia recipiunt. Monachi successivis horis, quibus scilicet non orant, fiscellas contexunt. Eorum cænaculum nostratia æmulatur: paropsides iis sunt ex fictili fiscella contextæ, atque mappæ storeæ, sive mattæ, cervical lapis: nunquam vestes pelliceas, seu rhenonem induunt. Hi habent corpus divi Macarii integrum, nihil antiquitate corruptum, extra cænobium veluti in quodam fascello parvo repositum, quod habet portam ligneam fera lignea clausam. Anno MDLXXXII. quidam reverendus Presbyter ex Italia in Ægyptum profectus peregrinationis gratia, Cairique aliquantulum, ut peregrini solent, cum moraretur, & fortè ad Divi Macarii se cum aliis contulisset devotionis causa, & eorum Monachorum vitam sanctissimam, Monasteria, & alia sedulò observasset, præsertimque corpus divi Macarii contineri in loco extra monasteria posito, non ex toto clauso, nec esse difficile noctu illud furripi, & illic per Nilum flumen ad quod paucis horis itur, per Alexan-

xandriam navi inpositum in Italiam deferri posse, eo modo quo corpus Sancti Marci Venetias olim devectum fuit: una cum comitibus explorato loco, simul Sancti Macarii corpus noctu furripere deliberarunt: quod ut exequerentur cum naviculam conscendissent, fingentes redire Alexandriam, atque ut melius omnia explorarent, rursus ad cœnobium profecti, finxerunt se acuratus iterum ea Sancta Corpora videre velle: At Rever. Patres à quodam Cophto Christiano interim de ea re admoniti, timentes, die, noctuque continuè excubias facientes, facellumque custodientes, irritam, atque inanem eorum spem effecerunt. Reverendusque ille vir cum aliis Cairum reversus, paulo post ex Ægypto discessit.

CAPUT VIII

De Hebræis in Ægypto habitantibus.

In Ægypto non minor Hebræorum quam Christianorum numerus esse observatur, qui aut ex mercatura vivunt, aut variis artibus instructi. Ex ipsis multi maximè divites mercaturæ negotio efficiuntur. Plerique vectigalia, præsertim portoria pro Turcarum Imperatore mercium in Ægyptum & introentium, & inde exeuntium habere student, (nostri Publicanum vocant, & Arabes Malem) Hi omnes citò ditescunt, atque adeo, ut thesauros cumulent. Hujusmodi fuit Hebræus Natan Cöhen vocatus, qui multos annos cum porteriorum in Alexandria exactionem obtinisset, ita ditatus est, ut Assam Bassa Prorex Ægypti cum insidiosè esset à quodam Hebræo edoctus de Hebræi Natan Cöhen Malem, qui exactionem plures Annos Alexandria porteriorum vectigalium habuerat, maximis divitiis, ut ab ipso eas extorquere, expilareque posset, mandavit ut in Carcerem ipsum conjicerent: at ille antea illud suspicatus, ita to-

tum thesaurum suum occultavit, ut nunquam Pro-rex ipsum, etsi magno studio diu fuerit perscrutatus, potuerit reperire. Verum tamen in ligneæ capsulæ, cum merces omnes extractas abscondisset, angulo, pyxidicula lignea smaragdus clausus, inibique oblitus inventus est, hic septuaginta millia aureorum fuit æstimatus, ex quo judicent quot gemmas pretiosas alias ille habuerit, quantumque auri, argentique: nihilominus ipse antea (ut dixi) insidias sibi à Pro-rege parari suspicatus, ita probè abscondit, ut non fuerit possibile eas divitias detegere, etsi omni studio, & diligentia id Bassa procurarit, quin imo in Carcere mortuo Natan Cohen Hebræo, paulo post Cairum accersivit ejus filium, annos, si bene memini, quadraginta natum: coram quo vafer Pro-rex simulavit, magnum se de parente ejus mortuo dolorem sensisse, quod illum suis virtutibus atque illius cognita vitæ innocentia, & præsertim de eo in quo fuerat accusatus, plurimum amare cœperat, qui si supervixisset, inquit, mea quanta erga illum futura fuisset benevolentia, maximè expertus fuisset; at, cum ita voluerit Deus, oportere & filium, & consanguineos, & amicos ejus voluntati acquiescere. Cumque hæc, ut filium consolaretur, dixisset, subjunxit, & ut tu privatim cognoscas illiusce memoria, meus quantus erga te ipsum, & tuam familiam amor, benevolentiaque sit futura, tibi primum concedo eandem exactionem quam tuus pater tot annos habuit, tibi que præterea polliceor, me te, tuamque familiam omni benevolentia in patris memoriam semper prosecuturum, tibi que persuadeas volo, me tui præsertim & protectorem, & fautorem semper & hîc, & alibi futurum. Hisque verbis filius Natan perquam benignè ab Assan Bassa Eunuchæ Ægyptique Pro-rege sopitus, gratias ei egit primo, postea conditionem accepit, scilicet onus exigendi pecunias reddituum recidentes in Turcarum Imperatorem. Itaque Malem, idest exactor, ab eo in locum Patris successit, & ut consuetudo est, veste nova sericea sibi à Pro-rege donata indutus, dimissusque à Pro-rege, domum magna pompa à multis comitatus, reversus est.

est. Neque insidiæ ei struebantur, Prorege sperante istum filium potuisse scire, ubi Patris thesaurus absconditus esset, & hoc modo facilius ab eo se inventum eundem thesaurum posse eripere. Nihilominus neque filio pater indicaverit locum in quo fuit, neque ipse unquam invenire ipsum potuit, sed paulo post in paralyfim incidit, quem cum quadam die ego convenissem, ut ab eo morbo ipsum curarem, ita jubente Consule Veneto Illustrissimo, cui multam pecuniam mntuo datam debebat, contigit, dum ibidem essem, ut, juxta cubile in quo decumbebat, audita vox à quibusdam sit, Ibi Subassi, qui visitatum ipsum nomine Pro-regis venerat, statim (tantum est apud omnes hoc nomen Subbassi formidabile) ex eo ingenti oborto timore, coram me, atque aliis multis expiravit: Subbassique cameram ingressus, mortuum vidit; unde neque Pro-rex vafer sua astutia, calliditateve compos voti effectus est, nullo modo enim scire potuit ubi thesaurus fuerit sepultus. Innumeri ferè sunt ex Ægyptiis ditissimis, qui cum magnos thesauros habeant, Pro-regis insidias timentes, sic abscondere solent, ut ne vel filii iis mortuis inveniant. Sic solent Turcæ miseros subditos expilare, præsertimque sub avaris Imperatoribus: quo tempore enim Imperatores probi, justi, non avari vivunt, cavent sibi Bassa, & Præfecti subditis malefacere. At ex omnibus Ægypti Pro-regibus, nullus ditior factus est quam Assan Bassa Eunuchus, qui spatio duorum annorum in Ægypto, (illicitis tamen artibus) plurima centena millia aureorum lucratus est, quorum duodecim centena millia, per illud tempus quo Pro-rex ibi egit, Byzantium Matri Imperatoris, Sultanis ejus Concubinis, & aliis fautoribus dono misit: reliqua centena millia in itinere, abiens ab Ægypto, & Byzantium proficiscens occultavit. Is enim, quod per columbam admonitus ex jussu Imperatoris Turcarum matre, quæ illum ob magna dona accepta plurimum diligebat, quod Hebraimus Bassa Pro-rex Ægypti creatus brevi venturus esset, brevique expectaretur, ut Assan Bassa primo Imperatoris mandato, in Ægypto Masul declararet; idest à Præfectura privatum, & obtruncaret, atque ma-

gnum thesaurum ab ipso, per fas (ut ajunt) & nefas cumulatam, invaderet : fuga arepta Assan Bassa per desertum iter, antequam Hebraimus adventaret, cœpit Byzantium versus: mox per legatum, illi in deserto missum, postera die ab Hebraimo, qui Caira in arcem jam pervenerat, Imperatoris nomine revocatus, respondit, se nolle redire, & si Turca Rex quicquam ab eo vellet, se Byzantium ad ipsum Imperatorem profecturum.

CAPUT IX.

De Medicina Ægypti, deque Medicis Ægyptiis.

Posteaquam de gente quæ Ægyptum habitat, deque ejus temperamento, victu, atque de morbis qui eam vexare solent, in hac historia hætenus scripserimus, pauca de eorum medicina quoque non omittenda duximus: pauca tamen de ea dicemus, quando in Libris de Ægyptiorum medicina plura dixerimus. Verum si nos de ea medicina qua veteres Ægyptii olim usi fuerunt, loquamur, profecto illud unum affirmabimus, eos quippe nullis fuisse postponendos, cum Hippocraticam artem ii optime calluerint, atque medendo exercuerint, atque, si quid est hac nostra ætate quod in hac arte bonum esse videatur, id totum antiquorum illorum medicorum doctrinam redolere videtur, & quasi hæreditate ad illos pervenisse est credendum. Veteres itaque dogmaticam Medicinam probè tenuerunt, multaque multi de ea doctissime scripserunt, & quæ perpulchra sunt; quæ omnia continere videtur liber utilissimus, elegantissimusque eo idiomate scriptus (Sise) nuncupatus ab Ægyptio compositus, quem Turcarum Imperator cum Ægyptum subigeret, inter preciosa quæque reconditum invenit. Nec multo post Turcæ qui inter eos primas tenent, plura exemplaria conscripserunt.

Hunc-

Huncque jure optimo magni faciunt, magnoque Avicennæ canoni præferunt. Neque eorum, qui ad Civitates regendas mittuntur, ullus reperitur, qui secum hunc librum non ferat, quo quidem & valetudinem tueantur, & morbos absque ullo Medici consilio depellant. Cujus libri exemplar nunquam ibi assequi ab illis potui. Habent & Librum quem Ebnagel ducam appellant, in quo omnia medicamenta cum simplicia, tum composita scripta habent ad omnes fanè morbos tollendos opportuna, qui liber est maximè omnibus familiaris, cujus exemplar ad me non absque magno labore pervenit. Ex antiquis habent omnes medicos Arabes, quippè Avicennam, Albumazaram, Rasim, Averroem, Abimbetar. Habuerunt igitur antiqui Ægyptii medicinam quondam maximè excultam, neque immeritò, cum & Cyrenem haud procul ab Ægypto habuerint, in qua Dogmaticam veram medicinam multum claruisse constat, & Hippocratem ab iis, non minus quam à Crotoniensibus præcipua medicinæ dogmata accepisse, aliquibus creditum est. Nunc vero hæc ars apud ipsos haud parum defecisse à sua perfectione videtur. Dogmaticam enim etsi ipsi fateantur habere, nihilominus, ut & in Lib. de Medicina Ægyptiorum diximus, admodum imperfectam: majori etenim ex parte empiricam exercent. Neque enim ibi Medicus totam artem se habere profitetur, sed quandam illiusce partem, vel aliquot partes solummodo, minime integram. Namque quidam medici febrium curationem iis pollicentur, & alii singularem quorundam morborum. Unde alii Chirurgiam exercent, in qua parte longe nostris antecellunt, & in sanandis vulneribus, ulceribusque & in chirurgicis operationibus faciendis, præsertimque in mittendo sanguine ex variis venis perfectis, atque non minus etiam exfectis arteriis. Secant enim arterias non minus securè, quam venas. Exercent in pueris, in mulieribus, in Eunuchis crurum scarificationem, tantopere ab antiquitate concelebratam, quæ apud nos planè obsolevit. Habent etiam modos varios partes inurendi, sed unum præsertim ex involuto linteolo ad ignem accenso, ex qua inustione vix (ita magna dexteritate, atque

que artificio fit) aliquem dolorem sentiunt. Arabes inustionibus in capite factis à variis morbis homines & præservant, & ex toto obortos morbos, vel etiam nostris, qui videntur insanabiles, tollunt: antiquos enim dolores capitis ea ustione sanant, catarrhos firmant; ad os stomachi inustio facta coctionem juvat, mirum in modum stomachum roborando: ab antiqua tussi, orthopnea pectus inurendo eo modo liberant: non minus lienis, hepatisque tumores eo præsidio sanant, & coxendicis dolores, cæterosque alios articulares morbos his ustionibus tollunt. Ad lapides ex vesica, & sectione, & absque sectione extrahendos præstantissimi sunt. De quibus omnibus nos in Libris de Medicina Ægyptiorum accuratissimè scripsimus. Præter hos medicos, sunt medici auricularii, dentarii, ocularii, bechici, uterinarii, qui solummodo harum singularum partium ægritudines sanare profitentur. Uteri vero morbis sanandis medicæ Mulieres præferuntur: putant sanè viros non posse mulierum morbis (quod eas partes ignorent, neque liceat eas videre) rectè sed mulieres mederi.

CAPUT X.

Quibus modis Ægyptii Sanitatem tueantur: qua occasione de victus ratione, de evacuationibus, purgationibus, deque exercitationibus, balneis, & partium quarundam præsertione, agitur.

Etiam si in Libris de Medicina Ægyptiorum de arte medendi apud eos populos usitata abundè scripserimus, atque de modo quo seipsos à morbis præservant, nihilominus non abhorrebit à nostra Naturali Historia, ut hoc loco de modis quibus sanitatem conservant, pauca etiam perstringamus. Si-

Siquidem plurimi illorum salubri diæta, moderato cultu, & victu tuendæ valetudini incumbunt. Atque horum alii cum delectu tantum in ciborum administratione, alii nullis Legibus se submittent, sed quotannis se purgantes: quidam cassia Saccharo condita non semel assumpta: quidam fero caprino: plurimi tamarindis, nonnulli camelarum lacte: Quidam sunt qui per totam æstatem polenta utuntur ex recenti hordeo mediocriter tosto parata, atque farinæ, ut suave olentior fiat, aquam rosaceam addunt. Hæc autem duobus modis in usum venit, vel enim ipsam in aqua linteo ligatam macerant, expressionemque addito Saccharo bibunt, vel in aqua modicum ebulliunt, & cum Saccharo itidem eam assument. Cibus utilior, gratior, & magis conveniens in regionibus calidis inveniri nequit. Hac utuntur, qui temperamento calidiori præditi sunt, sitibundi, nauseabundi, maximè autem mulieres, quæ ob ventriculi mordicationem in animi deliquium incidunt. Quod & Hippocrates *In 2º. Epid.* in Epidemiis docuisse visus est, dicens. „Mulier cardialgia *pid. 2º.* torquebatur, nec prius malum est sedatum, quam polenta „succo punici aspersa semel in die uteretur, reliquis cibis „abstinens, nec amplius vomitu reiciebat, qualia Chevion „Charitonis filius. „Qui tamarindis se purgant, his in aqua quotidie ad quatuor uncias infundunt, atque saccharum addentes, absque ulla molestia eorum alvi solvuntur, bilisque ea purgatione educitur: ad quam quidem bilem purgandam magis conveniunt quam cassia, aut manna, præsertimque in regionibus calidis, ubi dulcia facile in bilem vertuntur. Non secus atque in India fieri accepi, multi à purgatione per quindecim dies assument nonnulla grana lapidis Bezahartici cum aqua buglossi, aut machalef, per eumque annum, sic facientes, à morbis se præservatum iri putant. A multis morbis præservantur exercitiis, frictionibus, & balneis, quorum genera, atque usus optimè norunt: partes enim omnes; & sanas, & ægras exercent, eo penitus modo, quo id faciendum esse docuit Galenus ita dicens. „Hæc igitur omnia *In 2º. de tuend. va-* „exercitationum genera sunt, quæ & modo dictas differen- *tuend. va-* *letud.*

Q

„ tias habent , & supra has , quod alia lumbos magis quàm
 „ brachia , crurave exercent : aliæ spinam totam , aut pul-
 „ monem tantum , aut thoracem , quippè itatio , cursusque ,
 „ crurum exercitationes sunt acrochismi , & sciamachiae bra-
 „ chiorum , ac manuum propria , lumborum autem assidue se
 „ inclinare , ac rursus revocare , idque aut pondus aliquod à
 „ terra tollentem , aut assidue in manibus sustinentem. Sunt
 „ & qui depositis ante se halteribus uno intervallo distantibus ,
 „ postea medii ipsi stantes inclinant se , atque attollunt „ .
 Pedes ergo gressu , & cursu exercent , acrochismis manus ,
 lumbos flexione , thoracem & pulmonem maximis respiratio-
 nibus voce , & dieta , & ipsius instrumenta , maxime vero ,
 qui propter frigiditatem excalfieri desiderant , atque pro va-
 riis morbis , variis exercitationibus utuntur , ut in suspiriosis ,
 orthopnea laborantibus , quartanariis , capitis affectibus ,
 vociferatione utuntur. Morbo vero comitiali obnoxios ,
 aurium dolori , gestatione , ambulatione , cursu mediocri ,
 vehiculisque exercent. Nec non qui facile incidunt in ton-
 sillarum inflammationem , aut vitia , quæ antiades vocant ,
 collumellam , gangrænas , dentium vitia , qui imbecillis sunt
 cruribus , & ejusmodi vitiis conflictari solent , superiorum par-
 tium exercitia , veluti cheronomia injungunt. Qui vero ab-
 solute imbecilles existunt , leves exercitationes tantum susti-
 nent : validiores autem , qui pluribus diebus febre carent ,
 aut qui nonnullorum morborum principia sentiunt. Vocem
 plurimi exercent , non modo ad sanitatem , ut dixi , sed etiam
 ad quæstum. Qui enim elegantiori modulatione , graviorique
 vocis sono cæteris præstant , ii magna præmia ferunt. Cum
 enim nolis , & tintinnabulis horariis Mauri careant , nonnulli
 ante lucem per tres horas , terque in die , semelque ad no-
 ctis horam , voce pollentes , turres in templis extructas , ceu
 & nostras sacras , conscendunt , atque antelucano tempore in
 omnibus templis per horam declamant , canentes , hortantes-
 que , ut omnes ad orandum de somno surgant , melius esse
 dicentes orare , quam dormire , ut eorum quorum sunt Ora-
 tores , exoratores existant : Deo enim gratissimum esse , ejus
 servum

servum sibi diluculo gratias agere, quo tempore ipsum è Cælo descendere ajunt, ut videat, num quis pro tot beneficiis ei grates persolvat. Psalmos quoque David canunt, atque etiam ex eorum lege multi sunt, qui concinunt, cantare, & respondere parati: quod summopere delectat, cum Arabes præstantissimi sint Musici, non arte, sed natura. In quacumque urbe reperitur templum inter reliqua maximum, à quo incipit cantus, atque ubi præclari Musici hinc fuerint auspicati, ad alias arces, seu turres proficiuntur. Ad hujusmodi voces ferè omnes, & mulieres ipsæ confurgunt, ut orent: alii ad templa se conferentes, alii verò domi. Qui autem cantu antecellere student, ad vocem expediendam semper aliquid ore detinent, ut liquiritiæ succum, ejusdem decoctum, Myram, stiracem, iridem, tragacanthum, gummi genera multa, hyssopi vinum, quo quidem, & cum aliis, & ut medicamento uti potestatem habent, rerum pectoralium decoctum, oleum è nucibus Indicis, ovisque forbilibus, & multis aliis, quæ brevitati studens omitto. Sed ex vocis exercitatione ad frictiones, atque ad balnea, quibus tuendæ valetudinis causa omnes ferè utuntur, redeo. Frictionibus citra Medici auxilium in balneis, & domi opportunè in quantitate & qualitate utuntur, qualitate, ut dura, molli, mediocri, quantitate vero, ut mediocri, multa, & pauca. Earum usus optimè norunt, dura enim ad adstringendum, mollia ad solvendum, modica ut impleat, multa ut minuat, utuntur. Frictio præparatoria, quæ fit ante exercitationem, primum blandè, deindè valentius, quoad corpus rubescat, iis familiarissima est. Similiter apoterapia, seu recuratoria, ut recentiores vocant, quæ fit, ut ea, quæ in musculis ab exercitatione detenta sunt, evacuentur. Eaque duplex est, altera, ut exercitationis pars, altera vero, ut ejusdem species. In his membra modulantur, & contrectant, his à lassitudinibus præservantur. Divites dormituri, ut leviter pluribus manibus perfricentur curant: hoc enim modo sibi somnum promoveri, corpusque recreari afferunt. Ad quem usum etiam balneis utuntur, quippè pro illorum corporum præservatione, de quibus cum in Li-

bris de Medicina Ægyptiorum postremæ editionis accuratè scripserimus, non est iterum ut eadem repetamus. Utuntur itidem in balneis præter fricationes, sudatione, & vomitione, de quibus etiam à nobis in iisdem libris commodè actum est. In balneis variis psilotris, quæ ad manus habent, pilos in inguinibus, & aliis partibus expilant; inter quæ vulgatissimum est quod ex calce, aut chali, & sandaraca conficiunt. Alii thithimali succo, alii urina canina, atque aliis utuntur. Eodem modo ad canitiem retardandam multa medicamenta in promptu habent, cujusmodi est decoctum myrobalanorum, oleum de costo, de melanchio, nec non oleum de sinapi, & de colocyntide. Cedria quoque multorum capillos illinunt per quatuor horas, & postea lavant. Mulieres in balneis multa faciunt, & ut ipsarum lavent corpora, & ut caput speciatim detergant, ad dolorem tollendum, atque ad capillorum quoque conservationem, ablutioem, & pulchritudinem comparandam. Pro quibus Balneatores multa medicamenta parata in balneis habent: Inter quæ est terra Beilum vocata, qua multæ capillos obvolvunt, eosque pulcherrimos reddunt, &, ut dicunt, etiam longos. Ad quem usum itidem habent oleum amygdalinum dulce, & myrteum. Sed hoc iis est valde familiare medicamentum, quod componunt, accipientes hordei sine cortice \mathfrak{z} xxx., chebuliorum, aut emblicorum mirobalanorum \mathfrak{z} . v. ex aqua coquunt, deinde addunt oleum violaceum, ladanum ad \mathfrak{z} iij, foliorum althææ, sesami, & cucurbitæ ana \mathfrak{z} . x., coquuntur quoad oleum tantum supersit. Quoniam autem tota Mauritanorum secta, quin imò omnes mulieres plagam orientalem incolentes, albedinem in capillis damnant, colore atrorubente delectantur: idcirco ad eum usum in balneis parantur medicamenta, ex quibus non parum quæstus iis accedit. In frequenti usu sunt ligustrum Ægyptiacum, quippe ejus folia quandoque sola, quandoque mista rosis: modo nucum aquam, modo cariophyllos addunt, ne cerebrum lædatur. Vel gallas asfumunt in fictili cum modico olei torrefactas, deinde contusas, cum ligustro miscent, addentes modo modicum aluminis, alias

aliàs sal armoniacum, alias æs uſtum, quod Ferretum Hiſpanicum vulgus vocare ſolet. In multis autem regionibus mulieres liguſtri foliis pulveriſatis (Archenda Ægyptii vocant) atque aqua vel ſimplici, vel roſacea ſubactis, capillos ruſo colore inficiunt, caputque, & cerebrum hoc medicamento ſanum conſervant, cum adſtrictionis non pauca ſit particeps. Ad febrium ardorem, & vehementiam nullum aliud remedium validius invenere, quo refrigerentur, quam Nymphææ pulverem ſi liguſtro miſceant, vel ſi liguſtri pulverem, Archendam dictam, ejusdem Nymphæ ſucco, aut aqua ſubigant, aut alio conſimili ſucco, aut aqua refrigerante manuum, & pedum volas tingant, & illinant: quo etiam medicamento ad uſtas partes, & inflammatas uti ſolent, nec non ad oris ulcera. Liguſtri florem maximo cum emolumento olfaciunt ægri, nec non frontem illinunt, quod Mauri cognoscentes ipſum familiariffimum habent, nullumque ibi ægrum invenias, apud quem hujusmodi flos non reperiatur: ex eo etiam aquam extrahunt ad fluxum ventris, gonorrhœam, & uteri profluvium ſummè utilem, atque ad ſanguinis rejectionem. De liguſtro autem Ægyptio, nos in libris de Plantis Ægypti ſcripſimus, atque longè accuratius poſterius in hac noſtra hiſtoria de eodem acturi ſumus. At his obiter dictis, rurfus ad præſervationem redeo, unumque non omit- tam pro puerorum præſervatione, quod quamvis Ægyptii calidam habitent regionem, nunquam puellōs vel nuper natos, vel etiam pueros adultos lavant, adeo frigus timent, ut multi vigente æſtu veſtes pelliceas induant. Pro infantibus vero multa in balneo medicamenta inſtructa reperiuntur, inter quæ primas tenent myrti pulvis, & ſantalorum, atque curcumæ radices. Ipſos octavo quoque die lavant, diligentiffimè educunt, nutricis, & lactis magnum delectum habent: lac ſuper ſpeculum an probum ſit experiuntur: ante ſeptennium pueros equitare aſſueſcunt: eorum legem ut diſcant, ſumma diligentia curant: eorum moribus ſummè ſtudent, atque optimo cantu eos delectant. Mulieres verò, puerique eunuchi, quibus abundant Ægyptii, nunquam vi-

num bibunt, quod si qua mulier vinum bibere deprehendatur, eam in carcerem adigunt, atque inter meretrices recensent: eandem poenam subeunt omnes alii, quod vinum biberint accusati, qui cum ad judicem deducti sunt, eorum naribus clausis, num vinum biberint, expiratione explorant: qua perspecta veritate, hominem humi prosterunt, ejusque pedes in laqueum ligno alligatum conjiciunt, quod utrimque attollentes, pedesque, & crura sursum elevant, caput deprimunt, ab utroque latere hominem detinentes, ipsum multis verberibus, fustibus & nervis bubulis super pedes, & nates plectunt, ut quandoque ungues decidant. Ab hoc tamen immunes sunt, qui à Rege stipendium habent. Præservationis quoque gratia Ægyptiorum plurimi, ne omnes dicam, quotannis, non modo semel, sed bis vere, & autumnio sanguinem sibi detrahunt, & hoc faciunt tam urbani, quam agrestes homines. Unde quandoque omnes unius Villæ incolas ad quatuorcentum una urbem petere, ut sanguis ipsis mitteretur, vidimus: quidam è brachiis, quidam è cruribus, multi ex venis frontis, nonnulli ex occipitio, prout vel alias consueverant, vel ab eorum medicis iis præscriptum fuerat. Chirurgi autem hujusmodi hominibus sanguinem educunt, non in pelvim, aut in vas aliquod illum colligentes, sed in terram effundentes, quantitate conjectura æstimata. Ob sanguinis vero abundantiam ipsum Ægyptii extrahunt, quod ni faciant, febribus sanguineis corripuntur, in plethoramque quoad vires & quoad vasa incurrunt, aliisque morbis, à quibus periculum impendet, corripuntur, quo probè ab iis cognito, sanguinem educendo morbos præveniunt. Sanguine autem multo Ægyptios abundare, sicuti certum est, sic qua de causa fiat, illis incertum. Dicam verò (licèt hanc rem in Lib. de Medicina Ægyptiorum satis, superque consideraverim) quod à doctioribus Ægyptiis accepi. Inquiunt ii, aquam Nili magnam copiam sanguinis gignere, non qua aqua, sed ob sanguinis vim quam adhuc ex eo tempore retinuit, quo vir sanctus, & propheta Moises Dei jussu Israelitas ex Ægypto, ex Pharaonis tyrannide liberare studens, aquas

quas Ægyptias in sanguinem convertit, quas licet denuo postea in aquas mutaverit, tamen sanguinis vim hucusque retinuisse, omnes existimant. Quod utcumque sit, hoc verissimum est, sanguinem ibi abundare, ægrosque eo suffocari, nisi citissimè venæ sectione occurrant, aut aliis præfidiis sanguinis abundantiam tollant: & hoc pace tanti viri Galeni dicatur, qui in libro de Sectis, si tamen ipsius est, inquit, Ægyptios non pati largas sanguinis evacuationes. Nos alibi, scilicet in Lib. de Medicina Ægyptiorum, diximus, causam multi sanguinis in Ægypto præcipuam esse aquam Nili, qua ii ad potum largè, assiduèque utuntur, quæ jecur illorum corporum ex calidiori cælo calidius quascumque venas sua tenuitate partium permeans, usque adeo contemperat, ut ad gignendum sanguinem opportunissimum fiat: quam utilitatem in nobismet ipsis ibi ex largo, continuoque ejus aquæ potu experti sumus; de qua re alibi accuratius, ut dictum etiam est, egimus. Quemadmodum in iis quoque libris exactissimum sermonem habuimus de variis modis quibus Ægyptii mittunt sanguinem, quippè de variarum, & venarum, & arteriarum pro missione sanguinis sectione, de scarificationibus malleolorum, deque cucurbitulis apud eam gentem observatis. Sed de hac præservatione, quæ ab evacuatione sanguinis fit, hæc obiter dicta nobis sufficiant. De ea vero præservatione qua illi oculorum probam sanitatem conservant, nunc pauca quoque à nobis sunt dicenda. Sibi ipsis enim de oculorum præservatione magnam curam habere solent, quando intensa illiusce regionis caliditas, pulveresque falsi, & nitrosi, arenæque aliquando ex ventis copiosius illuc delatæ oculos maximè inflammant, atque iis aliàs noxas inducunt. Ad id & domi, & in balneis multa medicamenta ad manus habent. Domi aqua simplici, vel stillatitia ex herbis frigidis utuntur quavis diè oculos abluentes, in ipsosque largè aquam projicientes: hæc enim & ab oculis pulveres calidos detergendo, & refrigerando maxime ne inflammentur oculi præstat. Qua oculorum ablutione, qui spirantibus ventis austrinis (Campsinis vocatis) maximè æstuosis, arenasque copiosas summè inflam-

flammatas deferentibus (quo tempore ophthalmiæ innumeræ
 epidemicæ grassantur) usi sunt, aut nihilo oculi eorum, aut
 parum læsi fuerunt. In nobis vero metipsis istius præserva-
 tionis utilitatem, toto illo tempore quo in Ægypto moram
 traximus, experti sumus, nunquam enim oculis in ea regio-
 ne laboravimus. Habent & aquas varias stillativas ex her-
 bis frigidis, quibus eodem modo utuntur. Alii in oculos
 lac Camelinum, aut Asininum, aut Humanum, aut isto-
 rum defectu Caprinum sæpe (iis flantibus ventis) instillant.
 Sunt, qui oculis inflammari incipientibus saccharo in te-
 nuissimum pollinem in ipsos injicientes utuntur. Plerif-
 que vero familiarissimum est, decoctum collyrii modo
 instillatum, quod ex antimonio fit, quod cum ii cogno-
 verint oculos maxime roborando plurimum ad tuendam o-
 culorum, & sanitatem, & gratiam, & pulchritudinem va-
 lere, omni tempore illius usum ideo ii frequentant, at-
 que etiam ad nigrorem oculis, atque ciliis conciliandum,
 quomodo olim Matronæ Romanæ, & aliarum Nationum mu-
 lieres eo uti consueverunt. Quo Græcis meritò *γυναικείον*
 dictum est, quod tingendis nigrore ciliis mulierum expeti-
 tur, & à Plinio platyophthalmon, quod picturæ nimirum man-
 gonio dilatare oculos quodammodo videatur. Aliàs à nobis
 dictum est, experientia cognitum esse, nullam ex Ægyptiis
 mulieribus inibi vasculo parvo eo ex antimonio linimento
 confecto pleno ad usum oculorum carentem invenias. In
 Ægypto puerulos oculos albos habentes longo illius linimenti
 ex antimonio parati usu, nigrum colorem nancisci constat.
 In balneis vero ad manus quoque sua collyria habent od ocu-
 lorum usum, quibus utuntur: balneo enim egredientes ferè
 omnes, palpebras collyrio tingunt, & non modò à balneo,
 sed quotidie id faciunt. Proinde multi medici ocularii nun-
 cupantur, cum tamen nihil aliud in eorum officinis vendant,
 quam collyria, quibus eorum, qui ad eos accedunt palpe-
 bras illinant, ad eosque concurrit multitudo magna. Sunt
 & mulieres oculariæ, quæ urbes percurrunt, collyria admo-
 ventes, quibus oculos præservari, tum à lachrymis, tum à flu-

fluxione dicunt. Accedit, quod palpebrarum pilos hoc modo nigros reddentes, quandam oculis gratiam conciliant, præsertim in mulieribus, quæ eo longe formosiores redduntur, quod ut assequantur, nonnullæ etiam collyriis supercilia connectunt: ex multis autem collyriis, quæ sunt in usu frequentissimo, duo referam, ut magis familiaria. Alterum constat ex thuris masculi, & costi, oleique fuligine: alterum vero conficitur, ut nuper dictum est, ex antimonio in tenuissimum pulverem redacto, & cum aliis decocto. Jam hæc de conservanda oculorum sanitate obiter dicta sint: Nunc de eadem ad dentes conservandos pauca à nobis etiam dicenda sunt. Nullum in hac regione, quod mirum maximè est, unquam dentium aliquo affectu correptum vidi, sicut apud nos frequentissimè dentes vitiiati, ac læsi nobis occurrunt, idque fit, quod Ægyptii dentium maximam curam gerant: nam à somno surgentes, ubi se laverint; oraverintque, per horam dentes fricant, vel Ban, de quo postea, vel granati, aut ejusmodi ligno, maximè vero quodam Mesuag nuncupato, quod è Mecha afferunt, eorumque prophetæ lignum vocant. Hujus ramuli alterum caput contundunt, aqua macerant, mandunt, molleque reddunt: dein dentes fricant, sicque eos purgant, à dolore, erosione, putredine, carieque præservant, & quominus labantur efficiunt, oris halitum commendant, gingivas roborant, earum erosionem, & fluxionem inhibentes. Multi ad id Fauzel ore detinent, quo & Indos adeo suos dentes servare dicunt, ut dentium dolorem India non noverit. In maximo Mechæ delubro ex Mesuag dentifricia quotidie venalia, aquamque in pelvi parant, vanè populo persuadentes, Mehemetem quacumque nocte eo venire, seque lavare, nec non ejus dentes eo ligno fricare. Hæc, atque alia lucri causa fingunt. Verum enim vero hæc dentifricia utilissima sunt, ob causas nuper dictas: sed de ligno Mesuag postea accuratius. Unum demum non omittam, quod est, quia omnes ibi immoderatus Veneri incumbunt, ut quædam dicamus de iis, quæ illis maximo usui

R

sunt,

sunt, ad venerem scilicet in viris promovendam, augendamque ad sobolis conservationem.

C A P U T XI.

De prolificæ facultatis in Viris præservatione, proindeque de iis, quæ ad augendam Venerem Ægyptiis sunt familiaria, Medicamentis, agitur.

Non omittendum duxi, quin de iis medicamentis etiam scriberetur, quæ eos, qui ad procurandam prolem impotentes, imbecillesque sunt, relevant. Hi enim veneri necessariò multum indulgent, cumque plures ipsi habeant mulieres, illis ad copiosiorē prolem à lege concessas, ipsam venerem omnibus modis ciere student: ad quam quidem ciendam utuntur aromatibus, oleribus multis, radicibus, fructibus, atque aliis multis medicamentis, & simplicibus, & compositis: quæ priusquam singula referam, decrevi hic transcribere, quæ de iis medicamentis quibus frigida venus calefit, ex libro quodam Arabico, qui dicitur Artis Perfectio, à Medico doctissimo olim conscripto, accepi. Ille enim ita scribebat. „ Venerem stimulant in frigido temperamento, pastinaca, silvestris eruca, raphanus, eorum semina, lini semina, terebinthi baccae, apium, & semina, „ sesama, cyperus esculentus, faba, cicer, faseolus cum cinamomo, macis, nuclei pinei, avellana, pistacia, tragacantha, assa, quæ calida est, & inflat, ejusque sesquidrachma ex vino summopere prodest. Utrumque ben, scilicet album, & rubrum, costus, satyrium, scincus, ginger, præsertim melle conditum, galanga, buzeidan, hermodactylus, mogad, scinci cauda, renes, & sal, columbarum, passerum, & perdicum ova, ova gallinacea for-
„ bilia cum gingibere, tauri virga arida cum luteo ovi for-
„ bilis.

„ bilis, aut cum carne cocta, omnia cerebella, præsertim
 „ passerum, gallinarum, anatum, & ejusmodi cum scinci fa-
 „ le, Cameli lactentis coagulum ciceris quantitate ex aqua tepi-
 „ da maximè subvenit, quod si lædat, aqua frigida lavetur. In
 „ temperamento temperato, lac concretum decoctione, atque
 „ quotidie ad cyathum epotum, aqua mellis in qua ferrum
 „ candens fuerit extinctum, uvaque recens, erucæ succus
 „ cum vino dorsum validum reddit, illicoque subvenit. Pas-
 „ serum assiduo usu, & lactis potu aquæ loco semper viget
 „ libido, semenque augetur. Ex compositis vero, Mithri-
 „ datum, diamoschus, atque quatuor cum dimidia drach-
 „ mæ confectionis ex feminum erucæ, aqua medicamentum
 „ de scincis, atque Philosophorum electuarium locum habet.
 „ In cibis erit caro arietis, ciceres, cæpæ, triticum, rhye-
 „ mata, faba vel sola, vel cum feminibus, vel cum cinna-
 „ momo, & galanga, scinci fale, & gingibere. Præstat hæ-
 „ dus mas pinguis, nec non gallinæ, & pulli pingues. O-
 „ ryza cum lacte, & præsertim cum carne, caro cum a-
 „ sparagis, porra, ova forbilia, pisces recentes. In tempe-
 „ ramento calido, utilis erit cucumis, chetta, persicus, lac,
 „ cancri fluviatiles, uvæque recentes. Ab acidis, & acri-
 „ bus, ut acetum, abstineant, & falsis, & à stupefacienti-
 „ bus, ut lactuca. Menta, feminis vasa roborat, atque sti-
 „ mulos addit. Fructus erunt pistacia, avellana, radicula
 „ cyperi esculenti, vel dulcis, nuclei pinei, femina pasti-
 „ nacæ, & erucæ ex oleo frixa addito melle, quod sat sit,
 „ atque erucæ electuarium præstantissimum est. Cervi ge-
 „ nitale in pulverem tritum, caryophylla in lacte, dauci se-
 „ mina, vitis nigræ radix, id est uva taminia Plinii, hor-
 „ minum, gladioli radix superior, asphodeli itidem radix,
 „ dracunculique majoris radix. Potum sit vinum ex passis,
 „ & vinum novum dulce. Sumatur itidem pastinaca, eru-
 „ ca, ficus, napus, coquaturia aqua, quorum decocti pars
 „ una sumatur, atque vini ex passis pars saccharo misceatur,
 „ & assumatur. Inungatur pecten, & genitale, ejusque ra-
 „ dix oleo balanino, liliorum alborum, & sambacino, nucis

„ myristicæ, Indicæque oleo, nec non cicino cum moscho,
 „ vel zibetho, oleove sinapino, cum benzuino, vel oleo pi-
 „ staciorum, & similibus. Ex medicamentis itidem vene-
 „ rem moventibus fiunt clysteres, & balani, qui magnæ sunt
 „ utilitati. Nam ex Columbi adipe suppositorium mirificè
 „ eos juvat: fit vero clyster hoc modo. Passerum caput,
 „ & pedes, & triticum, partes æquales fumantur, mogad,
 „ buzeidan, scincus, & semen nuclei pinei quarta pars, co-
 „ quantur per noctem in furno, quoad dissolvantur, quibus
 „ addatur lac, & butyrum, nec non renum scinci adeps,
 „ oleumque de spica, & fiat clyster. Quod si veneris de-
 „ fectus fuerit ob genitalis debilitatem, si in calidam aquam
 „ injectum, & moratum aliquandiu roboretur, moveaturque,
 „ spes erit ut curetur oleis prædictis, sin autem in aqua
 „ non moveatur, curationem non admittet. „ Hæc liber qui
 dicitur Artis Perfectio habet: quibus profecto nos subjunge-
 mus, quæ hac nostra ætate Ægyptiis ad movendam Ve-
 nerem sunt in frequenti, familiarique usu. Itaque in-
 ter aromata illis usui est, gingiber conditum, caryophylla,
 zedoaria, zurambet, piperque condita, nec secus nux Indi-
 ca, nux myristica, mirobalani omnes conditi, maximè autem
 Bellerici vocati, radicis chinæ conserva ex melle, galanga,
 & multa alia condita, quibus abundant Ægyptii, maximè
 autem mercatores, ad quos hæc omnia per Mare Rubrum
 Liburnicis ab eorum procuratoribus gratis mittuntur. Inter
 domestica vero ad eum usum commendantur, eruca, bulbus,
 Belbus vocatus, satyrium, urtica, buzeidan, pastinaca, loti
 radices, Rais el nil vocatæ, secacul, sesamum, quo summo-
 pere delectantur. Oryza cum lacte, pistacia, nuclei pinei,
 napæ, rapæ, ciceres, mala insana, & fructus castaneis simi-
 les, qui ex Nubibus afferuntur, ipsosque ad id plurimi faciunt.
 Inter animalia vero, ut alia omnibus nota omittamus, scincus
 laudibus multis concelebratur, de quo suo loco nos accura-
 tius, & crocodili caro, quam summopere extollunt, ipsam-
 que vires recreare, totumque corpus, & dorsum roborare,
 afferunt, idque vel semel comestam præstare. Ex compo-
 tis

tis etiam omnia de quibus Avicenna Lib. quinto ad eum usum meminit, scilicet tripheræ variæ compositiones, Theriaca magna, atque Mithridatium, electuarium philosophorum, quod Magion el Filesefe. Illis vero ad id communissimum est Bernavi electuarium vocatum: Quo nihil præstantius ad Deam opiparam refovendam, infectandamque Mauritanorum schola invenit. Philonium, & Persicum, & Græcorum in usu quoque eo est, Opium, Bers, atque Assis. Et quemadmodum innumeræ sunt officinæ, quæ nihil aliud vendunt, nisi horum unum, vel plura, sic non desunt medicorum sectæ, & aliorum, qui hoc magis, quam illud laudent. Inter antidota vero, quæ omnibus sunt maximè familiaria, Theriaca magna, atque Mithridatium existit; quæ tamen magna fraude componunt, multisque modis. Etenim pro Regibus exactissimè eas componentes, optimis, omnibusque singulis ingredientibus simplicibus medicamentis, ea perficiunt. Pro plebe vero minuta alia componunt, magno cum simplicium eam perficientium defectu. Theriaca vero, de qua compositione in quinto Libro de Medicina Ægyptiorum ultimæ editionis nos exactissimè scripsimus: omnibus numeris absoluta Cairi paratur à viro peritissimo, & doctissimo Seridim nominè, cui mortuo successit Mahemet Ebneferidim, utpote suus filius: hic enim omnia simplicia medicamenta habet. Ex hac Theriaca Morat, hodie Turcarum Imperator, modicum quotidie assumit, qui quandoque & Bers comedit, quamvis epilepsia laboret. Qui Magion el Filesefe utuntur, optimè vivunt, inculpataque valetudine fruuntur, nec secus, qui Theriaca, Mithridato, atque Tripheris. At qui Opium assumunt (multi enim sunt, qui per sexaginta annos quotidie usque ad drachmas duas comederunt) tandem atrophiam laborant, eorum concoctio depravatur, ventriculus labefactatur, calor naturalis ferè extinguitur, dormitabundi fiunt, facile obliviscuntur, inconstantes sunt, cogitabundi, quod promittunt, minimè facientes. Eorum os fere semper ad partes trahitur, ut eos oris convulsione, aut tortura laborare dicas. Eorum alvus sæpè sistitur, ut clysteribus uti necesse habeant. Qui vero Philonio delectantur, quod va-

riè componunt, dum ipsum in corpore ejus vires prodit, multa loquuntur, facetiis, & leporibus, venustateque affluunt, legunt, scribunt, laborem non sentiunt, assurgunt, sedent, moventur, quamvis senes se robustiores, & leviores, magisque agiles evasisse sibi videntur: omnia pollicentur, ab iis omnia impetres, ut quidam Gemmarii, in eos philonio agente, sæpe gemmas nostris minori pretio, quam starent, vendiderint. Alii, eo veluti temulenti, Servos manumittunt scripto, cujus Philonii vis ubi evanuerit, se id fecisse, & jurejurando perjuriòvè negant, eosque iterum vendunt, quod sæpe evenisse in illis vidimus. Bernavi, & Assis utentes, sicuti pejus se habent, quam qui Theriacæ, & Mithridatio se dant, sic minora incommoda sentiunt, quam qui Philonium assumunt. At omnes in eo antecellunt, quod majora oblectamenta capiunt: nam lætitia hi summa afficiuntur, ad venerem non modo concitantur, sed & robustiores fiunt, per quatuor horas se in amænissimo loco esse sibi videntur, pulcherrima pomeria, prata, viretaque vident, eorum oculis & menti obversantur visa, spectra, phasmata, phantasiæ, & omnia fere quæ per somnum videri solent, sicuti somnium, insomniumve iis oraculum videtur. Cum Angelis se loqui dicunt, multasque, & varias rerum imagines se videre affirmant, quæ non recenseo. Hinc amplam occasionem Mahemetem nactum fuisse ferunt, qui ab ineunte ætate huic electuario assuetus erat, quo tempore primum in usu venit, ut & prophetam esse, & se cum Diis loqui Arabibus persuaderet, cum id & nonnulli ejus domestici, quibus fidebat, hoc assumentes, in se ipsis experirentur, id sibi evenire censebant, quod eos diligeret Deus, ut prophetæ socios. At postmodum cum id innotuisset, essetque in communi consuetudine, factum est, ut à plerisque doctoribus non modo non credatur propheta, sed prorsus nullam ei fidem habeant, quamvis id facere simulent, aut metu, aut fortunæ bonis, quæ iis eorum sectæ credulitas affert. Non ab re autem esse duxi, dicere quid sit Bernavi & Assis, & quia Assis Bernavi istius electuarii est præcipua basis, de Assis ideo primum dicendum puto. Assis igitur nomen

men ad omnem herbam genericum est: verum cum herba hæc adeo ab omnibus propter ipsius vim eximiam, & non parum admirandam expetatur, celebrisque apud eas gentes sit, per quandam veluti antonomasiam generis nomine dicta est. Alii vero eam Cheles etiam nuncupant. Hæc vero, ut ex plantis quid sit intelligatur, à nobis canapis fœmina esse visa est, de qua postea longe accuratius agemus, & an sit canapis disputabimus. Ex hac inquam herba, idest foliis ejus siccatis, & in pulverem detritis Bernavi electuarium componunt, variè tamen pro aromatum varietate, & pondere, quæ in eo ad libitum injiciuntur. In communi usu parata, fit hoc modo, accipiendo assis pulverizatae ʒv. piperis nigri, albi, longi, ana ʒv. pyrethri ʒiij. croci ʒij. calami aromatici ʒj. galangæ ʒv. Mellis depurati q. i. cum vino aromatico fit electuarium: cujus dosis est à ʒij. ad ʒiiij. Quidam addunt & castorei ʒij. alii euphorbii modicum, atque alii alia. Plurimi Assis sola herba utuntur tenuissimè trita, deglutitaque, aut ex simplici aqua subacta. Arabumque ritus est, ut eo modo ipsam assumant. Qui hanc ipsam sumunt, semper colore citrino conspiciuntur, eorumque oculi vivido colore destituti: ut plurimum graciles sunt, senectutem accelerant, & canitiem. Quod de iis dixi, idem & de Bers sentiendum est. Quod recipit euphorbii ʒxx. masticis ʒx. spicæ Indæ ʒxxx. piperis ʒc. pyrethri ʒxv. Apii, hyorcyami albi ana ʒlx. castorei ʒxv. his pulverizatis ex melle despumato cum vino odorato mixtis paratur electuarium, quo utuntur Turcæ in regionibus frigidis, & in Ægypto Mauri hyemis tempore. Iis vero, qui Opio, Philonio, Assis, Bernavi, atque Bers assueti sunt, nunquam ea intermittere poterunt, quod si aliquando faciant, in magna, sævaque symptomata, & vitæ periculum incurrunt. Johannes Jacobus Manus, olim Medicus in Ægypto apud Venetam Nationem maximè celebris (ex cujus viri relatione multa quidem alia accepimus) retulit duos, qui ab intermisso Opio in sævissima symptomata incurrerunt. Alter (inquit) nauclerus fuit, cui cum Cairum iter habenti, Opium, cui assueverat, defecisset
super

super Nilum, horaque qua illud assumere solebat, adventaret, nempe à solis ortu, primum ventriculi languore corripiebatur, deinde animi deliquio, & sudore frigido, tandemque vox ei interceptiebatur, cumque per aliquod spacium male se habuisset, neque merum, aut quid simile eorum, quæ ad manum in navigio erant, ei opem ferret, in aquam, ut furens se coniecit, atque tranans per deserta fugam arripuit, liburnicam relinquens, nobisque non parvum metum incutiens, verentibus ne inde Turcis locus esset nos culpandi, atque ejus mortis culpam omnem in nos transferrent: quod sæpissimè ii absque ulla causa ita nobis insidias struere soleant. Alter autem, Camelorum ductor, & viam præmonstrans, qui cum in Arabia Deserta in via, quæ Hierosolymam ducit, Philoneo careret, quia totum illud quod secum tulerat consumerat, de Camelo decidit, neque pes, aut manus satis suum officium faciebat, gravissimis symptomatibus vexabatur, ambulareque minime poterat, neque equo insidere, ut ejus focii, ne feris præda esset, ipsum super Camelum, ut furentem vincere coacti fuerint. At statim recreatus ubi opii electuarii consueti assumendi fuit potestas. Alii rursus fuere, qui cum ejusmodi medicamenta intermittere, & eum usum prorsus relinquere sibi proposuissent, morte immatura perempti sunt. Qui Theriacæ usui indulgent, Tharachì, qui Opio delectantur Affiunì, qui Affis, Afsi dicuntur, & sic de aliis. Nos vero quosdam ab hac Opii servitute liberavimus, per plures dies illa hora qua opiatum medicamentum assumebant, vinum merum antiquum, præsertim Creticum cum pipere, zinzibere, atque aliis aromatibus ebullitum, largius exhibentes, atque ad minus quater in die repetentes. Atque hæc de iis, quæ ad prolem augendam venereos actus movent, atque roborant, & ad deliramenta quibus illa gens non minus oblectari solet, plurimum faciunt.

Finis Libri Secundi.

LIBER TERTIUS.

CAPUT I.

*De tractandis in hoc tertio Libro, & primum
de Terris, quas Ægyptus producit.*

U niverſa Ægypti terra eſt nitroſa, nimirum quæ nimio calore ſolis quaſi uſta; minus verò quæ juxta Nilum; eaque maximè limoſa, nigra, quæ fluminis inundatione unà in Ægyptum deferitur: quaque Ægypti ſolum, ut Herodoto, atque aliis viſum eſt, à ſuis primordiis humillimum quotannis à flumine ità auctum eſt, ut Nilus in agros modò exundare nequeat, niſi decem & octo cubitibus creverit. Hæc inquam, quæ ab eo flumine per æſtatem aucto in eam provinciam devehitur, ut dixi, limoſa eſt, mollis, nigra, ita pinguis, ut ea quaſi oleoſum quiddam exſudare videatur, ſaporeque obdulceſcat. Ea inibi agri ita pingueſcunt, ut ſtercoratione non egeant: ſtercora enim animalium, boumque præſertim, ſubigunt, in placentasque formant, ad ſolem ſiccant, atque per urbem ad uſum ignis vendunt, cum Ægyptus lignis non abundet. Hanc inquam terram ſiccataſque Ægyptii reponunt, pro exploranda Nili fluminis ſauctione, quæ fit menſe Junio, uti ſuperius dictum eſt: ipſam ſingulis diebus bis, terque expendentes, lanceque ponderantes, & principium augmenti Nili fluminis animadvertunt, & quantum ejus incrementum futurum ſit, cognoscunt. Hæc, etſi frigida ſit, & ſicca, tamen à quadam ſibi mixta aerea pingui ſubſtantia minus refrigerat, & ſiccatur, cum quadam molliendi facultate. Altera terra in Ægypto eſt nitroſa, & falſa, utpotè quæ longè à Nilo abeſt, ſqualens, ſicca, arenis mixta,

S

quæ

quæ plurimum falis, & nitri exsudat. Habent Agricolaë suam terram pinguißimam à pinguißimo limo, qui quotannis à Nilo in suo incremento deducitur, effectam: quam margam Ægyptiorum esse constat, ex qua Ægyptium solum ad segetum productionem adeo fœcundum fit, ut propterea nullibi locorum agri ad frugum abundantiam fertiliores existant. Habent varias quoque inibi argillas, quibus fictilia varia parant, lapides lateritios, quibus sole ficcatis utuntur ad muros conficiendos pro ædium multarum fulcimento, ex qua etiam viliori argilla muros cæmenti loco exædificant, qui multis ævis illæsi durant. Nec non cretis diversis fullones ad vestium, atque aliarum rerum deterfionem, & circumlinationem in ea regione abundant; iisdemque & medici utuntur ad usum medicinæ. Vasa verò in quibus aquam refrigerant Ægyptii, ut superius quoque dictum est, ex terra alba, & nitro subactis parant, in illisque ipsam aquam continuè bibunt. Quemadmodum in Syria, ut à Syris accepimus, eadem fictilia ex terra alba itidem, atque sale conficiunt. Nitrum vero, & sal ad aquæ refrigerationem facere dicunt, quod hæc reddant vasa rara, sicque frigido aëri ingressus ex raritate illiusce materiæ pateat, sed aliis visum est in iis vasis per antiperistasis aquam refrigerari, quod nimirum frigiditas ad centrum aquæ retrahatur, à nitri nimirum qualitate calida fugiendo sese ad aquæ centrum recipiat. Atque hinc fortasse fit, ut illorum vasorum etiam soli expositorum aqua refrigeretur. Ex villa, quam Chsagbut appellant, haud procul ab Heliopoli posita, convehunt terram ibi effossam colore rubro pallido, adeo odoriferam, ut conficiendis fictilibus utilissima, & omnibus jucundissima sit. Ex qua Ægyptii figuli cum nitro fictilia multa parant, præsertimque vasa potatoria multarum figurarum. Inter multas vero terras, quibus Ægyptus abundat, quandam habent admodum ad usum mulierum familiarem, quam Beilon nuncupant. Magnis glebis visitur, gravis, friabilis, ad argillam accedens, atque colore flavescente, aliquantulum ad ochram declinans, gustui lentescit, non expers alicujus qualitatis calidæ, quo merito deterforia est, cum vi
em.

emplastica. Mulieres in balneo hac terra trita, & aqua subtracta capillos illinunt, & obvolvunt, sæpè illos manibus tractantes, ut in pannis fit à fullonibus detergendis, mundandisque, posteaque cum fere per horam caput ea terra fricarent, & capillos sæpissimè manibus contrectarint, eos calida aqua detergentes, caput lavant. Hæc terra capillos maximè detergit, flavos colore efficit, firmat, atque longos itidem reddit. Est & altera terra, quam inibi effodiunt, quæ cinerei est coloris, levis, lubrica, splendens, atque gustui mollissima, quæ sapore, & odore Lemniam imitatur, visu vero saponem æmulari prorsus videtur, non minusque lubricitate: unde & ipsi ea ad linteamina dealbanda Ægyptii utuntur saponis loco, & in medicinæ usu ad multos morbos tollendos ab iis non negligitur, præsertimque ad sanguinis sputum, & ad quodcumque aliud sanguinis profluvium cohibendum, non minus & ad sudores immoderatos firmandos. Ad oculorum lachrymationem itidem collyria parantur ex ea utilissima: hanc terram credimus esse lapidem Morochtum à Dioscoride vocatum; lapidem à lapidis figura, & consistentia, quamvis terra quædam sit argillarum genere comprehensa. Habent Ægyptii terram Lemniam sigillatam, bollum Armenium, Samiam, Erythræam & albam, & purpuream, nec non ad usum venenorum, & venenatorum morsuum lapidem bezahar, ac vel etiam unicornu non carent. Vasa quædam vidimus è lapidibus bezahar ad Regios usus confecta, quæ in magno pretio apud eos sunt, & ad venenorum præservationem, atque in peste, & in pestiferis febribus plurimi æstimantur, si in ipsis antidota, vel aquas, vel succos ad eos morbos abigendos accommodatos bibant. Hæc vero ex Orientali India habent. At de his fortasse nos postea etiam diligentius.

CAPUT II.

De Sale in solo Ægyptiaco proveniente, atque de nitro.

Sale optimo, candido, ut nix, omnium profecto salium præstantissimo Ægyptus abundat, non fossili, non marino, sed qui in terræ illiusce superficie concrevit. Nos enim mense Julio è Rassit Cairum navigantes universam eam planiciem sale copiosissimo, candidissimoque conspersam, ac veluti obrutam conspeximus, proinde ac in Italia quodam tempore, hyeme, nive copiosa à cœlo cadente, terra obruta apparere solet. Rustici eum colligentes in acervum componunt, qui ita vili venditur, ut cuique inde impune accipere liceat. Servus à supellectili nostri Consulis, plures sportas eo sale plenas in cymbam pro usu domus gratis accepit, secumque Cairum detulit. Gignitur vero tanta salis copia à terra, quæ per summos æstatis calores à sole insigniter eam adurentem, ita falsa efficitur, ut postea ex Nilo aqua ipsam inundante, liquefiat, & solvatur, quæ ita liquata, & soluta, superveniente postea æstatis calore, eam cogente, siccanteque, in sal mutatur, candidissimum, tenuissimum, optimumque, quo Ægyptii in victu utuntur. Nitrum, quod Arabes Natron vocant, copiosum in Ægypto effoditur, ubi tanto est usui, adeoque ad multos usus tam medicos, quam alios, præsertim in telis dealbandis ab ea gente affectatur, ut singulis annis centum millibus aureorum nitrum vendat ille Arabs, qui parti Ægypti præest, quam Nilus ejus vadum alluens à sinistra relinquit. Ibi tercentum & sexaginta Villæ sunt, pro quibus in annum tercentum sexaginta millia sestericia Turcarum Imperatori solvit: inter illas duæ sunt maximæ, quarum alteram Demenor, atque alteram Laux nuncupant, in qua Arabs princeps habitat. Ex hoc loco
bidui.

bidui itinere in Deserto est lacus aquæ stagnantis, in quem lacum quicquid conjicitur, sive lignum, sive animal mortuum sive aliud, siccatur, atque in nitrum convertitur. Nitrum vero quotidie quindecim homines effodiunt, & in frustra ferramentis frangunt, & dividunt in parvas glebas, quod quidem nitrum erutum, in glebasque redactum, quinquaginta camelis, nihil aliud portantibus, ad Villam supradictam deferitur, exindeque liburnicis Cairum vehitur. Ejus duo sunt genera, unum rosei coloris, grave, glebosum, durum; alterumque album, atque leve. Primum Sultani nuncupant, secundum Lasultani: primum secundo præferunt, quod citius, cariusque venditur: atque ut plurimum Caira ejus usus est. Lasultani vero dictum in Syriam, Heliopolim, & Damascum deferitur. Centum libras optimi, aureo vendunt, alterum dimidio ejus dant. Nitrum itaque quod ibi eruitur, magna gleba est, lapidi non dissimilis, minus tamen gravis, aut albicans, aut rosei coloris, omnis salis modo nitens, sapore falso acri, in amarum desinente. Roseum, & falsius, & acrius, & amarius albo est, unde &, quod pertinet ad qualitatem calidam, & substantiam, & calidius, & substantia essentiave tenuius est. Tractu temporis circum ipsum exsudat veluti farina alba, quam spumam nitri appellant. Cæterum nonnulli dubitarunt, an hoc genus nitri veteres cognoverint, cum ipsorum nitrum, non falsum, sed amarum solummodo fuisse constet. Siquidem per nitrosum saporem amarum intellexerint & Theophrastus, & Plato, & Galenus. Hi enim omnes sapores septem numero esse voluerunt, quippè dulcem, acrem, falsum, amarum, acidum, austerum, atque acerbum, per amarum nitrosum intelligentes. Idem, & Galenum sensisse constat, scilicet per amarum nitrosum intelligi voluisse, præfertimque in Lib. tertio Simplicium cum dixerit: „Quibus fa-

*In primo
Simpl. Cap.
36.
Cap. 15.*

„por aut acris, aut nitrosus, aut falsus. „ Quibus quidem dubitari potest Ægyptium nitrum, cum sit falsum, acre, atque amarescens simul, an sit antiquorum nitrum. Verum enim vero isti minimè de Ægyptiaco nitro dubitare debent, quod propterea antiquorum non sit, nimirum sapore præditum mix-

to ex falso, acri, atque amaro; cum apertissimè constet, saporem, nitrosum vocatum, non esse ex simplicibus, sed ex compositis saporibus, qui ex falso, acri, atque amaro constat. Qua ratione Plato, Theophrastus, Galenus, atque alii, qui tantum septem numero sapores esse docuerunt, simplices solummodo intelligi voluerunt, & ne verbum quidem de nitroso, quod esset compositus, dixerunt, veluti nec etiam de acetoso, & pingui, quod & ipsi sint compositi. Est itaque sapor nitri meritò mixtus ex sapore falso, acri, atque amaro. Quam veritatem ex Galeno confirmamus, qui Betam, & Brassicam nitrosam esse tradidit: harum enim herbarum sapor mixtus est ex iis tribus saporibus, quippè ex falsedine, acrimonia, & amaritudine. Ita & in nitro Ægyptio primum falsedo gustu sentitur, mox acrimonia, atque demum manifesta amaritudo. Eo utuntur Ægyptii & ad telas dealbandas, atque ad carnes tardioris cocturæ citius concoquendas, atque ad frictionum, pro evocandis ad cutem malignis humoribus, usum. Quod & ipsum in puerorum variolis, malignisque exanthematibus, & in aliis in fatis frequenti usu habent; atque non minus etiam ad alios usus, quos superius diximus.

CAPUT III.

De Lapidibus Ægypti.

Si de Lapidibus insignem duritiem habentibus, qui tamen inciduntur, & perpoliti nitorem habent, Marmora Lapidarii appellant, sermo fiat, profecto Ægyptus marmoribus cujusque coloris maximè abundat. Ex candidis primò copiosius fert Alabastritem vocatum, & eum qui marmoream habet duritiem, & qui fragilis est, quique inter Gypsa potius reponi debet: etsi Alabastrites uterque, & durus scilicet & fragilis ex loco Ægypti circa Thebas Alabastrite olim vocato,

to, nomen invenerit, scilicet candidus sed varius, ad unguis colorem inclinans, unde ab aliquibus onyx dictus est, Thebani montes abundant, & eo qui mellei coloris est, maculosi, non translucidi. Ex hoc præsertim vasa parantur, in quibus, & Nobiles Ægyptii, & pharmacopolæ medicamenta composita conservant. Habent hujusmodi Lapides suos usus ad medicinam, qui Ægyptiis sunt familiares: dissolvunt illos succo Limonum in tenuissimum pollinem, & utuntur cum ovi albo ad Jecoris calidam intemperiem, & ad renum inflammationem compescendam, maximè vero ad partium contusiones sanandas. Habent, & nigerrimi coloris lapides, qui perpoliti maximè nitent, quales Alalandici dicebantur, inter quos habent optimos Chrysites, quibus aurum, argentumque examinant. Ex Numidia habent, & lividum durissimum, atque ex Æthiopia durissimum ferrei coloris, quo olim pro incude utebantur: Spectantur ibi & mixti ex colore nigro, & albo, sed Ægypti videtur magis proprius qui niger maculis lividis infectus visitur. Virides quoque multi in ea regione gignuntur, quique colore Jaspidem imitantur, & qui in colore viridi maculas habent rubentes, veluti sanguinem fusum æmulantes, atque etiam virides totos translucidos punctis sanguineis infectos, heliotropium lapidem planè imitantes. Porphyrites, vulgo Porfidum vocatum, in Ægypto copiosius reperitur, præsertimque qui rubet candidis intercurfantibus punctis, vel maculosis. Habetur etiam rubens cum maculis nigris ex Syene Thebaidis convectus: ex hoc quidem lapide omnes obelisci, qui & Caire, & Alexandriæ sunt, extiterunt, non minus & Columnæ marmoreæ, quæ & Alexandriæ, & Caire extant, ex isto lapide sculptæ fuerunt, maximèque ex columnis illa maxima quam Pompeji columnam vocant in medio urbis Alexandriæ posita, atque sepulcrum, seu Arca, in majori pyramide posita. Ibi quoque visitur rubens punctis aureis infectus ex Thebaide itidem convectus: atque tales lapides marmorei in Ægypto observantur. At de gemmis, quæ ibi visuntur, pauca quoque dicamus, à Smaragdis exordientes.

CAPUT IV.

De Smaragdis, qui in Ægypto nascuntur.

In Ægypto omnes gemmarum species copiosius inveniuntur, majori ex parte ex orientalis Indiæ locis delatæ, aliquot vero in hac regione nascuntur, quippe Smaragdi præstantissimi, Chrysolitæ, Chrysoprassi, Heliotropii, Jaspides, Cyanei lapides, atque alii. Quod Smaragdi pretiosissimi omnium in Ægypti provincia Gait vocata effodiantur, omnibus, qui Ægyptum habitant notissimum est. Itaque in Gait, sub Ægypto meridiem versus posita provincia, vel regno, ubi olim Inarum regnasse ferunt, Smaragdorum puteus est, quem Bir el Smerud vocant, in quo quotidie pro Turcarum Imperatore fodiuntur Smaragdi, & quamvis fossiores summo studio observentur, ne lapillos hos pretiosos suffurentur, tamen adeo vafri, & callidi sunt, ut sæpe præstantissimos lapides occultent, quos nostris mercatoribus vendunt. In eo puteo, quo tempore Messir Bassa Pro-rex in Ægypto fuit, Smaragdus pulcherrimus, quatuor supra triginta drachmarum pondere, inventus est, ad eximiam perfectionem, & commendationem accedens, quem sæpius Ægypti Pro-rex Clarissimis Consulibus Venetis, illic pro Veneta Natione morantibus, ostendit, cujus Smaragdi pretium, si nunc in pretio ita essent hi lapides sicuti antea fuisse constat, quatuorcentum mille aureis nummis procul dubio æstimaretur. Ex Smaragdo confecta vasa ferè innumera, & varia inveniuntur apud Turcarum Regem, nonnullaque pulcherrima, anno eo, quo Cairum venimus ad ipsum Pro-regem ex Ægypto, à quodam ejus Præside, ex regia stirpe oriundo, delata sunt qui diu Thebarum provinciæ præfuit, atque apud hunc ea fuit Smaragdorum copia, quæ fidem superet, eamque aliqui ex nostris mecum una viderunt. Ægyptii,
Ara-

Arabesque ipsum vocant Smerud, non autem, ut perperam Garcias ab Ortu credidit, Zamarut. Hujusce gemmæ haud probam is cognitionem habuisse visus est, præsertim cum scripserit, Smaragdorum locum natalem ex quo effodiuntur vix cognosci, nullis fragmentis remanentibus: cum notissimum omnibus Ægyptiis sit, Smaragdorum verum natale puteum esse, in regno Gait vocato, sub Ægypto, quem, ut dictum quoque est, Bir el Smerud appellant. Atque etiam quod apud Mauros quamplurimi reperiuntur Smaragdi, nedum fragmenta, quæ minimi precii sunt, sed plurimo pretio æstimati Smaragdi. Veruntamen unum, quod animadvertit, non est ad medicamentorum usum negligendum, scilicet eos errare, qui in compositione electuarii de Gemmis, ex Mesue mente, Smaragdum præscribi putant: cum Mesue Ferure habeat, & non Smerud, ut Jacobus etiam Mannus auctor est: per Ferure vero Arabes lapidem Cyaneum intelligunt, non autem Smaragdum, quem, ut dixi, Smerud vocant. In iisdem locis, in quibus Smaragdi effodiuntur, Chrysoprasi, & Chrysolitæ abundantius inveniuntur.

CAPUT V.

De Vasis Murrhinis, & variis Conchiliorum generibus.

Ægyptii vasa aurea, & argentea rejecerunt, ubi Murrhina vasa adinvenere, quæ ex India afferuntur, (neque enim in Ægypto, ut perperam Petrus Bellonius credidisse visus est, quædam illorum fiunt) ex ea præsertim regione, quam Sivi vocant. Ibi enim ex variis (ut multi mercatores affirmant) lapidibus conficiuntur, gemmarum genere comprehensis, maximeque ex variis Jaspidibus. Namque ex iis, atque aliis simul mixtis materiam parari ajunt, ex qua vasa

T






hæc

hæc fiunt. Antonius Pigafeta in Narrationibus suæ navigationis ad insulas Molucas, scribit, ea vasa fieri ex terra alba, spacio quinquaginta annorum sub terra excocta, atque præparata, sed &, ut probè apta reddatur, sepeliunt in terra, & in ipsa terra obruta centum, & pluribus annis, ut purior efficiatur, à calore concoquifinunt: meritoque hæc vasa omnibus aureis, argenteisque præferuntur vasis, tum quod mundissima sint, nunquamque inquinantur, tum quod vim quandam obtineant & cor roborandi, & venenis resistendi, cum ex materia constent, quæ est antidotus ex occulta facultate ad omnia venena. Etsi hæc vasa varii sint coloris, in pretio tamen majori habentur alba ex toto transparentia. Quæ non ita sunt perfecta, solent variis coloribus infici, atque ornari. Quædamque ex iis præstantissima ibi reperiuntur, quibus utuntur Reges, & Primates, adeoque magni fiunt hæc à Mauris, ut plures ibi periti inveniantur, qui & fracta refarciant, eaque arte ibi vivant. Abundat Ægyptus ex Rubro Mare variis Conchiliorum generibus, & præter Margaritiferas, quibusdam Margaritiferis longè majoribus, & ex omni parte amplioribus, materia, lapidea duricie, intus candida, & translucida, colore, & substantia vasis Murrhinis simili. Ex iis torno varia vasa fiunt, quibus perindè ac Murrhinis utuntur: ex iis quoque innumera sanè cujusque generis, in magna copia à multis exinde in Italiam convehuntur, ad eos qui in hortis, fontibus, atque caveis agrestibus delectantur.

CAPUT VI.

De Lapidibus aliis quibus Ægyptus abundat.

Occurrunt in Ægypti Montibus Silices omnis generis, & albi, & nigri, & alterius coloris, qui sunt in usu ad ignem excutiendum, at inter hos est Silex Silvifera, in quo lapi-



lapide silvæ, herbarum, fruticum, atque arborum variarum quasi pictæ imagines cernuntur, proindeque omnibus sunt amænissimi aspectus. Varii item Jaspides cujusque generis ibi nascuntur, atque ii præsertim nobilissimi tota substantia translucidi, amæniter cum punctis sanguineis tota substantia virentes. Hos vulgus Gemmariorum Heliotropios appellat, in magnoque pretio apud omnes habentur, Magosque maxime, qui iis supersticiosè utuntur. Inter Jaspides, quibus Ægyptus maximè abundat, est parvus lapillus, viridis coloris nigrescentis, totus lineis multis inæqualibus albicantibus infectus, unde ab iis maculis, plures Lapidem Serpentinum appellarunt, vel ex eo, quòd hic lapillus succo limonis tinctus, spontè serpentis instar hinc inde moveatur. Quod experimentum ex me Melchior Guilandinus olim Præceptor meus nunquam satis laudatus, magna cum voluptate vidit, quo tempore ego ex Ægypto redieram: namque lapillo in vase stanneo plano posito, unàque modico succi limonis affuso, ipse paulo post à succo limonis alteratus per vasis superficiem instar animalis variè movebatur, semper tendens ad centrum vasis, in quo aderat succus limonis, ad quem succum delatus, ipsoque imbibitus, omni motu caruit. Gestant hunc lapidem idcirco supersticiosè non pauci, quo putant ipsos tutos à serpentum moribus vivere. Jaspides vero alios, qui viridis sunt coloris, quique habent vel maculas rubri sanguinis æmulas, vel puncta sanguinea, gestant ad sanguinis profluvium cohibendum. Nasctur & in ea regione lapis * Ætites, aquilinus à quibusdam * *Vide* vocatus, eo quia Aquilæ absque eò minimè parere queant, *Tab. II.* aut quod in Aquilarum Nidis inveniatur. Minera horum *Num. 1.* lapidum in deserto Divi Macharii haud procul à lacu Nitroso ^{2. 3.} cernitur, in qua innumeri producuntur Ætites lapides, variarum fanè figurarum, sunt majori ex parte oblongi, rotundi, plerique compressam rotunditatem habentes, sed aliqui etiam sunt (quanquam paucissimi) quasi perfecta rotunditate extuberantes, magnitudine vero varia spectantur, siquidem aliqui sunt usque adeo parvi, ut ciceris magnitudinem non excedant; plerique castaneis similes cernuntur, sed multi usque

adeo magni existunt, ut magnitudine similes panibus triticeis oblongis spectentur. Multi ipforum intus alium lapidem habent, unde Dioscorides meritò dixit: *Ætites* lapis est veluti prægñans, cum quatitur, alio in utero sonante. Verum non omnes si quatiantur obstrepunt, sed solummodo minimi, qui intus cavi sunt, vel alium lapillum, vel pulverum, aut luteum, aut nigrum continentes. Exterius veluti corticem habent duricie lapidea, sed tamen fragili, colore ferrugineo: externa superficiei substantia nigra est, ac veluti splendens; quibusdam arenulis lapideis nigricantibus, luciditatis non expertibus, mixta, atque hic veluti istiusce lapidis cortex visitur, cujus crassities major est latitudine semidigiti minoris, atque minor unguis humanæ, digiti pollicis crassitie cernitur. Ex iis vero intra corticem habent alii alium parvum lapillum, alii modicum terræ luteæ cretosæ, & alii pulverem nigrescentem: atque hi lapides cum quatuntur, sonant, & strepitum faciunt. Qui vero non sonant, & sunt cæteris graviores, intus repleti sunt terra vel lutea albicante, vel alba friabili, linguam siccante cum obscura excalefactione, atque odore ad cretam inclinante, qua terra plures utuntur ad ulcera sordida detergenda, & lota ex aqua in febribus pestiferis, atque in pueris vermibus vexatis. His lapidibus coxis adligatis in puerperis Obstetrices partum accelerant: veluti ad factum retinendum eosdem brachiis adligatos gestare utero gerentes cum utilitate solent. Cum constet *Ætitis* lapidis longè plures ex terra natali reperiri differentias, omnes tamen hos, quos Africanos vocant, cæteris ad usum Medicinæ scriptores prætulerunt.

Est & juxta radices montis Sinai lapis parvus, ovi majoris magnitudinem non excedens, oblongus, aut ovali, aut triquetra figura, inæqualisque figuræ superficiei undique visitur, densus est, gravis, silicis duricie, colore pallido nigricante, superficiem totam veluti parvulis vermiculis obtectam, infectamque habens, ex quo † *Scolecitis* dictus est, quasi sit inæqualiter a vermibus corrosa, & superficiei tenus excavata, quæ superficies tota est lenis, ac veluti arte perpolita.

† Vide
Tab. II.
Num. 4.

lita. Gestant hunc lapidem ad amatoria, & ad valetudinem conservandam satis superstitiosè. Detritus ex cote, albo colore tingit, & amarescit, unde ad ocularia collyria paranda usum habet detritus ex cote cum aqua rosacea, potissimumque ad ophtalmias oculorum. Eodem ferè in loco in iis montibus Sinai passim proveniunt lapides multi, magni, durissimi, gravissimi, ea figura, magnitudine, & colore efformati ut quartæ parti orbiculati casei Ovilli omnino similes videantur, unde in publicis conviviiis hic lapis mensæ ludi gratia apponitur, ad quamplures scilicet decipiendos, pluresque ex epulantibus aliquibus Noviciis dicunt joci gratia, Cur non comeditis de illo caseo ovillo Italico, qui optimus est? qui, quum ut portionem ex eo secturi, ipsum acceperint, continuò apud omnes risus oboritur. Cyaneus itidem lapis in Ægypto magnis glebis pulcherrimis effoditur, stellis quidem, vel punctis aureis emicans: quo Medici etiam utuntur, à fece tamen purgato, & ex aqua rosata probè loto, per os ipsum exhibentes, ad cordis tremorem, & palpitationem, & ex eo quoque purgatorias potiones, & catapocia parare solent. Non minus ii abundant lapillis parvis oblongis olearum nucleis similibus, quos quòd in Judæa quoque nascantur, lapides Judaicos nominant, scilicet Hagiar el Judi. Triplicis sunt figuræ, quidam oleis planè similes existunt, habent vero per longum innumeras strias ab una extremitate ad alteram, per longum æqualiter porrectas: ipsorum omnium materia est lapidea, durissima, ad silicem colore inclinans, intusque in superficie translucet. Alii pyriformes sunt, non excedentes oleæ magnitudinem, & crassitudinem: eodem itidem modo perpulchre striati. Ab iis & rotundi existunt cerasis & magnitudine, & figura similes. Dioscorides perbellè ipsum Judaicum lapidem ita descripsit. „ Judaicus lapis in Judæa nascitur glandis effigie, albus, „ scita admodum configuratione, lineis æqualiter inter se distantibus quasi de industria detornatis. „ Ægyptii hoc, ex cote cum aqua stillatitia ex ononidis radicum corticibus detricto, utuntur ad calculos in renibus, & in vesica comminuendos, atque ad urinam movendam. Morochtam vocatum lapidem,

*In Lib. 5.
de Med.
Mat.*

quem alii leucographidam à lineis albis quas ducit, etiam vocant, habent copiosum, qui lapis etiam ab ipsis vocatus est à quadam veluti lapidis duritie, licet terra sit, de quo in capite de terris egimus: aliqui terram saponariam ipsum nominant, quoniam dealbandis linteis usum apud eas gentes habet, & quod etiam saponem colore, figura, mollitie imitari maximè videatur.

CAPUT VII.

*De Chalchanto, Alumine, Pompholyge, atque aliis
metallicis medicamentis, quæ in Ægypto
observantur.*

Ægyptii omnia genera Chalchanti, & naturalis, & arte facti habent. Naturalis est cæruleus, purus, translucentus, in tessellas hexagona, vel septagona, aut nonagona figura formatus; cujusmodi est Cyprius. Habent & candidissimum Chalchantum, flavum, subluteum, viride, & nigrescens. Parant & ipsi factitium viride, cæruleumque quo utuntur ad colores, atque ad alios usus. Eodem modo iis sunt familiaria Alumina cujusque generis, scilicet fissile, rotundum, atque humidum: factitiaque etiam omnia, inter quæ Rupeum vocatum longè est efficacius in adstringendo, eo quod in Italia fit. Habent Spodium, Antispodium, quod ex ligustro Ægyptio parant, quibus ad virium robur uti solent. Spodium Tabaxir vocant, quo nomine vulgus pharmacopæorum Spodium factitium, quippè metallicum, intelligit. At eruditiores viri eo nomine lacrynam quandam ex caudice arboris proceræ in India nascentis, albicantem, odoratam, facultatis refrigeratoriæ, & cor maximè roborantis itidem intelligunt. Quibus commonitos Medicos nostri temporis esse volu-

volumus, ut ubi apud Arabes Medicos in compositione medicamentorum Tabaxir, sive Spodium legerint, non metallicum Spodium ad usum eorum componendorum recipiant, sed gummi Indicum Tamaxir vocatum, quod tutò per os assumatur. Metallicum vero, quod est Græcorum Spodium, omnibus suspectum esse merito debebit, ut quod sit metallicum, proindeque nunquam usum habere poterit ad ea medicamenta componenda, quæ per os assumuntur: sed solummodo istius usus erit, exterioribus corporis partibus ulceratis medicandis, præsertimque probè loti, quod emplasticæ sit facultatis ad ulcera cicatrice claudenda, atque ad partium externarum roborationem. Habent & purissimam mysin, optimam chalcitim friabilem, foryn, cæteraque alia omnia simplicia medicamenta, quæ ex æris materia fiunt. Addo, eos ita cineribus, quos ex Kali herba, inibi copiosissimè proveniente, usta parant, abundare, ut quotannis Naves iis onerantes ingentem copiam Venetias, atque ad alias urbes mittant. Planta Kali ex qua usta cineres fiunt, est fruticosa, lignosa, ramulis multis tenuibus prædita, quibus foliola parva oblonga trina simul, aut quina rutæ similia, insunt, & aliquando unicum foliolum oblongum, genistæ simile. Demumque in Mare Rubro vocato nascuntur proceræ arbores, quæ extra aquam extractæ coralliorum modo lapideam duritiem nanciscuntur, adeo ut caudices cum totis ramis lapidescant, coloreque nigro cernuntur; qui nullius apud eas gentes usus existunt.

CAPUT VIII.

Stirpes, quæ in Ægypto proveniunt.

Posteaquam nos ea fossilia, sive mineralia, quæ in Ægypto observata sunt, breviter fuimus complexi, non injucundum studiosis Medicinæ fore existimavimus, si etiam stirpes Ægyptiis familiares perspectas cognitasque brevi sermone redderemus, atque non minus ipsarum & facultates, & usus ad medicinam cognitos. Nunc verò paucis dicemus de illis plantis, quæ familiarius in Ægyptio solo proveniunt, exordientes ab esculentis, ad eas, quæ medicinæ apud eas gentes usui sunt, transeundo. Itaque ex stirpes sunt, quæ ibi familiarius proveniunt: quippè lactuca longa, endivia, cichoreum, portulaca, malva, beta radice rotundæ, brassica florida, petroselinum, apium, coriandrum, ocymum, pulegium, eruta, piper, junci folium, menta, atriplex, spinachia, chali esculentum, staphilinum; pastinaca, carduus, cinnara, papaver, bammia, melochia, capparis, porrum, allium, cæpe, sinapi, blitum, gingidium, fœniculum, asparagus, sesamus, rapa, napus, trasi, lotus Niliaca, arundo saccharifera, cheta, cucumeres alii, cucurbita, melo, pepo, anguria. Malus punica, medica, aurantia, limonia, pomum Adami, naphea, palma, vitis, ficus, persicus, musa, sycomorus, sebesten. Atque ex leguminibus, pisum, & pisi genus parvum quod Mas appellant, inter legumina apud eas gentes majori in pretio æstimatum: Cicer, lens, faseoli multa genera, faba, bammia, ervilia, aracus, ervum. Ex stirpibus vero non esculentis, papyrus, nenufhar, ocymum, chali non esculentum à quo cineres fiunt, secamonè, periplocam vulgus herbariorum nominat, melilotus, trifolium, linum, achaovan, artemisia. Marina, soffera, sesban, marù species sclareæ: gra-

graminis genera multa, far, cujus fructus beidelsar vocant. Hyosciamus albus, hermodactilus, urtica lini semine, canabis, cyperus, ligustrum, cujus foliorum pulverem archenda vocant, balsamum, licium, agiahalid, lignum Mesuag, acacia, tamarix fativus, cassia cathartica, tamarindus, calaf, bon, bahobab, gossipium arboreum, jasminus Arabicus, stratiotes aquatica, psyllium, melanthium, folanum somniferum, conyza, nux metella. Hæ sunt stirpes sub cælo Ægyptio nascentes, quarum plerasque in libro De Plantis Ægypti cum tractaverimus, de aliis, de quibus in eo libro vel non egimus, vel imperfectè quidem egimus, in hoc libro scribemus, ipsarumque historiam contexemus, exordientes ab iis quæ Ægyptiis ad ciborum usum familiares existunt.

CAPUT IX.

De singulis plantis esculentis apud Ægyptios nascentibus, atque primum oleraceæ, herbaceæve considerantur.

Quoniam Ægyptii sub cælo calidissimo viventes cibis frigidis maximè delectantur, hinc est, quod iis gentibus lactuca est esui acceptissima, atque unum præsertim lactucæ genus longum, quæ illi lactucæ est visu simillima, quam Veneti Romanam appellant, gustu verò longè est suavior, & videtur Memphi propria, cum in hac Civitate præsertim feratur, magnoque studio colatur: per urbem eam Asinis venalem ferunt, vilique pretio vendunt, ea copiosius omnes vescuntur cruda, seque magna copia assiduè indigenæ ingurgitant, nec immeritò, cum nostrates suavi gustu longè antecel-
lat. Multæ urbes, oppida, atque rura reperiuntur, in quibus ferè omnes incolæ quindecim diebus, solis lactucis iisque crudis,

valetudinis conservandæ gratia, vescuntur, intermissis aliis fo-
 litis cibis; deinde per venam sectam sibi sanguinem absque
 Medici consilio mitti jubent, quum putent se plethora laborare:
 idque faciunt præcipuè, mulieres virgines, viduæ, aliive mul-
 ti, qui procul à negotiis agunt, vitamque in quiete, o-
 tiovè transigunt. Quem vivendi modum quotannis servantes
 inculpata valetudine se diu vixisse plures nobis affirmarunt.
 Hoc genus lactucæ, quod cæteris lactucis bonitate maximè
 præstet, optimum sanguinem in iis corporibus generare haud
 injuria existimant, sibi que ipsis persuadent; nimirum quia eo-
 rum corpora calidioris sunt temperamenti, ex quo plus
 amaræ bilis, quam sanguinis generari ratio suadet, ab usu
 lactucæ refrigerata, ipsorumque calore immodico à lactucæ
 refrigeratoria facultate diminuto, plus sanguinis, quàm amaræ
 bilis gignunt. Mirum est, quod de lactucæ temperamento
 Galenus aliquando affirmavit, quippe ipsam lactucam libera-
 lius esitatum, vel ejus succum copiosius assumptum, non
 secus hominem interimere, quam faciat cicuta; aut papa-
 ver. Unde lactucis facultatem inesse intensè refrigeratorem,
 idcircoque & deleteriam affirmasse visus est. Quam faculta-
 tem non tamen interimere illos inquit, qui copiosius lactucis
 vescuntur, quoniam cum sit ipsa crassarum partium, diu re-
 tinetur in stomacho antequam ad cor feratur, ejusque calo-
 rem extinguat, in quo tempore à calore alterata excoquitur,
 atque in nutrimentum vertitur. At, pace Principis Medico-
 rum Galeni, dixerim ego, atque istud ipsum auderem etiam
 affirmare, ut in primo quoque libro diximus, nullam lactucæ
 inesse facultatem deleteriam cicutæ similem, neque immode-
 ratè esse refrigeratorem ut cicuta, aut papaver, quod &
 ipsemet Galenus non negasse visus est, cum ipse in 6°. Lib:
 Simplicium dixerit: „Lactuca frigidum est, humidumque olus,
 non tamen extremè (siquidem edendo non foret) verum
 maxime secundum aquæ, ut dicam, fontanæ frigiditatem.
 Quod vero nihil facultatis refrigeratoriæ mortiferæ habeat
 lactuca, eo facilius argumento deprehenditur, quod ipsa li-
 berius esitata, nihil molestiæ ferat: Nos vidimus quosdam

Ægy-

In lib. 3°. Simp. cap. 18.

In 3°. de Temp. cap. 4.

Cap. de Lactuca.

Ægyptios viginti usque & plures etiam lactucas comedisse, & probè eas concoxisse, nullam vel etiam levissimam molestiam sentientes, & nos quoque aliquando ad sitim coerendam plures simul eximia cum gustus voluptate ingurgitavimus, à quibus nullam molestiam sentientes, probè nutriebamur, easque citius in stomacho, quàm fortasse alii cibi, qui celerioris coctionis æstimantur, fuisse concoctas observavimus: Addimus quod si particeps esset illiusce facultatis refrigeratoriæ cicutæ similis, liberalius assumpta, refrigerationem, & stuporem hominibus induceret, ac vel etiam partes exterius adhibita stupefaceret, quod non facere, ne dum Ægyptii, sed vel etiam Itali, lactucis copiosius vesci consueti, facile deprehenderunt. Demum natura ipsam in gustu non leviter abhorreret, quemadmodum stomachus ab omni veneno abhorret. Gustui vero lactuca est jucundissima, esuique gratissima. Quibus comprehendimus lactucam esse temperaturæ moderatè frigidæ, atque substantiæ naturæ humanæ non modo nihil contrariæ, sed quam simillimæ, qua similitudine à calore nostro tota excoquitur, & citò in optimum vertitur nutrimentum. Abundat Ægyptus omnibus cichoraceis, præsertimque Endivia, atque Cichoreo, quæ plantæ usque adeo ex foli illius pinguedine augentur, ut ad lapam in quibusdam locis, maximè post Nili fluminis augmentum, foliis fere cichoreum accedere videatur, unde radices crassissimas, atque tenerissimas habent, quas saccharo condiunt ad usum ægrotantium, & rectè valentium, qui eas radices, ut à caloribus non lædantur, seque ipsos præservent, atque tueantur, frequentant. Ad eundem usum portulacam esitant omnes familiarius. Non minus & malva magni usus est apud eas gentes, ea enim summoperè delectantur, eamque quotannis ferunt, ex ea plurimum lucri facientes, coctam enim, & crudam esitant. Memini me anno 1581. quendam familiarem meum Horrem Bei vocatum, qui suburbia multa, villas, atque vicos habebat, ubi Nilus desinit, & mari conjungitur, Canopi malvæ copiam quingentis aureis vendidisse. Ad usum medicinæ malvæ semina plurimi faciunt, præsertim ad

tussim ex calida distillatione obortam, familiarissimi sunt apud illos seminum cremores ex ejusdem vel aqua, vel decocto parati, ut & ad ardorem urinæ, ejusque difficultatem, & suppressionem. Althææ quoque folia, caules, semina, atque radices familiarius ad medicinæ usum apud eos sunt in usu: germinaque recentia, ad pectoris, atque pulmonum, & vesicæ affectus calidos, ex aqua decocta, non secus atque malvam comedunt. Lignum malvæ, siccatum in umbra, publicè venditur, Cadmieque nuncupatur, estque in frequentissimo usu ad dolorem stomachi, pectoris, ex frigidis humoribus, vel à flatibus excitatum demulcendum: ipsum lignum contundunt, in aquaque maceratum exprimunt, tepidumque ægrotis præbent. Multi hoc solo utuntur cum fæniculi aliquanto, atque saccharo, ad sedandosque hosce, atque alios dolores, hoc expressum, omnia medicamenta antecellere longa experientia apud eas gentes est comprobatum, undè assidue per urbem venale hoc lignum circumfertur, gustui est gratum, nec calefacit, meritoque ab Ægyptiis (utpote quibus sæpe dolor ventriculi accidit, ex multorum fructuum fugacium esu, atque usu) maximè æstimatur hujusmodi planta, & ad prædicto dolores, & quod renum, & vesicæ doloribus à calculis etiam obortis succurrat, atque urinæ suppressæ opem ferat. Nullus hortus & in urbe, atque extra urbem est, qui althææ plures plantas non alat. Semina ejusdem plantæ ad eosdem affectus itidem, & utilissima, & in frequenti usu sunt. Ea contundunt in Mortario cum modico fæniculi ex aquaque lac exprimunt, quod dant tepidum cum modico sacchari. Coriano, sive coriandro horti Ægyptii abundant, in usuque frequentissimo herbam viridem habent, ad fercula potissimum paranda, & ita est apud eas gentes familiaris usus, ut in adagio apud eos dicatur, sine coriano non fit ferculum. Quod maximè mirum nobis visum est, cum hæc herba non parum fæteat, nihilominus ipsa & juscula, & fercula condita gustui suavia apparent. Quibus quidem liquidò constabit, verum fuisse, olim summe etiam fætida, cujusmodi apud antiquos fuit laser, idest assa fætida, fuisse in usu ad cib-

bo-

borum condimenta. Quam herbam moderatè assumptam, quicquam facultatis deleteriæ habere non constat, quod Græcis perperam fuit persuasum, immoderatus autem esitata, inter exstatica venena haud injuria erit adnumeranda, cum homines cum sopore deliros, amentesque reddat. Fructus, sive femina, eosdem usus habent apud Ægyptios, perinde atque apud nos. Bammiis, & melochiis Ægyptii maxime abundant, ex iisque fercula ipforum gustui suavia parant, quibus frequentissimè in prandio, atque cæna vescuntur. Mihi tamen ea fercula ob insignem visciditatem, qua prædita sunt, nunquam accepta fuerunt, etsi sapore suavia sint. His simile Blitum visum est, atque etiam ferculum, quod ex viridi ejus herba ex aqua decocta conficiunt. His addimus Brassicas, inter quas duas solummodo fuisse apud eos populos in frequenti usu observavimus, scilicet raposam, atque floridam, quam & Cypriam, & Syriacam nonnulli vocant, quod in Cypro Insula, & in Syria nata, & grandior, & gustui præstantior sit. Sed in Ægypto tum raposa vocata, tum florida copiosius nascitur. Raposam in frustula parva dissectam, & in jure pingui Castrati decoctam comedunt, at nonnunquam ex aqua itidem percoctam, cum oleo, sale, & aceto. Floridam vero vocatam esse, cognitum est ex multis floribus, quos albos, teneros, gustui subdulces, cum ramulis veluti in unum globum congestos profert, quibus sic conglomeratis, congestisque fit veluti globus rotundus, magnitudine, atque forma nostratis brassicæ capitatae, atque hoc caput ex floribus, ramulisque candidis, tenellis, constitutum, in jure pingui percoctum avidius esitare ii solent. Verum, ut liberè dicam, meo gustui hujusmodi brassica quadantenus insipida, & esui haud admodum accepta visa est. Hoc vero evenire potuisse à multis creditum, quod solum Ægyptiacum præ multa humiditate (etenim terra hæc nisi largissima aqua irrigata plantas non producit) omnes plantas paulo insipidiore ferat. Betam & Palbam, & rubram (betarapam) nostris vocatam) in hortis copiosius ferunt, atque in cibis perindè atque nostriis familiarius utuntur. Atriplicem legitimam Theophrasti iti-

dem copiosius ferunt, qua in ferculis utuntur, non secus & spinachiam vocatam, & erucam: Apium nascitur copiosius, vegetiorque hæc planta ex multa soli humiditate crescit, crudaque ejus radice, & teneris caulibus cum sale, atque pipere ad venerem movendam libentissimè vescuntur, vocantque hanc plantam Carafs, atque hanc esse legitimum Apium antiquorum, Græcis Selinon vocatum, in Libro quinto de Medicina Ægyptiorum, cum hac Historia evulganda, satis probè à nobis demonstratum putamus, scilicet hanc plantam, quippe vulgo Selinon vocatum, esse legitimum Apium antiquorum, atque nostrum vulgare petroselinum nequaquam (etsi perperam plerisque fuerit persuasum) posse esse apium antiquorum. Bagdunez vulgare nostrum petroselinum vocant: cujus plantæ, non caulibus, radicibusque ad ciborum condimenta utuntur, sed tenerrimis foliis. Apii vero, cruda radice, atque caulibus teneris propè radicem, crudis libentius vescuntur. Eodem itidem modo utuntur carduis multis, quibus Ægyptus abundat, speciatim vero Judæi iis & crudis, & coctis libentius vescuntur, quod ipsorum usum sciant ad augendam venerem maxime esse accommodatum. Cinaris quoque in quibusdam locis (vulgus artichiochum appellat) non parum hæc regio abundat, quibus & crudis, & coctis avidissimè vescuntur, præsertimque Christiani, atque Hebræi: nunc audio longè abundantius cinaras sive artichiochos ibi haberi. Asparigique altilis in hortis non desunt, neque menta, neque fæniculum, neque ocymum, quæ planta ibi arborescit, & odore cæteris plantis præfertur, unde Riham, quasi odorem, per excellentiam quandam Incolæ vocarunt: neque melanthium, neque pulegium, etsi rara planta sit, ibi haud omnibus locis humentibus concessa. Hæc ad condienda fercula usum familiarum habent: sinapi quoque coctum aliquando comedunt, ii præsertim qui frigidiori ventriculo laborant, medicinæ potius, quam nutrimenti causa. Inter genera Kali (quibus omnibus Ægyptus maxime abundat, ex quibus igne ultis cineres conficiunt, quos ut superius quoque dictum est

ma-

magna quantitate in varias Provincias mittunt, præsertimque Venetias) unum genus habent esculentum, quo cocto, aliqui perinde ac Crithmo, cum oleo, sale, atque aceto vescuntur. Sesami planta ibi ubique locorum copiosius feritur, atque abundat. Semina usum habent in bellariis, atque ad oleum conficiendum, quod ad usum ciborum cum sit gustui acceptissimum, apud omnes in magno pretio habetur, & majori pretio venditur quam oleum olearum: quo etiam utuntur ad incrustandas carnes assas. Habent & plantam quam piper longum appellant, quæ piperis acrimoniam majorem in foliis habet, usumque aliquando habet in exigua quantitate piperis loco in ciborum condimentis. Est hæc planta junco rotundo quam simillima, unde piper juncorum appellari meritò potuit: ex foliis emanat succus flavus, valdeque acris. Habent & Zatarhendi plantam, cujus folia siccata cum sale, & pane comedunt, non fecus quam Græci in Creta insula origanum. Capparorum, quorum in Alexandria multus est proventus, flores prius quam dehiscant sale condiuntur, ex aquaque decocti cum oleo, & aceto condiuntur; omnium optimi creduntur ad ciborum usum, qui ex Alexandria ad nos convehuntur. Aceto conditi ex Liguria habentur, gustui suavissimi, sed longe Alexandrinis minores sunt, quoniam & frutices caparis, qui in Alexandria Ægypti proveniunt, majores existunt, foliaque habent majora, & minus spinis horrent. Commendatur salitorum usus ad eos qui stomachum pituitosis, crassisque humoribus oppletum habent, proindeque ad debilem stomachum, inappetentiaque laborantem, & ad viscerum obstructions, præsertimque lienis, ad paralysem, ad convulsionem ex iisdem humoribus factam, ad febres omnes longas, & chronicas maximè laudatur. Nascitur in Ægypto papaver, & nigrum, & album: hoc in familiari usu est, quippè ipsius semina alba, suntque hæc puerorum bellaria: est ipsorum lac expressum aqua tepidum exhibitum utile ad somnum vigilibus conciliandum, ad renum inflammationem compescendam, atque ad urinæ ardorem, non minusque ad acrem, fæsamque distillationem ex capite ad pulmones, ad-

tus.

tussimque exinde sævam obortam. Per os quoque semina cum saccharo ad eosdem affectus, atque ad sputum etiam sanguinis, contusa sæpe cochlearis mensura summa cum utilitate devorantur, præcipueque cum ægroti eunt dormitum. Nigrum verò nascitur in Thebaide Ægypti, ex quo capitibus scarificatis exit lachryma, quam ii Affium, & nostri Opium nuncupant, atque ex iisdem papaveris capitibus contusis, & prelo expressis, succum colligunt, Meconicum Græcis dictum, quod pro opio ad nos mittunt; at opium in iis locis magna quantitate consumitur apud Ægyptios, Turcas, atque Arabes, quorum multi ipsum fere quotidie ad semidrachmam, & usque ad drachmam, & geminam etiam ejus esui assueti devorant, ut hilares, atque animosiores, præsertim in bello efficiantur: sed plura de opii esu, atque usu, atque de singulis operibus, quæ in assuetis ipsum assumere fiunt, nos superius in secundo libro, & in libris nostris de Medicina Ægyptiorum satis accuratè scripsimus; frequentant in usu ad cibum germen palmæ, Cephalonem vocant, crudumque, & coctum libenter esitant. Ubique locorum in agris feruntur arundines sacchariferae, quæ esui quod sint jucundissimæ, ab omnibus crudæ eduntur, ex iisdemque torcularibus succum exprimentes, atque postea ad ignem coquentes, optimum saccharum conficiunt, quo tota ea regio maximè affluit, præsertimque Insula, Delta vocata, ejus quidem est sæcundissima: atque hujusmodi est, quod nos aliquando offendimus spontè circum quasdam arundines concretum salis modo, quod Dioscorides mellis genere comprehendit, qui de ipso ita scripsit. „ Est & aliud concreti mellis genus quod saccharum nominatur: in India vero, & sælici Arabia in Arundinibus invenitur. „ Avicenna salem Indicum vocavit, & Arrianus in Navigatione Maris Rubri, itidem saccharum. Antiquos fortasse latuit saccharum fieri contusis arundinibus, atque expressis, succo eo dulci extracto, igneque excocto. Atque hæc de stirpibus oleraceis totis esculentis in Ægypto nascentibus, nunc de iis plantis sermonem habituri sumus, quæ habent radices esui accommodatas.

In 2.

Lib. de

Mat.

Med.

Cap. 92.

CAPUT X.

De Loti radicibus, quibus Ægyptii quotannis familiariter vescuntur.

Cum inter radices esculentas, Ægyptiis familiares, ex iis quas Nilus flumen producit, duæ sint admodum illis gratae, nempe Lotus, atque colocassia: de Loti radicibus primum scribemus: etenim ea gens iis Loti Nilotici radicibus & crudis, & coctis admodum familiariter delectatur, præsertimque Hebræi, quam plantam Araïs el Nil appellant. Hanc, cum Librum de Ægypti plantis scriberemus, nobis fuisse planè ignotam fatemur, & cum Loto, quam eatenus minimè agnoveramus, Nympheam (Nuphar Arabibus vocatam) confundimus, Lotum scilicet, Nymphaeæ esse speciem suspicati, tum ob alia multa, tum quod præsertim habere & ipsam eas mirabiles ad solem conversiones observaverimus, quippè cujus, occidente Sole, in aqua flos comprimatur, occludatur, atque eo oriente ex aqua emergat, quod de tota planta, præcipuè vero de ejus flore, & capite observatur. At, evulgato Libro de plantis Ægypti, postea à Dominico à Rege, Nationis Venetæ in Civitate Cairi, & Chirurgo, & Pharmacopæo, complures loti radices ex Ægypto missas accepimus, quæ nucem juglandem magnam magnitudine æquant, in longumque rotundæ sunt, cum multis radicibus parvis tenuibus longis, ceu fibris, à radice nascentibus: radix intus est lutei coloris, extra nigrescentis. Qua radice recenti, & cruda, & cocta, æstatis tempore, quo, accedentibus aquis Nili riguis, provenit, perque tres menses, in quibus in Urbem rustici deferunt, libenter vescuntur: addiditque se audivisse ab eo viro ex quo eas radices coemerat, eam plantam Nymphaeæ minori esse similem, hoc excepto, quod flores cærulei coloris essent.

In Lib. 4
Mat.
Med.
Cap. 115.

Quæ si vera sunt, hæc lotus Niloticus erit Athenæi, & non Dioscoridis, qui scripsit, florem lotum ferre lilio similem, ex totoque candidum, cujusmodi nymphææ majoris est. Quod vero hæc planta Nymphææ quoque genere comprehendi debeat, non est quod dubitare debeamus, quoniam lotus cum Nymphæa ferè omnino conveniat, quippè & foliis, & caulibus, & floribus, atque fructibus: quinimo non injuria olim nos dubitaveramus, Nymphæam majorem fuisse lotum Dioscoridis, cum ipsum ita descripserit. „ Est & in Ægypto lotus, quæ „ aquis provenit plana irrigantibus, caule fabæ, flore parvo „ candido lilio simili, quem tradunt occidente sole compri- „ mi, occludique; ad ortum autem aperiri: adduntque caput „ vespera aquis condi, & ad exortum solis emergere. Caput „ quale papaveris maximum, & intus grana, ceu milii, quæ „ Ægyptii siccant, & in panes cogunt. Radicem Lotus „ hæc habet mali cotonei similitudine, quæ cocta, crudaque „ manditur: decoctaque lutei ovi speciem exhibet. „ Qua descriptione confirmatur opinio, quod lotus sit Nymphææ species, cum ille caules, flores, & capita similia capitibus papaveris, intus semina, ut milii, continentia habeat. Quid amplius: an non cognitum est loton cum Nymphææ radice convenire? Nos enim prope Venetias in Margheræ lacunis invenimus præter Nymphæam longa radice, etiam albam itidem Nymphæam radice rotunda mali cotonei similitudine. Radix vero longa luteæ Nymphææ magis propria esse nobis visa est, cum lutea Nymphæa omnis, ut hætenus cognitum est, longam radicem habeat. At albæ nymphææ, cæteris grandioris plantæ, quædam longam, & quædam rotundam loti corsiam habet: cujusmodi est, quam nos olim, ut diximus in Margheræ lacubus offendimus, cujus figuram * hic expressam damus. Ambibetar Arabs medicus, qui diligentissimè scripsit de plantis provenientiibus in Ægypto librum, tantopere ab herbarum studiosis hætenus desideratum, quemque vidimus apud quendam Medicum Hebræum ex Arabico idiomate in Hispanicam linguam versum, ut ingenuè dicam, non rectè, neque fideliter, ut desiderassem, quem si fideliter etiam

* *Vide*
Tab. II.
num. 5.

in

in Hispanicam Linguam versum intellexissem, omni pretio ab eo Medico Hebræo ipsum emissem. Hic auctor in eo Libro, posteaquam hanc plantam, quippè Lotum, ex Dioscoride descripsit, ipsum itidem hunc in modum expressit, dicens.

„ Dico ego Bisnim copiosè in Ægypto provenire, atque re-
 „ ètè ibi cognitum esse, præsertim ubi aqua Nili augetur,
 „ atque terram contegit, quæ planta Nymphææ æquè simi-
 „ lis videtur, & duas species Ægyptii cognoscunt, unam
 „ quam el Hanziri vocant, atque alteram el Arabi vocatam,
 „ quæ melior est. Ex hujus floribus, non secus quam ex lili,
 „ & Nymphææ itidem floribus, oleum apud eos confici solet
 „ maximè ab illis in phreniticis per nares attractum lauda-
 „ tum: & ejus radix dicitur Biaron, & radix el arabi est
 „ præstantior quam sit el Hanziri, quæ est minus odorata,
 „ & odor videtur cypero similis. Cum ex jure carnis de-
 „ coquitur, colore efficitur similis ovi luteo cum modico al-
 „ bumine, & sapore inclinat ad Chama si degustetur, &
 „ est inclinans aliquantulum ad calidum, & auget venerem, &
 „ stomachum calefacit, & confert dysenteria. „ Hæc de
 Loto Ambibetar, quæ etsi videantur convenire cum iis, quæ
 & Dioscorides, atque alii de loto scripserunt, nihilominus ea
 descriptio loti admodum imperfecta deprehenditur, cum
 neque folia, neque flores, neque fructus, neque radices,
 neque etiam admirandam eam ad solem circumversionem,
 quam de loto omnes meminere, expresserit; hæc fortasse sin-
 gularia de industria tacuit, cum dixerit esse Nymphææ simi-
 lem, scilicet foliis, caulibus, floribus, capitibus, radicibus,
 & singulari ea ad solem conversione. Quod hunc virum
 non latuerit, nymphæam reperiri habentem radicem rotun-
 dam mali cotonei similitudine, quam nos quoque in Mar-
 gheræ lacunis invenimus, cujus quidem & ad solem miram
 eam conversionem sedulò olim in Nymphæis Margheræ la-
 cum observavimus, eamque recognovimus, ut nos quoque
 in Libro de Plantis Ægypti testatum fecimus. Addimus,
 vires, atque usus ad medicinam ipsius loti ex Ambibetar
 descripti esse ferè eosdem cum Nymphææ usibus, quippè

X 2

cum

cum dixerit, conferre oleum ex floribus ad phreneticos pernares attractum, & radicem conferre ad dysenteriam tollendam. Itaque quoad in Nilo flumine planta reperietur, quæ sit Nymphææ similis, & omnes notas loti habeat, credemus lotum Dioscoridis, esse Nymphæam albam radice loti corsia præditam. Accedit etiam, ut magis hæc nostra sententia confirmetur, Dioscoridem de Nymphæa dixisse duo, quæ faciunt ad credendum Nymphæam albam rotundæ radice esse loti speciem: unum est quod dixit, Nymphæam ferre florem lilio similem candidum in medio crocos habentem; atque alterum, producere in capitibus femina nigra: quæ si vera sunt, cum flores nymphææ sint ex toto candidi, nullum croci colorem in medio habentes, & femina etiam sint flavescentis coloris, non nigra, videtur non parum dubitandum, hanc esse Nymphæam Dioscoridis, sed ejus potius lotum, quem expressit habere florem candidum, & capita continere femina non nigra, ut de Nymphæa dixerat, sed ut milii femina. Quibus profecto omnibus, satis constare arbitror, Nymphæam, habentem flores candidos, & femina non nigra, radicemque loti corsiam, & cujus flores occidente sole clauduntur, & capita intra aquam conduntur, atque ad exortum solis flores aperiuntur, & capita extra aquam emergunt, pro loto nos aliàs recognoscere non injuria potuisse. Quod vero lotus, cujus radix Arais el Nil Ægyptiis dicitur, sit & ipsa Nymphææ species, ex caulibus, florum figura, & magnitudine, & capitibus, non erit dubitandum. Esse verò lotum Athenæi facile conjicitur ex floribus cæruleis, vel ex ipsomet etiam Athenæo, qui in Libro decimo quinto Deipnosophistarum scribit, coronas olim ex loto contexere Ægyptios consuevisse, alias ex floribus rosei coloris, quas Antinoias itidem refert Athenæus fuisse nominatas, alias ex floribus cyanei coloris, quas itidem Lotinas coronas appellarunt. Retulit etiam à quodam viro Ægyptio, Adriano Imperatori Alexandriae agenti, florem loti roseum, velut ingens ostentum ac miraculum, spectandum fuisse latum: esse vero lotum vel Theophrasti, vel Plinii non est credendum ex flore.

flore non albo, ac vel etiam quod radix non habeat magnitudinem mali cotonei, cum, ut à nobis dictum est, nucem juglandem magnam magnitudine ipsa æquet, non autem malum cotoneum. Verum enim vero quòd loti cognitio non sit nobis ex veterum monumentis, præsertimque ex uno Theophrasto, Dioscoride, & Plinio planè certa, causam referendam esse crediderim, quod Theophrastus, & alii ea omnia ex aliorum relatione de loto scripserint, minimeque ex illiusce plantæ vera notitia. Ægyptii igitur per tres menses comedunt radices coctas, quæ intus verè quidem luteum ovi, colore, ac fere sapore, æmulantur, non minusque etiam & crudas, omniumque maximè Hebræi, in quorum foro, Nilo flumine augefcente, quippe mensibus Julio, Augusto, atque Septembri, Arais el Nil venalis reperitur. Unde Plinius cum errore inquit: Loti herbam apparere recedentibus aquis Nili riguis: cum aquæ incipiant recedere mense solummodo Octobri. Retulit mihi olim Jacobus Manus Medicus in Ægypto, qui plures annos medicinam fecerat, ex iis feminibus, quæ loti capita intus habent, Ægyptios ex aqua, vel lacte ipsorum farina subacta, panes conficere solitos esse. Quod tamen an verum sit, non leviter dubitarem, quod omnes Ægypti incolæ, vel divites, vel pauperes, vel urbani, vel rustici, nullo alio panis genere vescantur, quam triticeo, non enim aliud genus panis eam gentem edere consuevisse, nos satis superque cognovimus, nisi in tempore penuriæ: quo tempore solummodo, quippe caritatis, penuriæve, Ægyptios iis panibus ad cibum usos fuisse eruditè Diodorus Siculus posteritati tradidit. Postquam hæc de loto scriptimus, litteras accepimus ex Cairo Ægypti cum Arais el Nil, idest, loto flore albo liliaceo, de quo loto Discursum reservavimus in Libro secundo de Plantis Exoticis faciendum, quo in loco loti Dioscoridis, Theophrasti, atque Plinii veram & indubitata imaginem affabrè delineatam dare pollicemur.

CAPUT XI.

De radicibus, quas Ægyptii Culcas appellant, atque nostri Colocasias, quibus coctis familiarius vescuntur.

Scripsi aliàs in Libro de Plantis Ægypti eam gentem inter radices quibus in cibo frequenter coctis ex jure, aut alio modo utuntur, primum in honore habere illas quas Culcas appellant, quæ sunt majori ex parte radices longæ, crassæ, cannarum radices æmulantes, aut melius, cum magnitudine, tum figura chinæ radicibus vulgo vocatis similes, intus albicantes, exterius nigricantes, sapore acri, cum quadam adstrictione, quibus nituntur folia multa suis pediculis crassis longis adnexa, nymphææ foliis similia, sed longe ampliora. Ex iis radicibus etiam multæ orbiculari figura, & crassitie ibi & copiosius proveniunt. Unde fit, ut Culcas Ægyptiorum duplicis differentiæ, scilicet longæ radice, & rotundæ existant. Rursus rotundæ quædam radix est depressa, quædam ex toto orbicularis, quæ tamen radices figura variæ, eadem sunt substantia, colore, atque gustu. Diximus vero in Libro de Plantis, de hac radice scribentes, ejus plantam esse sterilem, ita ut neque caulem illum ferat, neque florem, ac neque fructum, aut semen: quod nunc etiam affirmamus, eorum omnium qui hætenus Ægypti loca perlustrarunt, qui multi fuerunt, uniformi testimonio. Nemo ex innumeris, qui ab eo tempore quo ex ea regione discessimus hætenus inibi fuerunt, inventus est, qui vel viderit unam ex Colocasiis, vel audierit, cum flore, vel fructu visam fuisse. Non me latet tamen (etsi ea planta in Ægyptio solo omnium consensu nativo, & patrio nunquam visa sit cum caule, flore, atque fructu) alibi in alio solo peregrino aliquando colocasiam floruisse, à multis esse affirmatum, atque

que etiam à viris & ingenius, & doctissimis, inter quos fuerunt Ferrantes Imperatus, non minus eruditione, & doctrina, quam probitate, & ingenuitate clarus, atque Fabius Columna, vir & ipse omni laude dignus. Ambo per litteras ad me missas affirmarunt, Neapoli vulgarem colocasiam sæpè floruisse, tresque flores ari floribus simillimos juxta quolibet folium productos fuisse, à quibus postea pistillus cum fructibus etiam profilierat, sed qui nunquam maturitate perficeretur: quin imò Imperatus unum florem ex colocasiæ planta decerptum ea liberalitate, qua & alia, proximis mensibus ad me misit, quem apud me servo. Quo sane Fabius Columna, vir, omni disciplinarum studio clarus, in eam venit sententiam, quod vulgaris hæc colocasia sit legitimum Aron Ægyptium Plinii, præsertimque quia hæc planta habet radicem orbiculatam bulbosam, florem ari producit, & pistillum, & ejus radix editur & cruda, & cocta. Quæ notæ videntur satis convenire Aro Ægyptio, à Plinio descripto, qui inquit: " Est inter genera, quod in Ægypto Aron vocant, *In lib. 19.*
 „ scillæ proximum amplitudine, folio lapathi, caule recto *Cap. 5.*
 „ duorum cubitorum, baculi crassitudine, radice mollioris
 „ naturæ, quæ edatur & cruda. „ Profecto magnitudine, & figura, quadantenus orbiculari scillæ, rotunda radix colocasiæ similis visa est, non minus & folia lapatho rotundi folio, per quam plantam fortasse Rhaponticum intellexisse potuit, quam ex Rhodope Thraciæ monte ab hinc quatuor annis nos accepimus, quamque itidem Dissertatione, in Scholis Gymnasii Patavini habita ad Medicinæ studiosos, demonstravimus, lapathum esse, & ex foliis ad orbicularem figuram accedentibus lapathum rotundifolium etiam appellavimus. Hujusmodi planta foliorum amplitudine, & figura similis colocasiæ omnibus visa est. Forsan Plinio haud fuit ignota planta, Rhei nomine, lapathi rotundi folio. Redeo unde discefferam, & colligo vulgarem colocasiam, & quod radix ejus orbiculata sit, scillæque quadantenus similis, mollioris substantiæ, unde etiam cruda edatur, folia vero ampla ad lapathi rotundi folii folia figura accedentia, nec non quod caulem ha-

habeat rectum baculi crassitudine, visam fuisse multis Aron Ægyptiacum, cujus opinionis primus fuit Andreas Mattheolus, vir sua ætate in simplicium Medicamentorum cognitione nulli fortasse secundus, qui verè quidem (dummodo fabæ Ægyptiæ Planta delineata fictitia non sit) colocasiam eam, quæ habet radicem rotundam, esse Aron affirmasse videbitur, ex similitudine quam cum Aro, & foliis, & radice habere videtur; Colocasiam vero Ægyptiorum, non esse Arum Ægyptiacum, vel eo argumento demonstratur, quod majori ex parte, bonitateque est apud Ægyptiam gentem præcipuè æstimata, radix est macroriza, id est radice longæ, crassis arundinum radicibus similis. Non nego tamen etiam rotundæ figuræ radice vesci illos copiosius quoque ibi, in nullis præterquam in radice figura à macroriza differente. Si itaque ex Mattheolo rotundæ radice colocasia erit Aron, in quem sensum fortasse & Plinium eam pro Aro Ægyptio, ex ea similitudine quam cum Aro habuisse visa est, recepisse aliquis suspicari possit; quid erit Colocasia longæ radice? an non erit faba Ægyptia antiquorum? & si faba Ægyptia sit, numquid erit Aron macrorizum, id est longæ radice? Nequaquam: cum Colocasiæ cum Aro similitudo in radice rotunda præcipuè consistat. Quid de fabæ Ægyptiæ figura à Mattheola tradita? Absque dubio suspicor deceptum fuisse à suo Augerio de Busbeke, qui illam imaginem Constantinopoli allatam dederat. Ego certe semper suspicatus sum eam fabæ Ægyptiæ figuram esse fictitiam: cum ego, inquam, qui in Ægypto quatuor integros annos Medicinæ causa moram traxi, numquam eam Mattheoli plantam in Nilo flumine offendere potuerim, tametsi summo studio in multis Ægypti locis eam perquisiverim, ab oppido Rosetta vocato ad Cairum usque, per Nilum flumen, & à Cairo in Damiatam, ad quam civitatem æstatis tempore per Nilum navigavi, quo tempore per totam Deltam insulam, omnium Ægypti Provinciarum fecundissimam, in qua agros colocasiis referatissimos conspeximus, & omnia alia plantarum genera ibi observavimus, non tamen eam fabæ Ægyptiæ plantam

unquam videre potuimus, nec minus aliquos qui eam plantam alicubi in Ægypto offenderint. Non paucos quoque lacus vidimus, percurrimusque, in quibus eam plantam amplitudine foliorum insignem frustra perquisivimus. Quid amplius? An non, si in Ægypto ea planta fabarum fecundissima copiosius, ut antiqui tradidisse visi sunt, vigeret, etiam fabarum illarum esculentarum copia, indigenæ quibus vescerentur, abundarent? veluti leguminosas fabas toto anno virides familiarius esitant. An non in Civitate Cairi, aut alibi in aliquo oppido, vel vico venales fabæ Ægyptiæ reperirentur, si inibi producerentur? Sed si hæ ab Ægyptiis perquirantur, nos derident, dicentes nusquam in Ægypto plantam se cognoscere, quæ hujusmodi fabas ferat. Plantam, quam pro Aro Ægyptio pictam dedit Mattheolus, non esse Colocasiam rotundæ radicis, etsi radix rotunda videatur, nos, qui plurimum Colocasias pertractavimus, facile cognovimus: namque Colocasia rotundæ radicis, habet radicem orbiculatam rapæ similem. Illius vero Colocasiæ figuræ radix rotunda, nota est longæ radicis in nostra regione, quæ cum non habuerit terram sibi convenientem, sed ab ea, in qua rectè viveret, diversam, magna ex parte consumpta, in parvam eam rotundam radicem desinere solet. Cum Venetiis olim Medicinæ causa viveremus multos annos, ad nos lignea capsula ex Ægypto, eadem terra Ægypti plena, cum multis Colocasiis macrorizis, idest longæ radicis insitis, hyeme perlata est, in qua Vere ineunte vidimus, Colocasiis in ea capsula germinare incipientibus, ipsarum radices omnes longas, geniculatas, arundinum cannis simillimas esse: quibus per æstatem magna ex parte consumptis, singula longa radix tandem in parvam radicem rotundam mutata est. Quare haud injuria credidimus eam fabam Ægyptiam, ferentem caulem, florem, atque fabas illas esculentas, quando neque planta, neque fabæ eæ in Ægypto ab aliquo cognoscantur, esse fabulosam, & cum radix illiusce plantæ, colocasia antiquitus ab iis gentibus fuerit nominata, idque proprii habuisse etiam constet, quod apud eas gentes, & cruda, & cocta, familiaris,

Y

fre-

frequentiusque ederetur, haud injuria eos laudamus viros, qui radicem eam in Ægypto sponte nascentem, maximeque ibi in aquis lacunosis luxuriantem, colocasiae nomen usque nunc servantem, habentemque usum familiarissimum in cibo & crudam, & coctam, antiquorum fabam Ægyptiam esse voluerunt. Nihilominus, cum omnium stupore nobis Ægyptia Colocasia in hortis floruit anno MDCXII. de qua legito quæ nos scripsimus in Libris de Plantis Peregrinis: neque est quod Theophrastus, atque ab eo Dioscorides, atque ab iis alii cum errore scripserint, hanc plantam ferre caulem, flores, & fructus, quos à similitudine, ut aliquibus visum est, fabas appellarunt, easque usum habuisse quondam apud eas gentes familiarem in cibo, quippè quæ & crudæ, & coctæ familiarius ab iis esitarentur. Qui vero fieri potest, ut credamus plantam sponte olim in Lacubus Ægypti ita copiosè nascentem, nunc prorsus interiisse? & si non interiit, cur non cognoscitur, atque ipsius non minus fabæ edules, tantopere ad cibum, cum ejus radicibus ab omnibus frequentatæ? Si quis vero objiciat nobis, plantam quam Mattheolus ait se ab Odoardo Polono Tridenti ex Ægypto allatam vidisse, cujus imaginem ab Augerio de Busbeke acceptam in suis commentariis inseruit, esse pro antiquorum faba Ægyptia recipiendam, unico argumento hanc falso dici facile demonstrabimus, scilicet quod si hæc admitteretur, non duas radices olim apud Ægyptios in Nilo nascentes ad ciborum usum fuisse usitatas, atque ab iis populis cognitæ, veluti omnes veteres Scriptores tradidisse visi fuerunt, sed longè plures, dicendum esset, quippè primo fabam eam Ægyptiam à Mattheolo creditam; deinde Lotum Ægyptiam, atque Colocasiam longam, & rotundam. Quod vero duæ tantùm fuerint cognitæ radices ad usum ciborum in Nilo nascentes, plerique veterum scriptorum nobis innuisse visi sunt. Herodotus, antiquissimus scriptor, duas plantas in Nilo nascentes memorat, quarum alteram orbicularem radicem habere tradidit, quæ erit, non Lotus, ut perperam Petrus Bellonius credidit, ignarus in Ægypto Colocasias majori ex parte habere radices longas, cras-

crassas, arundinum radicibus similes, etsi Colocasias nomine etiam radices rotundas habentes inibi nascantur: alteram vero quidpiam olivarum nucleis simile in capite habere, quæ idcirco esse à multis credita est faba Ægyptia vocata. Post Herodotum, Diodorus Siculus in Libro primo de Fabulosis antiquorum gestis, ita de iis Plantis inquit. „ Lotum præterea fert plurimam, ex qua panem conficiunt ad victus indigentiam, ciborum insuper abundantius fert, quod appellant Ægyptiam fabam. Quid de Theophrasto, atque de Dioscoride dicemus? an non de duabus solummodo plantis in Nilo nascentibus egerunt? scilicet de faba Ægyptia, cujus radicem dixit Dioscorides vocari Colocasiam, atque de Loto itidem Ægyptia? Quid itaque dicemus? Si faba Ægyptia diversa erit à Colocasia, non duæ plantæ erunt in Nilo nascentes, scilicet, Lotus, & Faba Ægyptia, sed etiam præter has Colocasia; quod si Colocasia rotundæ radicis esset, uti aliis visum est, Aron Ægyptium, plantæ in Nilo nascentes essent quatuor, cum tamen antiqui uniformiter duas solummodo eas fuisse mortalium memoriæ prodiderint: scilicet fabam Ægyptiam, per quam plantam nullam aliam intelligere potuerunt, quàm Colocasiam ipsam, atque Lotum Ægyptiam. At quid dicemus de Aro Ægyptio? An in Ægypto nascitur? Neminem ex veteribus legi, qui Ari Ægyptii meminerit, uno Plinio excepto, qui Ægyptium Aron nominat, atque describit, dicens habere folia ampla lapatho proxima, caulemque rectum bicubitalem, baculi crassitudine, & radicem scillæ similem, naturæ mollioris, quæ & cruda edatur: Si Colocasia rotundæ radicis caulem in Ægypto produxisset, Plinius eam non immeritò Aron appellare potuisset: sed cum in Ægypto neque florem, neque caulem ferat, idcirco Colocasia Aron esse non poterit: & non modo non in Ægypto, sed neque in Cipro, neque in Creta Insula, quibus in locis fluvii spontè ferunt innumeras Colocasias strongylorizas, idest radice rotunda præditas, in quibus nunquam flores fuere producti. Quod si eæ aliquando floruisent, flores fuissent ab aliquibus observati, præsertimque ab Honorio Bello Vicenti-

no Medico illustri, in herbarum cognitione maximè exercitato, qui plures annos in ea Cretæ Insula Medicinæ causa vixit, præsertimque cum mordicus contra nos tenuisset, Colocasiam esse Aron Ægyptiorum. Cujus quidem opinionis defendendæ causa, Johannes Vincentius Pinellus, vir & genere, & disciplinarum omnium studio maximè illustris, ad Honorii Belli opinionem confirmandam, planè, ut illi omnino faveret, mihi sæpe pollicebatur integram Colocasiam cum flore Neapoli procuraturum, mihiq; eam ostensurum, ut veritatem in ea planta cognoscerem: tandemque, nullis sumptibus parcens, eam cum Neapoli convectam recepisset, ocius me, atque Jacobum Antonium Cortusum, nobilem Patavinum, Horti Medici Patavini præfectum, accersivit, ut eam cum flore ambo recognosceremus, sed contra spem evenit, siquidem cum ego fortè eam diligenter inspexissem, ejus florem esse Arisari plantæ cognovi, quod & Cortusus illico fassus est. At cum Pinellus constanter negaret, ecce, à me bona fortuna, revolutis Colocasiæ siccatae foliis, apparuit Arisari folium etiam cum flore in principio conjunctum, negligenter ab iis qui eam plantam Pinello miserant, inter folia latens, relictum. Quo viso omnes obstupuerunt, & fassi quoque fuerunt florem esse fictitium, omnisque Disputatio de Colocasia continuò cessavit, facileque & hinc creditum est, Lucam Ghinum in Bononiensi Gymnasio medicamentorum Simplicium Professore celeberrimum, ut ostentaret & ipse Colocasiam esse Arum Ægyptium, in terra in qua planta Colocasiæ fuerat plantata, simul etiam ab ipso inserta Ari radice, quæ postea in medio foliorum Colocasiæ floruit, & pistillum quoque è terra exclusit, plures decepisse, qui idcirco putarunt, Colocasiam esse Arum Ægyptium. Hanc historiam dedit Aloysius Anguillarius in suis Simplicium Medicamentorum Discursibus. Sed quid tandem ad Ferrantem Imperatum, atque ad Fabium Columnam, viros ingenuos, qui ad me scripserunt, ibi Colocasias sæpe cum floribus similibus Ari floribus conspexisse, dicemus? si verum sit quod ibi ea planta floreat, non tamen fatebimur esse Aron, cum in multis





multis Colocasia ab Aro differat, præsertimque foliorum amplitudine, & foliis non maculosis, omniumque maxime radice, atque ejus facultate, quæ Colocasiæ est infarciens meatus, & Ari meatuum deterforia. Abimbetar Ægyptius, in capite de Colocasia, apertè & ipse tradidit, Colocasiam caulem non ferre, neque florem, neque fructum. Quod si ibi etiam antiquitus Colocasia aliquando flores Ari produxisset, veteres scriptores eam tanquam diversam plantam à faba Ægyptia, quæ est Colocasia Macroriza, describere non omisissent: non enim duas solummodo plantas Nili familiares esse dixissent, sed Arum quoque recensuissent inter Niloticas plantas. Neque credi potest à quoquam, Herodotum per plantam, quæ habet radicem orbicularem, Arum intellexisse, at potius Lotum, cujus radix, ut Theophrastus auctor est, rotunda est, malo cotoneo similis. Andreas Cæsalpinus scripsit in Libris de Plantis, quandam plantam Colocasiæ similem, quamque & Siculi Colocasiam appellant, nasci in Sicilia, habentem folia fermè amplitudine Personatæ, non sine maculis quibusdam effigie undarum lætè virentium, radicemque ferre rotundam, sed tamen hanc & ipsam plantam, neque florem, neque caulem ferre tradidit. Hanc Arum magnum esse tradidit. Fortasse nos, qui alias Colocasias ex Ægypto expectamus, cogemur hanc eandem difficultatem longè accuratius in Libro secundo de Plantis Exoticis tractare, quo loco ultimam manum pro hac veritate cognoscenda ponere † operam dabimus.

† Vide Colocasiam rotundam Abimbetaris & Colocasiam longam Tab. III. num. 1. & 2. atque aliam speciem Tab. IV.

CAPUT XII.

De reliquis radicibus esculentis in Ægypto nascentibus.

Ægyptii abundant & aliis radicibus esculentis, quibus crudis, & coctis vescuntur, interque eas est vulgaris Patinaca, & sylvestris ea, quam nostri vocant Carotam, tum nigræ radicis, tum albæ flavescentis, quibus crudis familiarius quam coctis vescuntur. Has frequentant mulieres, quæ non liberalius purgantur, & ad movendam urinam, atque ad venærem excitandam haud ipsarum usus est spernendus. Vescuntur & raphano crudo prima mensa, non secus quam faciunt Itali, at non in ultima mensa, quod fætidas eructationes moveat. Betam raposam, & cauli rapam coctam ex jure, aut cum cæpa, petroselino, atque sale libentius edunt, non minus quam rapum, napumque. Habent & cæpas albas, ac rubras ascalonias, porra, allia. Hæc sunt (scilicet allia) ita apud omnes in usu familiari, & frequenti, ut absque allio nullum ferculum paretur: eo optimo incolæ non abundant in proprio solo, quod propter calorem insignem nucleos vel non producat, vel valde exiles. Itaque & ob hanc causam, quod optimum Ægyptus non producat, & quod eo omnes cum Ægyptii, tum Arabes, atque Indi ad cibos frequentissime, atque ad medicinæ usum non minus, utantur, optimum magna quantitate ex Italia navibus convehitur in Ægyptum, ibique magno pretio venditur, atque aliquando tanto pretio æstimatum vidimus, ut pro allio æquo pondere tantundem optimi piperis rotundi mercatores habuerint. Apud eas gentes allium complures medicos usus obtinuit: namque utuntur ejus succo calido in aurem instillato ad surditatem antiquam,

quam, ad tinnitusque in iis obortos. Allio recenti contrito, vulnera recentia, effatu digna fanant : dolores ventris, ubi non sit febris, eo esitato discutiant : ad vermes felicius ipsum esitant : ad acores capitis in pueris usto cum melle illiniendo utuntur : ad tussim antiquam coctum utilissime devorant. Ad venena, atque ad venenatos morsus ferarum venenosarum, copiosè crudum esitant, succumque ejus per os assumunt, vel vinum in quo fuerit decoctum, merum, generosumve liberalius bibunt. Hirundines alicui parti interiorius adhærentes, alio vorato expellunt : ad urinam movendam ipsum esitant, non minus quam ad ventrem emolliendum, laxandumque. Infessio decoctionis alii ficci cum ejus caulibus ad movendos menses mulieribus est utilissima, præsertimque in puerperis ad secundas expellendas, idemque præstare observant mulieres, si istius decoctionis vaporem in uterum exceperint, ad quem usum suffitum ex allio cum suo caule super carbones usto utilissimè frequentare solent. Nascuntur non longe à flumine radiculæ parvæ in terra, cyperis rotundis haud dissimiles, exterius flavi coloris, intus albæ, quæ dulcissimæ sunt, unde multi iis crudis vescuntur : ex ipsis lac expressum dant tussientibus, atque ardore urinæ vexatis. Hanc Arabes Zeilin vocant, Serapioque ipsius meminit. Theophrastus vocat Melinatalam, & Plinius Antalium, & nostri Cyperum esculentum.

CAPUT XIII.

*De Plantis Cerealibus, atque de leguminibus
quibus Ægyptii abundant.*

Cerealibus omnibus feminibus Ægyptii, quibus & Itali, abundant, quippe tritico, fecale, hordeo, zea, avena, milio Æthiopico, quod Dorà appellant, vicia, trifolio. Triticum abundè ea regio producit: feritur initio mensis Novembris posteaquam aqua Nili ex toto à terra absorpta est. Complures sunt, qui terræ siccationem ad ferendum non expectant, mense Octobri triticum in aquam projicientes, quod in aqua nascitur, crescitque sensim, ac sensim, veluti aqua adhuc tellure inundante sensim ac sensim ex toto absumpta, terraque siccata radicibus firmatur. Ita crescit in pinguiissimo solo ex Cæli calore, ut ad Nativitatem Domini omnes segetes spicas proferant, quæ toto mense Februario perfectam maturitatem nanciscuntur. Provincia Memphitica, Mafrim dicta, abundè triticum producit. Sed Saitica provincia, atque Thebaica ita tritico abundant, ut ingentem quantitatem magnas naves onerantes, Cairum quotannis convehant: quo horrea (vulgo sonè vocata) ob annonæ alicujus futuræ caritatis timorem, ad servandamve annonæ ubertatem, singulo septennio replent. Qua providentia ibi plerumque vili pretio triticum venditur, atque ita ejus copia incolæ juvantur, ut omnes cum urbani, tum rustici, tum divites, tum pauperes triticeo pane vescantur, atque nutriantur. Triticæ paleæ ad equorum pabulum utilissimæ sunt, namque ibi paleas siccatas quodam molendinario instrumento conterunt, eas triticeis furfuribus parvitate proximas reddentes, quas ita paratas hordeo mixtas suis equis in pabulo continuo

tinuo exhibent, quo probe ii nutriuntur, & robustissimi evadunt. Hordeum ibi ad equos alendos abundantissimè ferunt, ac colligunt: Secale non multum delectantur: Oryzam abunde in toto Ægypti solo aquis irriguo ferunt, & magno studio colunt, quod cibus sit Ægyptiis longè aliis cibis frequentior, & familiarior. Decoquunt in jure pingui vervecis donec veluti crusta pultis reddatur, & postea copiosum butyrum addentes, ebulliendo ipsum adhuc perfectius concoquunt: hocque epulum Pilà nominant. Serunt zeam, viciam, atque medicam pro equorum, mulorumque pabulo. Milium habet Ægyptus etiam, sed non multum, quod pullorum gallinaeorum causa ferunt. Habent, & copiosius quoddam genus milii, quod Æthiopicum appellant, & proprio nomine Dorà.* Planta fert caulem arundinaceum, geniculatum, Vene-
to milio (forgo vulgo vocato) longe brevius, foliis itidem
brevioribus, minusque latis: paniculam fert magnitudine, at-
que figura forgo proximam, non tamen sursum, ut in forgo, rectè, actam, sed deorsum flexam, seminibus parvis, rotundis, forgi granis similibus innumeris congestam, colore extra, intusque candido; ex ipsorum farina panis conficitur albus & esui acceptissimus, & utilissimus. Eodem tempore quo triticum ferunt, eodem & linum, quo maximè Ægyptus abundat, & trifolium, & reliqua omnia cerealia semina, atque leguminosa ab Incolis feruntur. Inter legumina quod primum bonitatis locum habet, est quod Mas appellant: post ipsum bonitate, pisum, phaseolus, cicer, lens, faba, ervile, cicercula, aracus, fænugræcum, & ervum. Ægyptii omnibus leguminibus præferunt Mas ab omnibus Arabibus vocatum, & planta, & semine piso simile, sed longè minus: crediderim tamen ego esse pisi genus, sed eo longè ad victum utilius, quando facilis sit coctionis in passivis qualitatibus. At de hoc legumine in fine primi Libri istiusce Historiæ cum à nobis accuratè actum sit, nihil aliud addimus. Pifa huic succedunt, quibus coctis familiaris ad cibum utuntur, atque viridibus crudis quoque indigenæ perinde ac nostri vescuntur. Phaseolos multorum generum habent, in-

* Vide
Tab. III.
Num. 3.

ter quos albos Italis similes, & parvos, lentis ferè magnitudine: libentius esitant Ægyptii, Turcæque plurimum esu leguminum delectantur, atque adeo, ut in conviviiis, quæ fiunt à Pro-rege Ægypti, Turcarum Imperatoris sumptu, in aula auditoria Cadis, Spais, Chiauffis, Beis, Sangiachis, atque aliis Turcis, dapes majori ex parte sint legumina varia, scilicet Mas, pisa, phaseoli albi parvi, ciceres, lentefque.

CAPUT XIV.

De Plantis non esculentis, quæ in Ægypto nascuntur, atque de ipsarum usu.

Innumeræ ferè plautæ in Ægypto nascentes etiam observantur, non ciborum usui servientes, cujusmodi ex iis, quas potuimus observare, est Kali, cujus multæ sunt differentiæ Kellù vocata ab Arabibus, Harmel Armala, Melanthium papaver nigrum, hyosciami genera quædam, sed album præsertim, urtica à nostratibus differens lini semine, ossar, cujus fructus beidelfar vocant, viola, gramen, melilotus, visnuga, schoenanthus, iris, psyllium, beem album, & rubrum, hermodactylus, buzeidam, abelmeluch, papyrus, stratiotes aquatica, cyperus rotundus, artemisia alba, rosa sofferra, sesban, bon, gelsiminum Arabicum, calaf, seu ban, gossypium, luzeg, agialid, glans unguentaria, ligustrum, tamariscus, acacia, secamonè, cassia cathartica, balsamum, tamerindus, atque lanifera arbor. De his modo singulis enumeratis stirpibus non esculentis, particularis sermo à nobis habendus est. Ex Kalli plantis Kellù vocatis, eas, quas in Libro de Plantis Ægypti scriptis tradidimus, altera ejusdem generis planta postea nobis innotuit, ex qua usta cineres ad vitra conflanda, atque ad saponem parandum etiam fiunt.

fiunt. Hanc Petrus Bellonius prope urbem, Rassit vocatam, in quadam planitie, se vidisse tradidit; quam plantam esse Anthillidem Græcorum credidit, neque immeritò sane, cum hæc planta habeat ramulos rectos, folia parva lenti similia, sed longè minora, totaque planta gustui sit falsa, in fabulosisque, & falsis locis nascatur. Armale multis in locis nascitur qualis profecto à Dioscoride expressa videtur. Vio- las habent & inibi nascentes, & aliunde perlatas, quibus fam- iliarius, atque utilius omnes in illo calido cælo utuntur. Melanthium quoque & nigro semine, & albicante odora- tum ibi copiosius nascitur. De papavere nigro quod copiosè ibi provenit, superius dictum est, quippè ipsius plantæ con- tusis capitibus, preloque expressis, succum meconium vo- catum emanare, atque ab iisdem scarificatis lacrymam exi- re, quæ ab Arabibus Affium dicitur, atque à nostris O- pium, quæ est exitiale venenum refrigeratorium, de cujus viribus, atque usibus cum sæperius satis, superque dixerimus, nihil aliud in præsentia addere volumus. Hyoscia- mum album in multis locis provenire vidimus, sed privatim circum magnas eas pyramides in ea planicie copiosius, cu- jus quidem plantæ imaginem dabimus in altero libro de Ex- oticis Plantis, quas nos spatio annorum viginti, quo & Venetiis Medicinæ causa fuimus, & Patavii Medicam materiam ordinarie in Patavino Gymnasio professi sumus, collegimus; eo enim tem- poris spatio multa à multis ex variis locis accepimus: qui liber si- mul cum hac historia, quam nunc scribimus, evulgabitur. In ru- deribus Alexandriæ, & antiquæ Memphis, quæ nunc extant in ruinis solummodo, hæc planta nascitur. Urtica semine lini copiosius provenit, cujus profecto vires, atque usus aliàs abundè diximus. Nasci etiam in locis humentibus Ossar planta, & gramina multa, & melilotum, quam plantam Al- chimelech vocant, in Libro de Plantis Ægypti diximus. Gingidium quoque, quod visnagam multi appellant, Cairo per Nilum flumen Alexandria navigantes, juxta ramum Caliz vocatum, non procul ab Oppido Rassit appellato, co- piosissimè nasci offendimus, cujus quidem plantæ umbella-

rum ramulis siccatis ad usum dentium detergendorum magno comodo uti frequentius solent. Habent & plantam Papyri in Nilo flumine nascentem, cyperumque rotundum, quam plantam nos in ejusmodi fluminis superciliis humentibus copiosam sæpe manu nostra decerpimus, quippe rotundas radices habentem, & grandiores quidem quam ullis aliis in locis unquam fuerint inventæ. Habent & quasdam radículas subtiles coloris flavescentis, & sapore subdulci, cum quadam lævi excalefactione, quas Buzeidam vocant, quæ radices usque adeo similes videntur radicibus Polemonii, quas Officinæ ben album appellant, ut aliquando easdem esse crediderim. Hæ ad venerem movendam apud omnes in magno pretio habentur, atque ita, ut tunc temporis singulæ drachmæ harum radicum singulis aureis venderentur. Fate-mur & nos ex omnibus Medicamentis ad venerem augendam mortalium memoriæ à veteribus traditis, atque hucusque à nostris cognitis, hanc unam radicem omnibus esse præferendam. Johannes Brattius Justinopolitanus, Medicus maximè eruditus, multos annos Venetiis qui Medicinam fecerat, frigidi, sicci-que temperamenti, atque ita, ut potuerit inter frigidos maleficiatos facile comprehendi, cum fortè Venetiis in Officina Medica ad insignia Struthii modicum illiusce radicis casu degustasset, fassus est nocte subsecuta usque adeo ipsi venerem fuisse excitatam, atque auctam, ut per totam eam noctem se in magnum priapismum incidisse, atque laborasse suspicaretur. Non possum affirmare, hæc radix an in Ægypto nascatur, vel aliunde deferatur. Ad hunc usum etiam habent Behem album, & Behem rubrum legitimum Arabum: quod est planta pastinacæ sylvestri similis, radicibus quæ nititur multis, non unica, ut in pastinacis, brevibus, crassis, in acutum desinentibus, per longum rugosis, non rectè, sed oblique actis, colore aut rubro, quas † Behem amra, aut albo, quas Behem abiat vocant. Sunt etiam boni odoris, & saporis subdulcis. Serapio in lib. Simpl. cap. 223. has radices ex Medico Aben Mesuag ita descripsit. „ Behem sunt duæ species, scilicet rubri, & albi, & sunt „ ambæ

† Vide
Tab. II.
num. 6.
& 7.

„ ambæ venæ in magnitudine radicis pastinacæ parvæ, quæ-
 „ rum quædam sunt tortuosæ. Deferuntur ab Armenia :
 „ odor ejus est bonus , & est in eis viscositas quædam , &
 „ utræque sunt calidæ , & humidæ , & augent sperma. Avi-
 „ cenna vero dixit : Behem esse radices carnosas , asperas ,
 „ à siccitate contractas : „ Cum errore autem statuit has
 esse calidas , & siccas , cum hæc semen non augeant , sed quæ
 humidæ sunt : Quod melius à Serapione dictum fuit , eas ca-
 lidas , & humidas esse. Abelmeluc sunt femina , quæ ex
 Meccha deferuntur cujusdam plantæ ricino similis , oblonga ,
 rotunda , nigrescentia , extrema in acutum desinentia , vio-
 lentissima vi purgatoria prædita , atque adeo purgant , ut u-
 num semen devoratum cum per vomitum , tum per ventrem
 violentissimè purget ellebori albi modo. At hæc duplicis sunt
 differentiæ : quædam majora pistaciorum cum corticibus fe-
 rè magnitudine , atque figura : quædam vero longè minora ,
 eadem tamen figura , quæ nucleis pinis piassè similia magni-
 tudine videantur. Hæc longè venenosiora sunt , ut medie-
 tas unius feminis ita exitialis sit , ut purgando non raro sæ-
 vis symptomatibus homines qui eam devoraverint , quasi in-
 teremerit. Ab his omnes abstinent , tanquam à veneno exi-
 tiali. Majora vero apud quosdam rusticos in usu existunt.
 Iridem habent & ipsi in eo solo provenientem , at ipsius ra-
 dicibus non utuntur , quod non ita viribus præstent. Utun-
 tur iis familiarius ex Græcia , ac vel etiam ex Syria delatis ,
 quæ sunt admodum odoratæ. Has pro Arabibus , & agre-
 stibus hominibus pulverizatas ad manus habent , quem pul-
 verem corporibus eorum à balneo inspergunt. Hanc pro-
 fecto radicem tanti faciunt Arabes , ut ipsorum nullus sit ,
 qui duas , vel tres radices collo appensas non habeat , ipsam-
 que Moscho odore præferunt , unde apud eos Mosch non im-
 merito appellata est. Nasceitur in multis locis Ægypti Schæ-
 nanthus , sive juncus odoratus , quo tamen ibi nascente non
 utuntur , sed eo qui ex Arabia defertur , cum Ægyptio
 longè sit odoratior , & viribus magis præstet , quam quæ in
 Africa tota nascatur. Habentque flores ipsius quos ad Medi-

*In p^o. de
Antid.*

cinæ usum recipiunt : neque illis defunt flores , etsi non in ea copia , ut herba suppetit illis , quod Cameli partes superiores plerisque in locis depascantur , eoque pabulo maxime delectentur : florum enim defectus , vel etiam Galeni tempore dignoscebatur , qui de eo ita inquit. " His prætere-
 „ rea juncum odoratum ex Arabia allatum immitti præcipit ,
 „ quem nescio quomodo Schoenanthos , id est junci florem
 „ multi vocant , cum nobis floris copia non adeo suppedi-
 „ tet : nam etsi tota advehatur herba , sunt tamen ejus su-
 „ periores partes à Camelis sæpe depastæ , vescuntur enim
 „ ea , & delectantur maxime „. Neque enim etiam hoc tempore in magna abundantia flores junci odorati Cairi habentur , quod , uti à Galeno dictum est , Cameli partes istiusce herbæ superiores maxime depascantur. Neque iis qui Arabiæ loca viderunt hoc mirum videbitur , atque etiam non minus qui Camelorum ingentem numerum inibi viventium observarunt : etenim in quibusdam locis inter Damascum , & Babilonem Arabes affirmant non minus quatuorcentum millia Camelorum vivere. In Arabia verò in qua juncus odoratus nascitur longè plures observari. Quo mirari quispiam non debebit , si tot numero Camelorum pastione , qui herbæ superiores partes assidue depascuntur , flores Schoenanthi magna ex parte absumantur , atque propterea in tam magna ex parte absumantur , atque propterea in tam magna copia non suppetant. Quæ si Mattheolus perspecta habuisset , Galenum , tantum Medicum , dicentem , ex ingenti copia Camelorum depascentium partes superiores herbæ , flores non ut opus esset , nobis suppeditari , haud risisset. Non enim dixit , quod omnino flores non habeantur , sed parcius quidem istos ob eam causam nobis suppeditari. Psyllio quoque ea regio maxime abundat. Herba usum non habet , at semina ejus , quæ quod colore , magnitudine , & figura pulicibus sint similia , idcirco planta herba pulicaris dicta est. Semen verè quidem miraculorum omnium maximum meritò Arabibus dicitur , quod nimirum usque adeo exile semen duas profecto facultates oppositas in excessu con-

constitutas, deleteriasque habeat: cortici enim facultas frigidissima, humidissima, atque epiceraistica inest, qua hoc semen interimere potest: interna vero substantia calidissima, siccissima, atque interna viscera corrodens: tritum vero semen, in pulveremque redactum intus assumptum, validissimum purgatorium est, cum per vomitum, tum per ventrem, educendo bilem crassam, pituitamque, non minus quam etiam serosas humiditates. Unde in frequentissimo usu est tritum ad drachmam, & geminas etiam, devoratum in histericis mulieribus, atque ad colicos, uterique frigidos dolores. Sed quid amplius de eo dicemus, an non etiam integra femina solida ad drachmam, & ad geminam etiam dantur, quater aqua optima prius lota, priusquam mucaginem contraxerint, in febribus ardentibus malignis, atque in pestilentibus mirabili cum utilitate, cum ab ipsis voratis, sudor copiosus erumpat, aut venter excernat humores summe putridos, fætidissimosque, eoque modo ægrotos ab iis febribus liberet. Hoc modo non paucos desperatæ salutis vidimus fuisse sanatos, sed qua ratione psyllium sudorem in illos movere valeat, atque ventrem purgare itidem, non est istius loci disputatio. De ipso semine satis, superque in Libris de Medicina Ægyptiorum etiam scripsimus. Demum & hermodactylis quoque Ægyptii non carent ad Medicinæ commodum, præsertimque ad podagricos, & arthriticos dolores tollendos, in quibus nihil videtur utilius: etenim per cibum interius assumptus hermodactylus, tum exterius parti dolenti adhibitus, & dolorem tollit, & partem afflictam à futuro dolore præservat. Quam hermodactyli facultatem insignem ad podagram finiendam, solus Sifè, Medicus Ægyptius, cognovisse visus est, qui in suo libro de Simplicibus Medicamentis, qui nunc etiam Arabico idiomate scriptus apud Medicos Ægyptios habetur, ita de hoc Medicamento scripsit.

„ Hermodactylus calidus est, & siccus recessu secundo. Ven-
 „ nerem ciet, semen auget, præsertim cum gingibere, cala-
 „ mentho, & cimino, ejusque dosis est ad scrupulos duos
 „ cum saccharo. Est articulorum theriaca, & præsertim
 „ mate-

„ materia fluente : compaginum dolorem admotum illico
„ compescit, pituitam crassam educit, adstrictionis est par-
„ ticeps. Ad membrum, à quo evacuatur, materiarum ef-
„ fusionem prohibet. Stomachum summopere lædit. Ve-
„ rum ejus noxa corrigitur, rosis, passis, calamento, & ci-
„ mino : ejus dosis est cum est simplex sesquidrachma : at
„ cum Medicamentis solventibus, ad scrupulos duos. In
„ ejus locum substituitur sarcocolla rubra. „ Inquit in arti-
„ cularibus doloribus „ ejus loco ligustri foliorum idem pon-
„ dus supplet, atque ejus ponderis dimidiam dellii sarace-
„ nici. „ Rursusque inquit : „ Hermodactylus constat ex duplici
„ substantia, altera solutiva, altera adstringenti. Cumque
„ calor naturalis in ipso agit, substantiam tenuem solventem
„ separat, ejusque effectum præstat resolvendo, atque ma-
„ teriam in articulis detentam, quoad ipsam pellat, ad se
„ attrahit. Deinde subsequitur post aliquod tempus substan-
„ tia frigida, sicca, ad illudque membrum redit, & vias,
„ ipsumque refrigerat, adstringitque, prohibet reditum ad
„ ipsum materiæ fluxilis, effusionemque ejus, quod currit ab
„ alio loco. „ Itaque Ægyptii habent legitimum hermoda-
„ ctylum, quo, ut dixi, utuntur in arthriticis, podagricisque
doloribus, summa cum utilitate. Hincque creditum est eas
gentes non vexari podagra antiquata, quod nimirum quam
primum ejus mali principium senserint, eo singulari Medi-
camento utantur, quo nedum doloribus præsentibus liberan-
tur, sed quinimo ab eisdem in posterum futuris maximè præ-
servantur. At Medicus aliquis dicet, quidnam sit ipsorum
hermodactylus quo ii Medici utuntur? an vulgaris officina-
rum? nequaquam: namque radices vulgares, quæ apud no-
strates Medicos in usu sunt ad purgandum, Chamira vocant,
expertesque eas esse cujusvis purgatoriæ facultatis longa,
certaque experientiaprehenderunt: quando iis copiosius
vescantur mulieres, & crudis, & coctis sub cineribus, ut
ipsarum corpora pinguescant. Nihil enim ex mulieres ab eo-
rum esu purgantur, neque quicquam molestiæ sentiunt, eos-
que bulbos, non secus quam castaneas, facile concoquunt,
atque

atque digerunt. Hinc nostri Pharmacopœi, atque Medici intelligant, quanto errore eas radices ad purgandum in usum recipiant, & ad purgantium medicamentorum compositiones; unde & valeant ipsorum catapotia de hermodactylis, & majora, & minora, cum nihil ab hermodactylis purgatoriæ facultatis habeant. Eæ enim mulieres Ægyptiæ nihil magis habent, quam ut pingues evadant, huc animum omni studio intendunt, non secus ac nostræ capillorum comptui. Eas enim summopere pinguedo delectat, non modo mediocris, quæ laudabilis est, quod calorem foveat indumenti modo, formosioresque reddat, perbelle formet membra, inania spacia replens, cutem extendens, lucidamque reddens, sed & multa, quæ inutilis, atque molesta est, corpus gravans, omnium articulorum gratiam, & membrorum formam, delineationesque obscurans. In id multis utuntur, præcipua autem sunt Clysteres ex jure pinguißimo Gallinarum, quæ nullibi pinguioribus inveniuntur, quam in hac regione, & hermodactyli nostri communis usus, à Mauris Chamira nuncupati, quos avidè, non secus atque nostrates Castaneas, ut diximus, comedunt, & crudos, & coctos sub cineribus. Nullaque mulier reperitur, quæ domi eos non habeat, ut sine iis vivere nequeant. Ex quo palam fit eos minimè venenatos esse, & non modo non strangulare eadem die, ut veteres de Colchico posteritatis memoriæ tradiderunt, sed potius eos summè nutrire, quod unicuique absque discrimine in se ipso etiam experiri licet, sicuti & multi ex nostris inibi experti sunt. His autem adeo pinguescunt mulieres, ut earum plerisque accidat quod Nicomacho Smyrnæo accidisse meminit Galenus, cujus corpus ad tantam molem augmentum fuisse tradidit, ut loco moveri non posset, quem ajunt ab Æsculapio curatum. Mulieres Turcas, Hebræas, & nostrates, sæpe Nicomacho pinguioribus vidi, quæ fortasse adhuc vivunt, atque ob adiposam molem, non carnosam, usu prædictarum radicum comparatam, locum mutare minimè possunt. Harum radicum facultatem probè & Serapio expressit in suo libro de Simplicibus Medicamentis, agens de Her-

modactylo, &, quod nonnulli illius temporis Medici, vulgaribus hermodactylis, qui sunt Chamira, etiam pro legitimis uterentur, inquit. " Erraverunt autem qui putaverunt, quod „ fit lagia agrestis, quæ ex Africa defertur. Nam illa lagia „ impinguat mulieres, quando assumunt eam, & humectat „ corpora sicca, & augmentum efficit in carne; & „ facit rubere faciem colore bono., Quod vero nostrates vulgares hermodactyli, quibus perperam ad purgandum nostri Medici utuntur, sint Chamira Ægyptiorum, eo argumento vel cuique nostrum constabit, quia eadem magnitudo, figura, color, saporque in iis omnibus animadvertatur, atque quod nihilo corpora purgent, neque lædant stomachum, ex nostris quidam pulverem ad drachmam devorarunt, neque quicquam alvus ex ea ejecit humoris, neque quicquam molestiæ sensit. Nisi pulvis ex vulgaribus hermodactylis, quam officinæ Medicæ ad purgandum parant, alia Medicamenta purgantia reciperet, nihil profecto corpora purgaret. Quibus quidem liquido constabit, vulgarem nostrum hermodactylum non esse legitimum, quo Medici ad purgandum in arthriticis, podagricisque doloribus uti possint: & primo, quia nihil purgatoriæ facultatis habet, & quod stomachum nihil lædat, quas duas notas Paulus Ægineta de hermodactylo expressit, sic inquires. " Hermodactyli radix, & per se, & „ ipsius decoctum vim habet purgandi, privatim arthriticis, „ tunc cum humores defluunt, exhibetur, verum stomacho „ nimis quam adversatur., Idem & Alexander Trallianus, Actuarius, & omnes Arabes. Cum vero vim hic noster purgandi non habeat, neque stomacho ullæ molestiæ sit, quis eum pro hermodactylo recipiet? Hermodactylus vero Ægyptiorum, quem Surungiam appellant, est radix itidem Chamira, seu vulgari nostro hermodactylo calore, figura, & fere gustu etiam omnino similis, attamen longè minor, scilicet magnitudine avellanam æquans, eadem vero figura qua vulgaris hermodactylus. Hæc quidem est radix legitimi hermodactyli, quæ sola adsumta, absque aliis medicamentis purgatoriis, vim habet purgandi: atque id quoque proprii habet, quod

quod stomacho adversatur, unde illi ejus noxam corrigunt mixto cimino, aut calamentho. Negant vero plantam quam Mattheolus Bysantio acceptam refert ab Augerio Busbekio Flandro, Ferdinandi Cæsaris Imperatoris apud Solimanum Turcarum Imperatorem Oratore, idque persuasi multis rationibus, legitimum hermodactylum esse, ob parvam suam radiculam rotundæ avellanæ magnitudine, figura vero, colore albo, ac ferè sapore, Chamira, sive vulgari officinarum radici omnino persimilem. An hujusmodi radices, scilicet hermodactylus Ægyptiorum Chamira, atque vulgaris nostratium officinarum, sint Colchici Græcorum, ii maximè dubitarunt, præsertimque ex Arabum scriptorum confusione. Serapio namque credidit hermodactylum esse Colchici radicem, præsertimque cum ex Dioscoride scribat: " Hermodactylum „ esse herbam, quæ in fine autumnii florescit, & florem „ fert croco similem, & folia bulbi habet, in quibus est hu- „ miditas adhærens manui, caulemque palmo altum colore „ albo ad nigredinem inclinante: & habet radicem cujus „ cortex est niger, & quando aufertur cortex, radix inte- „ rius alba cernitur, mollis, dulcisque saporis, & turget hu- „ miditate. Radix vero est rotunda similis cæpæ bulbi, „ habetque itidem hæc radix in medio scissuram, qua caulis „ exit in quo est flos: hancque radicem esitatum fungorum modo „ strangulare., Quas notas de Colchico antea Dioscorides cla- „ rius expresserat, ita dicens. " Colchicum, aliqui Ephome- „ rum, Romani agrestem bulbum vocant: Autumnii exitu „ florem edit croci, candicantem, ab eo tempore folia bul- „ bi, sed pinguiora, caulem palmo altum, ferentem rufum „ semen, radicem foris è nigra rufescentem, quæ delibrata, „ candida, & mollis spectatur, lacteo colore madet, at- „ que gustu dulcis invenitur. Bulbus mediam habet ri- „ mam, fissuramque qua flos erumpit: Plurimum in Messe- „ nia, & Colchis nascitur: ea comesa fungorum more stran- „ gulando enecat., Hæc Dioscorides de Colchico; ex qui- „ bus apertissimè constat, & nostrum vulgarem hermodacty- „ lum, & Chamiram Ægyptiorum, quæ idem in ea senten-

tia cum nostro hermodactylo est, esse Colchici radices, cum sint rotundo bulbo similes, foris nigrescentes ex rufo, intus candidæ lactis succo madentes, habentque in medio rimam, fissuramque, qua flos erumpit, quæ nota videtur singularis, floremque exitu autumnii edat croco similem albicantem, & postea ferat folia bulbi, sed pinguiora, & caulem palmo altum, cum semine rufo. Omnes etenim eæ notæ in omnibus iis maxime, ad unguenque elucent, scilicet in Surungen, Chamira, atque vulgari Hermodactylo: hoc excepto, quod strangulando non interimant, præterea quod Surungen purget, stomachoque adversetur, Chamira nutriat, & pinguefaciat, & noster Hermodactylus aut parum, vel nihil purgeat, atque perinde ac Chamira nutriat. Quid igitur dicendum in tanta difficultate proposita? Crediderim ego eas omnes radices, quippe Surungen, Chamira, & vulgarem Hermodactylum, esse varias Colchici species, in variis locis viventes, quarum radices, & ob speciei differentiam, & ob varii folii in quo vivunt temperamenti varietatem, variæ quoque facultate evadunt, atque non minus etiam ex vario anni tempore, in quo eæ radices à terra effodiuntur, facultate quoque variare animadvertuntur. Quod de Colchico Dioscorides expresse affirmavit, dicens, autumnio radicem esse lethalem, quæ strangulando interimat, nimirum quod tunc temporis in ipsius radice essentia prævaleat substantia humida; cruda, crassa, & viscida, qualis in fungis observatur, majori ex parte calida, sicca, tenuique, per flores qui hoc tempore à radice exeunt, exclusa. Quod Dioscorides expressisse visus est, cum dixerit, exitu autumnii hanc radicem lacteo succo turgere. Igitur hoc tempore lethalis est hæc radix, quod abundet humido, crudo, frigido, crasso, viscidoque, qui, ut in fungis, adhærendo gulæ, tracheæque arteriæ, strangulat, atque eo magis si in frigido ea radix fuerit enutrita cælo, ut in Colcho, vel in loco frigido, & humido, opaco, quod hæc natalia augeant in iis radicibus, & copiam substantiæ crudæ, frigidæ, crassæ, viscidæque strangulantis, & qualitatem. Per æstatem vero hæc

hæc radix, quippè ejus cruda humiditate strangulante, per hyemen à calore subterraneo excocta, atque fere ex toto per ampla folia, & caules crassos, qui vere ex radice prodeunt, exclusa, remanente in radice majori ex parte substantia calida, siccaque, & tenui cum quodam humido excocto, redditoque utili, medicamentosa, haud ita humanæ naturæ adversa observatur; quinimo ex calida, siccaque facultate, quæ in iis radicibus tunc temporis prævalet, necesse est, ut in ea sit quædam facultas deterforia, proindeque & purgatoria, cujusmodi videtur in Colchici radicibus, quæ in Italiæ locis soli expositis æstate effodiuntur, eæ namque carent facultate strangulatoria, & medicamentosæ sunt, ita ut à calore nostro vincantur, atque majori ex parte, aut ex toto in stomacho concoquantur, unde aut nihil purgant, aut parum quidem. Quæ vero in locis calidis nascuntur, æstateque eruuntur, nihil purgatoriae facultatis habent, quin imo ex toto ipsarum substantia cruda, viscidaque minus, in cælo valde calore abundante; eaque tota coctione etiam utili reddita, calidæ, igneæque prævalenti permixta, redduntur esculentæ. Cujusmodi ait Serapio esse illas, quæ ex Africa deferuntur, quas ait lagias vocari, id est bulbos fylvestres, quibus vescuntur mulieres, ut pinguescant. Proinde reprehendit eos, qui eas pro hermodactylis recipiunt, cum eæ in eo calidissimo cælo ex calore concoquente exuantur omni medicamentosa qualitate. Hincque vulgaris hermodactylus est radix Colchici in Italiæ locis soli expositis per æstatem è terra eruta, quæ idcirco parum, aut nihil habet facultatis purgatoriae, exuta tamen est ea ratione, qua dictum est, omni strangulatoria facultate. Eædem sunt, quæ in Africa radices habentur, sed ex cæli caliditate, adjuvante etiam quadantenus illiusce soli fortasse bona qualitate, omni medicamentosa qualitate exutæ, esui redduntur maximè utiles, unde probè nutriunt, & saginant. Surungen vero Ægyptiorum, quæ sunt radiculæ parvæ simili figura, albo colore, saporeque fere omnino, etiam esse Colchici radices, minimè est dubitandum, cum omnes notas Colchici habeant: nosque aliquando ex Creta

Insula accepimus radículas parvas, quæ & flore croci albo, & aliis omnibus Colchici plantam verè quidem exprimebant, atque ex Syria etiam, quas cum iis, quibus Ægyptii utuntur pro Surungen, planè convenire deprehendimus: idque proprii habent, quod valenter purgant per se solæ, si exhibeantur absque alio medicamento purgatorio, atque etiam stomacho adversantur, ita ut ad eam noxam evitandam necessarium sit iis permisceri quidpiam aromatici medicamenti, stomacho amici. Atque hæc sunt, quæ de hermodactylo fuerant à nobis consideranda.

C A P U T X V.

*De quibusdam aliis fruticibus, & arboribus,
quibus Ægyptus abundat.*

In multis locis, non procul à Memphi nascitur Artemisia alba magna, fruticat enim latissimè ramulos expandens, atque duobus, vel tribus cubitibus altos, floribus umbelliferis aureis senecioni proximis. Abundant Ægyptii rosis communibus, & rubris vulgo Damascenis vocatis. Habent & colore easdem albas, & flavescentes, quod & Bellonius animadvertisse visus est. In Medicina præcipuum usum habent communes, carneo scilicet colore, ex quibus, penuria Damascenarum, saccharum suum rosatum parant, quo ibi & sani, & ægri familiarius utuntur. Nascitur & solanum somniferum, cujus radice utuntur ad homines somnolentos, amentesque reddendos. Nascitur & Nux metella, & Datu-
ra Indorum, quarum ex feminibus Latrones bellaria parant, quæ in caravanis mercatoribus exhibentes, largumque somnum, profundumque inducentes, aurum, gemmasque surripiunt, & abeunt: ii enim triduo quandoque somno stupefacti,

eti, non expergiscuntur. Secamonè inibi maximè luxuriat
 ad pergulas ornandas : ejus succus purgat Scamonii modo.
 Habent & plantam, quam Mosch vocant, cujus semen Abel-
 mosch itidem dicunt. Planta est similis Bammix, sed longè
 major, & vegetior: producit semina parva nigra similia fe-
 minibus Abutili Avicennæ, quæ respirat moschum Orienta-
 lem, quo moschum adulterant. Habent & convolvulum
 quemdam quem Arabicum vocant, quæ planta serpendo scan-
 dit arbores, in altumque fertur, folia ferens viticis, & flo-
 res ex caulium cavitatibus simul multos, quippè tres, aut
 quinque corymbos modo producit: flos vero, colore, magni-
 tudine, atque figura similis est Nilo Avicennæ, quem vulgus
 florem noctis appellat: semina sunt parva, rotunda, pilosa,
 similia orobis: sed de his duabus plantis egimus in Libro de
 Plantis, qui una cum hac Historia evulgabitur, imaginemque
 utriusque plantæ ibi libenter dabimus. Nascitur itidem ibi
 copiosius glans unguentaria, quæ frutex est arborefcens, fo-
 liis leguminosis, sumacho proximis, sed minoribus tamen,
 albicantibus, fructusque fert oblongos pistaciis similes, car-
 nosos, pulpa molli, candida, pinguique subdulci præditos, ex
 quibus expressis oleum eliciunt, quod cujusvis odoris sit ex-
 pers, idcirco ad unguentorum odoramenta paranda eo utun-
 tur. Hæc planta nititur radice longa, crassa, carnosâ, molli,
 albicante, inodora, ac ferè ex toto insipida. Nascuntur &
 ibi Sesban, frutex siliquatus, visu pulcherrimus, quo sepes
 contexuntur: Soffera, quæ fenæ species creditur, est tamen
 planta perennis. Gelsiminum ex Arabia Felici, cujus flores
 non simplices, sed pleni duodecim foliis constantes sunt,
 nostris longè majores, atque odoratiores. Gossipium vero, &
 herbaceum, & arboreum Ægyptia terra copiosè producit.
 Balsamum ibi non nascitur, sed ejus plantæ ex Felici Ara-
 bia, cujus solum balsamo semper natale fuisse à nobis aliàs
 demonstratum est, deferuntur, in viridariisque inferuntur, &
 magno studio à topiariis coluntur, ut vivant. Inter olea e-
 nim quæ Mauris sunt familiaria, præsertim vero Nobilibus,
 & Regibus gratissima, in magnoque honore habita, duo
 sunt

sunt, alterum, quod Dunelzachum appellant, quod in Judæa provenit, magnique est usus ad dolores frigidos, ad nervorum convulsionem, maximeque ad dorsi dolorem in mulieribus. Alterum est liquor balsami, nunquam satis laudati, quod ex Arabia Felici afferunt. Oleum hoc pretiosum ad multa interius assumunt, atque exterius partibus adhibent. Intus enim assumptum ventriculum maximè roborat, coctionem juvat, flatus digerit, menses elicit, dolores omnes levat, colorem, & anhelitum commendat, obstructions aperit, juventutem conservat. Exterius vero omnes dolores similiter frigidos tollit, tumores discutit, convulsioni, & paralyfi succurrit, ad quascumque nervorum convulsiones utilissimum est: à flatibus ventriculum liberat, tumores, & lienem emollit: vulneribus, atque ulceribus valenter remedio est. Horrores spina inuncta discutit, unde ad febres periodicas finiendas maximè commendatur, sed de ipsius, & viribus, & usibus aliàs à nobis scriptum est. Abundat & liguëtris ubique locorum in suo solo nascentibus Ægyptus, quæ el Hanne nuncupant. Hæc vero arbor fruticosa magni usus, & in ea regione, atque in aliis provinciis est, privatim vero ipsius folia pulverizata, quibus quidem pulverizatis, aqua vel simplici, vel rosacea subactis, capillos mulieres rufo colore inficiunt, caputque & cerebrum hoc medicamento sanum conservant, cum non modicæ adstrictionis sit particeps. Ad febrium ardorem, atque vehementiam, nullum aliud remedium efficacius invenere, quo refrigerentur. In balneis hoc foliorum pulvere ex aqua subacto utuntur, non tantum eo pedibus adhibito emplastri modo ad eosdem flavo calore tingendos, sed multum plus ad eos roborandos: quod maximè præstat & siccando, & adstringendo. Istiusce arboris flores magna utilitate olfaciunt & ad febres, & ad alios morbos, nec non frontem ad reprimendos calidos vapores illinunt. Quod cognoscentes Mauri, ipsum familiarissimum habent, nullumque ægrum invenias apud quem hujusmodi flos non reperiatur. Ex eo aquam stillatitiam proliciunt ad fluxus summè utilem, atque ad sanguinis rejectionem, ac
ad

ad uteri fluxionem. Ex iisdem floribus oleum parant summè utile ad vulnerum inflammationes, ad capitis dolorem à calidis humoribus, vaporibusque proveniente. Ligustri campi vastissimi conspiciuntur non procul à Cairo in via, quæ Hierosolymam ducit, locusque hic appellatur Canech, & Belbes. Autumno hujusce plantæ virgulta fecus terram succidunt agricolæ, infolant, exsiccant, atque ejus pulverem per totam Turcarum ditionem deferunt, ubi summopere expetitur, tum ad prædictos usus, tum præfertim ad manuum, & pedum digitos inficiendos. Quod quidem omnibus tum proceribus, tum infimæ gentis hominibus communissimum est, adeo ut multi, & eorum barbam noctu inficiant, in sacculoque detineant, mane autem ejus aqua lavent. Arabum mulieres ligustro non modo ipsarum digitos tingunt, sed & totam manum, & pedem. Mentum autem acu multiplici foramine perforant, deinde ligustro tingunt, vestigiumque hoc Alusen vocant. Plerumque in aquam, quam ægris sunt propinaturi, ligustri, & Ban flores injiciunt, ut potus & gratior sit, & vires magis reficiat. Qui vero eorum aquam bibere negligunt, ut saltem eos olfaciant, efficiunt, ipsique flores parietibus appendentes visuntur, ut aërem puriorem, & frigidiorē reddant: sicuti autem ocimum apud nos foveant in figulinis vasis ubique super fenestras mulieres, aliique in cænaculis, & viridariis, sic longè præstantiorem ligustri plantam alunt Mauritanæ, omnesque ædes, & deambulatoria, non ocimum redolent, sed ligustrum, quod fragrantia, & corde roborando ocimum longe antecellit. De planta vero, quam Callaf & Ban appellant, idem dicendum profectò videtur, scilicet, quod Ægyptii eam non minori arte, cura, atque diligentia alunt, cum ex ea planta innumeras ferè capiant utilitates, & oblectamenta. Ex floribus aquam præstantissimam parant, maximè autem Damasci, quæ adeo viribus roborandis præstat, ut nullam, quod sciam, nos habeamus, quæ huic comparari possit, cum suavissimum spiret odorem, quo mirificè animi deliquio detentos juvet. Hanc plantam non rectè vel etiam auctores Arabes cognovisse, licet Avi-

cenna sæpè & in Libro secundo, & in Libro quarto ejus meminerit, mihi persuadeo, multoque minus Avicennæ interpretes, quippe qui hæc nomina Callaf, Dechen el Callaf, falicem, falicis aquam, & oleum de falice verterunt. Tantum autem abest, etsi simillima sit falici latifoliæ, humilique, qua ratione aliàs credidi esse falicis speciem, Callaf, falicem esse, ut potius plantæ sint omnino diversæ, siquidem eæ & nomine, & viribus, & forma differunt. Primum enim harum plantarum nomina apud Arabes varia sunt: unum Callaf, & Ban nuncupant, alterum vero, quippe falicem Saffaf, non autem Saffas, seu Safaf, ut malè legerunt Avicennæ interpretes; facultatibus quoque evariant, alterum quidem suaviter olet, alteraque planè inodora, scilicet salix. Callaf utuntur Mauri in febribus ardentibus, pestilentibusque, hæc vero, scilicet Salix in iis inutilis est. Ex floribus Callaf aquam stillatitiam proliciunt, cujus vires abundè explicare non possem. Ex iisdem & oleum conficiunt ad multa magni usus. Rursus Callaf folia habet Cerasi similia, per ambitum ferrata, quæ ad rotundum pergunt. Quæ planta tantum in hortis Regum, Procerumque ob ejus odoris suavitatem incredibilem diligentissimè, omnique solertia colitur ab agricolis: & quod ex ejus floribus magnum quæstum accipiant: quibus profecto constabit, Callaf, sive Ban verè quidem falicem non esse: attamen cum latifolia Salice magnam habet, & foliis, & floribus convenientiam, præterquam quod, ut Salices, amat & ipsa Callaf loca humida, fert tamen flores inodoros. Quare Callaf, etsi Salici latifoliæ similis sit, verè tamen Salix non est, cum sit odorata, & aromatica, neque multum interest, si quis eam plantam Salicem aromaticam vocet; Est vero arbor fruticosa, humilis, ligni materia lævi, foliis cerasum quandantenus æmulantibus, per ambitum ferratis, in ramorum sanè extremitatibus exorientibus, ramis rectis, enodis, flexibilibus, colore flavescentibus, floribus luteis, quos antequam folia producat Decembri mense producit innumeros alios flores suavitate præstantes, æquè per intervalla distantes: folia autem producit

cit ubi exciderint flores, qui sunt veluti quidam globuli oblongi, lanuginosi, in luteum albicantes, aut lutei, suaviter olentes, inter foliorum alas caudicibus adjacentes, locisque humidis gaudet hæc planta. Ex floribus aquam proliciunt, quam Macaallaf appellant, quam in causone, in febribus malignis, & pestilentibus, tam interius, quam exterius utilissime affectant: hac aqua profecto nihil suavius, nihilque fragrantius est. Eandem ad Turcarum Imperatorem quotannis è Cairo, & Syria afferunt, & non modo ad Regem, sed per omnia quibus Turcæ dominium extenditur loca circumfertur: omnes inquit ipsam refrigerare, & humectare. Cairi innumera sunt viridaria, quæ hac planta abundant, inter quæ pulcherrimus hortus videtur primi inter eos legis periti, quem Siech el Bacchari nuncupant, cujus munus est eorum legem interpretari, quem quandoque ægrotantem invisi. Ad hunc hortum ejus plantæ suavitæ ducti Consules Veneti Illustrissimi sæpe proficiscuntur. Hortus autem est ad orientem positus, in ea via qua itur Hierosolymam. De quibusdam vero arboribus aliis, quibus Ægyptium solum abundat, in Libro de Plantis Ægypti satis superque scripsimus, quippe de Uzeg, Agialid, Acacia, Tamarisco, Cassia cathartica, Tamarindo: proinde nihil iis, quæ de ipsis in eo libro dicta fuere, addimus. Est demum quoddam lignum rectum, longum, digiti crassitie, quod Mesuag appellant, utilissimum profecto ad dentium sanitatem conservandam. Nullum unquam in Ægypto dentium aliquo affectu correptum videre potui, neque senem dentibus carentem, quod certe mirum est, sicut apud nos frequentissimum, idque illis evenire existinavi, quod dentium indigenæ omnes maximam curam gerant: nam à somno surgentes, ubi se laverint, ornaverintque, per horam dentes fricant, vel Ban, vel granati, aut ejusmodi alio ligno, maximè vero prædicto, Mesuag vocato, quod è Meccha afferunt, eorumque Prophetæ lignum nominant. Hujus ramuli alterum caput, extremumve contundunt, aqua macerant, mandunt, molleque reddunt; deinde dentes eo fricant, sicque eos detergant, &

purgant, hocque modo eosdem à dolore, erosione, putredine, carie optimè præservant, eosque quominus labantur efficiunt, halitumque oris commendant, gingivas roborant, eas ab erosione, & fluxione conservantes. Multi ad id Faufel ore detinent, quo & Indos adeo suos dentes servare dicunt, ut propterea dentium dolorem & India non norit. In maximo Mecchæ delubro ex Mesuag dentifricia quotidie, aquamque in pelvi parant, vanè populo persuadentes, Mehemet quacumque nocte eo venire, seque lavare, nec non ejus dentes fricare, quod ut verisimile reddant, eorum aliquis se lavat, dentifriciis utitur, prophetamque id fecisse simulat. Omissis vero eorum vanitatibus, hujusmodi dentifricia ob eas, quas dixi causas, utilissima sunt. Quare cuperem, ut apud nos in usu venirent: hoc quidem modo dentes maximè præservarentur, non secus quam apud Ægyptios, atque Indos fiat.

Finis Libri Tertiæ.

LIBER QUARTUS.

CAPUT I.

De Animalibus, quæ in Ægypto vivunt, & primum de volatilibus ibi degentibus.

Acturi de animalibus, quæ in Ægypto vivunt, præsertim de iis quæ in illiusce provinciis existunt, primum aves inibi viventes enumerabimus: ipsorumque quædam Ægyptiorum veluti propria considerabimus: mox de iis, quæ in aquis vivunt, atque demum de terrestribus. Ex avibus has inibi viventes observavimus, passerēs, turdos, coturnices, turtures, columbas, palumbos, hirundines, noctuas, pisces volantes, vespertiones, anates varii generis, anseres, cygnos, fulicas, ciconias, grues, aquilas, falcones, accipitres, psittacos, milvos, struthiocamelos, Gallinas cujusque generis. Passerēs nullo in loco quam in Ægypto abundantius vivere deprehendimus, atque, ut legimus apud multos, hujusmodi aves tam in locis frigidis, quam in calidis æquè vivunt: similes profecto aliquibus plantis, quæ ubique etiam locorum æquè vivere observantur, cujusmodi est periploca, Secamonè ab Ægyptiis vocata, quæ propria cum illiusce cæli calidioris sit, in Italia non minus libenter vivit, hyemalia vel etiam intensissima frigora spernens, non minus quam Datura Indorum, nostrum laserpitium, atque aliæ plantæ similes, quæ calidiori cælo assuetæ, etiam in locis frigidis vivunt. Turdis non semper gaudet Ægyptus, sed, solummodo mense Novembri, ex Africæ locis in Ægyptum, atque exindè in Græciam, Thraciam, Italiam, atque in alias provincias cæli

frigidioris accedente verè convolant; usque adeo pingues in Ægypto sunt, & gustui suaves, antea dactylis, atque oleis maturis, pinguibusque enutriti, ut de iis solis verè dici possit: inter aves turdus. Coturnicibus usque adeo tota ea regio abundat pinguissimis, ut rustici eas non retibus, sed propriis manibus, celeri cursu persequentes, capiant, easque ita vili pretio vendant, ut denario argenteo Maidin vocato, viginti habeantur. Carnem vero habent nigram, duram, insuavem, haud nostratibus bonitate, atque gustu similem. Quæ suavissimæ gustui redduntur, si solo milio plures dies nutriantur, cujus rei nos experientiam fecimus. Turtures nostratibus majores, & bonitate longè meliores, inibi aluntur in tanta copia, ut domum ferè non reperiatis in qua innumeræ suos nidos spontè non habeant, atque non minus cicures, & familiares sunt, quàm apud nos Columbæ, & inter has suaviores esui existunt, quas Bedoui, idest rusticas appellant. Nos quas Pelusii, sive Damiatæ offendimus, gustui suaviores judicavimus. Columbæ, & palumbi perinde ac in Italia abundant, esui admodum suaves. In primo Libro diximus, quomodo Turcæ columbas suos extraordinarios tabellarios faciant. Hirundines duplicis generis ibi observantur; patriæ scilicet, quæ nunquam ab Ægypto discedentes, ibi perpetuo morantur: atque peregrinæ, hæ sunt nostratibus omnino similes. Patriæ vero toto etiam ventre nigricant, reliquæ non ex toto nigræ, sed ventrem album habent. Alexandriæ, atque Cairi rudera noctuis usque quaque abundant, columbis ferè non minores, quæ interdiu æque ac noctu circumvolant. Hinc credidi volucres parvas, perindè ac in Italia fit, eas non confectari, quandoquidem cum has frequentius indie videant, omnis apud aviculas cesset noctuarum admiratio, qua ad eas videndi causa convolare solent. Nos propterea frustra ibi (uti in Italia avium cum noctua & visco sæpe venationem magno fructu exercebamus) eas capere non semel tentavimus. Vespertiones, Columbæ non minores, in pyramide magna copiosos offendimus, atque non sine magno & timore, & molestia. Alexandriæ in lacu proximo pisces extra

tra aquam super lacus aquam volantes, sæpe vidimus. Aliqui hunc piscem Columbum non injuria appellant, à quadam, quam cum Columbibus habet, similitudine, persuasi. Anates, anseresque multiplicis generis, & domesticas, alunt; sylvestres, ingenti copia, & in Nilo, & in lacubus spontè vivunt. Cygni in Nili littoribus non defunt, se ipsos ea aqua oblectantes, nec minus & lacus iis abundant. Harum Avium pelles cum suis candidis pennis decorticatas calce condiunt, quibus vestes nobilium frigoris causa muniunt: multosque annos, quod mirum est, incorruptæ conservantur, sicuti aliæ nobiles pelles, quas hyeme ob frigus gestant. Lacus abundant fulicibus, atque omnibus avibus aquatilibus, tanta copia, ut lacuum aquæ innumeris iis avibus occupatæ, vix conspiciantur: facillimo negotio rustici illarum avium quot, qualesve volunt, capiunt. Hi nudi, fune ad ventrem pluries circumvoluto, in aquam projecti, subter aquam ubi illarum avium in aqua ludentium, obstrepentiumque ingens caterva visa est, natantes, manibus pedibus avium apprehensis, quotquot volunt capiunt, quas funi circumvoluto appensas, natando extra lacum deferunt: hinc vili pretio ibi habentur, & quod iis lacus abundent, & quod Mauri iis non vescantur. Ciconiis, atque Gruibus ea regio non est destituta, quæ aliundè ex longis provinciis hyeme in Ægyptum volant, serpentesque occidunt, ciconiæ præsertim: unde apud eas gentes vel etiam nunc in magno honore habentur, non minus quam & Ibis vocata avis, quæ & ipsa serpentes oppugnat, hæcque tota nigra est, gruinis cruribus, rostro adunco, ciconiæ magnitudine, atque figura. Altera vero est, non ex toto nigra, graciliori & capite, & collo constans, pennæque in hac ubique candidæ, præter caput (ut & Herodotus expressit) cervicem, extremasque alas, & nates, quæ partes nigrescunt. Avis mansueta, & facile curis, apud Turcas proceres & patricos Ægyptios, cum aliis volatilibus alitur. Utramque & nigram. & candidam indiscriminatim ubique locorum in Ægypto juxta Nilum, & lacus omnes vivere à multis accepi. Ab hac ave traditum

à veteribus est Clysteriorum usum cognitum fuisse, quod hæc avis rostri aduncitate aquam in ventrem injiciens, ista eundem clysteris modo proluat: quod an verum sit, verè quidem scire non potui. Accipitres quoque habent cujusvis generis, quibus Arabes ad venandum familiaris utuntur; nec non & Aquilis leporariis, & Falconibus præstantissimis, nobilissimisque abundant, quorum plures in varias provincias ad Reges sæpe Maurorum aliqui convehere soliti sunt. Aliquando ad Henricum Quartum, Galliarum Regem, complures ex iis delatos vidimus. Milvi quoque apud eas gentes familiaris vivunt, cicuresque admodum sunt. Ili magnitudine, colore, atque figura magnos Capos nostros Gallinaceos omnino æmulari videntur. Psittaci complures ex Æthiopia per Nilum flumen æstate flumine increfcente, deferuntur, hique virides sunt, magnitudine parvos Columbos æmulantes. Vidimus nos quosdam illorum passeribus nostris haud majores; qui tamen majores, disciplinæ sunt capaces: nulli in Ægypto nascuntur, sed uti dictum est, convehuntur ex provinciis versus meridiem positis. Abundant itidem Ægyptii struthiocamelis, ita enim deserta loca copiosos alunt, ut nos in deserto quo itur Sues, aliquando non minus quam quinquaginta procul simul convolare viderimus. Velocissimi sunt pedibus, alisque simul in cursum motis, atque ita, ut etiam magno celeritatis impetu acti, ungue majori animalia, vel etiam admodum fera, in pectus, vel in ventrem vulnerantes, interimant. Pulli illorum parvi, & pulcherrimi sunt, & facile cicures. Caro pullorum parvorum esui non injucunda videtur, & coctioni commoda: sed antiquorum, majorumque, coctioni adversissima est. Inter alias Aves hætenus consideratas, Gallinæ ibi numerosissimæ vivunt cujusvis generis, vilique pretio ob id ita habebantur, ut ad summum singulis Maidinis singulæ Gallinæ eo tempore coemerentur. Ibi nunquam Gallinæ glociunt, neque ova incubant, sed ex ovis in clibano ex fimo equino confecto, solaribusque radiis exposito impositis, à calore veluti incubatu pulli omnes excluduntur. Unde ea facilitate nascendi

omnia

omnia Ægypti loca, & pullis, & ovis gallinaceis maximè abundant. Quo tempore ibi moram traxi, Cairi ad minimum pro Maidino ova quadraginta coemebantur: in villis vero septuaginta habuimus: hinc pullicini, non numero, sed mensura quadam simili lignæ mensuræ, quam nostri Quartam appellant, sine fundo, quam pullis repletam in gremia Maurarum mulierum pro Maidino versabant. Præter hæc Gallinas, habent & alias non minores anseribus, maximè pingues, quas Maluffas vocant. Habent & peregrinas ex Numidia perlatas, quæ esui sunt suavissimæ, ibique magno pretio etiam venduntur, adeo ut duæ solummodo pro aureo Veneto haberentur. Hæc Gallinas vel etiam veteribus notas fuisse ex eo constat, quod Varro Meleagrides vocaverit, & Martialis Numidicas guttatas, quæ in plumis nigrantes rhombos habent, in iisdemque aspersas albas guttulas. Indicæ vero à nobis vocatæ, cælum Ægyptium commodè non ferunt, ut idcirco vix ibi vivant.

CAPUT II.

*De Piscibus, qui & in Nilo flumine, &
in lacubus Ægypti, atque in mari
capiuntur.*

Nilus flumen piscibus multis abundat, sed omnes quos producit pinguissimi sunt. Est inprimis inter Niloticos pisces lupus, Venetis variolus dictus, quique adeo ibi augeatur, ut vitulum magnitudine æquet, atque etiam longè major, cum inter illos inibi inveniantur sexaginta usque librarum ponderis, vilique pretio vendantur propter copiam ingentem piscium aliorum, quæ ex Nilo suppeditatur, emebatur enim

major illorum lupus ad summum quarta parte aurei Veneti. Pinguissimus est, & suavissimus. Anguillæ ibi capiuntur usque adeo pingues, & crassæ, ut brachium crassitudine æquent, ac vel etiam crassiores reperiuntur. Sunt optimæ, & gustui acceptissimæ, sed ipsarum esus ibi perpetuo non est tutus, præsertimque mensibus Aprili, & Majo, quo tempore non paucae ipsarum cum serpentibus miscentur. Aliqui earum pastu, tanquam ab exitiali veneno interempti fuerunt, ex totoque ipsarum usus est insalubris: gignunt enim sanguinem usque adeo crassum, atque lentum, ut morbi exinde gravissimi excitentur. Est quidam piscis squammis candicantibus, ex totoque ut lupus albus, cubitum longus, & admodum crassus, caput, atque caudam crassitudine similia habens, at in medio ingens ejus crassities visitur, carne constat lupi piscis molliore, & suavi gustu illi non cedens. Huic similis alius gignitur eodem modo crassus, & brevis, nullis squammis, sed cute molli, & crassa, ut cutis suilla, viridis coloris nigrescentis, capite magno, & crasso, qui juxta os utrinque fibram habet longam crassi pili instar. Hic Christianis inibi viventibus est cibus admodum familiaris, qui etsi figura Tincæ nostrati sit aliquantum dissimilis, tamen Tincarum genere non dubitavi ipsum comprehendere oportere: Caro etiam, & colore, & gustu, tincam esse confirmat. Alocæ, vulgo Chiepe, ibi majores, melioresque, quam alibi inveniantur, expiscantur, quæ fumo siccatae, gustui acceptissimæ redduntur. Mugiles, vulgo Cephali, varii generis etiam in eo flumine vivunt, sed in pretio sunt apud eos longi, crassi, cute quadantenus emaculata, quos Mugiles Arabicos vocant. Lacus hyeme siccati, adveniente nova aqua ex aucto flumine, pisciculos parvos gignunt ex putri materia, qui esui sunt jucundissimi. Horum pisciculorum generationem vel etiam Herodotus meminit. Ranas nusquam in Ægypto videre potui, excepto Pelusio, Damiatavè: inibi solum ranas obstrepentes audivi, quæ parvissimæ sunt, neque incolæ iis vescuntur. In Nilo quoque nascuntur Testudines omnium maximæ, quæ
habent

habent operimenta usque quaque rotunda, atque adeo ampla, ut rotundum clypeum maximum æmulari videantur. Caro est, si probè condita rectè coquatur, esui suavis, multumque nutrit. Hujusmodi testudines, & majores etiam in Ægyptio mari reperiuntur, operimenta pro clypeis conficiendis servant, etenim durissima sunt. Pisces gignit mare Ægyptium, cum Alexandria, tum Rassit, tum Damiatæ innumeros, & optimos, quorum ingens quantitas sale condita dimittitur in varias Provincias conterminas, maximèque in Cretam insulam, è qua vina pro piscibus revehunt optima, & pro Christianis, & pro Hebræis istic habitantibus. Condiuntur etiam piscium ova sale, quæ Botarac vocant, quæque in vicinas insulas mittuntur mercaturæ causa, & ipsorum quoque haud parvam copiam Venetias convehunt. Pisces vero iis familiares, sunt, auratæ, solea, barbi, mugiles, acus esculentus, gobii, cancri, ostrea, chamæ, tellinæ. In littore maris Alexandria, Rassitum pedestre iter facientes, vidimus cancrum parvissimum, unguem pollicis humani digiti magnitudine non excedentem, tanta cursus velocitatè præditum, ut ictu oculi ex litore in mare quasi convolet. Hunc merito Aristoteles cancrum cursorem appellavit: coacervatim è mare in littus ascendit, catervamque eorum ferè innumerorum in maris littore vidimus. Ex Mare Rubro sæpe edimus pisces delatos, sæpissimèque tellinas, at nostratibus longè falsiorem gustum habentes.

CAPUT III.

*De insectis Animalibus, quæ in Ægypto
vivunt.*

Inter insecta animalia, quibus ea regio abundat, sunt Apes inibi fœlicissimè viventes, magnoque propter insignem utilitatem quam ex ipsis capiunt, studio, diligentia, & labore, eæ inibi aluntur. Etenim in suis alveariis positas per Nilum flumen locum mutantes, in varia loca vehunt, atque revehant, cælum temperatius quærentes, atque pabulum copiosum, quo vivant, atque multum mellis gignant. Nos sæpe in flumine eas in naviculis cum alveariis positas offendimus, aliquando Rassist, & aliquando Damiatam, & aliquando supra Cairum versus Sahit navigantes. Itaque ex magna diligentia qua eas alunt, multam copiam mellis, atque ceræ colligunt. Mel est optimum, scilicet albicans, durum, granulosum, dulcissimumque, quo in victu plures ex rusticis vescuntur, senesque præsertim, quibus est utilissimum. Ceræque etiam idcirco illis non deest copia, quam soli expositam, atque ex aqua lotam dealbant. Vespæ etiam inibi abundant, ipsarumque privatim genus, quod ichneumon dicitur, quæ vespa id proprii habet, ut phalangium oppugnet, de qua

*In Lib.**2º. Itiner.**Observ.*

Bellonius rectè quidem inquit., Sed & aliud animalculum est, è vesparum genere, quod ichneumon vespa appellatur, & bellum internecinum habet cum phalangio., Quoniam vero eorum pugnam vidimus, ipsam hoc loco commemorare libuit. Insecti genus est sanguinis expers, forma api, sive vespæ, vel magnæ formicæ alatæ perquam simili, vespa tamen minus, in terra etiam suum latibulum quemadmodum phalangium faciens. Superat phalangium quandocumque id

ex-

extra suum latibulum invenire potest at si in latibulo id adoriatur, sæpe numero re infecta redit. Accidit ut ichneumon vespa, phalangium è suo latibulo egressum corripere, atque post se traheret, quemadmodum formica tritici granum, idque quo volebat impelleret, tametsi non sine magna difficultate: nam phalangium pedum uncis obvia quæque apprehendens, quantum poterat renitebatur: Ichneumon vero suo aculeo, quod instar apis exferit, variis in locis ipsum pungebat. Defessus autem ista pertractione, avolavit hac illac oberrans ad balistæ ferè jactum, deinde suum phalangium requirens, nec quo reliquerat loco inveniens, ejus vestigia sequebatur, quasi illa odoraretur, non minus quam canes leporum vestigia; deinde inventum plusquam quinquagies aculeo pupugit, rursusque pertrahens quo voluit perduxit, isticque planè confecit. Sunt ibi & copiosi Crabrones, & qui sub terra nidificant, & qui in arborum cavernis habitant, quique nostratibus ictus venenosiores aculeis in homines, atque in alia animalia infligunt. Formicis vero cujusque generis magna copia abundant Ægyptii, & longe majoribus quam in Italia vivant, quæ mordentes magnum dolorem parti inducunt cum magna excalefactione; atque ex iis magnis formicis alatas, volantesque complures vidimus. Scorpiones, qui in Ægypto nascuntur, aut albicant colore, aut virides sunt, triploque majores quam nostrates sint, cernuntur. Dicantque quid velint qui Nicandrum, aut Ælianum, aut alios nova genera scorpionum facientes secuti sunt: namque in Ægypto nulli alii quam ii duo scorpiones reperiuntur: nigrisque speciatim ea regio caret omnino: neque alatos unquam ibi videre potui: & Mauri qui quotannis ad nostrum Pharmacopolam scorpiones pro oleo ad Medicinæ usum parando deferebant, omnes unanimiter affirmabant, neque nigros, neque alatos, neque alterius coloris, vel formæ uspiam in ea Provincia visos fuisse: tantummodo ibi albos, & virides reperiri, quorum ictus sunt usque adeo exitiales, ut ni partem ictam ex toto sectione abdicare queant, omnes moriantur, illorum caudæ plerique duos aculeos habent. Plus

timent scorpionum illorum venenum, quam faciant aliorum serpentum lethalissimi veneni æstimatorum, cujusmodi sunt aspides, cerasætes, & similes alii exitiales serpentes. Ego enim cum forte aliquando unum in meo cubiculo offendissem, ferè cammari fluviatilis magnitudine, ita timui, ut quotidie numquam dormitum iverim, ni prius totum cubiculum diligentissime recognovissem, rimatusque essem. Mirum tamen est, tametsi adeo exitiales ii sint omnes, (licet minus albicantes) ut inevitabile fatum viridium ictus afferat, ni pars illa ex toto, ut diximus, amputari possit, Mauros illos rusticos, qui deferunt pharmacopolis ad Medicinæ usum, absque ulla læsione, vel læsionis timore, eos manibus apprehendere, quolibetque alio modo tractare: primum in antiquis ruderibus eos venantur, manibusque liberè absque ulla cautione illos apprehendunt, & in utriculum conjiciunt, iisque repletum in sinu positum inter cutem, & camisiam, neque semper ipsum probè clausum ad pharmacopœum gestant, & quia numero eos vendunt, ex utriculo manipulatim manibus apprehendentes eosdem numerant. Aliquando vero non pauci, per os uteris non bene clausi, egressi in sinum illorum recepti, ab iisdem in sinu inter indusium inventi manibus comprehenduntur; certè mirum maximè est, eos nunquam ab ipsis pungi, etsi eo modo, ut dictum est, liberè tractentur. Verè profecto à Dioscoride traditum est, à scorpionis ictu sæva oriri symptomata, quæ brevem mortem minantur, ita ut aliquando per diem, & aliquando per horas paucas, ipsorum virus interimat. Nostrates longè minus exitiales sunt, exceptis annosis, quorum venenum est exitiale. Sæpe ego fui demorsus à scorpionibus nigris nostratibus, à quorum ictu parum doloris sensi, satisque ad ejus ictum fuit, vel scorpio tritus parti appositus, vel oleum è scorpionibus paratum illitum. Ad Ægyptiorum vero scorpionum morsus, nullum Medicamentum est cui venenum illud cedat, neque vel etiam ulla antidotus potens contra hoc venenum hætenus cognita est: si vero pars ista amputari potest, ea statim amputata, assumptà unà & theriaca, servantur. Post scorpiones vero & va-

riæ

riæ araneorum differentiæ, simulque & phalangia varia, quæ & ipsa araneorum sunt species, inibi nascuntur, à quibus partes demorsæ, in magnum tumorem elevantur, vehementerque dolent, sed theriaca devorata ad drachmam, & ictæ parti adhibita, à periculo liberantur. Præter hæc animalia insecta, Ægyptus abundat Scolopendris terrestribus venenatis. Muscæ, & culices inibi ita copiosi ubique locorum sunt, ut absque linteis tentoriis paucissimi sint, qui dormiant. Sed longè molestiores sunt muscæ, à quorum moribus complures Mauri æstate oculorum angulos ulceratos perpetuo habere solent. Apud Mauros Monachos, ut se à muscis tueantur, vidimus ædium januas, atque fenestras lineis retibus clausas, & mirum est, etsi retium foramina sint ampla, per ea muscas intra cameras non ingredi, unde hi à muscarum molestia in tuto sunt.

CAPUT IV.

De Serpentibus Ægyptiis familiaribus.

In Ægypto tanquam Africæ parte, quæ semper mater Serpentum ab omnibus meritò fuit æstimata, omnium Serpentum maximè exitialium genera copiosius nascuntur, familiarisque vivunt. Inter exitialiores vero serpentes ibi nascentes, locum tenent Aspides, post ipsos Cerastes, Dipsades, Viperæ, atque alii hujusmodi in eo solo viventes. Ita enim Aspidum morsus sunt in Ægypto exitiales, ut, ni pars demorsa sectione omnino amputari queat, ab una hora usque ad tres homines intereant. Tres species istius serpentis observantur, scilicet ipsorum quidam Phtyas dicitur, quasi spuens, quod nimirum in homines, & in alia animalia, ut iis damnum faciat, virus exspuat, collum enim, quasi spacium, quod inter ipsum, atque hominem, vel animal est, dimensus, exporrigit, quasi

quasi ratione computans, quàm longè sperare debeat, ut aliquem attingat. Serpens est ferè bicubitalis, parvæ viperæ crassitie, quæ crassities incipit à capite crasso, callosas veluti carunculas in fronte habente, & sensim ac sensim in caudam usque subtilem decrescit, atque diminuitur. Colore cinereo, viridique ad auri colorem declinante, visitur, duosque habet dentes perforatos, per quos, apertis in morfu vesicis, virus in partem demorsam effunditur. Morfus usque adeo parvus est, ut in cute, veluti acus subtilis punctura appareat, cutis enim neque inflammatur, neque in tumorem attollitur, neque multum dolet, quia venenum susceptum, tenuissimæ substantiæ, in cute ferè nullo temporis momento detinetur, cum statim intra corpus suâ substantiæ tenuitate feratur, excitatque in toto corpore quendam veluti torporem, vel quandam lassitudinem non injucundam, leni quodam sopore, ut demorsi non sine voluptate intereant. Unde Nicander de iis, qui à Ptyade aspidem demorsi sunt, meritò dixit: „ Qui cum voluptate intereunt. ” Hinc est, quod Cleopatra, Ægypti Regina, mortuo Marco Antonio, ne Romam in triumpho à Cæsare duceretur, mortem potius expetivit, non tamen ex vulnere, aut ex veneno, quo mors ex doloribus vulnerum, & in stomacho ex prava qualitate veneni excitatis, atque ex convulsionibus dolorificis sequatur molestissima, at sicuti in deliciis, & voluptatibus ipsa vitam duxerat, ita cum voluptate mortem quoque appetivit, adeoque à Ptyade aspidem percussa, sine labore interiit. Altera vero aspis Chersæa dicta est, omnium longissima, quippè quæ quinque cubitis usque longa appareat, bellicæ hastæ crassitie similis, & colore cinereo aliquantulum subviridi, qualis est fraxini color: oculi ignis modo rubent, versatur in sitientibus, arenosisque Africæ desertis, unde & terrestris dictus est. Tertius Chelidonia dicitur à colore nigro, quo dorsum infectum habet, & ab albo ventris colore, quibus coloribus hirundines conspiciuntur. Cubitalis est, libentiusque vivit circum Nili ripas, ibique habet sub terra suas cavernas in quibus degit. Ab horum Serpentum morfu fiunt singultus frequentes, coloris mutatio, stupor

stupor, & frigus membrorum, ac profundiores somni, & occlusio palpebrarum, cum vehementia pulsus cordis ei propria, atque doloris vehementia. In demorsis ab iis serpentibus continuo membrum supra vulnus arctissime ligant, & si pars sectionem ferat, ipsam sectione amputant, atque ex papaveris aqua theriacam ad geminas drachmas exhibent, & sæpe ab dissecta parte sanguinem apposita cucubita extrahunt, ut unà & virus extrahant, mox & theriacam fauciatae parti imponunt. Cicurari, & mansuefieri aspides, quod Ælianus, atque alii tradiderunt, apud Ægyptios nobis argumento sunt homines Circulatores, qui illos coram spectatoribus manibus liberè tractant, & cum ipsis quasi edoctis varios ludos exercent. Non minori copia ea regio etiam Ceraſtis abundat, qui serpentes cubitales, & ampliores sunt, cinerei coloris flavescentis cum quibusdam maculis in dorso nigricantibus, capite plano, lato, duo cornicula in fæminis, & unum in maribus cochlearum corniculis similia in fronte habentes, at dura, acum ferreorum modo in acutum desinentia, quod in aliquibus latum, planumque visitur, Hæmodite maxillas latiores, amplioresque præseferens, & in aliquibus caput oblongum est viperis nostratibus haud dissimile. Ex hujus serpentis carne Ægyptii Medici, eo tempore quo ibi moram traxi, pastillos viperinos ad theriacam parandam conficiebant, quem serpentem Tahyr appellabant. Alterum latiori capite serpentem, duo cornicula in capite gerentem fœminam, atque unum marem, ex Ægypto vivum cum vipera Avicennæ accepimus postea, veramque ceraſtem esse illum credidimus, tum quod habeat in capite duo cornicula cochlearum similia, tum quod Viperæ similis serpens sit: quæ de ceraſtis signa expressa veteres reliquerunt: ac tametsi de ceraſtum cornibus antiqui satis confuse scripserint, siquidem non cornua, sed eminentias quasdam cornuum instar eos serpentes habere affirmarint, & quidam alii in cornuum numero minimè conveniunt, nihilominus cum plerique antiquorum duo habere cornua in capite cochlearum modo unanimiter tradiderint, nempe Ælianus, Plinius, Solinus, & cum his alii, atque omnes

serpentem viperæ similem fecisse visi fuerint, & in corporis magnitudine, & in colore; nos utique credidimus, serpentem, cujus imaginem affabrè delineatam * hic dedimus, pro legitima cerasse accipi posse. Serpentem vero alterum, cujus etiam imaginem nos † hic damus, esse legitimam viperam Avicennæ affirmare non dubitavimus, cum omnes notæ ab ipso expressæ verè in hoc ipso serpente eluceant. ” De viperis ita inquit. †† Et Viperæ quidem sunt Serpentes capitata habentes plana, quæ sunt lata proprie apud propinquitatem colli, minuti, subtilis valde, quorum caudæ sunt curvæ, strepitum facientes, & sonitum in incessu. ” Colorem etiam paulo post subdidit esse flavescentem. Hic serpens quem hic damus, vix cubitalis est; caput latum, atque planum habet in acutum desinens, collumque angustum, ventrem crassiores, caudamque brevem, in extremo nigram, colore ad flavum inclinante, cum quibusdam in dorso, & ventre maculis nigricantibus. Audio nunc cœpisse Ægyptios istiusce serpentis carne uti pro pastillis viperinis parandis, quod an verum sit, nondum certò deprehendi. De viperis vero in Libro quarto de Ægyptiorum Medicina, una cum istac Historia brevi evulganda, satis superque egimus, & multa ad illarum notitiam assequendam accuratissime consideravimus, quæque alii neglexerant. Dipfas non minus inibi reperitur, quæ, ut audivimus, serpens est viperæ similis, sed longè subtiliori corpore, minorique capite. Non est species viperæ, multo minus, ut Marfi olim Galeno affirmasse visi fuerunt; est ex viperis viventibus in locis siccis, asperis, nitrosis, & falsis, à quorum locorum nitroso, & falso temperamento credidit Galenus ex Marfis hosce serpentes nancisci qualitatem immodicè siccantem, qua sitim inextinguibilem eorum carnes inducant, unde hasce carnes Theriacam etiam sitim inducentem reddere credidit. Quod tamen Ægyptii falsum esse, longa experientia deprehenderunt, cum suos trochiscos vipereos ex serpentibus Tahyr vocatis parare semper fuerint assueti, qui serpentes vivunt in locis siccis, squalidis, ex toto nitrosis ac falsis, universum etenim

* Vide
Tab. V.
† Vide
Tab. VI.

†† Viperam
Avicennæ,
vide Tab.
VII.
num. I.

Cerastes legitima Antiquorum.





Cerastes altera, mitu
pro Tahyr femina
ex Ægypto missa.



etenim Ægypti solum, præter id quod prope flumen, & lacus est, est squalidum, & adprime falsum. Non ob id tamen Ægyptiorum Theriacam ab innumeris voratam, aliquem ex ipsis siticulosum unquam reddidisse cognitum est. Unde merito Dipsas serpens est sui generis, cujus morsus calorem æstuosissimum inducit, atque sitim inexplebilem, cum qua demorfi moriuntur, nihil eos juvantibus Medicis præsidii. In demorsis vero primum arctissimè confestim partem percussam ligant, scarificant, aut ferro candente inurunt, exhibentes theriacam per os, atque extrinsecus etiam percussæ parti eandem theriacam adhibent. Fert & ea regio complures alios serpentes summè exitiales, cujusmodi est Hæmorrhœis, Acontia, sive Jaculum, Seps, Ophylinus, Draco. Hæmorrhœis dictus est, quod ejus morsus sanguinis profluvio interimat, estque serpens nostrati viperæ, quam Patavini Marassum vocant, similis, sed minor, & corpore tenuiori. Acontia, sive Jaculum, quod jaculi modo se ipsum in homines, atque in alia animalia magno impetu effert. Ejus morsus brevem mortem inducit. In Ægypto ii serpentes vivunt, ut Ammianus Marcellinus auctor est: at longè copiosiores Acontia observantur in multis Æthiopiæ locis, ut Franciscus Alvarez in suis Relationibus sæpe meminit. Seps, seu Sepedo, quem Arabes Selsir appellant, est brevis serpens, habens caput latum, planum, collum tenue, corpus crassum, & rotundum, caudam brevem diverso colore Hæmorrhœi similis. Hic morfu suo summam inducit, & in parte percussa, in qua caro veluti ex toto corrupta, ex ossibus abscedit, & in corpore, putrefactionem, adeo ut paucis diebus demorfi intereant, membris omnibus diffluentibus solutis. Avicenna de hoc serpente ita habet. " Existimaverunt quidam quod „ sunt serpentes, qui sunt in regionibus Assem (Syriæ) & „ in Ægypto, habentes capita lata, parva colla, curtas caudas, ventres rotundos, & non sunt super capita lineæ, & „ squammæ, sed super corpora eorum sunt lineæ diversi coloris, & cum incedunt, non rectificantur, imo contrahuntur; curant demorfos, ut à viperis, atque ceraistis. „ De


Basilisco etsi nihil certi ibi habeatur, audivimus tamen esse parvulum serpentem, qui palmum longus, minimi digiti crassitie, in capite carunculam cristæ instar habet, & in dorsi medio duas squamas utrinque positas, quibus utitur alarum modo ad cursus celeritatem. Retulerunt mihi non pauci, hosce serpentes copiosius, & abundantius vivere juxta quosdam lacus, à quibus putant Nilum flumen originem habere, ad quos profecto lacus nulli accedere audent, neque tentant, ob eorum serpentum usque adeo exitium cognitum, ut propterea ibi, & alibi ad multa miliaria prope eos lacus neque animal ullum vivat, neque (quod magis mirum videtur) ulla planta. Hæc de Basilisco ex relatione Ægyptiorum in Æthiopiam, & Nubiam sæpe iter facientium, accepi-
 mus. Sed fortasse non minus dubitabitur de Dracone, an verus serpens, vel fabulosus sit. Non esse fabulosum, Ægypti incolas non latet, præsertimque eos qui Ægyptum superiorem habitant, in cujus deserto non semel visi fuerunt serpentes hominis crassitie, longi triginta, & quod excedit pedes, quorum capita magnitudine Bovina æmulantur, quæ in sincipite quasdam carnosas eminentias habent cristarum in modum rubri coloris. Hosque, & similes alios serpentes, ii dracones esse existimant, quorum aliqui non raro etiam in deserto Memphitico conspecti sunt: nosque cum multis aliis Damiatam navigantes per flumen Nilum, cum in principio Deltae Insulae navem egressi in littore fluminis spatiaremur, eminus in quodam monte arenoso serpentem conspeximus, longissimum quidem, &, ut conjecimus, ad minimum pedum viginti, capitis humani amplitudinè, elatoque collo, capiteque super arenam morabatur, qui, ad sonitum nostrorum tormentorum manuariorum, quæ ignifero pulvere contra ipsum accenso direximus, continuo in ictu oculi quasi avis evolando aliò fugit. Quædam mulier Christiana Cophta, mihi admodum familiaris, emit quandam servam Christianam juvenem Feida vocatam, quæ ex Provincia Nubiæ Decur dicta Cairum deducta erat. Cum hac juvene lubens sæpe conversabar, ut ab ipsa quædam propria ejus patriæ gentis audirem,

rem, inter quæ hoc sæpe ab ea percepi, in Nubiæ Provinciæ suæ solo patrio aliquibus annis serpentes multos longissimos, hominis crassitie, habentes capita magna bovis instar, habentia in summitate quandam cristam rubram, transire, omnesque & homines, & alia animalia illis obvia devorare, eamque Provinciam devastare, ac inhabitabilem reddere. At indigenæ cum earum Belluarum adventum aliquo modo præsentiscerent, herbam inibi à Deo Opt. Maximo remedii loco productam, abundeque viventem, succedentes, atque ex ea suffitum excitantes, omnes eos serpentes fugare, ut ea Provincia tuta reddatur ab eorum serpentum incurfione. Eam herbam dixit esse humilem, foliis ocymo non dissimilibus, validum, ingratissimumque odorem spirantem: quam etsi multo studio ad me deferre à Nubis mercatoribus studuerim, numquam videre potui. Atque hæc obiter de Dracone dicta sint. Est vero in Ægypto alius serpens admodum familiaris, decem pedes longus, brachii humani crassitie, capite magno, & lato, cui peculiare, ut recto collo, ventre in velum rotundum catini modo expanso, celeberrimum cursum habeat, Ægyptii Jehban appellant, & nos Ophylinum, id est, serpentem velatum, nominavimus. Veteribus visus est omnino ignotus, cum nullus ex antiquis ipsius meminerit, & mirum est, eos latuisse tantum serpentem adeo Ægyptiis familiarem. Ita est hominibus familiaris, ut non solum ab ipsis mansuefiat, & cicuretur, sed etiam ita erudiatur, ut rationis usum, atque rerum cognitionem habere videatur: unde mirum non est, si circulatoribus Ægyptiis evaserit multum domesticus, atque utilis, quem nos sæpe apud eos vidimus, qui plus intelligentiæ quam canis habere nobis visus est, ejusque superius, cum de circulatoribus Memphiticis sermo habitus est, meminimus, ipsumque accratius consideravimus. Dum vero hæc scriberem, litteras ex Ægypto accipio à Matthæo Carbono, illustrissimi Consulis Veneti Medico præcellentissimo, amico maximè colendo, qui in magna illa Civitate Cauri multos annos Medicinam magna cum laude faciendo moratus est, atque adhuc inibi moratur, qui de prædicto ser-

pente hæc in litteris habet. "Sed jam venio ad serpentem.
„Hunc Ægyptii nominant Tehbam nasser, ab aliquibus voca-
„tur solummodo Tehbam, ab aliis Tohbam, cujus quidem, ut
„tibi plane satisfacerem, imaginem, figuramque delineatam misi,
„& præter ejus serpentis expressam figuram, etiam duos ser-
„pentes ex iisdem vivos mitto duabus ligneis capsulis clausos,
„quos dentibus carere volui, ut sine timore tractari possint.
„Ego vero, qui maxime hosce serpentes timere soleo, meis
„manibus in pyxides ligneas reposui: præter hos, unius alte-
„rius decorticati pellem itidem mitto, stuppa oppletam. Quem
„autem misi, est mediocris magnitudinis, ipso enim longe ma-
„jores inibi observantur. „Hi serpentes in ventre obscure al-
bicans, reliquum corporis in aliquibus nigrum visitur, in aliis
coloris cinericii. Hujusmodi animal cum totum humi pro-
cumbit, & serpit, totum rotundum cernitur, cum vero ipsi
aliquis adversatur, opponiturque, continuo è terra capite,
recto collo, & ventre extollitur, eaque parte corporis, quæ
ejusce corporis tres quartas capit, rectum manet, incedit,
& reliquo corporis serpit. Qui serpens rectus multo tempore
manere, & progredi in terra potest, plurimum efflat, si-
bilatque: habet vero (quod quidem singulare est) à collo us-
que in ventrem eam partem membranaceam, quam dum re-
ctus progreditur expandit in veli modum. Velum enim ven-
to inflatum distentumque apparet, rotundumque, catini ve-
luti magnitudine, quam partem in velum distentam, ad li-
bitum claudit. Vidi rem mirabilem in hoc serpente apud
Circulatores; scilicet, quod cum hoc animal caput extollit,
& rectus incedit, velociusque ob velum proserpit, efficitur
admodum effrenis, & quasi furiis agitatus. Quod cum vi-
derint Circulatores, ut iram ipsius compescant, conspuito statim
digito nasi ejus summitatem tangunt, ex quo bestia illa con-
tinuo in terram, ut mortua cadit, libereque manibus tracta-
tur, & ita veluti profundo somno oppressa, vel etiam per
diem integram perstat. Cum vero ipsam expergisci volunt,
caudam ipsius validè comprimunt, fricantque, quoad exper-
giscuntur, quæ continuo redit ad suum, ut ita dicam, fu-

Ophylinus,
sive
Tebham Nasser,
inflato velo
festinans.







Tehbam nasser
seu
Ophylinus.
Longitudo est Cubit. IV.

rorem. Hoc cum viderim, credidi Circulatores id fecisse vi alicujus antidoti, quod ore continerent: unde illud meo sputo, & meis manibus experientia cognovi, eos nullo ad id antidoto usos fuisse. Hic damus istius serpentis duas imagines, * unam humi serpentis in qua totus serpens rotundus etiam sub collo cernitur, atque † alteram ejusdem, sed re-
 cti, cum velo sub collo extenso incedentis, qui velocissimè
 movetur. Hic nascitur in antiquis sepulcris, quæ vulgus mu-
 mias vocat: est hic serpens maximè disciplinæ aptus: quod
 si esset verum, animas humanas migrantes è corporibus post
 mortem ingredi corpora bestiarum, ut Anaxagoras credidit,
 suspicari liceret, ob cognitionem qua præditi hi sunt, Ægyptio-
 rum animas habere, quorum corpora inibi humata jacent.

* Vide
 Tab.
 VIII.

† Vide
 Tab. VII.
 Num. 2.

CAPUT V.

*De Animalibus lacertosis in Ægypto
 viventibus.*


Complura animalia lacertosa Ægyptiis itidem sunt familia-
 ria, cujusmodi est seps, lacerta chalcidica vocata, *
 chameleon, scincus, atque crocodilus. Lacerta chalcidica
 cujus * hic imaginem damus, est seps veterum, non serpens
 mortiferus, quem superius nominavimus, sed animal lacer-
 tosum, quem Nicander expressit, cum sepem fecerit cor-
 pore humilibus lacertis similem. Hæc inquam apud Ægy-
 ptios familiaris vivit in murorum, ædiumque foraminibus,
 & in hominum cubiculis, quam non magis incolæ timent,
 quam nostri vulgo lacertas. Verum etsi ab ipsis accepimus
 esse venenatam, tamen nunquam quempiam ejus morfu in
 venenata symptomata incidisse liquidò constat. Chameleonibus
 etiam multis stirpes Ægyptiæ abundant, qui degentes in stir-
 pium foliis, & ramis visuntur, cum ex loci ubi sunt, co-
 lore,

* Vide
 Tab. IX.
 Num. 1.

lore, hæc animalia itidem colorem trahant, virescunt in foliis, in terra colore obscurantur. Est veluti lacerta, horrido aspectu, ut serpens, oreque in sufflando excitat strepitum, quo, antequam ejus naturam expertus fuisset, mihi timor aliquis ex illo strepitu, simulque & ex horrido illorum aspectu inducebatur, sed postea ejus naturam non noxiam, sed benignam esse cognovi. Flatu enim strepitum edente, digitum intra ipsius os imponebam, à quo nihil noxæ recipiebam, etsi usque in gulam digitum injecissem: os enim omnino dentibus caret, nihilque duri in ore habet, quod dentium loco esse queat. Ex quo fortasse veteres perperam existimasse visi sunt, non fuisse dentes Chameleonibus necessarios, quod ii solo aëre vivant, proinde os magnum, amplumque habuisse, intus lenissimum, atque molle. Sed decepti fuerunt, quando ii ex quibusdam insectis vivant, muscasque præsertim continuè venentur, linguæque extremo, tanquam Elephantis proboscide, non tamen cavo, sed tenui, asperoque eas capiant: in Chameleonibus mirus est muscarum venatus, muscas etenim vel etiam semipede distantes gemino gradu repente mira celeritate edito linguæ extremo capiunt, easque devorant. Chameleones verò duplicis differentiæ observantur, quidam longitudine lacertæ visuntur, alii minores, in multis mutuò etiam differentes: utrique linguam habent longam, in ejus extremo est veluti proboscis, quo muscas capiunt, & tametsi in ambobus iis Chameleonibus tam * majoribus, quam † minoribus in ore appareant quædam eminentiæ, inæqualitatesve, quasi ferras, vel dentes æmulantes, tamen nulli sunt in ore dentes, eæque inæquales eminentiæ dentes æmulantes sunt ex carne mollissima, unde in ipsorum ore digiti immittuntur, qui undique oris carnem mollissimam sentiunt. Ambo colore flavescent ad viridem inclinante, unde in frondibus, perinde ac frondes virides evadunt: Hieme latere in cavernis, nequaquam verum est, cum in ea regione hyems veris in modum sit temperata, ut frigus haudquaquam molestum animalibus sit. Abundant Ægyptii quoque ad opiparam Venerem conciliandam iis lacertosis ani-

* Vide
Tab. IX.
num. 2.
& Tab.
X.

† Vide
Tab. IX.
num. 3.







nimalibus, quos Scincos vocant, Dioscorides, & alii Crocodilos terrestres appellarunt. Qui ex Ægypto Venetias convehuntur, lacertas nostrates maximè imitantur, at sunt crafiores, latiores, & coloris flavescentis cum quibusdam maculis circa dorsum nigricantibus. Serapio Scincum stellionis aquatici speciem fecit. Animal est amphibium, quod vivit in aqua Nili, & in terra. Et tametsi non me lateat hujusmodi lacertam omnes fere pro Scinco legitimo in usum recepisse, nihilominus istiusce Scinci cognitio apud me non levem difficultatem habuisse perpetuo visa est, siquidem vulgaris Scincus officinis Venetis maxime notus, notis non respondeat Scinco antiquorum. Primo enim ex Dioscoride constat, Scincum esse terrestrem Crocodilum sale induratum. Sed quænam in vulgari Scinco cum Crocodilo apparet in magnitudine, & in figura similitudo? Crocodilus in magnitudine est sicut Elephas ad murem. Præterea, quis unquam vidit ex Scincis vulgaribus quendam bicubitalem, ut de Scinco Pausanias tradidit? Haud leviter videtur suspicandum, Herodotum (qui ne verbum quidem de Scinco) per Crocodilos terrestres, apud Nomadas tricubitali ad summum magnitudine nascentes, terrestribus lacertis affimiles scribentem, Scincos intelligere voluisse. Addimus, in Scincis eam insignem vim movendi venerem, ita ut ex vorata drachma Scinci renum, quod Arabes prodidere, veluti magnus priapismus excitetur, atque adeo, ut ad adimendum hunc excitatum affectum, Medicamentum adhibere sit necessarium, multo minus observari. Etenim complures, qui Scincum, vel etiam recentissimum copiosius assumerunt, nullam utilitatem ad venerem consecuti sunt. Quare crediderim ego, illud animal lacertosum terrestre crocodilo simile, cubitale, squamis minimis rotundis obsitum, colore candidiore, atque cute etiam tenuiori, cauda rotunda, & brevi, mitiori natura, ita ut non lædat, raroque mordeat, esse veterum Scincum, cujus renes tantopere ad opiparam Deam Venerem augendam à veteribus fuere miris laudibus concelebrati. Copiosi reperiuntur supra Memphim in terrestribus, siccisque


E e

locis.

* *Vide*
Tab. XI.
num. 1.
 2.
 † *Vide*
Tab. XI.
num. 3.

locis. Sed puto hæc animalia esse amphibia, scilicet & in terra, & in aqua promiscuè viventia. * Horum duorum Scincorum hic imaginem damus. De † Crocodilis vero, quibus Ægypti tota ea regio maximè abundat, præsertimque supra Cairum versus Tebas, & in Nilo, & in lacubus, atque ita ut non sit tutum homines inibi versari, immanissima enim bestia est, magnitudine triginta cubitorum, homines, aliaque animalia indiscriminatim devorans; major vis ejus in cauda est, qua veluti latissima, durissimaque ensi, animalia, se ipsum vibrando, prosternat, quæ postea devorat. Ægyptus inferior minus iis abundat, maximeque circa Insulam Deltam vocatam, inibi paucissimi, & minimi habitare observantur, fortasse hoc, quod post Memphim versus mare paucissimi Crocodili visuntur, iique omnium minime, quos Scincos veterum esse credidimus, fit ex majori in hac parte hominum commercio, à quibus timeant; vel quod superius longe plures sint lacus maximi, in quibus libenter vivunt. Aliàs diximus, ut indigenarum relatione accepimus, postquam à quodam Ægyptio Mago Crocodilus magica arte confectus supra Cairum duorum dierum itinere in Nilo flumine obrutus fuit, nunquam Crocodilos transire locum, in quo magicus crocodilus sepultus est, potuisse, & in hanc causam Ægyptii eruditiores magnorum crocodilorum ad Memphim, & ad alias versus mare Ægyptium urbes sublatum commercium, frequentemque transitum interceptum, retulerunt. Quod tamen fabulosum esse credidi, & potius crediderim ego, illud referendum esse, in minorem, & majorem per ea loca hominum conversationem, quam crocodili fugientes, propterea ad Memphim, neque ad alias urbis versus mare non veniunt, sed manent in Nilo super Memphim, quod hæc loca minus sint ab hominibus habitata, & frequentata. Rem maxime miram dicam, scilicet tam grandem, immanemque belluam, quæ numerosissimis hominibus validè obsistere apta nata est, homunculos quosdam rusticos gracillimos, unum, vel duos invadere, eamque manibus apprehendere, & ita tractare, ut fune os vinciant, atque pedes, & ita legatis pedi-





pedibus, & ore, asino superponentes, vehant ipsam ad mercatores Venetos, eamque belluam vendant, occidant, pellemque decorticent. Quid majus? deductam bestiam, ut eam mercatores empturi commodè videant, & ejus incessum observent, eaque oblectentur, os, pedesque ablaqueantes, sinunt eam ad libitum moveri, spaciarique, quam, ni sponte id faciat, verberibus, puncturisque cogunt, quæ ubi moveri, ac spaciari parum visa est, denuo os, pedesque arctè ligant, eamque gladio jugulantes, ab ea pellem decorticant, & vendunt; & admiratio est, quod ii audeant tam grandem belluam ità liberè tractare, nunquamque ii ab ipsa male afficiantur, cum ea quoscumque alios occidat, atque devoret. Quod de Trochilo avicula dictum est, verum esse quoque audivimus, quippe excrementa carniū in dentibus relicta, atque etiam vermiculos ex putrefactis carniū reliquiis qui ibi nascuntur, ipsum os crocodili apertum ingressa, rostro acutissimo purgare, non autem sanguifugas, ut perperam Herodotus tradidit: at, finita dentium deterfione, bestia beneficii immemor, ut tandem aviculam etiam devoret, os claudit, quo cognito Trochilus rostrum acutissimum in maxillæ superioris cavitatem, (ea enim pars, & mollis, & exquisitissimi sensus est) affligendo, non sinit os claudere, & repentino volatu ab eo discedit.

CAPUT VI.


*De Animalibus quadrupedibus domesticis, quæ
Ægyptiis sunt familiaria, & primo
de equis, asinis, atque mulis.*

Ægyptii præter singularia quædam quadrupeda animalia, quæ ipsis sunt propria, cujusmodi sunt cameli, dromades, bubali, leones, pardales, civetæ, gazelæ, ichneumones, equi marini, habent ea omnia, quæ apud nos sunt, scilicet equos, asinos, mulos, boves, fues, oves, capras, canes, feles, mures, & ex sylvestribus quoque, boves, asinos, urfos, lupos, vulpes, martires, cuniculos, & ex peregrinis, quæ ex finitimis provinciis deferuntur, tigres, leones, pantheras, elephantes, giraffas, atque simias. Horum vero omnium animalium quadrupedum, hic qualitates complecti nostrum erit institutum. Idque faciemus à domesticis exorſi primum & ab equis, quibus ea tota regio maxime abundat. Eos etenim pulcherrimos Ægyptus producit, omnibusque numeris absolutos, velocissimos, audaces, maximeque dociles, ut velociores, quique freno magis obediant, nullum alium reperiri putem; ita enim ii disciplinabiles sunt, ut ratione pollere videantur, ad varios, differentesque currendi, movendique modos, & in pugna ita audaces, prudentesque apparent, ut bellicæ disciplinæ omnino haud expertes videantur. Turcæ si in via discedant, ibique diu equos relinquunt, quoad ad ipsos redeant, nunquam vel unum pedem loco in quo relinquuntur, movebunt, unde fervos ad ipsorum custodiam relinquere non sit opus. Pulcherrimi inibi nascuntur, caput parvum habent, aures breves, faciemque brevem, oculos magnos, vividos, mobiles, totius corporis habitus non præ-

pin-

pinguis, & crassus, sed carnosus, & ad gracilem inclinans, juxta ilia sunt quam nostrates graciliores. Hordeo, atque paleis, quodam artificio furfurum modo detritis, quæ non triticeis furfuribus majores sunt, perpetuo aluntur, quo pabulo mirum non est, si optimam carnem, solidamque gignant, qua robusti redduntur, & ad omnia opera apti. Unus ex iis duo mille aureis Turcicis venditur. Arabes pulchritudine iis non cedunt; at sunt longiores, & graciliores: idque ex parco victu evenit, possunt enim ii triduo absque potu manere. At in cursu, longè urbanis equis sunt velociores, atque agiliores, quibus Arabes utuntur, & in pugna, & in rapina, & in fuga. Quidam Princeps Arabum, Turca, Remonim vocatus, inter alios equos ferè innumeros unum habebat, quem præ insigni ejus pulchritudine, ingenio, atque amore quo suum dominum prosequabatur, mirum in modum adamabat, carissimumque ita habebat, ut unà in tentoriis cum Remonino dormiret, à quo profecto equo ita quoad dormiret ipse custodiebatur, ut veluti excubias faciens, si rumorem aliquem sentiret, capite ipsum contingens à somno excitaret. Quod equi in Ægypto sint pulcherrimi, velocissimi, maximeque audaces, & ingenio versatili, quotannis ex toto regno quadraginta, & quinquaginta feliguntur, qui ad Turcarum Imperatorem Byzantium mittuntur, siquidem ipse rarò alium equum quam Ægyptium conscendere solet. Aliqui ex iis duobus millibus aureis veneunt, & longè pluris. Inter equos autem feliguntur spadices, aurei coloris, nec non rufi, quos Ascar vocant. Abundat & ea tota regio optimis, & præstantissimis Asinis, equis minimè commodo incessu cedentibus, unde (ut mea fert opinio, omnes inibi gentes meritò asinis & familiaris usi fuerunt, atque in præsentia etiam utuntur ad itinera conficienda, non Turcarum Imperatoris decreto persuasæ, decernente nullum ex Ægyptiis non privilegiatum licere uti equis, aut equitare. Quod etsi nunc verum sit, nihilominus ea gens asinis pro itinere faciendo uti mavult, quoniam præstantissimi sunt, non minus quam equi ad iter faciendum expetendi, quoniam & velociori cur-

su perinde ac equi, & commodiore homines vehunt. Complures inibi reperiuntur asini, & colore nigerrimo, & pulchritudine, & magnitudine, & commodiori incessu, atque cursu iis equis nihilo cedentes, quos vulgus Chineas vocat, unusque pretio aestimatur centum aureorum, & plurium: Quod in solo calidiori vivant, atque in arenoso minimè lapidibus referto, ac impedito, velociores & in incessu, & in cursu sunt, à nostratibus admodum diversam naturam habentes, qua onagris, id est sylvestribus asinis in Africæ solitudinibus viventibus similes videntur. Ab onagris vero differunt, eo quod maiores sunt, atque mansuetiores. Ægyptii non ephippiis ad asinos utuntur, sed parvo tapete super dorsum strato, quo modo vel etiam mulieres asino vehi solent, quippè super tapetem sedentes. Asinis conductitiis complures utuntur, iisque sex horarum spacio septemvè ad plurimum Alexandria discedentes Rastitum pervenimus, quæ ab Alexandria distat quadraginta miliaribus Italicis. Neque in toto eo itinere quidquam, vel cibi, vel potus degustarunt, finitoque itinere, asinorum custodes ipsis pro cibo dabant integras fabas siccas ad libræ pondus. De Asinorum vero ingenio, atque natura disciplinabili, superius cum de circumforaneis sermo habitus est, satis, superque diximus. Muli etiam inibi innumeri ferè nascuntur, qui magni sunt, pulcherrimi, & cursu velocissimi, quos, qui iter ocius quam Asinis fieri queat expetunt, asinorum loco conscendunt, diuturno etiam labori itinerario, plus quam asini, resistunt, eumque diutius perferunt.





CAPUT VII.

*De Camelis, & Dromadibus, qui in Ægypto
aluntur.*

Sequuntur ex domesticis quadrupedibus Cameli, quibus non minus prædictis tota ea regio, & Arabia, contermina Provinciâ, maximè abundant. Animalia sancta ii appellant, ex insigni commodo quem ex ipsis indigenæ accipiunt: Victum enim parcissimum, exiguique sumptus ferunt, & magnis laboribus robustissime resistunt. Horum vero triplex genus reperitur: unum quod Turcicum vocant, robustissimum, validissimumque: alterum nobilissimum, quod Latini Dromadem, & Mauri Egin vocant: Tertium medium inter hos. In hujuscemodi camelis, tota Arabum vis, & robur, victusque consistit. Etenim primis ad onera ferenda, eorumque suppellectilem, filiosve, in quibusdam pulcherrimis cunis pereleganter ad id instructis, utuntur. Alteros verò ephippiis insternunt, frenoque perindè atque equos regunt. Hos conscendentes vastissimas solitudines, loca invia, montes, & deserta pervadunt: Hos cursores, & tabellarii per Arabias equitant, iisque maximæ sunt utilitati, nam usque adeo veloces sunt, & celerrimo cursu præstant, ut uno die iter absolvant, quod quatrIduo equi commutati non facerent: quod si aliquanto defessi videantur, per horam solummodo respirare permissi, vires recipiunt. E Meccha Mëmphim quadraginta dierum iter, atque illud per montes, decem diebus veniunt. Nullum animal illiuscè molis citius comedit. † Pulcherrimum est, & Arabes, cum uxores ducunt, eas super dromades ornamentis gratia vehunt. Qui ad longa itinera, & bella proficiscuntur, & Turcæ, & Reges, multos Dromades

† Vide figuram Dromadis Tab. XII.

des habent undequaque ornatissimos, quorum nonnulli, super ipsis sedentibus servis, quocumque se contulerint, eos comitantur, sive currendo, sive alio modo, aquam, bellaria, & selectos cibos, & condita in mantica, nec non tapetes, & aliam suppellectilem ferentes. Consuevere enim, qui agmen vel militum, vel mercatorum, seu peregrinorum, ducunt, modo præire, modo subsequi, modo huc, modo illuc se conferre, cum selectissimis hominibus, ne sui à lateribus invadantur, maximeque qui alios sequi nequeunt, ut mulieres, virivè imbecilles, aut qui animalia defessa, laboreque confecta habent, quibus omnibus consulunt, sive Mehemetes factæ sint, sive alterius; in quo quidem Mauritanorum diligentiam, & humanitatem dignam summa laude judico: quod in itineribus omnium eam curam gerant, ut nullum perire sinant, quod sedulo facientes, quandoque ut totus exercitus pertranseat, expectant, quandoque ex quo discesserunt, quandoque ad jumenta accurrunt. Aliàs ob vigilias noctis id temporis ad dormiendum assumunt, quo omnis multitudo pertranseat. Ad quod facit Dromas, à quo in terram prono, quicquid volunt accipiunt. Hicque est Dromadum usus, non autem in bello, ut Plinio fuit persuasum. Nullam aliam utilitatem in bello Dromades afferunt, quam eam à nobis prædictam, expressamque. Tertii generis camelos fœminas, intactas, propter earum lac, servant; eas, omni labore solutas, vagari permittentes per loca sylvestria, pascentes spinam in Ægypto acutam, Arabicamque etiam vocatam, acaciam in Arabia petrea, atque juncum odoratum in Arabia deserta, ubivis absinthii species, aliasque herbas, & virgulta spinosa, quæ in desertis reperiuntur. Camelorum itaque lac est præcipuus eorum cibus, vel solum, vel cum malva coctum. In deliciis habent panem spoditen sine fermento sub cineribus, vel super marmoreum lapidem candentem coctum, quem deinde butyro emolliunt. Quamvis autem Arabes sylvestribus animalibus ad victum maxime abundant, tamen eorum carnibus, ut in primo libro etiam dictum est, Camelorum lac anteponunt, tum quod hoc animal quasi venerentur, cum
vana

vana fide credant Mecchæ Camelum eorum pseudo-Propheetam allocutam, quodque male à Domino tractaretur coram illo conquestam, idque, orationi vanitatem adhibentes, evenisse inquit, ut & brutorum animalium testimonio ipsum Propheetam esse liquidò constaret; tum etiam quod præter alia emolumenta, quæ ex Camelis capiunt, vestes quoque, & tentoria ex iisdem habeant. Ex eorum enim pilis multa fiunt, maxime vero pannus, quo & Principes oblectantur, nec minus quam aulæum ipsum nonnulli meritò æstimant, unde &, quod ejus usus salubris sit, eo panno nonnulli Veneti Patritii vestiuntur; tum etiam quod apud illos hujusce lactis ope, nullus hydrope, nullus regio morbo, nullus dyspnœa, nemo obstructione detentus reperiatur. Nullus tandem psora, lepra, scabie, vitilagine, nec alia cutis infectione laborat, quemadmodum urbanorum multi iis malis vexari solent, cum lac omnibus his malis medeatur. Asthma enim tollit, hydropem sanat, spleneticis prodest, uteri obstructionibus subvenit, menses movet, facilisque est coctionis & naturam lenit. Quæ profecto omnia Ægyptios sæpe fuisse expertos deprehendimus. Nam, aliis omissis, mulieri Mauritanæ, febre, hydrope, ascite, jecorisque, & lienis obstructione insigni laboranti, simul cum lotii suppressione, à Persa Medico, nullo alio remedii genere proficiente, hujusmodi lac ad sesquilibram quotidie fuit exhibitum, quoad sanitati fuit restituta. Aquam educebat, obstructiones aperiebantur, urinam movebat, vires recreabat, sicque ea omnino fuit sanata. Multos & ab affectibus splenis hoc tantummodo lacte epoto liberatos fuisse vidimus. Quod vero ipsum sit optimum, optimique succi, vel eo argumento probari potest, quod Arabes hi, quamvis in montibus vitam transigant, tamen ingenio, arte, & multis animi dotibus probè valent, callidique sunt, & stratagematum non ignari. Contra, qui nostros montes incolunt, quamvis libero, apertoque cælo fruuntur, ob assiduam tamen fructuum crassorum, sicuti castanearum, & raparum, & id genus eduliorum usum, ingenii dexteritate parum valent: ex quo quidem animi, & corporis temperiem mutuo

se consequi licet intelligere. Quare Moysem populo Isdraelitico, & Mahemetem, à Sergio Monacho Græco edoctum, populo Arabico, cibos, frigidos, crassos, & viscosos, tenacesque gignentes succos, interdixisse ferunt. Quod autem Arabes ingenio valeant, vel ex eo intelligi potest, quia de iis dici possit, quod veteres de Romanis tradiderunt, scilicet alias nationes servitutem pati potuisse, populi vero Romani propriam esse libertatem, siquidem hi magis quam Romani libertatem retinere, eam enim omnibus divitiis, omnibusque commodis prætulerunt. Hos per tot secula nullus unquam subegit. De qua re satis accuratè scripsimus in fine primi libri, ubi ex professo de Arabibus sermo à nobis habitus est. Præter alia animalia, quorum carnem in cibo plurimi faciunt, cameli in magno honore existunt. In Arabum Principum castris cameli plures unius anni, aut biennes mactantur, quorum carnes avidè comedunt, easque odoratas, suaves, atque optimas esse fatentur. Tanta apud Arabes est camelorum copia, ut eorum pauperrimus decem ad minus camelos habeat: multique sunt, quorum quisque quatuorcentum, ac mille etiam numerare possit. Audio vero in Ægypto longe plura quam quatercentum millia camelorum vivere. In Arabia vero adhuc plures Camelos esse, unde mirum haud est, si singuli aureis singulis emantur. In quibusdam vero locis, inter Damascum, & Babylonem, & ubi vir sanctus Abraham habitabat, atque in Arabia deserta triplo plures nutrir. Quibus constabit camelorum numerum adeo magnum, atque numerosum esse, ut vix credi queat. * Atque hæc de Camelis

* Cameli figuram vide Tab. XIII.



CAPUT VIII.

De quibusdam aliis quadrupedibus apud Ægyptios viventibus, scilicet de Bobus, Bubalis, Ovibus, Capris, Suibus, Canibus, Felibus.

Abundat Ægyptus & Bobus, & Bubalis, & Ovibus, & Capris, Suibus, Canibus, atque Felibus. Boves magnitudine mediocri ibi visuntur, sed pingues illi pulcherrimique. Neque immeritò sane, cum in terræ cultura minimè laborent, aut parum laboris capiant. In ferendo tritico nihil laborant, cum nihil prorsus terra vomere vertatur, aut moveatur, siquidem (ut alias etiam dictum est) absorpta aqua Nili post ipsius augmentum, statim semina nullo præmissò cultu terræ committere solent: quo ii felices in agricolatione haud injuria æstimantur. Itaque meritò, & quod parum laboris habeant, pingues boves redduntur, atque etiam quod in illis alendis optimum fœnum, paleæ tritæ, atque hordeum non ipsis desit, omniumque maximè pinguescunt vacculæ, quod ad generationem, atque ad lactis usum absque ullo labore adserventur, in pinguiissimisque pratis arte factis eas vagari, & pascere liberè sinant. Vitulos habent in magna copia pinguiissimos, esuique jucundissimos, singulique ad summum aureo argenteo habentur. Ægyptii tamen nunquam vitulum absque vacca ejus matre, magno vel etiam pretio vendunt, vaccarum mugitus, atque lamentationes propter sobolis privationem (quod præhumanissimi erga omnes bestias sint) æquo animo minime ferentes. Carnem Vitulorum Mau-

ri rarissimè comedunt : Hebræi vero familiarius, & frequentius : at emunt vitulum cum vacca simul non pluris quàm gemino aureo Turcico, & separatos à vaccis Christianis vendunt vitulos, ut & vaccarum partes posteriores illis Mosaica lege prohibitas. Carnes vero Vaccarum, atque Boum unius anni, aut ad summum duorum annorum, comedere solent, quæ pingues admodum sint, palatoque suaves. Bubali inibi maximi visuntur, atque pulcherrimi, qui frequentius, calorem devitantes, in aqua Nili fluminis morari magna diei parte solent, libentiusque in aqua quam in terra vivunt, è cujus aqua refrigerata, humectataque illorum corpora pinguiora redduntur, quorum carnes esui gratæ sunt, concoctuque faciles. Veneti Mercatores linguas Bubulas, tanquam mensis optimas, sale conditas, in magna copia Venetias mittunt. Ægyptia tellus maximè ovibus abundat; agnisque optimis, vervecibusque : Præfertur ibi caro vervecina omnibus aliis carnibus bonitate, triploque majori quam vitulina, hædinaque pretio venditur, apud eosque omnes, ejus usus est frequentissimus, atque familiarissimus, adeo ut omnes eam ægrotis Medici concedant : neque injuria fane, cum caro sit odorata, concoctu facilis, optimique succi. Complures eam libentius assam, aspersam succo limonum, comedunt. Nulli ferè simpliciter ex aqua elixa vescuntur, sed ipsorum multi in ollam, vel tegetem terreum magnis frustis dessectam conjiciunt, cum cæpis, allioque tritis, petroselinique foliis, piperis triti modico, crocoque, saleque conditam, & operculo clausam lento igne percoquunt. Hujusmodi vero conditam vervecinam carnem, decoctamque, Caulian vocant, estque usque adeo esui suavis, & grata, ut avidissimè, magnaque cum voluptate ea omnes vescantur. Hoc modo semicoctam Arabes itinera per deserta loca facturi secum deferunt, & quod magis mirum est, eam in iis cœli caloribus imputrem, atque incorruptam ad usum servant viginti, & pluribus etiam diebus, hoc modo scilicet; quotidie ipsam modicum in olla igne coquentes, nunquam ex toto coquunt, at prima die habent ferè semicoctam, & quotidie eam, quam-

diu.

diu incorruptam conservare volunt, modicè excoquunt : quæ optima, ea modica, quotidie repetita ebullitione, coctione per plures dies ab iis conservatur. Assam vero, torrefactamvè duobus modis eam excoquentes reddunt. Altero modo ipsam in parva frustra dissectam, & veruculis ferreis, acum modo, infixam super crates ferreas igne supposito positam torrefaciunt, quam succo limonum aspersam avidè esitant. Non fit convivium sine vervecina carne hoc quidem modo super craticulas torrefacta. Altero vero torrefacientes hanc carnem sic excoquunt. Habent clibanum parvum longum fictilem, ore angusto, ventre latiore ollæ similem, sub quo supponunt ignem. In ore habet pauca filamenta ferrea transversim posita, quibus ferrea verucula altero extremo adunco appendunt cum carnis magnis frustis infixis, hisque veruculis carne infarctis totam ollæ, seu Clibani fictilis prædicti capacitatem implent, lentoque igne excoqui, ac torrefieri sinunt, quam concoctam extrahunt, succoque limonum aspersam comedunt. Hisque modis carnem vervecinam percoquunt, quam omnibus aliis carnibus bonitate præferunt. Ex iis vervecibus, quidam caudas usque adeo pingues, & magna mole auctas habent, ut nonnullæ ex iis librarum viginti, & plurium etiam pondere deprehendatur. Multi ipsorum caudis, quod egerrimè præ magnitudine earum hæc animalia incedant, ad juvandum incessum rotulas ligneas supponunt. Capris quoque Ægyptii abundant, quarum usus præcipuus est in lacte ipsarum: omnes enim (ut aliàs diximus) lacte vescuntur, vel solo crudo, acetoso, vel ex eo cum herbis variis esculentis ferculis paratis. Hædi optimi sunt, ac maximè pingues, singulique duobus sestertiis, idest Maidinis Turcicis vendebantur. Ex capris complures sunt, quæ ita aures oblongas habent, ut extremitate terram usque contingant. Ingenio maximè perspicaci Capra Ægyptia prædita est, idcirco facilè disciplinabilis. Circulatores quidam usque adeo ipsam edocent, instructamque reddunt, ut multa quidem non sine spectantium admiratione faciat: sed præsertim illi superposito ephippio, equorum modo currit, superbè incedit, sal-

tat, atque pedibus equorum more calcitrat. Sucs quoque habent in magna copia, at longè nostratibus minores sunt, uniusque anni, Christiani minimè castratos comedunt. Alunt ferè omnes equites Mauri, & Turcæ in stabulis cum suis equis, rati suum præsentiam non parum facere ad equorum sanitatem conservandam. Emunt parvulos bimestres, quos cum equis simul nutriunt. Hi vilissimo pretio habentur, adeo ut majores, quippè unius anni, qui carnem habent ad sexaginta librarum pondus, non pluris, quam duobus festertiis habeantur; hocque vili pretio ii habentur, quia eos neque Mauri, neque Hebræi comedunt. Equites nobiscum unà in via habitantes nobis concedebant, ut suos porcos unius anni caperemus, & eorum loco parvulos recenter natos in suis stabulis substitueremus. Caro illorum longè suavior quam nostratium esui apparet, minusque humida, & excrementosa, quippè ex pabulo quo sues nutriuntur. Fabacea farina, atque hordeo eos alunt. Ex illorum carne cum sale minutim detrita, commixta caudarum vervecinarum pinguedine, farcimina esui acceptissima à nostris parabantur. Sed carnes eæ porcinae, recenter suibus mactatis, modico sale aspersæ, elixæque, optimæ sunt, atque gustui gratissimæ. Canibus ea regio quoque non minus abundat, præstantissimis ad venatum: Nonnulli apud quosdam Arabes reperiuntur, quos omni diligentia alunt, præsertimque leporarii, quibus in venatione utuntur. Præter hos paucos, omnes alii, quorum numerus ineffabilis est, qui in civitatibus, oppidis, atque in pagis vivunt, leprosi ferè omnes existunt, cum ex pulveribus nitrosis quibus Ægyptus abundare solet, ipsorum cutis defædetur, tum ex pravo potu aquæ semiputris: non enim vivunt, ut apud nos, in domibus privatis à particularibus dominis nutriti, sed omnes, nullis patronis addicti, passim in viis, locisque omnibus indiscriminatim conversantes in ocio omnes vitam ducentes. Vivunt, ut dixi, ex carnibus putridis, atque ex recrementis terræ: sed tamen adeo Ægyptii sunt præhumani, & præliberales erga bestias, præsertimque erga Canes, ut multi morientes suis hæredibus testamento relinquunt,



quant, ut quotidie panes multi triticei canibus dispensentur: quod etiam viventes multi faciunt: etenim in aliquibus locis civitatis ferè desertis, in quibus canes catervatim perpetuo morantur, quotidie mane aliqui corbes ligneas etiam amplas, optimis panibus plenas, illuc ad Canes deferunt, ad quem locum ubi pervenerint, canes ad se vocant magna voce clamantes thaù, thaù, qui statim audientes accurrunt, solitosque panes illis projectos devorant. Hoc primum Alexandriæ, atque non sine admiratione fieri vidimus. Multæ mulieres sunt, quæ canes puerperas in publica via cum suis parvis catulis degentes, alant; ante suas domos, earum misericordia ductæ, vas aqua optima plenum per plures dies servantes, in eo aquam puram, & recentem, nec non panes, aliosque cibos optimos subministrantes. Mirum est, quod inibi cælo maximè calido nunquam rabie canes tententur; indigenæque hoc non abs re in leprosum affectum referunt, quo omnes vexantur, iis exceptis, qui quotidie, & pluries in Nilo flumine se lavant, qui tamen paucissimi sunt. Canem fœminam, apud Venetos Mercatores enutritam, pulcherrimam Alexandriæ vidi, quæ quotidie summo mane in mare se lavatum ibat, & hoc modo incolumis perpetuo à lepra conservabatur, & quod magis mirum est, suos catulos singulo mane ablutioni consuefaciebat, eos ad mare quotidie ducendo, qui & ipsi optimè valuerunt. Neque Feles iis populis defunt numerosissimæ, neque iis mures plurium generum pro cibo itidem defunt. De illis postea nos quæpiam accuratius.


CAPUT IX.

De Quadrupedibus sylvestribus in ea regione viventibus, quippe de Ursis, Lupis, Vulpibus, Leporibus, Cuniculis, Gazellis, Juvencis Sylvestribus, Capris, Cervis, Gliribus, Muribus, Mustelis, atque de Ichneumone.

Ursis, Lupis, Vulpibusque ea Provincia non est destituta, etsi hæc animalia non admodum ibi sint copiosa. Ursovis nostratibus haud majores visuntur, omnesque colore ferè albicant, & cicures nostratibus facilius redduntur, minusque feroces sunt. Lupi itidem, & Vulpes duplo minores quam apud nos apparent. Lepores quoque Arabes in aliquibus locis propè montes venantur, præsertim penes Synaim, & Oreb montes. In planiciebus, locisque arenosis rarò hæc animalia visuntur, inibique propter nimium calorem non vivunt. Venantur quoque quoddam Animal pumile cuniculo non dissimile, sed cuniculis majus, quod vocunt Agnum filiorum Israel. Horum carnes cuniculorum carne suaviores existunt. Venantur non minus, & * Gazellas, quibus Ægyptus abundat, quarum carnes bonitate, & gustu, Capreolorum carnibus similes existunt. Bisulcum animal est sylvestre, sed quod facilè mansuefit, capræ simile, colore igneo ad pallidum inclinante, duplici cornu longo intro converso lunæ modo, & nigro, auribus arrectis, ut in Cervis, oculis magnis oblongis nigris pulcherrimis. Unde in adagio apud Ægyptios dicitur de pulchris oculis. Aine el Czazel, idest oculus Gazellæ. Collo longo, & gracili, cruribus gracilibus, atque pedibus bisulcis constat. Pantheræ in desertis locis Gazellas venantur, quibus aliquandiu cornibus durissimis,

* Vide
Tab.
XIV.
num. 1.





mis, acutisque resistunt, sed victæ eorum præda fiunt. Pili quibus conteguntur, videntur sanè similes iis, qui in Moschiferis animalibus spectantur: pulcherrimum est animal, quod facile hominibus redditur cicur, mansuetumque. Venantur & onagros, quos veteres oryges appellarunt, qui uno cornu armantur, sylvestribusque Asinis bicornibus longe minores existunt, iisque non minus feroces, velocesque, quorum unius anni, ac vel etiam duorum, carnibus vescuntur Arabes, dicuntque eas esse optimas, admodumque odoratas, & gustui suaves. Non desunt etiam illis sylvestres * Juvenæ, quæ capris majores non sunt, binaque cornua * *Vide* vaccarum modo, crassa, brevia, introrsum lunæ crescentis modo *Tab.* inversa, habent; caput, & reliquum corporis plenum macularum *XIV.* parvarum esse videtur, bisulcos pedes habent, ventremque cras- *num. 2.* sum, colore rutilo spectantur, cicures hæ facile fiunt: unam habebat Chiaus quidam, mihi multum familiaris, quæ mansuetissima erat, ita ut neque nostrum conspectum fugeret, atque liberè ad libitum ipsam manibus tractaremus. Hanc eandem esse cum Bove Africano Bellonii putamus, tametsi cornua non sint nigra, sed eodem colore quo visuntur nostratium Boum cornua. In reliquis omnia habet, quæ in Africano bove visuntur. Quod vero Bubalus veterum sit, nequaquam mihi persuadere potui, cum bubalus non distinguatur à Bove magnitudine, aut figura, sed colore nigro, atque quod libentius vivat in aquis. Nullumque aliud genus Bovis esse, quam illud quod vulgo Buffalus dicitur, quod nomen corruptum est à bubalo nomine antiquo, bos enim, sive juvenca sylvestris, est parva (ut dictum est) quæ tamen facile cicuratur: caroque ejus bovis non vaccæ saporem, aut odorem præferens. Apros etiam habent, quibus Arabes vescuntur. Sunt vero non majores suis domesticis, ipsorumque carnes esui, etsi gratissimæ sint, nihilominus plures ab iis abstinere, legis decreto, quo ipsis negatum est. Non desunt quoque cervorum complures, quos indigenæ venatione insectari solent, & carnes comedunt. Glires inibi copiosius vivunt, pinguesque, atque esui grati sunt, quo cibo

plures oblectantur. Vivunt etiam in eo solo Mustelæ fere innumeræ, quæ mures infectantur atque ipsis vescuntur. Sunt vero inibi complura murium genera, nostratibus primo parvis similia, ac vel etiam majoribus, sed longè majores omnibus inibi vivunt, non modo in domibus, sed magis in agris, in quibus usque adeo copiosi vivunt, ut, ni in multis, qui plurimum iis scatent, una cum tritico simul arsenicum pulverizatum seminarent, totum triticum terræ commissum à muribus consumeretur: sed arsenici & odore, & sapore fugantur, atque sementem non attingunt. Æstate in terræ fissuris, quæ fiunt terra à nimio calore siccata in rimas dehiscente, innumeri ferè vivunt: Etenim hæ fissuræ, sive rimæ in quibusdam locis usque adeo magnæ, profundæque sunt, ut vix oculis ipsarum fundus conspiciatur. Itaque muribus hæ sunt refertissimæ, atque adeo plenæ, ut si nos, vel alii aliquando inibi pedibus terram pulsando strepitum faciant, innumeri mures è rimis continuo profiliant, atque terra egrediantur. Ubique locorum etiam quoddam muris genus sylvestre vivit, quod indigenæ Murem Pharaonis appellant. Antiqui vero Ichneumonem olim hoc animal dixerunt, quasi perscrutatorem murium. Animal parvum est mustelæ magnitudine, atque figura, sed longe breviori corpore quam mustela visitur, & alvo ampliori, caput parvum habet, rostrum nigrum, acutum, ore parvo, dentibus murinis constat, oculis parvis, admodum vivacibus, itidem visitur brevissimo collo, ventre crasso, pedibus parvis, unguibusque uncinatis, caudam vero habet longam serpentis modo in tenuitatem abeuntem, colore cinereo fulvescente. Petrus Bellonius id proprii in ipso observavit, quod habet præter muliebrem sexum meatum alium quempiam magnum illi contiguum, pilis obsitum haud mulieris pudendo dissimile, per quem meatum excrementa alvi dejiciebat. Animal est mundissimum, atque ita cicuratur, ut fele mansuetius evadat; in domibus cicuratum manet felium modo, & si aliquando abeat, denuo, & horis ordinatis redit. Vaser est, vivax, & animosus, ut quamvis minor fele sit, audeat se & in ma-
gnum

gnum Canem ex posterioribus pedibus vibrare, & cum eo pugnam inire; feles, mures, mustelasque occidit, atque ipsis vescitur, sed longè libentius aviculis, gallinisque, & aliis gallinaceis pullis vivit, facileque eas, in ipsas se ipsum ex posterioribus pedibus vibrans, capit. * Mærem hunc habui in meo cubiculo per multos menses, quem postea cui-
 dam amico advenæ in Italiam redeunti dono dedi. Semper in meo cubiculo manebat, excepto eo tempore quo sibi vitum procurabat, tunc enim ad prædam capiendam egrediebatur, moxque saturatus redibat. In meo cubili mecum unà felium modo dormiebat, mecumque canis modo fere semper ludebat. Confirmant Ægyptii naturale odium quo adversus Crocodilum, atque Aspides agitur. Hos pugnando aliquando interimit. At, cum Aspides sint animalia non ovipara, sed vivipera, cum in partu non ova, sed integros catulos excludant, unde viperarum genere hosce serpentes comprehendi in Libro Quinto de Medicina Ægyptiorum, satis superque demonstravimus; indè ex veteribus Nican-
 drum non fideliter scripsisse constat, Ichneumonem aspidum ova confringere. De Crocodilo etiam quod veteres tradidere, aliquando evenisse ut Crocodilum hoc animal interimat, quippe per os ejus, in somno hiantis, in viscera ingressum, atque ab ipso visceribus corrosis, eo modo quem Oppianus versibus expressit, indigenæ non negarunt. Mihi Ichneumon fuit utilissimus ad mures ex meo cubiculo fugandos, qui magna damna mihi adeo intulerant, ut nec meis libris percerint, quin ipsorum multos corroserint; etenim, à quodam Hebræo edoctus, ut si meum cubiculum à muribus vindicare voluerim, Murem Pharaonis mihi alerem: eo consilio persuasus, unum parvulum alui, à quo murium damna planè cessarunt, siquidem quotquot offendebat, interimebat, longeque ad hos necandos, fugandosque, fele est Ichneumon utilior.

* Vide
 Tab.
 XIV.
 num. 3.

CAPUT X.

De Elephante, Camelo-Pardali, Leone, Pardali, Tigri, atque Zibetho.

* Vide
Tab.
XIV.
num. 4.

Anno MDLXXXI. mense Aprili Alexandriae vidimus Elephantem, atque Camelo-pardalem, quem Arabes Zurnap, & nostri * Giraffam appellant. Hæc equum parvum, elegantissimumque repræsentare videtur, quæ gracili corpore constat, collo longo, recto, equino, vultu & colore cervino, innumeris maculis rotundis, minimisque, & nigricantibus infecto, pedibus anterioribus longis, gracilibus, bisulcis, posteriores verò longè breviores erant; duo cornicula habebat, & circa frontem habebat etiam quandam eminentiam duram, carnosam, instar parvi cornu. Petrus Bellonius & ipse cum duobus cornibus hoc animal vidisse se tradidit. Animal ut dictum est benigno verius aspectu quam fero conspicitur, tractaturque à quolibet tam facile, ut funiculo ejus capiti alligato, ubivis à quolibet ducatur, quo non inter feras, quum nulla feritate præditum sit, merito ab iis fuit adnumeratum. Elephas vero erat juvenis, sed tamen spectabatur magni Bovis Lombardici altitudine, & crassitie: erat usque adeo perbellè disciplinatus, ut humanam rerum intelligentiam habere omnibus videretur. Sed mirum est quanto majestatis decore uteretur, atque illustrioribus nominum significationibus ab ea gente coram cohonestari oblectaretur. Hi, qui ei præsumt, ut faceret quod volebant, ipsum nominabant regis nominibus, semper ipsum nomine Sultan, & Sultanon etiam, quæ cognominatio apud Turcas Regia est. Ad ipsum nonnulli convenerant ut ab ipsius proboscide sanarentur ab antiquo dolore capitis quo jam diu fuerant divexati.

ti. Itaque qui Elephantem regebant, coram me, & multis aliis rogavit ipsum, ita dicens: O elegantissime, & nobilissimè Princeps, hic homo, qui hætenus vitam miserrimam duxit, atque etiam nunc pessimè vivit ob iniquissimum capitis dolorem, te supplex genibus flexis, etiam atque etiam rogat, ut ipsum à tanto dolore liberare non neget; & longè pluribus verbis magnificè prolatis, postquam ei illud persuasit, caput illius, qui ab ipso sanari exoptabat sedulo an mundum esset conspiciebat, & si mundum erat, ipsum suo proboscide retrahebat, & postquam aliorum non paucorum capita suo proboscide contexit, à dolore ipsos liberavit. Profecto ad hujusmodi excruciantes dolores antiquos persanandos proboscis, Elephantis diu supra capita detentus, est utilissimus, utpote qui suo multo calore, futuras capitis aperiat, & humores, vel crassos vapores, capitis membranas nimium distendentes, digerendo difflet. Nos enim tunc temporis audivimus, illos omnes quorum capita proboscide foverat, fuisse multum adjutos, atque eodem præsidio multos, qui sæpius uli fuerunt, planè sanos evasisse. Sed jam ad feras quidem, quas in ea regione observavimus dicendas decline- mus; quæ fuerunt Leones, Pardales, Tigres, Hyenæ, Civetæquæ. Leones ibi habentur, sed non multi, usque adeo à prima ætate cicurati, ut mansuetissimi evaserint, & maximè fideles. Minores ibi vivunt quam in Asia, atque in Æthiopia vivant; ita audio eos & mansuescere, & disciplinari, ut in venatu ipsis multi perinde atque vulgo canibus, utantur. Leæna Tigri fœminæ simillima est, totum corpus maculatum habens, leone mare longè crassius. Tigres ex Æthiopia in Ægyptum convectas vidimus, etsi nullo modo cicuratae hæc mansuefiant, neque unquam ferinam naturam relinquunt. Sunt leænis quam similes, & forma, & colore albicante, rotundis maculis fulvescentibus evariato, sed leænis longè majores sunt. Inibi vero Pardi, Pantheræve copiosius vivunt. Pardus mas est, Panthera fœmina. Animal longum est, colore albicante, maculis varium, oculatis enim ex fulvo, aut nigro circulis ejus color albicans infectus est,

ut breviter dicam, hoc animal Leoni quam simillimum, sed in vultu ad Felem maximè declinat: atque ut Felis stertit, dormit libenter in molli strato, habet pilos eosdem albicantes supra os, qui in Felis labiis visuntur: est sane Pardus Leoni quam simillimus, dico longitudine, atque figura, differt vero à Leone, quoniam & jubam non habet in collo, ut Leo, & maculis rotundis, parvisque fulvescentibus toto corpore infectus est. Minus vero animosus est quam Leo, & cum ipso pugnat à tergo, insidiis uti semper studet. Panthera vero & longe animosior est, & cum Leone pugnam nunquam declinat. Quo tempore perveni Alexandriam, duos Pardos uti Leones maximos vidi apud Antonium Calepium nobilem Bergomatem pro Veneta Natione Pro-Consulem, ibique magnum mercaturæ negotium agentem, qui ex iis semper aliquot nutrieat lucris causa. Unum aliquando vendidit quingentis coronatis. Usque adeo cicures erant, ut una cum eo dormirent felium modo stertendo: ii mansueti erant, semperque in lectulis Pro-Consulis decumbentes dormiebant, culcitraeque illi etiam sericeas, & magni pretii lacerantes: carne eos nutrieat. Sæpe à nobis cum Pardo ibatur ad venandas Gazellas, & pugnam inter ipsos pulcherrimam quæ fiebat, admirabamur, præsertim Gazellæ artificium cum Pardo, cornibus durissimis armatæ pugnando, sed eam tandem multum defatigatam, atque ex pugna admodum defessam, interimebat. Cairi postea vidimus quandam Helenam, Græcam meretricem, quinque catulos recenter à Panthera effusos, aureis Turcicis triginta, ex Arabe coëmisse, eosque ut feles aluisse, eos enim parvulos lavabat, pectebat, omnique cibo humano consuefaciebat. * Erant omnino visu pulcherrimi: albicabant colore, maculis parvis rotundis toto corpore evariato; parvos feles pulcherrimos æmabantur: fere semper ut feles dormiebant, atque non citra stertorem, non minus quam catulos eos mansuetos reddidit. Parum quidem differentiae inter Pardum, atque Pantheram intercedere observavimus. Panthera major quidem Pardalis, & toto corpore, & capite est, atque multo ferocior. Est

* Vide
Tab. XV.
Num. 2.

&



& animal illud quod odoratum excrementum ex testibus exsudat, Arabibus Zebet vocatum, à quo nomine corrupto forte Bellonius credidit, Civetam appellatum fuisse. Complura horum animalium vidimus in caveis ferreis ab Hebræis multis, atque Mauris, summa custodia enutrita : illis copiosam carnem semper suppeditant, ut ex multo cibo plethorica evadant, plurimumque ex testibus, & inguinibus Zebeti refuldent : illud etenim magno pretio vendunt. Ego vero pro drachma illiusce excrementi, quod me præsentem digitis ex animali extractum fuit, quatuor aureos Venetos solvi. Extractum est veluti spuma candida, usque adeo validi odoris, ut à quoquam ferri nequeat, locusque, in quo hæc animalia vivunt, ita eo odore acuto fetet, & molestus est, ut à nostris sine multa capitis noxa perferri non queat : post multum tempus in fulvum nigricantem mutatur, odorem prævalidum, omnino ingratum, in mitiorem, suaviorem, & gratiorem mutat. Indigenæ ita hoc pigmentum adulterant, ut ausim affirmare, nullum Zibetum sincerum ad nos deferri. Animal est, non modo, ut Aristoteles de Hyæna scripsit, lupi colore, sed ferè in omnibus Lupo simile, nisi quod sit Lupo minus, & habeat caput magis mucronatum, ab ipso pilis multis albicantibus barbæ modo dependentibus, aures parvas habet oblongas, totum corpus maculis multis non rotundis obfusciscentibus maculatum, itemque & caudæ extremum. Ferum est admodum ut omnes affirmarunt, unde non sine multa admiratione legi apud Bellonium, unum Alexandriæ ita cicurem ab ipso conspectum fuisse, atque mansuetum redditum, ut perinde atque Canis cum hominibus ludere observatum fuerit, atque ipsum liberè manibus perinde atque mansuetissimum canem tractari à quolibet potuisse. Bellonius non immeritò credidit Hyænam esse antiquorum : at, ex veteribus tamen nullus expressit Hyænam excrementum reddere illud odoratum. De Panthera potius Aristoteles affirmasse visus est, quod neque verum esse cognovimus, qui plures, ut diximus eorum animalium observavimus.

CAPUT XI.

*De variis simiarum generibus in Ægypto
observatis, & primo de Cynocephalis
vocatis.*

Et si in Ægypto nullum simiarum genus nascatur, cujuslibet tamen generis & ex Arabia Felici, & ex Æthiopia innumeræ mercaturæ causa illuc convehuntur. Quæ tametsi mutuo variis differentiis interstinguantur, duobus simiarum generibus comprehendimus: nempe sub Cynocephalis, atque Callitrichis vocatis. Cynocephali vero simiæ variis distinguuntur differentiis. Quædam enim, (etsi omnes ad caninam faciem inclinent, unde nomen invenerunt) maximorum canum magnitudine spectantur, quædam vero parvis canibus similes existunt. Sunt autem ferè omnes caudatæ, etsi aliquæ sine caudis cernantur. Visuntur colore fulvo, albicante leræque, canesque maximè æmulantur, & facie, & moribus. Ita vero solerti ingenio valent omnes, ut expertes alicujus cognitionis minime æstimari debeant. Quo Circulatores hæc animalia, quæ volunt facile docent, ludosque potissimum varios, maximeque industrios, quibus ii spectatores delectare in ea regione solent, ut nos sæpius & Cairi, & Alexandriæ, & alibi in ea provincia cognovimus: quibus hæc simias facilè disciplinabiles esse constat. Mares plurimum libidinosi sunt, in mulierumque libidinem perpetuo aguntur. Plura de iis dixissem, nisi verecundia, & modestia rerum obscenarum me continuisset. Hoc unum tamen non dissimulabimus, quippe hosce Simios Cynocephalos, magnis canibus similes, Arabicis mulieribus, præsertimque rura habitantibus, esse plurimum ex libidine infestos, atque adeo quibusdam anni temporibus, ut eæ mulieres ab ipsis minimè tutæ sint, siquidem has vi
subi-



subigunt, atque rem veneream magna libidinis rabie cum ipsis explent. Quæ ruri agunt, ob hunc timorem, ne vi Simiis venere jungantur, faciem croco sibi ipsis tingunt, & totum corpus etiam, atque hoc secreto se maxime à simiorum libidine tutas reddunt, ita ut nullam ex illis croco tinctam, seu infectam, Simii invadant, credentes iis colore croco infectis fluere menses: quo ab iis abstinent, veluti nec simias menstruas habentes purgationes ad concubitum attingunt. Simiæ Cynocephali, sive caninæ vocatæ, magnitudine majorum canum, variæ à nobis visæ fuerunt, quarum imagines plures hic damus, ex Simiis ex Alexandria Ægypti Venetias deductis, affabre à Veneto Pictore delineatas, diligentia, & liberalitate Nicolai Contareni Veneti Patritii maximè illustris, qui rerum naturalium cognitione, & studio plurimum delectatur, præsertimque stirpium peregrinarum, & nobilium observatione, in qua re & ad Historiam hanc conscribendam, & ad Libros de Exoticis Plantis à nobis evulgandos, in multis nos eximia sua liberalitate multum adjuvare studuit, unde non paucas plantarum peregrinarum, & animalium imagines delineatas, quas in hisce nostris libris dedimus, ejus liberalitati acceptas fatemur, veluti & pictas Simiarum imagines quas hic damus, ab eo itidem accepimus.

* Primum datur hic imago Simii Cynocephali magno Cani * *Vide*
Anglico persimilis; qui admodum ferus, infidelis, ferinis moribus deprehensus est. † Alterius Cynocephali magni imaginem secundo expressam itidem damus; quod animal mitioris naturæ, & benignioris est. Ferox tamen & ipsum est *Tab. XV. num. 11.*
antequam cicuretur, & mansuefiat. Hilaris hic Simius est, *† Vide*
atque facile disciplinabilis. Olim Eustachius Rudius Philosophus, & Medicus illustris, qui è Prima sede Practicam Medicinam in Patavino Gymnasio multos annos maxima cum laude est interpretatus, aliquando de istiusce Simiæ solertia aliqua narrabat, sed inter alia, quod cum unum haberet, hyemeque apud ignem frigoris causa, à quo plurimum hæc animalia læduntur, maneret, & vidisset castaneas complures sub ignis cineribus ferè decoctas latere, nullumque vel li-

gnum, vel aliquod aliud instrumentum ad extrahendas in promptu haberet, viso Fele sibi focio apud ignem dormiente, repente manu apprehenso brachio ipsius altero, castaneas è ferventibus cineribus ipsum extraxisse, atque comedisse, non absque miseri Felis ab igne magna læsione. Huic similis * simia visa est supra aures comata ejusdem cum priori naturæ. Damus, & quarto † alterius Simiæ Cynocephali pictam figuram, in qua apparet maxima ex toto corpore ad hominem similitudo: Habet & ipsa ad utramque aurem magnam comam dependentem. Hæc merito cæteris Cynocephalis visa est elegantior, pulchriorque, ingenioque benigniori, ac cæteris aliis solertiori, fideliorique amicitia ad homines. Huic etiam similis visus est, cujus ‡ imaginem itidem hic damus: est tamen ægrestiori facie, & natura ferociori, & infediliori præditus, atque hæc simia est ultima ex magnis Cynocephalis. Sequuntur Cynocephali longe minores, parvis etiam canibus persimiles, quorum damus etiam quasdam imagines delineatas, numero vero tres, ** Figura prima est earum simiarum, quæ caudas non habent. Hæ cæteris facilius, & citius mansuefiunt, cæterisque solertiori ingenio præstant, hilarioresque, & versutiores existunt. *** Tertius est ex iis qui vulgo Monichi vocantur, caudati, & barbati: ex Æthiopiæ locis conterminis in Ægyptum deducuntur, suntque admodum cicures, & mundi, non tamen eo ingenii acumine, ut alii cynocephali donati sunt. At ut felles naturam ingenii habent, atque hæc de Simiis Cynocephalis à facie canina vocatis sufficiant. Sequuntur has Simiæ caudatæ, & barbatae, quas callitriches Aristoteles vocavit, quæ prioribus admodum dissimiles cernuntur. Quædam maximorum Canum magnitudinem habent, & quædam mediocres sunt magnitudinis. Rarò hæ simiæ bipedes incedunt, sed quadrupedes brutorum modo. Habent alias differentias quibus interstinguuntur: etenim aliquæ ex iis toto corpore nigerrimæ spectantur, faciei cum toto corpore figura ad leones accedentes, crinitasque jubas veluti leones habere videntur, sed pilis nigris pendulas. ¶ Hic simius in pectore crassior

* Vide
Tab.

XVII.

† Vide
Tab.

XVIII.

‡ Vide

Tab. XIX.

** Vide

Tab. XX.

num. 1.

*** Vide

Tab. XX.

num. 3.

¶ Vide


Tab. XX.

num. 2.











crassior apparet, & circa ilia subtilior, ut leones. Caudam latam pilis longis, prolisq; cubitalem, & ampliorem habet: facies vero ad leoninam quadantenus inclinatur, ore, & dentibus itidem proximis. Barba ex mento pendet longa, lata, nigris pilis obsita. Aures humanis longiores cernuntur, totaque facies nigerrimo splendet colore. Hic Simius haud injuria à nobis Callitriches leonino corpore dictus est. Hoc Animal etsi naturam maximè ferinam habeat, nihilominus adeo facile cicuratur, ut cibo mansuetissimum omnibus evadat, hominibusque quos novit, benevolam, fidelemque amicitiam conservet. * Alterum ex iis Simiis Callitrichis Alexandriae una cum priori manentem vidimus, colore asinino, & corpore toto, & facie non dissimili, barba caprina, & quemadmodum hic Simius horrida præditus forma, ita & agrestis, & ferox, illiberalisque, & infidelis omnibus fuerat, & tametsi, cicur factus videatur, nunquam tamen illi fidendum, quando animal sit ferinum, atque infidum. Hos duos postremos Simios, ut nuper diximus, Alexandriae vidimus in Veneto Oenopolio ab Illustrissimo Francisco Priulo pro Serenissima Veneta Republica ibi Consulatum agente emptos. Leoninus, nigerrimusque, ut dictum est, & facie, & toto corpore, Carander appellabatur, atque alter asininus, & colore, & figura, Suidam. Hic etsi animal mole majus, alteri obediebat, ipsumque plurimum formidabat, & timebat. Et, si cibus ei offerebatur, non audebat ipsum, prius quam Carander accepisset, & comedisset, accipere, & comedere: Quem si fortè negligenter aliquando ab aliquo accepisset prius, Carander ipsum morsibus pessime puniebat. Suidam vocatus, si aliquem odio habere cœpisset, vix ipsum videre poterat. Erat quidam Vir Christianus Cophtus Mercato-ribus Venetis in Oenopolio commorantibus serviens, (memoria non teneo quamobrem ab hoc Simio ille servus Cophtus odio habitus fuerit) quem Suidam ita odio habebat, ut continuo eo conspecto, rostro oblongato, varias motiones, distorsionesque in illius servi derisionem, atque injuriam faceret, & toties quoties illum videbat, injurius, & molestus

* Vide
Tab. XX.
num. 3.

esse studebat. Aliquando hic Christianus ludendi gratia, Regno accepto fingeat se ipsum verberaturum; è quo repente Simius fortissimis manibus ligneo báculo subrepto Christianum pessime in capite verberavit. * Hos duos Simios post multos annos Venetiis agentes recognovimus. † Simium Callitrichum alium Cairi duos annos in ædibus habuimus, felem magnam quadantenus magnitudine, & figura æmulantem. Anibal dicebatur, proluxiori corporis figura, capite parvo erat, rotundo, in quo facies humana maximè exprimebatur, ore leonino, & dentibus felinis, corpore circa illa gracillimo, toto corpore rufo, rutilove spectabatur: facies vero humanæ similis fuit, nigra, undique barbata, sed barba albi erat coloris, unde faciem senilem, elegantissimamque habere ipse videbatur: caudamque longam, rutilamque habebat. Nusquam aliquod animal vidi, quod gemendo evidentius, expressiusque humanam vocem hoc ipso Simio edisse putaretur: perinde atque felis cicur, & mansuetus cum omnibus fuit: timidus tamen erat, & pusillanimus, talemque cum fecerit natura ipsum, idcirco ingenio præstantiori donavit, atque adeo, ut cum aliquod animal ipsum aggredi videret, continuo os magnum aperiendo illi occurrens, maximum timorem, & formidinem inducendo, ipsum fugaret: quem rictum os sic apertum servabat, horridum, atque barba alba totam faciem circumdante, ejusque pilis proluxis, & canis, oreque leonino, formidabilem aspectum efficiebat, ita ut animalia multa primo intuitu expavescerent, & ab eo fugerent. Hanc ingenii caliditatem roboris loco ei natura donasse visa est, qua se defenderet ab inimicis, iis horrido eo aspectu maximè timorem incutiendo: acies tota, præsertim vero oculi, cilia, nasus, aures, barba, manus, & pedes, ad humanam figuram maximè inclinabant. Ingenio præstanti ita valebat, ut sæpe ex iis quæ faciebat ipsum maximè fuerim admiratus, & visus fuerit mihi rationis ex toto non expers. In reditu ad patriam navigando Corcyræ è navi clam mihi fuit surreptus. Quædam Simiæ ex Callitrichis visuntur magnitudine magnorum Cynocephalorum, nigro colore, totius corporis, & faciei præfer-

* Vide

Tab.

XX.

num. 2.

& 3.



† Vide

Tab. XX.

num. 4.







fertim, quæ undequaque est cæsarie magna pilorum nigro-
rum circumdata. Hilari, & eleganti faciei sunt, ad-
modumque cicures, mansuetæ, benevolæ, atque fideles
hæ Simiæ observantur. † Imaginem pictam quam hic da-† *Vide*
mus misit ad me Nicolaus Contrarenus Patritius Venetus ma- *Tab.*
ximè illustris, ad Simiam ex Ægypto Venetias deductam affabre *XXI.*
pictura delinatam.


C A P U T XII.


*De Chæropotamo, & Hippopotamo feris in
Nilo Flumine nascentibus.*

Antequam rediturus in Patriam Cairo discederem, cum
quadam die in aula Pro-Regis Ægypti visitare aliquot
Turcas, in platea ante palatium Pro-Regis vidi * duo ani- * *Vide*
malia quorum pelles paleis erant impletæ, ejusdem figuræ, diffe- *Tab.*
rentis vero magnitudinis, siquidem unum erat crassum, ele- *XXII.*
phantis modo magnum, cujus etiam ferè simili figura prædi- *num. 1.*
tum esse videbatur, atque alterum parvum, fere par magno & 2.
porco. Hoc dicebant esse majoris ex alvo extractum, quip-
pe ex matre utero gerente. Caput ferè videbatur ad equi-
num non nihil parum inclinare, crassius tamen, habens ro-
strum resimum, quadantenus ad porcum etiam inclinatum,
ore vero ferè porcino constabat, oculisque porcinis, aures
equinas, sed breviores, latioresque habebat, collum breve,
crassum, toto corpore nigrum erat, pedesque non bisulci
erant, sed quadrifidi; caudâ brevis, rotundaque. Refere-
bant hoc magnæ molis animal in littoribus Nili fluminis pe-
nes urbem Damiatam captum fuisse, paucosque post captu-
ram dies interiisse, atque ex ejus ventre dissecto fœtum mor-
tuum extractum fuisse, Pro-Regemque Ægypti harum bestia-

rum pelles ad Turcarum Imperatorem brevi esse missurum. Hoc animal non esse equum fluviatilem, quem Græci Hippopotamum appellarunt, sed fortasse, cum non abhorreat à porcina forma, esse potius porcum fluviatilem, Cheropotamum Græcis dictum, facile crediderim. Non fuisse vero Hippopotamum vel eo argumento deprehendebatur quod non haberet dentes exertos, ut omnes veteres de equo fluviatili unanimiter tradidisse visi sunt; cujusmodi postea corium legitimi Hippopotami Alexandriae nos vidisse contigit, in quo erant dentes exerti, magnique ut in apris. Ad hujusmodi animalis prædicti effigiem Hippopotami imago ab Andrea Mattheolo in suis ad Dioscoridis libros, de re Medica conscriptos, commentariis doctissimis, quam maximè accedere videtur, quam perperam Bellonium pro legitimo Hippopotamo pinxisse tradidit Mattheolus. Neque enim in hac fera dentes apri modo exerti cernebantur, neque notæ ad equum fluviatilem ullo modo accedere visæ sunt. Nos vero quod potius ad porcina formam pleræque notæ inclinare videantur, idcirco non equum, sed porcum fluviatilem eam bestiam esse credidimus. Unde rectè quoque olim de iis septem Hippopotamis, qui Romæ in Nilo colosso sculpti visuntur, judicasse visus est Mattheolus, quippe persuasus eos non fuisse Hippopotamos. At Antiquos etiam in Hippopotami cognitione deceptos quorundam relatione fuisse non leviter suspicamur, quemadmodum & in aliis animalibus, atque in compluribus Plantis in Indiæ locis nascentibus posteriores viri, qui omnia Indiæ, Arabiæ, Æthiopiæ, Ægyptique loca probe navigationibus illustrarunt, antiquorum multos deceptos fuisse deprehenderunt. Etenim Aristoteles, & alii ex veteribus, equo fluviatili, & jubam equinam, & bifidos pedes inter alia attribuisse visi sunt. Cum tamen nullus unquam, (ut nos ab Ægyptiis multis, sed præsertim à Damiatæ Urbis incolis) penes quam in Nilo flumine Hippopotamos omnes ferè vivere deprehenderunt, accepimus, viderit aliquem ex multis Hippopotamis, qui variis temporibus in Nilo flumine inventi fuerunt, atque capti, jubam equinam habentem, vel









vel etiam pedes bisulcos, ut antiquis visum fuit. Quo merito suspicati sumus, potius Aristotelem, atque alios dicentes equum fluviatilem juba equina præditum esse, pedibusque bisulcis, aliorum relatione fuisse deceptos, cum Hippopotami qui inibi capti, accuratèque observati fuerunt, habeant equinam faciem, dentesque exertos apri modo, & corium tergoris usque adeo validum, & durum, ut ad clypeos usum olim apud eas gentes habere proculdubio potuerit. Quis amplius dubitabit eas bestias esse legitimos Hippopotamos, cum habeant notas Hippopotamo assignatas? De equina facie nemo dubitavit: de dentibus aprorum modo exertis, Aristoteles, atque alii fere omnes antiqui illud apertè affirmarunt. Cosmus Indopleustes (Petro Gillio referente) qui Justinii Imperatoris tempore de India, & de Æthiopia scripsit, testatur, se dentem Hippopotami Niliaci tredecim libras ponderantem vidisse. Pausanias scribit, Hippopotamum dentes in inferiori maxilla, ut aper, exertos habere, eosque adeo conspicuos, & grandes, ut in Arcadicis ille scribat, apud Proconnesios matris Dindymenæ simulachrum aureum extitisse, cujus facies eboris vice è dentibus Hippopotamorum erat conformata. Ex iis dentibus non pauci ex Arabibus Hippopotamum Elephantem fluviatilem vocant, quod animal, capite excepto non parum ei simile videatur: corium in tergo est usque adeo validum, & durum, ut inde homines agrestes, atque Reverendi Monachi montis Sinai soleas ad calceos faciant, quæ in sicco solo gestatæ, diutissimè durant. Sed quid amplius? An non ab indigenis deprehensum quoque est, longaue observatione cognitum, eam bestiam Niliacam sæpe quidem plethora laborantem, sibi cannæ acuto cuspide vena in crure dissecta consuevisse sanguinem mittere: Indigenæ enim sæpe in Nili littoribus sanguinis recentissimè excreti colluviem in terram sparsi idcirco observant, quod de Hippopotamo ab antiquis quoque traditum fuit. Istiusque bestię corii, & reliquarum partium * hæc * *Vide diligens exarata à diligentissimo pictore imago à nobis datur.* *Tab. XXIII.* Est itaque Hippopotamus animal Niliacum, etsi alibi ipsum
etiam

I N D E X

153. seqq. Radices esculentæ quæ ibi nascuntur, 161. seqq. Plantis cerealibus & leguminibus abundat, 175. seqq. plantæ, quæ ibi nascuntur, non esculentæ & usus earum, 178. seqq. quænam ibi inveniuntur aves, 197. seqq. Insecta quænam habeat animalia, 204. seqq. serpentes quæ ibi observantur, 207. seqq. Animalia, quæ ibi vivunt laetiosa, 215. seqq. Animalia quæ habet, quadrupedia domestica, 220. seqq. Quadrupedes quæ ibi reperiuntur sylvestres, 232. seqq.

Ætites lapis, qui nascitur in Ægypto, cur quibusdam aquilinus dictus, 147. cuius sint figuræ, 147. quidam ex illis cum quatiuntur obstrepunt alium intus lapillum continentes, 148. quem in Medicina usum præstent, 148.

Acontia sive Jaculum serpens qui in Ægypto & Æthiopia maxime observatur, 211. cur ita dictus sit, 211.

Agiromia liber ita dictus Arabicæ eloquentiæ continens regulas, 85.

Alabastrites candidus in Ægypto duplex nascitur durus unus alter fragilis, qui inter Gypsa reponitur, 142. est & tertius mellei coloris, 143. Quem in Medicina usum hi lapides præstent, & quomodo dissolvantur, 143.

Alalandici lapides coloris nigerrimi, 143.

Alexandria quam ampla & majestiosa fuerit vestigia ejus adhuc dum declarant, 16. duo capita marmorea integra ibi effossa, alterum Cleopatrarum alterum M. Antonii, 16. aer cur ibi longe insalubrior quam antea est, 16. unde cives partem mari adjacentem frequentius habitant, 16, 17. Viridaria ibi pulcherrima & fructus optimi, 17. ibi die Veneris orandi tempore omnes Christiani ædibus suis includuntur & quare, 92, 93.

Allium in usu apud Ægyptios frequentissimo, 174. ex Italia illuc conveyitur & maximo venditur pretio, 174.

quosnam in Medicina usus obtineat, 174.

Althæa in Ægypto copiosa & ejus usus in Medicina frequens, 156.

Alocæ in Ægypto meliores quam alibi, 202.

Alumina cujusque generis, copiosa in Ægypto, 150.

Anaclinteria Ægyptiorum sunt pretiosissima, 55.

Anguillæ in Ægypto brachium crassitudine æquant, 202. usus earum insalubris est & quodam tempore exitialis & quare, 202.

Anguria Indica quænam sit, 65.

Annonæ caritatem vel copiam Ægyptii quomodo prævideant, 8, 9.

Antimonium, decoctum ex eo collyrii modo instillatum ad tuendam oculorum & sanitatem & gratiam est utilissimum, 128.

Antispodium quomodo Ægyptii parant, 150. ad virium robur adhiberi solet, 150.

Arabes latiori sensu omnes Mauros comprehendunt, 78. proprie sunt a quibus Mahemetes ortus est, 78. hi in montibus & desertis sub tentoriis degunt, 78. Turcas capitali prosequuntur odio, 78. illorum magna animositas & fortitudo, 78. nullo exercitii genere delectantur præterquam armis quibus victum quæritant, 79. arte equitandi perissimi, 79. ingenii illorum vivacitas & humanitas summa, 79. venatione maximopere delectantur, 79, 80. a nullo unquam populo sunt subacti, 80. filii Regis illorum fortitudo summa & incredibilis, 81, 82. Stipendia illis persolvunt Turcæ metu devastationis agrorum suorum, 82. locum muris cinctum nunquam ingrediuntur, 82. fidem datam illorum nullus unquam violavit, 82. illorum fortitudinis exemplum alterum, 82, 83.

Ara

RERUM MEMORABILIU M.

- Arabica eloquentia in Ægypto plurimum excolitur*, 85. *libri de illa compositi*, 85
Arabicae literæ quot sint numero, 86
Arzuele templum Cairi maximum, 20
Apes in Ægypto copiosæ, & quanto ibi studio alantur, 204
Apium Ægyptium in Ægypto copiosum, Nili, 158
Aqua ipsius bonitas & præstantia, 11. *us usus in Medicina apud Ægyptios frequens*, 12, 13. *potus ejus corpora calida & sicca ut ut macra & extenuata pingua fiunt, & quænam huius rei sit ratio*, 12, 13, 125, 26
Aquæ a meridie in septentrionem currentes a quibusdam bonitate non commendantur, & an recte, 12
Arbores perpetuo virentes in Ægypto inveniantur complures, 7
Argilla vilior in Ægypto cæmenti loco est, 138
Artemisia alba ubinam in Ægypto nascatur, 190
Arum Ægyptiacum an sit Ægyptiorum colocassia, 168
Arundines Sacchariferae in Ægypto copiosæ, 160
Asini in Ægypto equis neque commodo incesso neque celeritate quidquam cedunt, 221. *ephippii loco parvum tapetem super dorsum illorum sternunt*, 222. *quomodo ab onagris differant*, 222
Aspides serpentum genus omnium maxime exitiale, in Ægypto copiosi, 207. *tres illius observantur species*, 207, 208, 209. *illorum morsus quænam excitent symptomata, 209. an cicurari & mansuescieri possint*, 209
Assis herba quædam ad augendam venerem Ægyptiis adbiberi solita, 133
134. quomodo ex ea electuarium Bernavi paretur, 135
Astrologia Judiciaria in Ægypto maxime opere excolitur, 85, 87
Atriplex herbae genus in Ægypto copiosum, 157, 158
Aves in Ægypto viventes, 197. *seqq.*
Auster in Ægypto muros vitiat, 29
B.
Bach Abiad, & Bachi Asued Arabibus est vitiligo alba & nigra, 7
Baieram dies apud Mauros festivi in memoriam sacrificii Abrahami instituti, 96
Balnea apud Ægyptios in usu sunt frequentissimo, & quibus in iis medicamentis utantur, 123, 124
Balnea Cairi plurima tam publica quam privata, 23
Balsamum in Ægypto non nascitur, sed planta ejus ex Arabia felici illuc adfertur, 191. *usus illius in Medicina præstantissimus*, 192
Basilisci Serpentes summe exitiales cujus figuræ esse & ubinam copiosius vivere credantur, 212
Bassa apud Ægyptios quinam sit et annum ipsius stipendium, 43. *cur plerumque sit Eunuchus*, 45, 46
Behem album & rubrum planta quæ nascitur in Ægypto, cujus sit figuræ, 180. *an radices ejus sint calidæ & sicca*, 181
Bellonius Pyramidas in partibus septentrionalibus aliquid passas esse falso credidit, 29. refutatur ratione putei in Pyramide majore cur fuerit exstructus, 32
Bernavi electuarium ad augendam Venerem adbiberi solitum quomodo componatur, 135
Bers remedium ad augendam Venerem quomodo componatur, 135
Bigi (Paulus) Mathematicus & Mechanicus summus, 31. usum putei in Pyramide majore exstructi detexit, 32
Bissalphaltum, eo condita videntur Ægyptiorum cadavera, 36
Boves in Ægypto pingues & pulcherrimi, 227
Bras.

I N D E X

Brassica raposa & *florida* in *Ægypto*
copiosa, 157

Bubali in *Ægypto* *maximi* & *pulcherri-*
mi, 228

Buzeidam planta ad *Venerem* *moven-*
am omnium *præstantissima*, 180. an in
Ægypto nascatur *dubium* 180

C.

Cadavera *Ægyptiorum* *condita* *Vid.*
Mumia,

Cairum *civitas*, an *antiqua* sit *Mem-*
phis 17, 18. *Duplex*, *antiqua* *quæ*
mœnibus *cingitur* *altera* *quæ* *extra*
mœnia *cernitur* 18. *arx* *ibidem* *pul-*
cherrima & *amplissima*, 18, 19, 20.
Templa *habet* *complura* & *maxima* 20.
horreum *Ægypti* *ibidem* *exstructum* 21.
maxima *ibidem* *civium* *copia*, 21. *ædes*
ibid. *tam* *plebejorum* *quam* *nobilium*
magnificentissimæ, 22, 23. *Bal-*
nea *ibi* *multa* *tam* *publica* *quam* *priva-*
ta, 23. *Innumeras* *habet* *vias* *noctu*
portis *clausas*, 24. *Plurima* *etiam*
viridaria *quæ* *rotarum* *artificio* *irri-*
gantur, & *quænam* *ibi* *nascantur*
arbores, 26, 27. *emporium* *Orien-*
tis *est* *celeberrimum* & *quævis* *aro-*
matum *genera* *ad* *eam* *convehuntur*,
27. *Ex* *quadrupedibus*, *ex* *volatilibus*
& *aquatilibus* *quænam* *habeat* *ani-*
malia, 27, 28. *Itineris*, *quod* *singu-*
lis *annis* *ex* *ea* *urbe* *ad* *Mecham* *de-*
votionis *caussa* *fit*, *descriptio*, 57, 58,
59

Calculorum *productionem* *potus* *aquæ*
Niliacæ *prohibet*, & *calculos* *genitos*
expellit, 13

Calicem *cum* *hostia* & *duabus* *tedis* *ac-*
censis *cur* *Ægyptii* *in* *templorum* *atque*
ædium *parietibus* *depingant*, 39, 40,
41

Callaf *Planta* *in* *Ægypto*, *quæ* *ob* *odoris*
suavitatem *incredibilem* *diligentissi-*
me *ab* *agricolis* *alitur*, 193. *aqua* *ex*
floribus *ejus* *parata* *ad* *vires* *roboran-*
das *remedium* *omnium* *est* *optimum*, 193.

an *Avicennæ* *innotuerit*, 192, 193.
Varia *inter* *hanc* & *salicem* *differe-*
ntia, 194

Callitriches *simiarum* *genus* *aliis* *man-*
suetius & *fidius*, *cur* *ita* *dictæ* &
quænam *inter* *has* & *Cynocephalos* *in-*
tercedat *differentia*, 242, 243. *varia*
illarum *figura*, 243, 244, 245

Caloyeri, *sacerdotes* *Christianorum* *in*
Ægypto *Græcorum*, 97

Cameli *in* *Ægypto* & *Arabia* *copio-*
ssimi *propter* *insigne*, *quod* *ex* *illis* *per-*
cipitur *commodum*, *sancta* *animalia*
dicti, 223. *Triples* *illorum* *genus*,
223. *Schoenanthi* *flores* *depascuntur*,
182

Camelæ *quam* *parum* *comedant* & *bi-*
bant, 79, ab *Arabibus* *cur* *maximi*
æstimatæ, 80, 224. *Illarum* *lac* *ad*
varios *morbos* *remedium* *omnium* *præ-*
stantissimum, 225

Camelopardelus *cujus* *sit* *figura*, 236

Cancrus *parvissimus* *incredibili* *cursus*
velocitate *præditus*, *qui* *observatur* *in*
litore *maris* *Alexandriæ*, 203

Canes *in* *Ægypto* *copiosi* *sed* *omnes* *fere*
Leprosi & *qui* *id* *fiat*, 230. *summa*
Ægyptiorum *erga* *illos* *humanitas*,
230, 231

Canities, *quomodo* *eam* *Ægyptii* *retar-*
dent, 124

Caphic *liber* *Arabicus* *de* *linguæ* *hujus*
eloquentia *tractans*, 85

Capilli *ut* *sint* *pulcri* & *longi* *quibus* *me-*
dicamentis *utantur* *Ægyptii*, 124

Capræ *in* *Ægypto* *copiosæ* & *admodum*
disciplinabiles, 229. *quædam* *ex* *illis*
aures, *extremitate* *sua* *terram* *contin-*
gentes *habent*, 229

Carceris *Arcana* *dicti* *descriptio*, 112,
113

Cedria, *cur* *ea* *non* *condita* *videntur*
Ægyptiorum *corpora*, 37

Cerastes, *Serpentum* *genus* *in* *Ægypto*
copiosum, 209. *cujus* *sit* *figura* &
an *cornicula* *habeat* *in* *capite*, 209, 240
Ca-

RERUM MEMORABILIU M.

- Calchantus in Ægypto varii generis reperitur*, 150
- Chameleones animalia lacertosa in Ægyptiis stirpibus frequentia*, 215. *torrido sunt adpectu at nihil adferunt noxæ*, 216. *dentibus carent*, 216. *mirus in illis muscarum venatus*, 216. *Duplicis sunt differentiae & utriusque figuræ*, 216
- Chamira, ita dictæ sunt Ægyptiis radices, quas Pharmacopæi, pro legitimo hermodactylo venditant*, 184, 185 *nihil habent facultatis purgatoriae, sed mulieres Ægyptiæ iis utuntur ut evadant pingues*, 185, 186. *an sint Colchici Græcorum*, 187
- Champsini venti in Ægypto perniciosi, unde ita dicti, & quando flare incipiant* 4, 5
- Chamus Dictionarium Arabicum absolutissimum*, 85
- Chelidonia Aspidis serpentis species cujus sit figuræ*, 208. *illius morsus quænam excitent symptomata*, 209
- Cheropotamus animal Niliacum cujus sit figuræ*, 245, 248
- Cherixæa Aspidis serpentis species cujus sit figuræ*, 208. *illius morsus quænam excitent Symptomata*, 208, 209
- Chiromantia in Ægypto summopere excolitur*, 87
- Christiani in Ægypto non ita nunc litibus vexantur ut ante et quomodo id obtinuerint*, 91, 92
- Christiani Cophti Eutychis sequuntur hæresim*, 101. *sub unius Patriarchæ disciplina vivunt*, 101. *admodum sunt religiosi*, 101, 102. *quomodo parum abfuerit quin Romanæ Ecclesiæ obedientes facti fuissent*, 103-109. *quidam ex illis in deserto D. Macarii asperriam ducunt vitam*, 113, 114
- Christiani Græci in Ægypto quam profitantur vitam*, 97. *immunitatem habent a vestigalibus*, 98
- Cibi quibus utuntur Ægyptii*, 63-73
- Cichoreum in Ægypto copiosum*, 155 *radicibus ejus saccharo conditis, ne a caloribus lædantur, utuntur Ægyptii*, 155
- Ciconiæ in Ægypto copiosæ*, 199 *magno ibi in honore habitæ quod serpentes occidant*, 199
- Circulatores in Ægypto admodum sunt faceti & bestias quasi erudiunt*, 61
- Colchicus, ejus radix pro diverso anni tempore, quo e terra effoditur, variæ pollet facultate*, 188, 189
- Collyria duo ad conciliandam oculis gratiam Ægyptiis maxime familiaria*, 228, 129
- Colocassia radix, quam Nilus producit, vel longa est vel rotunda*, 166. *planta ejus in Ægypto sterilis est in peregrino autem solo aliquando floret*, 169, 167. *an Arum Ægyptiacum sit*, 186. *an antiquorum faba Ægyptia sit*, 169, 170, 171, 172, 173
- Colossus Ægyptius, saxum marmoreum maximum, in quo facies ingens exsculpta visitur*, 33. *per majorem Pyramidem ingressum habuisse videtur*, 34
- Columbæ ab Ægyptiis tabellariorum loco adhibentur & cur*, 44
- Columbus ita dictus piscis volans in Ægypto*, 198, 199
- Comædiæ ab Ægyptiis in Nili fluminis incisione instituuntur*, 60. *admirabili & incredibili arte per umbras in scenam productas sæpe repræsentantur*, 60, 61
- Coriandrum five Corianum in Ægypto copiosum, & usus ejus in ferculis parandis frequentissimus*, 156
- Crabrones in Ægypto copiosi*, 205
- Crocodilus bestia inmanissima in Ægypto ubinam frequentior observatur*, 218. *cur circa insulam Deltam inveniantur paucissimi*, 218. *quam facile a rusticis, uno vel duobus capiatur*, 218 *cujus sit figuræ*, 218. *quemadmodum*

I N D E X

- dum os illius ab excrementis carniū
in dentibus relictis avicula quædam
roſtro ſuo purget, 219
Crocodilus, ipſius caro comēſta ad ve-
nerem augendam maxime confert, 132
Cultura agrorum in Ægypto propter Ni-
li fluminis inundationem nulla opus eſt,
6
Cuſſaf cibi genus maximum in Medici-
na uſum præſtans, 69
Cyaneus lapis in Ægypto punctis aureis
micans, 149. quem in Medicina
præſtet uſum, 149
Cynocephali ſimiarum genus maxime
libidinoſum & induſtrium, 240, 241
variæ illarum figuræ, 241, 242
Cyperus eſculentus, radícula parva non
longe a Nilo in terra proveniens, 175

- D**amiata civitas ad Nilum flumen, ip-
ſius deſcriptio, 38. via ab hac civitate
juxta Nilum flumen, unica, quæ
in tota Ægypto reperitur, 39
elta inſula, cur ita dicta & ubinam
jaceat, 14. propter foecunditatem in-
ſula aurea Arabibus dicta, 14. Ori-
zæ, ſacchari, & ſalis albiſſimi copia
ibi ſumma, 14. urbs ejus præcipua
Finè, 14. piſcibus & fructibus ſca-
tet, 14, 15
Dentifricia quibus utuntur Ægyptii ad
præſervandos dentes à carie & putre-
dine, 129, 195
Dipſas utrum viperæ ſpecies an ſui ge-
neris ſerpens ſit, 210, 211. illius mor-
ſus enẽxplebilem inducit ſitim, 21.
ab eo læſi an curari poſſint, 211
Ditrè ita dicitur Arabibus pterygium, 75
Dorſi labore mulieres pleræque Ægy-
piæ laborant, 77
Draco verus an fabuloſus ſit ſerpens,
212, 213
Dromades, Camelorum genus velociſſi-
mum, in Ægypto & Arabia copioſi,
223, 224. quis illorum in bello ſit
uſus, 224

- E**bnagel ducam liber omnia medica-
menta tam ſimplicia quam compoſita ex-
hibens, 119
Elephantiaſis tam Arabum quam Græ-
corum in Ægypto graſſatur, 76, 77
Elephas animal omnium maxime diſci-
plinabile, 236. quomodo proboscide ſuo
antiquos capitis dolores ſanet & qui id
fiat, 236, 237
Endivia in Ægypto copioſa, 155. radices
ejus ſaccharo conditæ a caloribus præ-
ſervant, 155
Epidemici morbi quinam ſint Medicis,
73. in Ægypto ſæpe graſſantur, 74,
77
Equi in Ægypto præſtantiffimi, 47
220, 221
Equites Ægyptii omnium mortalium dex-
terrimi, 47, 48
Eteſiæ venti in Ægypto aërem maxime
temperatum & ſalubrem reddentes,
5, 6

- F**aba Ægyptia, figura ejus Mattheolo
delineata videtur fictitia, 168. niſquam
in Ægypto reperitur, 169
Falcones in Ægypto præſtantiffimi &
copioſi, 200
Federicus Imperator, ipſius inſtitutum
Hieroſolymam ex Mahometanorum Do-
minio liberandi quem ſortitum fuerit
exitum, 39, 40, 41. quid de omni hac
re ſentiendum, 41, 42
Feminæ in Ægypto non niſi impetrata
a Præſecto venia & ſoluto ipſi veſti-
gali artem meretriciam exercere poſ-
ſunt, 62. illis templa ingredi non licet,
92. poſt mortem non in Paradifum ex
Mahemetis lege, ſed in alia quædam loca
amœna veniunt, 92. ita plerumque
ſunt pingues ut locum mutare vix poſ-
ſint, 185
Fictilia Ægyptii habent varia & quan-
tam ex materia ea conficiant, 55, 56, 138
Fiſtula lignea vel ex alia materia in ædi-
bus

R E R U M M E M O R A B I L I U M .

bus Cairi ad excipiendum ventum septentrionalem, 22, 23
 Formicæ in Ægypto copiosæ, 205
 Fructus, quos possunt, Arabes, siccos reponunt, & postea toto anno aqua emolitos assumunt, more optimo, 66
 Fuè urbs insulæ Deltæ præcipua, 14
 omnium ad victum pertinentium copia ibi incredibilis, 14, 15

G.
G. Arabes duplex habent gutturale & non gutturale, 86
 Gait provincia in Ægypto, ubi smaragdorum puteus est, 144
 Gallinæ in Ægypto numerosissimæ, 200
 nunquam ibi gloriunt sed pulli radiis solaribus excluduntur, 200
 Gallinæ Numidicæ in Ægypto pretiosissimæ sunt, 201
 Gazellæ in Ægypto copiosæ & cujus sint figuræ, 232
 Generandi facultatem, quibus remediis Ægyptii præservant, 130 seqq.
 Gemmæ in Ægypto quænam nascentur, 144
 Geomantia ars quædam divinatoria in Ægypto & summo ibi exulta, 87
 Giemalazar templum Cairi maximum, 20.
 Gymnasium in eo templo celebre, 20

Giemen, male per hanc vocem Syria intelligitur, cum Arabibus notet Arabiam felicem, 69
 Glires in Ægypto copiosi & esui grati, 233, 234
 Granatis (syrupus de) inter leniter solventia præstantissimus quomodo conficiatur, 15

H.
H. Arabes habent triplex, 86
 Hæmorrhoids, serpens summe exitialis, cujus sit figuræ, & quomodo interimat, 211
 Hebræi in Ægypto plurimi sunt, & plerique vectigalia publica conducunt, 115

Hermodactylus herba in Ægypto copiosa, ad podagricos & arthriticos dolores tollendos utilissima, 183. is, qui in Pharmacoceptorum officinis reperitur, non est legitimus neque quidquam facultatis purgatoriae habet, 184, 185, 186. an sit species Colchici, 188
 Herniæ carnosæ in Ægypto admodum sunt frequentes, 74, 75. trium magnitudine insignium exemplum, 75
 Hippopotamus cujus sit figuræ, animal Niliacum, 245, 246, 247
 Hirundines duplicis generis in Ægypto inveniuntur, 198
 Horreum Ægypti Cairi exstructum, 21. singulo septennio tritico repletur & quomodo per id tempus triticum illud conservetur, 21
 Hyosciamum album circa Pyramidas magnas in ea planicie copiosum, 179

J.
I. Aspides in Ægypto varii generis nascuntur plurimi, 147. optimi ex illis Heliotropii dicti, 147. inter illos quidam est, qui limonis succo tinctus sponte hinc inde moveatur, 147
 Ibis magno in honore apud Ægyptios habitus, quod serpentes occidat, 199. Duplex in Ægypto invenitur candida una altera nigra, 199. Clysteriorum usum ab hac ave cognitum fuisse tradunt, 199, 200
 Ichneumon-vespæ genus, quod Phalangium oppugnat, 204, 205. sanguinis est expertus, 204
 Ichneumon sive mus Pharaonis muris genus sylvestre cujus sit figuræ & indolis, 234. mures mustelas felesque occidit & ex rapina vivit, 235. naturale illius adversus Crocodilum & Aspides odium, 235
 Jesrif liber Arabicus linguae Arabicæ declinationes continens, 85
 Incisio Nili quomodo & quam ob causam fiat, 9, 10. ad hanc Christianis accedere non licet, 10

I N D E X

Insecta quæ in Ægypto vivunt animalia,
204. seqq.

*Inustionibus Arabes homines a variis
morbis præservant & abortos tollunt,* 120

*Iosephus, ipsius domicilii vestigia Cairi
superesse putant quidam,* 21. *quomo-
do septennio incorruptum conservave-
rit frumentum,* 21

*Iris in Ægyptum maxime defertur ex
Græcia vel Syria,* 181. *Maximi ab
Arabibus æstimatur,* 181

*Judaici lapides cur ita dicti & cujus sint
figuræ,* 149. *quem in Medicina usum
præstent,* 149

*Juvenæ sylvestres in Ægypto copiosæ
& cujus sint figuræ,* 233. *utrum boves
Africani an bubali veterum sint,* 233

K.

*Kali herba, ex qua ista parantur cine-
res, Ægyptus abundat,* 151, 158

L.

*Lac nutricis an probum sit super specu-
lum experiuntur Ægyptii,* 126

Lacerta Cbalcidica, v. Seps.

*Lapides varii generis qui in Ægypto
reperiuntur,* 142, 143

*Lactuca Ægypto propria & aliis præ-
stantior, an, sicuti Galenus voluit, de-
leteriam habeat frigiditatem,* 63, 64,
153, 154. *probi sanguinis effectrix
est,* 64, 154

*Lacus in Ægypto hieme siccati, adve-
niente nova aqua ex aucto Nilo pisci-
culos generant ex putri materia esui
jucundissimos,* 202

*Lens & oriza duo præcipui Turcarum
cibi,* 68

*Leones in Ægypto non ita mansueti
redduntur ut iis in venatu pro canibus
utantur,* 237

Lepores in Ægypto rari sunt, 232

*Ligustrum in Medicina usum præstat
maximum,* 125, 192. *aqua ex eo
extracta ad quos morbos depellendos
profit,* 125, 192. *oleum quod ex eo
conficitur,* 193

Lites in Ægypto quomodo pertractantur,
91

Lotus Ægyptia an Nymphaeæ species sit,
161. seqq. *mirabiles illius ad solem
conversiones,* 161. *Costas ejus radi-
ces per tres menses comedunt Ægyptii,*
165 *an verum sit Ægyptios ex ejus
seminibus panes conficere,* 165,

Lupi in Ægypto duplo minores sunt,
232

*Lupus inter Niloticos pisces primus, vi-
tulo sæpe major quam vili vendatur
pretio,* 201. *pinguissimus est & sua-
vissimus,* 202

M

*Maligni morbi, quinam ita Medicis
audiant,* 74

*Maliffæ gallinæ in civitate Cairi anse-
rum magnitudine,* 27

Malva in Ægypto copiosa, 155. *ejus
usus in Medicina,* 155, 156

Mahemetana religio quid doceat, 89, seqq.

*Mahemetes quomodo populo persuaserit le-
gem, quam ipsi ferebat, ab ipso Deo
esse præscriptam,* 97, 98

*Margaritiferæ quædam majores conchæ in
Ægypto reperiuntur ex quibus vasa con-
ficiuntur,* 106

*Marianus (Paulus) Gallorum in Ægy-
pto consul, ipsius labor & industria de
Christianis cum Romana Ecclesia con-
ciliandis,* 103-109. *quomodo ob eam
rem consulatu fuerit spoliatus & quid
deinde de eo fuerit deliberatum,* 110.
seqq.

*Marmora in Ægypto cujusque coloris
plurima inveniuntur,* 142. seqq.

*Mas, Leguminis genus maximum in Me-
dicina usum præstans,* 86. *utrum
hoc pisa sint Galeni,* 69, 177

*Masvè urbs Cairum, Ægyptiis ita dicta.
v. Cairum.*

*Matarea locus extra Cairum civitatem,
& domuncula ibidem exstructa cultu
B. Virginis celebris* 24

Mauri, illorum religio, 19. seqq. *illorum,*
780

RERUM MEMORABILIMUM.

monachi & coetus religiosi 93, 94. je-
junium singulis annis habent 30.
dierum, 95.
Medici in Ægypto non totam profiten-
tur artem sed tantum quandam ejus
partem, 119, 128.
Mensium suppressione Ægyptiæ muli-
eres raro laborant, 13.
Meretrices in Ægypto, quotannis certum
vectigal Præfetto pendere debent, 62.
Mesuag lignum quoddam quo Ægyptii
dentes fricant, 129, 195, 196.
Metallica quæ in Ægypto observantur
medicamenta, 150, 151.
Milius Æthiopicum in Ægypto copio-
sum, & cujus sit figura, 177.
Mithridatium ad venerem augendam
Ægyptus familiare neque valetudini
nocet, 133.
Mogni liber Arabicus de linguæ hujus
elegantia agens, 85.
Morbi in Ægypto grassantes, 73-77
& quomodo curentur,
Morochtus lapis terra quædam est quæ
in Ægypto effoditur, & cur ita a
Dioscoride vocetur, 139-149, 150.
Morpheæ an nomen sit Arabicum, 77.
Mosch planta similis Bammæ, qua
Mosch legitimum adulterant, 191.
Mugiles varii generis in Nilo observan-
tur, 202.
Muli in Ægypto innumeri, & velocis-
simi, 222.
Mumice medicata Ægyptiorum cadave-
ra, & in perpetuum duratura, qui-
bus condita sint, 35, 36. intus conti-
nent semper aliquod idolum, 35. dif-
ferunt a corporibus arena siccatis, 37.
Mures in Ægypto diversi generis copio-
sissimi, 234.
Mus Pharaonis v. Ichneumon
Muscæ in Ægypto copiosæ & oculis
molestissimæ, 207.

N.
Necromantia in Ægypto maximopere
exculta, 87, 88.
Nilus flumen inundatione sua agros in
Ægypto reddit fertiles 6. ipsius in-
crementum, dimensio, et incisio ad
agros irrigandos, 8. 9. 10. ipsius
Aquæ bonitas et præstantia, ususque
in Medicina frequentissimus, 11. 12.
13. 76. duas ad usum ciborum radi-
ces producit et quænam sint illæ, 161.
170. quosnam producat pisces, 201.
seqq.
Nitrum Ægyptiorum an antiquis fue-
rit cognitum, 141. usum in
Medicina præstat maximum, 140. sa-
por ejus pungens & amarus est, 141.
duo ejus genera, 141.
Noctuæ in Ægypto copiosissimæ, 198.
Nubes servi apud Ægyptios vilissimi,
52, 53.
Nubia, incolarum ibi fides summa, 53.
serpentes ibi longissimi, hominis
crassitie, capita instar bovis habentes,
& herba ad illos fugandos, 213.
Nymphææ pulvere ligustro mixto in
febre ardente utuntur Ægyptii, 125.

O.
Oculos quomodo Ægyptii ab inflamma-
tionibus præservant, 127, 128.
Onagri uno armati cornu in Arabia
multi, 233.
Ophylinus serpens disciplinæ aptissimus
& circulatoribus Ægyptiis ob id maxi-
me utilis, cujus sit figura & quam
miro procedat modo, 213, 214, 215.
Opium Ægyptii eo ad augendam Vene-
rem utuntur, sed tandem Atropiam
parit, 133. alia ex eo ortæ ma-
la, 133.
Oryza Turcis in deliciis habita, 61, 177.

P.
Pantheræ in Ægypto copiosæ & cujus
sit figura, 238. longe animosiores sunt
Pardo, 238. excrementum odoratum
Zebetum.

I N D E X

- Parpaver** *Ægypto nascitur nigrum & album*, 159. *albi in Medicina usus*, 159, 160. *ex nigro capitibus confusis succum exprimunt, quem pro opio venditant*, 160, 179
- Papyrus** *planta in Nilo flumine nascentis*, 160
- Pardi** *in Ægypto copiosi, cujus sint figuræ & indolis*, 237, 208. *non facile cicurantur at circuratis ad venandas Gazellas utuntur*, 238, 299
- Periploca** *ubique locorum vivens planta*.
- Pestilentes morbi** *quinam sint*, 73
- Pestis** *in Ægypto frequens & ut plurimum vehemens est*, 74
- Phalangium** *quomodo ab Ichneumone conficiatur*, 204, 205
- Philonium** *Ægyptii eo utuntur ad augendam Venerem*, 133. *miram in corpus humanum vim exserit*, 133-134. *incommoda, quæ exinde oriuntur*, 34
- Ptyas Aspidis serpentis species** *virus suum in hominem expuit*, 207. *ejus figura*, 308. *ab eo demorsi voluptate intereunt*, 318
- Piper longum** *planta in Ægypto copiosa, cujus sit figuræ*, 158
- Pisces volantes** *in Ægypto*, 198, 199
- Pisces qui in Nilo flumine & Ægypti lacubus inveniuntur, 201. *seqq. illorum ova sale condita in vicinas mittuntur insulas*, 203**
- Pisciculorum mirabilis ex putri materia in lacubus Ægypti generatio, 202**
- Plantæ esculentæ in Ægypto nascentes, 153. *seqq.***
- Podagra antiquata** *Ægyptii non laborant*, 184. *hermodactylus legitimus utilissimus contra illam remedium*, 183. *seqq.*
- Porphyrites** *in Ægypto copiosus*, 143. *ex hoc lapide columna Pompeji & aliæ quæ Cairi exstant sculptæ sunt*, 143
- Potus quibus utuntur** *Ægyptii*, 73-74.
- Psittaci** *in Ægyptum complures ex Æthiopia convehuntur*, 200. *maiores disciplinæ capaciores*, 200
- Psyllium** *in Ægypto copiosum*, 182. *seminum illius in Medicina usus præstantissimus*, 182
- Pterygium**, *oculorum dolor*, *Ditré Arabibus non Zeber dictum*, 75
- Pyramides Regum Ægyptiorum sepulcra** 28. *duarum ex illis majorum descriptio*, 28, 29. *quomodo ad majoris ex illis duabus fastigium adscendatur*, 29. *qualis ad eam ingressus pateat*, 29. *quomodo sese intus habeant*, 30, 31. *peteus ibidem repertus & ad quem usum*, 32. *Minor altera Reginæ cujuspiam esse creditur, sed neque ingressum neque adscensum extrinsecus admittit*, 33
- R.**
- Ramices** *cujusque generis morbi Ægypti sunt patrii*, 74, 75
- Ranæ** *in Ægypto, excepta Pelusio & Damiata, non inveniuntur*, 202
- Rassit** *oppidum antiquis Canopus dictum illius descriptio*, 27, 31
- Rhinoceros**, *ex ipsius cornu Ægyptii multi parant vascula*, 56
- Rosæ** *in Ægypto copiosæ* 19. *communium, quas vocant, in Medicina usus*, 10
- Rupeum Alumen factitium** *in Ægypto multo præstantius eo, quod fit in Italia*, 150
- S.**
- Sal** *in Ægypto est optimum* 140. *in terræ superficie crescit*, 140
- Sapores** *qui tantum septem numero esse voluerunt quosnam intellexere*, 141, 142
- Sbechie** *campus extra urbem Cairum amoenissimus*, 25
- Scarificatio crurum** *apud Ægyptios ad bubdum exercetur*, 119
- Schænanthus**, *Funcus odoratus in Arabia nascitur omnium præstantissimus*, 181. *cur flores illius non ita in magna copia suppetant*, 182
- Scholopendræ terrestres** *in Ægypto copiosæ*,

RERUM MEMORABILIU M.

pioſæ, 207
Scincus animal amphibium in aqua & in terra vivens in Ægypto frequens, 217. illius ad venerem movendam vis maxima, 217. cuius ſit figuræ 217, 118
Scoletitis, lapis juxta radices montis Sinai naſcens, cuius ſit coloris & figuræ, 141. quem in Medicina uſum præſtet 149
Scorpiones, in Ægypto alii albicantes alii virides tertium genus non datur, 205 iſtus illorum adeo exitiales ſunt ut nulla contra illos valeat antidotus, 205, 206. oleum ex illis ad Medicinæ uſum paratur, 205. Mauris ita familiares ſunt ut illos non lædant, 206
Segetes quando in Ægypto matureſcant, 6
Seps animal lacertoſum, & lacerta Chalcidica vocata, in Ægypto frequens, & an venenata ſit, 215
Seps ſive Sepedo ſerpens ſumme exitialis & quomodo interimat, 211
Sepulcra Ægyptiorum fuere cubicula intra ſaxeam Pyramidum planitiem excavata, 34. qualis ad ea pateat ingreſſus, 35
Sergius, primum Chriſtianus, Mahometanæ dein ſectæ auctor præcipuus 97. quomodo Mahometem in Lege ipſius promulganda adjuverit, 97. exitus ipſius miſerrimus, 98
Serpentes in Ægypto cuiuſvis generis copioſi, 217. ſeqq. in Nubia provincia inveniuntur longiſſimi, hominis craſſitie, capita bovis inſtar habentes & herba ad illos fugandos ibi nata, 213
Serpentes quidam ab Ægyptiis comeduntur, 71
Serpentinus Lapis, cur ita dictus Jaſpis quidam parvus, 147
Servæ apud Ægyptios triplici colore diſtinguuntur, & quænam ſint præ-

tioſiores, 49, 50
Servos inter opes Ægyptii numerant, 49. plerique ex Nubia & Abiſſia in Ægyptum convehuntur, 49
Selami planta in Ægypto copioſa, 158 oleum ex eo confectum præſtantius eſt oleo olearum, 158
Sife liber in Medicina optimus & utiliſſimus, 118
Silex quidam in Ægypti montibus naſcitur, in quo ſilvæ herbarum & arborum quaſi pictæ imagines cernuntur, 146, 147
Simiæ varii generis ex Æthiopia in Ægyptum mercaturæ couſſa convehuntur, 240. variæ illarum figuræ, 241, 242
Sitis in Ægypto aegris eſt periculoſiſſima 76
Smaragdi pretioſiſſimi in Ægypto ubi effodiantur, 144, 145. an in compoſitione electuarii de gemmis præſcribuntur, 145. quomodo ab Arabibus vocentur, 145
Solum in quibusdam Ægypti locis ita nitroſum eſt, ut corpora ibi ſepulta in Mumias ſiccentur, 37
Sone horreum Ægypti Cairi exſtructum v. horreum.
Sphinx Ægyptia, ipſius deſcriptio, 33 34
Spodium Metallicum quem in Medicina præſtet uſum, 150, 151
Stirpes quæ in Ægypto naſcuntur, 152, 153
Stomachi cruditate plerique Ægyptii laborant, 77
Struthiocameli in Ægypto copioſiſſimi 200
Sues in Ægypto copioſi & cur a Turcis in ſtabulis una cum equis alantur, 230

I N D E X

T.

Tabaxir, caute hæc vox a Medicis accipi debet propter duplicem ejus significationem, 150, 151

Tamaxir gummi Indicum, facultatem habens refrigeratorem, 150, 151

Terræ, quas Ægyptus producit, 137, 138, 139

Testudines in Nilo nascuntur omnium maximæ, 202. ex operimentis ejus usque quaquam rotundis & amplis clypeos conficiunt, 203. Illarum caro si bene coquatur esui suavis est, 203

Theriaca Ægyptiorum quomodo paratur, 209 an sitim inducat, 210, 211

Theriaca ad Venerem augendam Ægyptiis familiaris, 133. qui ea utuntur secunda utuntur valetudine, 133

Tigres lænis sunt quam simillimæ & nunquam mansuefuerunt, 237

Triphera, variis ex ea compositionibus ad augendam Venerem utuntur Ægyptii, 133

Triticum quomodo in horreo Cairi exstructo per septennium conservetur, 21 quo tempore in Ægypto seratur, 175

Trochilus avicula, quemadmodum ea Crocodilum ab excrementis carniū in dentibus relictis purget, & volente os claudere Crocodilo iterum evadat, 219

Turdi cur de Ægypto pinguiissimi 148

V.

Vasa apud Ægyptios in usu sunt murrhina. 55. an in Ægypto conficiantur, 145 ex qua materia fiant 145, 146. vim continent venenis resistendi, 146

Venæ sectio ad præveniendos morbos in Ægypto est frequentissima, 126

Venereos actus quibus remediis Ægyptii excitent, 130 seqq. 180

Veneris dies apud Mauros veluti festus est, 92. ea die omnes Christiani Alexandria a Mauris ædibus suis orandi tempore includuntur, & quam ob causam, 92, 93

Vervices quidam in Ægypto usque adeo pingues habent caudas ut ad juvandum incessum rotulas ligneas illis supponent, 229. illorum caro omnibus aliis præfertur, 228

Vespæ in Ægypto copiosæ, 204

Viæ Cairi quæ sunt innumeræ noctu portis ligneis clauduntur, 24

Vinum Ægyptiis ex Mahemetis Lege non nisi coctum bibere licet, 90. 91 si hiberint qua poena afficiantur 126

Vipera Avicennæ legitima cujus sit figura & coloris 210

Vitiligo alba & nigra in Ægypto est frequens, 77. quomodo utraque Arabibus dicatur, 77

Ursi in Ægypto non ita copiosi & ovibus non majores neque ita feri, 232

Vulpes in Ægypto non ita copiosi & minores, 232

Z.

Zamarut, perperam creditur ab Arabibus ita dici smaragdus 145

Zebetum, ita dicitur excrementum odoratum, quod Pantheræ ex testibus exsudant, 239. maximo venditur pretio & plerumque adulteratur, 239

